

民國二十二年八月校訂重印

新本州綱目 前編

上海醫學書局發行

新本草綱目自序

日本小泉榮次郎君、深通理化學之藥劑師也。因西洋醫學輸入日本後、凡古來沿用之和漢藥品、士大夫幾以草芥視之矣。小泉君心不爲然、於是將和漢藥品專心研究者數十年。凡各藥之異名產地製法基本形態品類成分效能處方用法用量禁忌來歷等類、皆一一依次纂述、而以備考雜纂附焉。搜羅藥品至五百餘種、徵引諸家、頗爲賅博、成書二鉅冊、名曰和漢藥考。原書每部日金十二元五角。余買時合國幣十四元六角。余見是書對於吾國藥物、有以化學分析其成分、而確實知其功用、得以別開一種新處方者、實爲吾國數千年從來未有之大發明也。至其博採舊說、亦詳而不煩、簡而有要、元元本本、燦然大備。新舊學說、治爲一鑪。確爲醫界有用之書。非徒資博聞、供談助者可比。余故亟爲譯成

漢文。因其綱分目析、開帙犖然、故易其名曰新本草綱目。然國醫或、以爲離經畔道、西醫或以爲土飯塵羹、皆未可知。是書成本甚鉅、故僅印百部、爲吾同志研究之資云爾。不足爲外人道也。

中華人民建國之十有八年十月晉陵下工識

新本草綱目例言

一 本書原名和漢藥考、日本藥劑師小泉榮次郎君所著、和藥僅居少數、茲一律登載、如李氏本草綱目採罌粟淡巴菰例也、

一 日本原書、其藥名之排列法、以伊呂波等爲次第、不合吾國之用、故將全書分爲強壯、健胃、瀉下、利尿、收斂、衝動、祛痰、解熱、清涼、鎮靜、鎮痙、鎮痛、解毒、驅蟲、興奮、緩和、變質、催吐、通經、引赤、腐蝕、賦形、芳香、眼藥、雜類、凡二十有五章、往往有一種而具數種功用者、則數章皆可收入、茲擇其最顯著之某一種功用、而歸入某章、閱者若以爲歸類不當、則見仁見智、眼光各異、本不能強途人而同之也、

一 原書於各種藥物之異名、產地、製法、基本、品類、成分、效能、處方、用法、用

量、禁忌、來歷、備考、雜纂等、皆詳爲著錄、各項中或有二、三項闕者、茲皆一仍其舊、

一 各藥之有效成分、及醫治效用等、有經日本諸博士學士、暨各專門家精細研究而得者、已詳見於各雜誌、原書僅撮要摘錄、而附識各該雜誌名稱與號數於下、以備學者之攷核、茲譯亦一仍其舊、

一 原書所述各藥之效能、大抵本於日本人香川修德著一本堂藥選、寺島良安著和漢三才圖會、東洞吉益著藥徵、內藤尙賢著古方藥名表、小野蘭山著和漢日用方物略、丹波元堅著訂補藥性提要、三村玄碩著靈寶藥性能毒大成諸集、採用吾國之書、僅汪昂之本草備要一種而已、

一 漢醫處方、無不以數藥互相配合、但某爲主藥、大都不詳、原書所列諸方、多依據袁元熙校惠民局和劑方、加藤謙齋纂張氏醫通纂要、及醫療

藥方規矩、那須玄竹著醫方集要、松下元真著藥方全書、本鄉正豐著醫通日用綱目、平住惠安著醫方大成、東洞吉益著類聚方、方機、方極、古方兼用丸散方、香川修德著醫事說約、平岡水走著方苑、立花貞庵著古方分量考、喜多村直寬著傷寒雜藥類方、西川國華著上池祕錄、丹波元堅著觀聚方、山田元倫著名家方選、未織雄齋著經驗副方等集、凡各方附列某藥之後者、大抵某藥卽爲處方中之主藥也、

一 原書引用之單方、皆屢試屢驗而奏效甚速者、其方多依據日本人宜春庵著食物本草、奈良宗哲著袖珍仙方、林良適與丹羽正伯合著普救類方、穗積甫庵著救民妙藥、藤井見隆著妙藥博物筌、多紀元德著廣惠濟急方、多紀桂山著救急選方、船越君明著妙藥奇覽、原南陽著砦草、吉田威德著拔苦救民集、平野重誠著救急撮要及救急摘方、岡田靜安著

農家至寶記諸集、他如故老之口傳、及諸家之隨筆雜書等等、並選錄焉、
卽原書所載之民間治療是也、本書易作單方、

一 原書所舉之用量、係一次所服之量、或本諸古籍、或質諸故老、惟和漢藥多天產物品、各藥不惟有精粗之別、卽培養產地、以及採收時期焙炙浸漬等項、亦大有不同、因之成分效能、遂有顯著之差異、故原書中所舉之用量、猶未可謂一定不易也、特示其大概而已、總之每日宜服三次、當三倍其量、作三次分服可也、

一 原書內有%、卽百分之幾之記號也、如一%、卽百分之一、一〇%卽百分之十、一五%卽百分之十五、又如〇·一%卽千分之一、〇·〇一%卽萬分之一、〇·〇一五%卽十萬分之十五、餘類推、

新本草綱目前編目錄

第一章 強壯藥

人參	一至一九
葦苈仁	一九至二三
肉桂	二三至二五
桂枝	二五至三四
地黃	三四至三七
連錢草	三七至三九
胡桃	三九至四三
阿膠	四四至四九
鹿茸	四九至五一
山藥	五一至五六
飴糖	五六至五九

胡麻	五九至六三
黃耆	六三至六六
黃精	六六至六八
鼠牝臍	六八至七〇
枸杞子	七〇至七二
龍眼	七二至七四
鐘乳石	七四至七六
大棗	七七至七八
杜仲	七八至七九
蘿藦	七九至八〇
落花生	八〇至八二
鹿角	八二至八四
鹿角膠	八四至八五
補骨脂	八五至八七

肉蓯蓉	八七至八八
雞子	八九至九二
蛇床子	九二至九五
蓮肉	九五至九七
蔓荊子	九七至九八
益智	九八至一〇一
芡實	一〇一至一〇二
菟絲子	一〇三至一〇四
南天燭	一〇四至一〇五
山茶黃	一〇五至一〇七
龜板	一〇七至一〇九
柏子仁	一〇九至一一一
何首烏	一一一至一一二
桑寄生	一一一至一一五

乳汁	一一五
鼈甲	一一六
淫羊藿	一一七
覆盆子	一一八至一一九
陽起石	一一九至一二〇
桑螵蛸	一二〇至一二一
龍骨	一二一至一二二
鐵粉	一二二至一二五
女貞	一二五至一二六
楮實子	一二六
慈石	一二七至一二八
仙茅	一二八至一二九
靈天蓋	一二九至一三〇
巴戟天	一三〇至一三一

絡石	一三二
列當	一三三
桑椹	一三三至一三四
石南葉	一三四至一三五
紫石英	一三五至一三六
人中白	一三六

第二章 健胃消化藥

黃連	一三七至一四一
胡黃連	一四一至一四五
龍膽	一四五至一四六
生薑	一四六至一五七
良薑	一五八至一五九
厚朴	一五九至一六二
黃蘗	一六二至一六五

葛蒲	一六六至一七一
肉苻蓉	一七一至一七三
苦參	一七三至一七五
茴香	一七五至一七七
蒼朮	一七七至一八五
白朮	一八五至一九一
莪朮	一九一至一九三
陳皮	一九三至一九四
橙皮	一九四至一九五
竹節人參	一九六至一九七
牡蠣	一九七至一九八
木香	一九九至二〇五
當藥	二〇五至二〇六
胡椒	二〇六至二一〇

石斛	二一〇至二一三
草豆蔻	二一三至二一五
山楂子	二一六至二一八
伏牛花	二一八至二二〇
五穀蟲	二二〇至二二二
胡荽子	二二二至二二四
神麴	二二四至二二六
萊菔子	二二六至二二七
麥芽	二二七至二二八
勃勝	二二八
土荊芥	二二八至二二九
葶草	二二九至二三〇
白豆蔻	二三〇
方解石	二三〇至二三一

西國米	二三一至二三三
第三章 瀉下藥	
大黃	二三三至二三七
蘆薈	二三七至二三九
巴豆	二三九至二四三
大戟	二四三至二四五
甘遂	二四六至二四八
續隨子	二四八至二四九
蓖麻子	二四九至二五二
膽	二五三至二五四
藤黃	二五四至二五五
朴硝	二五五至二五七
牽牛子	二五八至二六三
芫花	二六三至二六五

營實	二六五至二六八
雲實	二六八
射干	二六九至二七一
白桃花	二七二
鼠李子	二七二至二七三
瀉利鹽	二七三至二七四
第四章 利尿藥	
琥珀	二七四至二八一
商陸	二八二至二八七
赤小豆	二八七至二九〇
車前	二九一至二九四
西瓜	二九四至二九六
澤瀉	二九六至二九八
蜩蛄石	二九八至三〇〇

冬瓜子	三〇〇至三〇一
葶藶	三〇一至三〇五
茵陳蒿	三〇六至三〇八
郁李仁	三〇八至三〇九
蜀葵	三〇九至三一三
杜松子	三一三至三一五
冬葵子	三一五至三一六
瞿麥子	三一六至三一七
燈心草	三一七至三一八
白茅根	三一八至三二〇
豬苓	三二〇至三二一
茯苓	三二二至三二六
滑石	三二七至三二八
防己	三二九至三三一

木通……………三三一至三三五
地膚子……………三三五至三三六
蝸牛……………三三七至三三八
海金砂……………三三八至三三九
榆白皮……………三三九至三四一
王瓜……………三四一至三四二
石韋……………三四二至三四三
蕘花……………三四三至三四四
枳椇……………三四四至三四五
馬蘭子……………三四五至三四六
澤蘭……………三四六
澤漆……………三四六至三四七
淡竹葉……………三四七至三四八
大腹皮……………三四八

烏白……………三四八至三四九
螻蛄……………三四九至三五〇
貝甲……………三五〇
旋花……………三五一
羅漢柏……………三五一至三五二
山扁豆……………三五二
芭蕉……………三五三

第五章 收斂藥

五倍子……………三五三至三五九
阿仙藥……………三五九至三六五
明礬……………三六五至三七〇
禹餘糧……………三七一至三七三
蝟皮……………三七三至三七五
白梅……………三七五至三七六

烏賊骨	三七六至三七八	鹿蹄草	四〇六
蒲黃	三七八至三八〇	童便	四〇七
石灰	三八〇至三八三	荷葉	四〇七至四〇八
臙脂	三八三至三八六	髮灰	四〇八至四〇九
白及	三八六至三八九	馬勃	四〇九
伏龍肝	三八九至三九二	烏樟	四一〇
益母草	三九二至三九四	無名異	四一〇至四一一
三七	三九四至三九七	大薊	四一一至四一二
密陀僧	三九七至三九九	血竭	四一二至四一七
弟切草	三九九至四〇〇	沒藥	四一七至四二一
側柏葉	四〇〇至四〇二	訶子	四二一至四二二
鬱金	四〇二至四〇三	五靈脂	四二二至四二六
貝子	四〇三至四〇四	石榴	四二六至四二九
竹筴	四〇四至四〇五	槐花	四二九至四三〇

楊梅	四三一至四三三
白頭翁	四三三至四三四
陳廩米	四三四至四三五
柳葉菜	四三五至四三六
罌粟殼	四三六至四三八
罌粟子	四三九至四四〇
拳參	四四〇至四四一
玫瑰花	四四一至四四三
地榆	四四三至四四四
土骨皮	四四四
槐牛兒	四四四至四四五
杠板歸	四四五至四四六
鼠尾草	四四六至四四七
代赭石	四四七

椿根皮	四四七至四四八
茺蔚子	四四八至四四九
鐵漿	四四九至四五〇
雞冠花	四五〇至四五一
卷柏	四五一至四五二
血石	四五二
落葉松茸	四五二至四五五
醋	四五五至四五九

第六章 衝動藥

烏頭	四六〇至四六七
白附子	四六七至四六八
斑貓	四六八至四七一
沈香	四七一至四七五
皂莢	四七五至四八一

天南星……………四八一至四八七
 穿山甲……………四八七至四九〇
 蟾酥……………四九〇至四九二
 吳茱萸……………四九二至四九九
 食茱萸……………四九九
 川芎……………四九九至五〇七
 辛夷……………五〇七至五一〇
 紅花……………五一〇至五一五
 白殭蠶……………五一五至五一八
 烏藥……………五一八至五二〇
 桃仁……………五二〇至五二二
 木龍子……………五二二至五二四
 蜈蚣……………五二五至五二六
 丁香……………五二六至五二八

白檀……………五二八至五三二
 蘇合香……………五三二至五三四
 藿香……………五三四至五三六
 惡實……………五三六至五三九
 韭……………五四〇至五四二
 山蒜……………五四二
 縮砂……………五四三至五四六
 漏蘆……………五四六至五四七
 蒺藜子……………五四七至五四九
 白丁香……………五四九至五五〇
 牛蒡根……………五五〇至五五二
 白花蛇……………五五二至五五三
 豨薟……………五五三至五五五
 烏蘇莓……………五五五至五五六

新本草綱目

第一章 強壯藥

人參 Ginseng. (英)

異名 參 人身 人御 人蔘 人微 土精 玉精 地精 白物 神草 海腹 鬼盜 黃石 黃參 血參 湯參 棟參 百濟參 白修參 羊角參 遼東參 紫團參 孩兒參 高麗參 百尺杵 皺面丹 皺面還丹 金井玉蘭

產地 黃石、一爲方解石異名、神草、一爲天麻異名、土精、一爲牛黃異名、地精、一爲何首烏、肉蓯蓉、地黃、地骨皮、雄黃異名、人參之著名產地爲高麗、中國、美國、日本、

(高麗) 人工培植者、爲京畿道開城、龍仁、平安道江界、全羅道錦山、忠清道忠州等處、自然生產者、爲江原道太白山地方、

(中國) 產滿州盛京、吉林、河北省永年縣、山西省長子縣、(清屬潞安府)、雲南省姚安縣、(清爲姚州)、安徽

省舒城縣等、其中滿州之遼寧、吉林兩省所產者、稱關東人參、

(美國) 產北加羅里那州及坎拿大地方、

(日本) 產福島、長野、山形、栃木、島根、鳥取諸縣、

其本 人參屬五加科、*Parax ginseng*, C. A. Mey. 此其經過數年之根也、

人參爲多年生草、初年一莖生三葉、二年生二枝、每枝生五葉、三四年生三枝五葉、莖高達二尺餘、葉爲掌狀複葉、類七葉樹葉、花小作淡綠色、有五瓣、類似五加花、作繖形花序排列、實扁平、初綠色、熟則呈紅色、中有種子二三、

品類 中國及朝鮮以人參爲百病靈藥、日本民間及漢法醫士、亦頗尙此、中國之用參最廣、國內所產不足需用、故歷年高麗、美國、日本俱有鉅量輸入、祇日本年約輸入三十萬斤左右、今由貿易上、分之爲關東人參、高麗人參、美國人參、日本人參四種、

中國人參 中國人參有二種、一爲野生、一爲人工栽植者、滿州栽植之人參、每斤價自二兩至十二兩、深山自生者、有時每斤價有至銀一千兩者、野生人參、年數愈久、價亦愈昂、辨別年數、視莖外面之目點、即可知其老嫩、往昔滿州地方採取人參、係歸政府專利、常驅役兵丁入深山冒險搜採、其後民間之私自採取者頗多、政府幾失却專有之權、該地官憲、進獻北京宮內之人參、係用他物所徵各項稅金、購買市上所售人參以貢者云、(明治廿一年刊行中國貿易物產字典)

高麗人參。高麗人參可大別爲紅參及白參二種。紅參係生根蒸過一次而後乾燥者。價貴。白參係生根未經蒸過即乾燥者。比紅參價廉。高麗於園圃培植人參。自蒔種後。須閱時七年。方可採取。參園常有兵丁看守。以防盜取。並防密售。蓋全屬官業也。高麗人參之優於他處者。在其品質佳良。充分乾燥。而且根形酷類人體。名實相符。爲世人所尊崇故耳。

高麗採取人參奇談。據隨余之採參者言。韓國內地所產野參。山參。價甚昂。較滿州產者倍之。價昂而產額亦少。江原道之太白山。小白山。爲古來有名產地。其次咸鏡道之麒麟山。白雲山。狼林山。白頭山等。爲八道中有名產地。其中除小白山外。以狼林山所產爲最粗。性質亦佳。故採參者多集此山。詢之居人。云年年可採得三根左右。每根價即普通者亦值百兩。(葉錢百兩約合十八九元)極上等者價自三百兩至五百兩。大官輩之購自京城。平壤附近藥鋪者。上等者每根價約百元。故採參者直接售與藥鋪。上等者普通可得五十元。以彼等生活程度之低。年採得二參。已足資一年生活之費矣。惟價雖昂。而採取亦殊不易。間有終年不獲一根者。亦有得四五根者。以韓人日常生活之悠悠不迫。頗合於經營此業。而採參者。對於人參。頗視爲神聖。在入山一月前。即不接觸婦女。廢酒潔齋。於入山之日。早晨用冷水淨五體。供神饌。乃首途云。惟採自然參者。罕見年少之人。什九多四十以上五十以下者。據云萬一受神罰。恐禍及一家云。探索人參方法。由時而異。最簡之法。係於雪未消盡時入山。則有山參處。地氣較暖。雪融約二尺四方。一見即知。夏季雖便於查明參之年數。但搜索不易。大抵於初春以前法搜得後。即置一標

記及時往取、昔時人皆誠實、若見經年不久之山參、卽標記己名、待三五年後往取、仍可得之、近則雖隔一日、爲人盜取、故一經搜得、卽閱年未久、亦必取歸、因之近年殊難如昔時得閱年較久之上品也云、(報知新聞淺泉亦盧子談)

美國人參 美國所產人參、係屬五加科植物 *Parax quinquefolius*、之根、專運銷中國、有野生及栽植者二

種、多數係將野生者移植、或於蒔種後經四年或七年、採取其根晒乾者、無有如高麗紅參之湯蒸乾燥者、

日本人參 爲日本輸入中國之一重要物產、皆係栽植、而無野生、大抵於蒔種後經五年、採掘其根、照高麗紅參

法湯蒸乾燥者、

栽培 栽植人參、氣候及土質均有關係、種下後、又常須注意調護、且非經數年、不能出售、其栽植法、屬農業範圍、今從略、

湯蒸 乾燥採掘之根、有用湯蒸法者、高麗之紅參、卽生根湯蒸者、日本人參、亦悉將生根湯蒸乾燥、故根中澱粉爲之糊化、根呈餛色、作角質狀、

高麗紅參 參圃已經過四五年、待秋涼採掘參根、用清淨流水洗濯、參根甚脆弱、須注意將土除去、先用竹刀去

參尾間之泥、用水洗淨、洗後、晒一二日、去其水氣、倘逢陰雨、則擇置他室、濕氣多時、室中宜備炭爐、

洗法最須細心、應悉除去細根、不留泥土、並注意勿傷及根、

蒸法最爲重要、其成績之良否、全視此法之巧拙、參根水氣既乾、即應着手於蒸、法先築大灶、架大釜、注清水至七分處、用適宜方法以檢水之沸蒸、（高麗係於釜中沉置一銅匙、水沸騰時、匙亦隨之昇降作聲、可由外部知其熱度如何、）釜中置甑、（甑爲陶製、其底有八九小孔、）甑內互架樹枝作井字形、後於上層、樹立參根、蓋以適宜之蓋、以防蒸氣外洩、於下灶點火、及水已沸騰、須注意火力、宜始終均等、不得稍有強弱、若火力不均等時、則甑中參根、或熟或不熟、終成無用、大抵水沸騰後、至參根蒸熟、須費二小時云、又釜湯與參根間、宜用白布遮隔、可免水沸騰激、衝入甑內、若沸湯浸入甑內、即參根帶黑褐色、不能成爲紅參、

蒸法用蒸籠、待參全身柔軟時、即取出、蒸太過或不足皆所最忌、故不可將大小相混、或不同者相混蒸之、因往往蒸壞也、又放入蒸籠時、若累疊多數、則下層者受壓有致變形而減其價值者、

甑內參根、估量已適度蒸熟、即取出、移置席上、使之冷却、後再安排於有數層之棚內、層底始終放置火爐、使之乾燥、如是四五日間、漸呈紅色、即紅參也、

乾燥之法、於蒸後、細心注意其色澤、過紅者、則於日光下燥之、過白者、則於溫突內乾燥之、氣候不佳時帶赤色者、亦置溫突內乾燥之、此時須注意火力、其乾燥概須費六七日云、

若將帶赤色者、置溫突內乾燥之、則乾後色將過濃、將帶白色者、置日光下乾燥之、又將失之於淡、致減其市價云、製造已畢事、乃檢其大小、權其輕重、區分爲十五個至三十個以上各階級、各重一斤、個數愈少者、愈爲上品、品評

良否、卽稱其個數、如以十五個成一斤者、稱爲十五斤之類、

參之形狀色澤、於聲價上、最有關係、例如某處產、幹粗脚細、或者幹長、一一異其價、惟脚曲者最忌、以兩脚並直者爲佳、故乾燥時、須注意其形狀、如有屈曲、或相交等、宜於乾燥前用布包之、矯正其形、紅參概以形態具備、類似人體者爲貴、對於其實効反不注重云、（輸出重要品要覽人參條拔萃）

●日本參 日本人參之湯蒸法、由各產地而稍異、惟大略則相同、今記福島縣會津地方之湯蒸法如左、採掘人參根、去其莖三分許、用機束刷及水洗淨、再除去鬚根一分許、截斷之、（謂之毛肉、供藥用）凹部粘土、用竹篾剔出之、略別爲五等、第一等謂之（イ）印、第二等謂之（ロ）印、第三等謂之（ハ）印、第四等謂之（ニ）印、第五等謂之（ホ）印、亦猶吾人之分爲甲乙丙丁戊也、其大而有疵者、謂之大稀、小而有疵者、謂之小稀、截斷鬚根、謂之毛肉、或有列爲第六七等者、通常將根倒插籃內、（每籃重約一貫、按每貫爲六斤四兩）置沸湯中燙之、法先用水二斗五升、加昔年製成之人參五錢、甘草二兩五錢、細辛二兩五錢、煎沸、以湯水變褐色爲度、汰去滓屑、再注加火酒七合五勺、然後先投入下等品、順次及上等者、約燙五分鐘取出、卽浸入冷水中、待其全冷、乃搬至別處曬乾、約燙人參十籃、則煎湯不能再用、晒場應擇善能受日光之處、設置高三尺棚架、上敷竹簾、排置各根、晒一日間、翻轉六七次、夜間入焙爐焙乾、約經三日、外皮粗乾、可以自由屈曲、乃斫去露頭及鬚根、曲者矯之使直、再晒四五日、卽畢事、（逢陰雨時、則祇用焙爐）於是放入厚紙袋、收藏筐中、（內國勸業博覽會出品解說）

形態

人參種類頗多，故其形態亦有種種，但一般則以類似人形者爲貴，此亦不過需要者之迷信而已。

高麗人參亦有多數種類，其最佳品，並不在根之大小，以作雞腿形或人形，質重，呈飴色，內部濕潤，稍透明，味甘，稍有苦味者爲上。

日用藥品考曰 柴田正簡著 文化七年刊行

人參有朝鮮、唐和三種，（唐卽中國、和卽日本），以朝鮮者爲上，此卽方書所載

之遼東參、遼參也，自昔迄今皆有運到，但天質自然者甚少，皆係經人工製造者，（運唐山者亦皆經製造，見五雜俎及本草原始）亦有數種，但不拘其形之大小長短，終以重實黃潤、橫紋細、嘗之有餘味者爲佳，今運至者有一產「單參」二種、

產 根形圓、有枝者、用糊粘之、根末曲上寸餘、亦用糊粘之、蓋欲使見根大也、此種亦呼「曲出」「尻曲」「蝦出」其蘆頭多由人工插入、故終以自然蘆頭者爲真、昔時運到者、以潤而有飴色者爲上品、近時運到者、皆用砂糖潤之、故今又以黃白色、少潤、乾燥、皮厚者爲良、皮薄者、砂糖易潤透肉、作赤黑色故也、在日本加人工者、其潤尤多、粘指著紙、易腐、難踰夏、

單參（或書作韌參、箠參、短參）將根之小者擊扁、凹其中、多入碎小根、或於縱徑裂開入糊其中、製成根半片、又另將多數之鬚、用糊善加粘合、製成扁形、再用糊粘合於前根半片、使成圓根形、於上插入蘆頭、因原根形細、故用此法製之使大也、但截斷之、則成二重、甚爲難觀、又有於圓根上、插入單參蘆頭、製成「產」形、或屈尾、或不屈尾

者、此等皆非正圓、但悉爲韓參、故爲良品、惟須將糊善加洗淨用之、

本巢樣、獻上樣 日本市上所謂本巢者、卽今韓參之總稱、呼「產」者、亦稱本巢產、單參之改造者、或呼「本巢造」、或呼「本巢細工物」、曰「獻上樣」者、卽「產」之上品、可備上獻者故名、

判事 爲昔時運到韓參之上品者、此品今已絕無、故今之所謂判事、乃係中國運到人參之上品者、形狀肥大、其色黃潤、甚爲美觀、唐山俗名羊角參、惟氣味薄、在韓參之次、

關於本巢判事、其說頗多、或云昔之判事、今之韓參、悉呼本巢云、一說判事本巢、俱爲朝鮮地名、譯傳簿云、韓參之上品者、謂之判事、廣參品云、判事係昔時朝鮮判事之官所攜至人參之上品者、故名判事云、今市上又呼判事爲新山、呼本巢爲本山、

廣東人參、係從中國廣東運來、形狀略類朝鮮人參、外皮帶黑色、有皺紋、此物並非真人參、乃菊科植物三七 *Gynura pinnatifida*, D. C. 之根、

大槻盤水翁於其所著廣參存疑一卷、(寬政年間刊行)言華商所運到之廣東人參、並非真人參、乃係三七根、舉例加以證明、又小野蘭山翁著廣參說一卷、(文化七年刊行)對於其爲三七根、亦加以考證說明、

御種人參、係日本將朝鮮種栽培者、其形質與韓參無異、根長四五寸、粗有至八分者、呈銜色、

人參價格、視根形大小、而爲上下、大者爲上、小者爲下、每斤十三四枝者爲最上、通例至二十四五枝、日本產者以

每斤三十枝左右者爲上等、二三百根始滿一斤者爲下等、在七十根以上不以根數爲一斤者、謂之無數、祇聚集根之破折者、謂之肉折、又祇聚集鬚根者、謂之鬚、有大小之別、

日本信州及會津等所產人參、不另用標記、祇呼幾十根一斤、雲州產者、則別爲二十餘種、附有標記、每斤根數如左、

旭記	二十五根	字記	三十根	宙記	四十根	天記	五十根
鳳記	六十五根	仁記	八十五根	義記	一百十根	禮記	一百四十根
智記	一百八十根	信記	二百三十根	順記	自三百六十根至三百八十根	花記	三十五根
春記	五十根	月記	七十根	夏記	八十根	中夏記	自百根至一百十根
秋記	百根	雪記	一百四十根	冬記	一百八十根	功記	七十五根
商記	自一百四十根至一百五十根	玉記	二百八十根				

旭記爲最上品、稍有癢疵、即不得入選、一萬斤中祇得一二斤、自旭記至天記四品中、有微癢及腐處者、別之爲花、春夏中夏四種、又一種短而粗者、則謂之「哥羅」(譯音)更由大小、分爲月、秋、冬、玉五種、根中稍有腐敗部分者、謂之腐、由其粗細、別爲功商二種、雜名中之虎記、乃由功商二種除出之嫩多而腐大者、次虎記爲最劣品、又鬚根亦別爲二種、大鬚爲焙製參根時、根尖折斷者、小鬚爲鬚根截斷者、人參在一百十根以內者、每根磨刮、使發光

澤、再檢其數量、每斤入紙囊、以五十斤爲一筐、用柿油紙密封、外用草薦包之、謂之一行李、

成分

關於人參之有效成分、尙未有充分報告、額里克斯氏 S. Carrière 嘗就北美產人參研究之、發見有名

「巴那規倫」Panaginon $C_{21}H_{32}O_8$ 之成分、日本京都大學之藤谷功彥氏就朝鮮及日本產人參、從化學研究其成分、亦名之爲「巴那規倫」、據云、朝鮮產者含有 0.25%、雲州產者含有 0.083%、惟對於額里克斯氏之「巴那規倫」、指爲尙非純粹物質、又藥學士朝比奈泰彦、田口文太兩氏、理想人參中、必含有沙波寧、Saponin 就參鬚研究、果得之、欲知其詳、請參閱京都醫事衛生誌第一百三十三號、及藥學雜誌第二百九十二號等、

「巴那規倫」爲黃色無晶形粉末、溶於水及酒精、不溶於伊打、有類似甘草之甜味、其水溶液由鞣酸液而生沈澱、逢鹼液而變褐色、與酸類同熱時、則發生炭酸瓦斯、(額里克斯氏所述)

「巴那規倫」爲雪白色無晶形粉末、有純粹苦味、溶於水、酒精、冰醋酸、及偏蘇爾、不溶於伊打、哥羅仿姆酮 (Acetone)、煤油伊打、阿密魯酒精 (Amyl alcohol) 等、其水溶液、呈中性反應、振盪則生泡沫、左旋分極光線平面、(惟水溶液不將「費林格」液還元)、用稀酸類煮沸、則發生炭酸瓦斯、析出結晶性物質、生右旋性還元性砂糖、其「費尼魯與沙資翁」(Phenyl osone) 化合物、於二百零二度溶解、本品則於一百七十二度左右能熔爲褐色物質、(藤谷氏述)

「沙波寧質」概爲白色或微黃色無晶形粉末、稍有引濕性、味初緩和、後呈永續性苦味、逢水及熱酒精、善能溶

解、冷酒精則難溶、逢伊打、哥羅仿姆、偏蘇爾等、皆不溶解、其水溶液為中性、振盪之、則盛發泡沫、左旋分極光線平面、熱之、則於一百九十度左右發泡、同時變為黃褐色物質而熔解、與稀薄鹽酸或硫酸同熱、則分解生白色絮狀沈澱、又生鹼性銅液還元物質、逢鉛糖液及鉛醋液並不沈澱、但遇鞣酸液則生不易沈積之沈澱、與苛性加里液同煮並不變色、加「費林格」液、則生絮狀沈澱、但不將銅還元、與酸類同熱、亦不發生炭酸瓦斯、（朝比奈田口兩氏述）

效能

中醫用作興奮強壯藥、喜用於衰弱、癆瘵、虛性熱等、

中國昔以人參之上品者貢獻、餘則供貴人服用、人民悉於病後服之、用以增進氣力、婦女臨產服之、則易分娩、農人亦煎參鬚飲一二碗後、乃從事耕作云、

【能】 生甘苦、微涼、熟甘溫、大補肺中元氣、瀉火、得升麻補上焦、瀉肺火、得茯苓補下焦、瀉腎火、得麥門冬瀉火而生脈、得黃耆甘草乃甘溫、退大熱、東垣曰、參耆甘草、退火聖藥也、明目、開心、益智、安精神、定驚悸、治虛勞、內傷、發汗、自汗、多夢、

已故豬子醫學博士之和漢藥論曰、人參用作興奮強壯藥、為漢醫所尚、但徵於余之實驗、殊不能加以讚賞、尤以在危急時、不見近功、惟持久服之、經數日或數週始稍見營養佳良云、

據藤谷功彥氏之漢藥人參之藥物學的研究豫報曰、用「巴那規倫」之稀薄液、注入蛙之胸淋巴囊內、則起中

樞性麻痺、蛙之心臟、漸次減少其搏動、始僅微弱、終而休止、對於器械的刺戟、或亞篤魯濱（Atropine）皆不感應、若豫先投以亞篤魯濱、制止心臟神經、然後投以本品、其成績亦相同、故知本品顯係侵襲心臟肌肉而使之麻痺者、著者由以上試驗而下結論曰、此「巴那規倫」實為一種肌肉毒、侵襲心臟、尤為強烈、類似鉀鹽、倘果如 *numerich* 之說、（鉀鹽雖為心臟毒、但用少許、反能興奮心臟機能、因而增加脈搏、亢進血壓）則用本品少許、或亦能興奮心臟機能、果爾、則人參於藥用上之本品含量、實際極微、古人用之於衰弱狀態、不能謂為全然不能證明云、

調製 人參自昔即謂萬病有效、為人所重、有以參根製為蜜餞、名人參糖、用作茶點者、至其製劑、則有濃煎人參葉所製越幾斯劑之人參膏、

人參膏 於大暑前摘取人參葉、晒二三日、置釜中用武火煮一日間、用水囊濾去渣滓、再將其煎汁入釜煮二三日、見稍凝固、即移於他器置之、經數日而成固塊、即謂之人參膏、用於霍亂及小兒諸病、

處方 人參在治療上效能、視為萬靈聖藥、故方書中配合人參之處方甚多、今略舉數種如左、

○人參膏 治七情勞傷、精神短少、言語不接、肺虛、咳嗽、及諸失血、

人參（十兩）

右細切、以活水二十盞、浸透、入銀石器內、桑柴火緩緩煎、取十盞濾汁、再以水十盞煎、取五盞、與煎汁合煎成膏、

○人參固本丸 治肺勞虛熱、

人參(二兩) 麥門冬(炒) 天門冬(炒) 生地黃 熟地黃(各四兩)
右蜜丸、

○人參平肺散 治心火肺刑肺痿咳嗽喘急、

人參 茯苓 陳皮 地骨皮 甘草(各一錢) 知母(炒七分) 五味子 青皮(去穰) 天門冬(去心
各四分) 桑白皮(炒一錢)

右剉一劑、水煎服、

○人參黃芪湯 治潰瘍飲食少思失眠發熱、

人參 白朮 陳皮 麥門冬 蒼朮(米泔浸) 黃芪(一錢) 當歸 升麻(各五分) 黃柏(炒四分)

右剉水煎服、

○人連丸 治癩痢積、

人蔞 黃連 吳茱萸(各同量)

右糊丸、

○參乳丸 大補氣血、

人參(末) 人乳粉(各同量)

右蜜丸、乳取粉法、取無病年少婦人乳、用銀甌或錫甌傾乳少許、浮滾水上頓、再浮冷水立乾、

○參蘆丸 治虛弱人痰涎壅盛、

人參蘆

右爲末、水調下、或加竹瀝和服、

○參花散 治咳嗽發熱氣喘吐紅、

人參 天瓜粉(各同量)

右爲末、每服五分、蜜水調下、

貯法

人參易受蠹食、故須善加密封而貯之、又若與細辛同密封之、可藏數年云、

用法

去蘆頭剉用、或焙或浸酒炙之、

禁忌

畏五靈脂、惡皂莢、黑豆、及藜蘆、

用量

三分至一錢、

贗品

人參價昂、故昔時以僞物混充者不少、今將日用藥品考所記一節、摘錄於左、

市鋪所貨者、眞品甚少、本邦多以諸參僞充之、其號爲朝鮮之「產」者、多用日本御種人參之橫紋多者僞充、甚

難辨別、(偽品亦有屈尾者、故與產難辨、)名爲判事及大人參者、多以廣東人參或土參(吉野人參)僞充、惟用土參僞充者、有時呼爲系緋、用廣東人參僞充者、有時呼爲白緋、凡僞品皆用砂糖或雞卵使之柔潤、或用緋木、或用絲繩之、使之重實、

產地 日本不產人參、其種子乃來自朝鮮、而栽培於各地者、此見諸古書、而歷歷可考者也、中國及韓國人參、來歷不詳、今將散見諸書、足資參考者、摘錄數則如左、

(韓國人參之起原) 去今數百年前、一韓人於巨濟(釜山與馬山浦之間)之幽谷、發見一奇草、採掘之、攜至釜山、以示中國商人、詢其名、不能答、即出高價購之、且頻促再往探索採取、此事喧傳遐邇、人爭趨之、深山幽谷、一時採掘殆盡、該韓人乃試行栽植、終不能如天然產、其後思得一法、將栽植者蒸熟晒乾、再示之中國商賈、云此亦可、韓國之人參殆即起原於此、蓋始識之者爲華人、而今則成爲韓國國產之一云、(軍醫學會雜誌第一百六十三號水谷梅次郎氏韓國人參考所載)

(韓國紅參輸入中國狀況) 韓國之輸出人參於中國、以宣德年間廢除歲幣金銀、改齎紅參、爲其濫觴、自是高麗人參之名、見稱於中國、歷年貢使赴北京時、許隨員各帶紅參八十斤、准其出售、謂之包定數、明亡清興、運帶紅參、其數大增、貢使隨員書狀官以下三十五六名人員、共得攜帶至一萬二百斤、此外義州商賈之隨該員密運者、年達一二萬斤云、

隨員攜帶紅參、應豫先在松都購得定數、每斤納錢文二十五兩（二貫五百文）之稅、於松都留守處取得類似今之印花者、貼箱上、准許攜帶、及一行渡鴨綠江時、義州府使再加查驗、復納每斤二兩（一云銀四兩半）渡江稅、始准通行云、（明治十九年七月九日官報所載）

（美國人參運銷中國之起原） 美國人參始於一七一六年有名華薩拉布周者、在坎拿大地方之蒙得利爾發見、法人立即購集此根運售中國、數年間蒙得利爾貿易、因此大為繁盛、又印度人亦採集蒙得利爾及克愛柏克野生人參、運售中國、（摘錄輸出重要品要覽人參之部）

（日本產人參之來歷） 高麗人參種子之傳入日本、或云係豐臣秀吉征韓時帶回、或云係元文三年（一云寬政年間）德川氏求種子於高麗、種之於下野國都賀郡日光山、乃有御種人參之名云、關於日本栽植人參之舊藩制度、傳播狀況、詳載輸出重要品要覽人參之部、茲摘錄如左、

栃木縣 最先栽植藥用人參者爲栃木縣、享和年間、德川氏求種子於朝鮮、使栽植於日光山神領、即該山直轄之村落、派員監督、發行股票、使栽植者執以爲證、嘉永年間、更發新股票、擴大栽植、有新股舊股之稱、明治維新後、乃廢官業、歸人民自由栽植、

島根縣 寬政年間、始行栽植、先是藩主陰命其家臣小村幾十潛遊日光、求人參種子、當時栽植人參業、係幕府專有、絕不傳播、氏因充役夫得入該地、習其耕種培養製法等、並竊得種子藏匿箝中、歸藩後試種之、成績甚佳、於

是先有御手園之設、次許人民栽植、謂之百姓園、惟種子則由官廳分給、收穫時、子實根莖、悉售諸官、其栽植畝數、亦有一定、不准擅自增減、價格則由官定之、一園產額在二貫以上、（按每貫爲六斤四兩）其中上等品得十分之三以上時、視爲豐收、另給賞金以獎勵之、在收穫期、常使「鉢屋」巡邏、守護甚嚴、若有竊盜、則終身囚於獄、但未有處死刑者、蓋因原種本係竊自日光故也、當時藩廳置有人參奉行、郡設人參園役所、（役所卽官衙）駐有役員、莊屋中亦置有役人、以監督其業務、故成績整然、但自藩廢、此亦隨之俱廢矣、

福島縣。初寬政年間、德川幕府求人參種子於高麗、高麗王吝不肯與、後幕府又遣使至高麗曰、將軍有病、百方不驗、倘得人參生根一服、或可得救云云、高麗王竟贈以人參一盆、此蓋出醫員某之畫策、於是幕府試栽之於野州、日光、今市等地、卽世稱日光人參者是也、當時會津舊藩主松平欽文、僅得種子三顆、種之於若松城內花園、因地質相宜、逐年繁殖、老職田中玄宰、頗有志於物產、乃使於城西太郎兵衛新田、及城東御山村諏訪原野試植、亦甚繁殖、後復於黑岩村南青木村山口長藏圃內專設藥圃栽植、於是更爲蕃殖、傳播遠近、其時又於青木村及穗馬村、置栽培者各四名、專司培養事、復托大阪豪商天王寺屋儀平、代爲販售、於是人參成爲本藩之一產物、其後製造額逐年增多、遂有人參役所、人參奉行等之設、置主任二、屬吏數十、制定栽培規則、惟其製法、全歸官手、不許人民自由製造、製造既成、卽鑑定品位、運往長崎、由足立仁十郎管理、又派遣主任官吏、使管理貿易事務、以輸入中國、舊藩節制保護之嚴如此、故品位尤居上等、自維新以降、解放束縛、培養製法、俱流於粗鹵、大失聲價、（內國

勸業博覽會出品解說所載)

山形縣 文政七年時、東置賜郡漆山村、有多勢長兵衛其人者、索種子於會津藩播種之、實爲嚆矢、同時又有會津人長藏者、分與同郡伊佐澤小關喜一郎以種子十二粒、使之試種、當時人參利益甚厚、向長藏乞種子者頗多、氏因以每粒十二文價出售、共售去種子五勺、當時會津藩嚴禁將人參種子售出他藩、爾後始漸傳播、漆山伊佐澤利鄉、赤湯、大塚五村、亦皆栽植云、

鳥取縣 嘉永元年、有出雲國意宇郡大庭村人、攜有人參種子、獻之於舊米子城主荒尾家、種之於會津郡幡鄉村大字鶴田村、此爲該縣栽植人參之濫觴、當時視爲荒尾家之專業、不許民間栽植、自明治四年廢藩以來、乃移歸民業云、

長野縣 弘化元年、長野縣北佐久郡志賀村、有神津孝太郎其人者、從日光長畑村高村銀右衛門得種子二十九粒種之、未有良果、同二年三月、再求得種子一合試種、亦無結果、因於同年七月密求得會種四年三年一年者數十根栽培之、其能長成者、祇有三年者一種而已、同四年入會津又向人參公司主任青木重三郎、乞得種子五合種之、稍能長成、爾後每年下種少許、俱獲良果、嘉永二年、聘野州人高村某、試行製造、其初種植者尙少、自安政至文久、價格上漲、種植乃盛、至明治六七年時、產額竟達數十萬斤、(中略)又同縣下南佐之郡、亦栽植人參、慶應元年、舊龍岡藩主大給侯、命家臣山田忠助求種子於會津、頒布轄境各村、使精於農者種植之、力加獎勵、又命

各村名主加以保護、對於培植、耕肥、及製造等法、亦無不加以指導、其製品運售於橫濱港、竟獲得意外利益、是為該郡種植人參之始云、

備考 記述人參產地、培植、品類、性能、真偽、鑑定、貯法等之古書不少、日本著名本草學者精通人參之田村藍水翁、關於人參著作尤多、今略列人參著作數種如左、

- | | | | |
|-----------|----|-------|------|
| 人參識(手抄本) | 二卷 | 曾 槃 著 | 享保年間 |
| 人參耕作記 | 一卷 | 田村玄臺著 | 延享四年 |
| 和漢人參考 | 一卷 | 加藤順著 | 延享五年 |
| 人參譜(手抄本) | 五卷 | 田村玄臺著 | 寶歷五年 |
| 人參類集(手抄本) | 一卷 | 田村玄臺著 | 寶歷五年 |
| 人參辨(手抄本) | 一卷 | 栗本昌藏著 | 安政六年 |
| 蓑製祕錄(手抄本) | 二卷 | 田村玄臺著 | 年代未詳 |

雜覽 人參昔時視為萬病靈藥、日本德川幕府為之特設人參座、自享保三年至天保十四年約一百二十年間、對於培植法及買賣等、曾頒法令數次、詳載日本社會事彙人參條下、

慧苡仁 Pearl barley. (英)

異名 韮 玉珠 米仁 米珠 苡仁 起目 芭實 威米 屋莖 薏黍 籐珠 解蠶 葡蘆 有乙梅

回回米 草魚目 草珠兒 薏米仁 薏珠子 珠子米

其本 係屬禾本科薏苡 *Coix lacryma, L. 之子仁*、

薏苡為一年生草、園圃常栽植之、稈高四五尺、七月中旬、於梢上葉腋、開白色數花、後結淡褐色有光澤之橢圓形小實、實中有孔、以指頭壓之、則實皮自破、

形態 薏苡仁類麥粒而狹長、外部被有淡褐色薄皮、內部白色、嚼之、如糯米粘著齒間、

藥鋪所售薏苡仁、多用小兒所玩弄之川穀 *Coix agrestis, Lour.* 實、用石臼粗磨、以所得之仁充之、

成分 據日本駒場農學校分析薏苡仁之成績云、薏苡仁在禾本科植物中、為最富滋養、易於消化之穀類、蛋白質含量之多、他穀罕有其匹、並含有與小麥相等之多量麩質、(Gluten) 脂肪亦多、其質透明、殆無色、纖維極少、有機成分中、脂肪之多、有似燕麥、但其滋養則遠過之、惟其灰成分、則與通常禾本科植物無異云、(明治十九年六月十九日官報農商務省報告)

成分 新鮮者(除去外皮) 乾燥者

水 111.09

蛋白質 17.57 19.98

脂油

五・八〇

六・六〇

可溶性營養化炭

六二・三八

七〇・九六

澱粉

五四・五四

六二・〇五

細糊精

一・七三

一・九六

分糖質格留哥斯等

三・九八

四・五二

未詳物

二・一三

二・四三

纖維

〇・八六

〇・九八

灰

一・三〇

一・四八

合計

一〇〇・〇〇

一〇〇・〇〇

效能

用作利尿及健胃藥、又華人喜用於癆瘵肺疾、謂有特效云、

據已故豬子醫學博士言、薏苡用於肺癆有效、殊屬疑問、蓋此不過一滋養品而已云、（見氏所著和漢藥論）

【能】甘微寒、筋急拘攣、不可屈伸、風濕痺下氣、久服輕身益氣、除筋骨中邪氣不仁、利腸胃、消水腫、令人能食、破

毒腫、健脾胃、補肺、清熱、利小便、熱淋、

薏苡根、用作通經藥、

【單方】 生疣、用薏苡仁、木賊等分煎服。

用法 與糯米等分同炒、去米用、或用鹽湯煮炒用、或祇炒用、

用量 二錢至八錢、

來歷 薏苡原係中國西部所產、日本於享保年間始傳入云、

備考 薏苡仁昔時用作取疣藥、見稱於民間、寺尾國平氏於臨牀藥石新報、發表有「薏苡仁之治疣作用」一篇、今轉錄如左、

薏苡仁治疣有效、耳之已久、但徵之諸籍、如吉益東洞著藥徵云、「主治浮腫也、」香川太冲著一本藥選云、「治風寒濕痺、」又岡本一抱著和語本草綱目云、「療水腫、健脾胃、增食云云、」等、概用作利尿劑及健胃劑、未有言及治疣功效者、據予所檢索、片倉元周著青囊瑣探治疣神方中、有云「用薏苡仁二錢、甘草一錢、水一盞半、煎一盞溫服、四五日、疣脫如掃、」又石黑忠德著外科說約治疣法中云、「自昔喜用薏苡仁末內服、予嘗聞其說於柳元永翁、因其理不明、故不之信、邇來逢全身生有小疣數個者五人、使試服薏苡仁末、其中二人經三四月而全治、全疣皆脫落、因質之友人、皆云有效、雖尚未詳其理、但實際有效、故附記於此云、」所見者祇有此二項記事、予往年實地試驗、認為確實有治疣作用、故於當時順天堂醫事研究會總會、公表其効驗、(該會雜誌第一百六十九號)邇來每有機會、即用此方、輒皆奏効、惟略有遲速耳、故今愈信薏苡仁確有治疣作用、(中略)

關於薏苡仁之用法、或以其粉末外敷、或用於內服、予則將薏苡仁連同其殼細剉、用爲煎劑、使粘滑無味、便於服下、小兒一日量三・〇至五・〇、成人八・〇至三〇・〇、予於明治二十六年初、試用薏苡仁治疣、邇來每有機會、輒實地試驗、見薏苡仁之效果、由疣之種類、而大有差異、蓋疣有二種、一作半球形隆起、其質柔軟、表面光滑、一則恰如尖圭「昆琪洛姆」(Condyloma) 其面斷裂、呈鋸齒狀、徵於予之實驗、前者用此、數日至十數日、必可見效、後者則連用十數日、仍絕無效果云、(從臨牀藥石新報第一卷第十一號抄錄)

肉桂

異名 連桂 棟桂 官桂 木桂 大桂 丹桂 咄者 尉佗生 尉佗桂 丹陽木皮

產地 中國爲原產地、此外東印度、安南等處亦產之、

基本 肉桂屬樟科、此用其樹幹及根皮、以其較尋常桂皮爲厚、故名、

肉桂 爲常綠樹、高二三丈、葉互生而革質、作長橢圓形、前端尖、面有三大脈絡、夏月於枝梢及葉腋開淡綠色小花、作聚繖花序排列、花後、結黑色長橢圓形果實、

本草綱目曰、肉桂交趾廣州及嶺南有之、生必高山之巔、冬夏常青、其類自爲林、能侵害他木、更無雜樹、有桂數種、

其葉長如枇杷，堅硬有毛及鋸齒，三四月開白花，九月結實，其皮匾廣薄而味淡多脂者，牡桂（一名板桂）也，皮厚者，爲肉桂，而稱官桂者，乃上等供官桂也，皮最薄者，爲桂枝，去肉桂之內外皮者，卽爲桂心。

〔性味〕 肉桂多爲瓦磚狀或卷捲狀之樹皮，其質堅，呈赤褐色，表面有縱行隆線，有良佳辛味。（第四版改正日本藥局方，亦收載肉桂。）

〔成分〕 爲揮發油、樹脂、膠質、單寧等。

〔效能〕 用作健胃強壯劑，華人平常用以增進體力，老人及柔弱者服之。

〔能〕 辛甘、大熱、氣厚純陽，入肝腎血分，補命門相火之不足，益陽、銷陰，治沉寒調冷之病，能發汗、疏通血脈，宜導百藥，去營衛風寒，表虛、自汗、腹中冷痛、欬逆、結氣。

〔單方〕 心腹卒痛（寒痛）煎肉桂服之，食木實或瓜類中毒時，取肉桂用水濃煎服之。

〔處方〕 配合肉桂之處方如左。

○桂香丸 治大人小兒過食雜菓傷脾，令腹脹氣急。

肉桂（二兩） 麝香（一錢）

右爲末，用飯丸。

○蜀椒閉口有毒，誤食之，戟人咽喉，氣病欲絕，或吐下白沫，身體痺冷，急治之方。

肉桂

右一味、煎取汁飲、

用法 去粗皮剉用、

禁忌 忌火、

用量 三分至一錢、

桂 枝

產地 產於中國之廣西及東印度、

基本 屬於樟科之桂、其新幹及枝之外皮、剝下陰乾、即桂枝也、

桂為常綠喬木、產於次熱帶地方、其形態詳見明治二十三年刊行內務省藏版之日本藥局方註釋、茲錄之如左、
桂為樟科之喬木、自生於中國之南部及交趾、其他熱帶地方、則栽植之、樹幹高大、作灰色、外皮多而易剝裂、所謂桂皮是也、其皮香味甚烈、嫩枝作受壓狀、具有四稜、其莖柄與花穗之分枝、色均灰白、或帶黃、覆以軟毛、葉似皮革、作長卵圓形、有尖端、多係互生、至枝端則對生、長八仙米、至十八仙米、廣二仙米、至六仙米、葉皆有柄、長八密米、生有脈紋三條、面色綠、有光澤、其網絡俱凹陷、背帶褐綠色、有極短之軟毛、香氣亦甚、花穗直立如軸、其末端之華穗、


約有花三朵、花苞頗小、僅四密米、色帶黃白、覆以絹毛、其底部形如圓板、爲卵圓形之片、雄蕊附著於花苞之喉口、其數不定、多作三四螺旋線、在內者爲有生殖性之粉囊、粉囊分四房、疊積爲兩層、其生殖性雄蕊、具有柄梗、或坐立、雌蕊較細、柱頭亦如圓板、果瓣在截片底部之邊緣、有彎裂六條、實爲漿果、被以薄皮、桂之主產地、在中國之廣西省、農家種植此樹、蓋特以爲副業、大都取桂之小樹、移種山腹、約經五六年、發育最爲旺盛、於清明、秋分兩時、掘取其根、洗淨樹幹、削取外皮、以鐮刀切尺許長、凡剝取桂皮一片、卽以竹片張於內面、置日中曬乾、梢枝則先去葉、亦斷爲尺許、剝取外皮、卽桂枝也、其不能全剝之枝皮、則悉碎之、謂之桂碎、種子謂之桂子、粉末謂之桂沫、皆爲製造桂油之原料、其根可作藥用、剝剝之木心、可作燃料、葉亦可製造桂油、竟無一廢棄之物、故農家甚重之、

形態 桂枝爲外面現紅褐色之薄皮、闊五分許、質堅、作螺旋狀、或兩邊向內卷縮、甚至卷轉如管、表面稍粗、有白色縱紋、皆隱隱隆起、裏面現褐色、亦不平滑、破折之處、幾盡平坦、不作纖維狀、味芳香異常、辛味峻烈、

日本藥局方收入之桂皮、乃中國產桂皮、氣芳香爽快、味甘辛、上品也、此因從前中國桂價廉物美、且易得耳、第四版改正日本藥局方所論如左、

桂皮乃剝取桂樹莖幹之皮、曬乾而成、厚自一密米、至三密米、外面灰褐色、或褐色、以顯微鏡檢視其橫斷面、則見其柔軟組織、多含澱粉粒、其內面之石核細胞環層、在中斷、外伴纖維束、而石核細胞之膜壁、其厚薄又每個不同、大都在內者厚、在外者薄、再觀皮部則處處有厚膜纖維、此纖維長者○·七密米、粗○·○一五·至○·○

三密米、並見有油細胞及粘液細胞、髓線概爲二細胞列、含有澱粉粒及細微之羧酸鹽結晶、此結晶皆爲細長菱形、

 桂樹之幹、及枝梢剝下之外皮、其香味及品類、皆有不同、故名稱亦異、品類中最主要者、有桂枝、桂心、肉桂數種、本草言之甚詳、茲就各品類引證之、以考其異同焉、

古方藥品考曰 桂枝、外國產者佳、藥肆分其品類、皮薄、廣三四分者、呼爲比良、嫩皮呼爲和良、即時珍所謂柳桂是也、大抵色紫黑、味辛甘、發香者爲佳品、氣味薄者不堪用、

大和本草曰 天歷御極、有僧長秀、來自中國、攜桂貢獻、據云中國之五條西洞院、有桂宮焉、宮前有巨大之桂樹一株、此即桂宮前所產也、日人聞之、遂呼桂枝曰長秀枝、或曰唐桂心、而呼長秀爲桂宮人、按今日本、亦處處有之、或曰是楓也、非桂也、考本草綱目、桂有二種、一曰菌桂、葉似柿葉、而尖狹光淨、有三縱文而無鋸齒、其花有黃有白、按今日本所產之桂葉、亦頗似柿、有縱文三條、殆即菌桂歟、一曰巖桂、葉有鋸齒、似枇杷葉而粗澁、俗呼木犀、亦桂也、又有天竺桂、極似桂、其皮薄、不甚辛熱、天竺僧稱爲月桂、按即日本所稱之桂心、方中多用之、係去肉桂外面之粗皮、與內面之薄皮、而取其中心、呼曰中桂、亦名桂心、○官桂乃肉桂上品之通稱、時珍曰、上等供官之桂、皆可謂之官桂、凡物加一官字、即堪作官家之儀物、如官桂、官桂砂之類皆是、○酉陽雜俎續集曰、大凡木脈皆一脊、唯桂三脊、菝葜亦三脊、日本之桂皮頗厚、堪入藥用、

日用藥品考曰 方書有肉桂、桂心、官桂、桂枝等稱、大略可分別之、凡近根之最厚者、曰肉桂、去其粗皮而留其近本處、味重而最精者、曰桂心、或去其內外皮、取中心味辛者、亦曰桂心、又名中桂、供獻官家之上品肉桂、曰官桂、頂上細枝、曰桂枝、以其皮薄、又名薄桂、又以其較小、名曰柳桂、從前進口貨、有東京、交趾二種、氣味重厚、皆屬上品、今不多見矣、所謂東京者、長尺許、皮較細、即肉桂也、交趾、係枝皮之捲作兩三層者、即綱目所稱之茵桂、今市人多取廣南桂、擇其形似而辛味甚者、混稱交趾、以求重價、其藥肆所售者、往往以紅毛肉桂爲上、(紅毛肉桂、皮厚者味辛、薄者味淡、與他桂相反、無粗皮、作赭黃色)、廣南桂次之、呼東京者、品斯下矣、是本經逢原所謂板桂耳、○桂枝以呼扁樣者爲佳、其呼爲薑樣、折樣者皆次之、蓋皆自廣南桂中所選出、凡日本產、及漢種所栽成者、辛味俱少、而有澁味、良以桂苟非熱地所產、便不佳良、其栽於嶺北者、辛味殊薄云、

成分

中含揮發桂油(桂皮油)一·〇至一·五%、餘則爲樹脂、粘液質、糖質、單寧酸等、

桂皮油 *Oleum Cinnamomi*. 有桂皮固有之芳香、質澄明而稍濃稠、色帶黃、或黃褐、性善揮發、起酸性之反應、

比重一·〇四至一·〇七、味如燒灼酒精、伊打哥囉仿姆、冰醋酸等能溶解之、其中含有桂亞爾台希度、 C_6H_6 。

$-CH=CH-COH$ 亞爾台希度、 C_6H_5 及桂皮酸等、

效能

中醫視爲治衝逆之要藥、

古方藥品考曰 桂枝煎錄、發表宰宗、○名醫別錄曰、桂味甘辛大熱、主利肝肺氣、心腹寒熱冷痰、霍亂轉筋、頭痛

腰痛、出汗、止煩、止唾、欬嗽、堅筋骨、通血脈、理疎不足、宜導百藥無所畏、按桂枝純陽發散、其枝之性自達乎表部、皮之性自走乎肌膚、味辛熱甘和、而有芳香之氣、以善致發表前鋒也、仲景之不用肉桂而專用桂枝者、即取桂枝皮能發表耳、麻黃湯、大小青龍葛根湯等有發表之功者、皆因加桂枝而致也、故以此爲發表之宰宗、

【能】 辛甘溫、氣薄升浮、入太陰肺經、太陽膀胱經、溫經通脈、發汗解肌、（能利肺氣、經曰、辛甘發散爲陽、）治傷風頭痛、（無汗能發、）中風自汗、（有汗能止、自汗屬陽虛、桂枝爲君、芍藥甘草爲佐、加薑棗、名桂枝湯、能助陽斂表、）調和榮衛、使邪從汗出而汗自止、亦治手足痛風、脅風、（痛風有風熱、風溼、溼痰、瘀血、血虛、氣虛之異、桂枝用作引經、）脅風屬肝、桂能平肝、東垣曰、桂枝橫行手臂、以其爲枝也、潔古曰、氣薄則發泄、桂枝上行而解表、氣厚則發熱、肉桂下行而補腎、王好古曰、或問桂枝止煩出汗、仲景治傷寒發汗、數處皆用桂枝湯、又曰、無汗不得用桂枝、汗多者桂枝甘草湯、此又能閉汗也、二義相通否乎、曰、仲景云、太陽病發熱汗出者、此爲榮弱衛強、陰虛陽必湊之、故用桂枝發其汗、此乃調其榮氣、則衛氣自和、風邪無所容、遂自汗而解、非若麻黃能開腠理、發出其汗也、汗多用桂枝者、以之調和榮衛、則邪從汗出而汗自止、非桂枝能閉汗孔也、○亦惟有汗者宜之、若傷寒無汗、則當以發汗爲主、而不獨調其榮衛矣、故曰、無汗不得服桂枝、有汗不得服麻黃也、傷寒論陽盛忌桂枝湯、陰盛忌承氣湯、）

桂心 苦入心、辛走血、能引血、化汗化膿、內托癰疽疔瘡、（同丁香治痘瘡灰塌、）消癥生肌、補勞傷、煖腰膝、續筋骨、治風痺、癥瘕、噎膈、腹滿、腹內冷痛、九種心痛、（熱痛忌用、）

■桂枝、味辛甘、氣微熱、體輕、上行浮升、治上氣咳逆、補中益氣、溫筋通脈、治傷風頭痛、開腠理、解表、去皮膚風濕、利肺氣、行於手臂、治痛風、善發汗、■張仲景治傷寒、用桂枝湯以發汗、桂枝辛甘大熱、善導百藥、通血脈、而徹於榮衛、則肌膚發汗、風邪自去、桂枝非能發汗也、特調和血氣、故汗自出而風邪去耳、■又脈浮緩、膚虛自汗、風邪已犯衛氣者、以桂枝之辛熱爲君、芍藥之酸爲臣、甘草之甘爲佐、辛苦以平風邪、甘以和緩、酸以收汗而散邪、邪散則汗自止、是故能出汗、又能止汗、此用桂枝所以有口訣也、■桂心治心痛、及肚腹冷痛、破血通經、下胞衣、緩腰膝、解風痺、骨節之變、消瘀血、殺草木之毒、又治失音、陽虛、失血、患外症、以此內托、善引血行、使化膿、■桂心入心引血、小兒驚風及泄瀉者、輒用五苓散治之、以其中有肉桂也、更善抑肝風、助脾土、■乳癰腫痛、桂心、甘草各二分、烏頭一分、炮爲末、醋酒調塗紙上、覆之、膿卽化水、神效、

處方

配合桂枝之處方如左、

○桂枝湯 治上衝頭痛發熱、汗出惡風者、

桂枝 芍藥 大棗 生薑(各七分半) 甘草(五分)

右五味、以水一盞四分、煎取六分、

古方藥品考桂枝湯條云、風邪受於表、必以先發表爲順、故用桂枝以發散表邪、芍藥以順血固肌、生薑以開痰達藥力、大棗以溫保胃氣、甘草以調和諸藥、

○桂枝加桂湯 治本方證而上衝劇者、

本方加桂五分、

右煎法同前、

○桂枝加芍藥湯 治本方證而肚腹拘攣甚者、

桂枝 大棗(各六分) 芍藥(一錢二分) 甘草(四分) 生薑(六分)

右煎法同前、

○桂枝去芍藥湯 治本方證不拘攣者、

桂枝 大棗(各九分) 甘草(六分) 生薑(九分)

右煎法同前、

○桂枝加葛根湯 治本方證而項背強急者、

桂枝 芍藥(各六分) 甘草(四分) 葛根(八分) 大棗 生薑(各六分)

右六味、以水二盞、煎取六分、

○桂枝加黃耆湯 治本方證而黃汗、或自汗盜汗者、

桂枝 芍藥 生薑 大棗(各六分) 甘草 黃耆(各四分)

右六味、以水一盞六分、煎取六分、

○桂枝加厚朴杏仁湯 治本方證而胸滿微喘者、

桂枝 芍藥 大棗 生薑(各六分) 甘草 厚朴 杏仁(各四分)

右七味、以水一盞四分、煎取六分、

○桂枝加附子湯 治本方證而惡寒、或支節微痛者、

桂枝 芍藥 大棗 生薑(各七分半) 甘草(三分) 附子(三分半)

右六味、以水一盞四分、煎取六分、

○桂枝加龍骨牡蠣湯 治桂枝湯證而胸腹有動者、

桂枝 芍藥 生薑 大棗 龍骨 牡蠣(各六分) 甘草(四分)

右七味、以水一盞四分、煎取六分、

○桂枝加芍藥生薑人參湯 治桂枝湯證而心下痞硬、或拘攣及嘔者、

桂枝 大棗 人參(各六分) 生薑 芍藥(各八分) 甘草(四分)

右六味、以水二盞四分、煎取六分、

○桂枝二麻一湯 治桂枝湯證多、麻湯證少者、

桂枝(八分) 芍藥 大棗 生薑(各六分半) 甘草(五分半) 杏仁(三分半)

右七味、以一盞半、煎取六分、

○桂枝二越婢一湯 治桂枝湯證多、越婢湯證少者、

桂枝 芍藥 甘草 麻黃(各四分半) 大棗 石膏(各六分) 生薑(七分)

右煎法同前、

○桂枝麻黃各半湯 治桂枝湯麻黃湯二方證相半者、

桂枝(五分) 芍藥 生薑 甘草 麻黃 大棗(各三分) 杏仁(三分)

右七味、以水一盞六分、煎取六分、

用法 去粗皮、剉用、

禁忌 忌火、

用量 七分至二錢、

附錄 日本土佐產有一種、名智利智利桂枝、*Cassia vera* 亦肉桂 *Cinnamomum Loureiri* Nees. 之根皮

也、此樹不種苗、乃植其自生者、先灌糞水、後再堆肥、約經十年、始可採取其皮、法以根浸水中、糞束、洗淨其泥、儲木作槌、擊皮、令可剝下、攤蘆蓆上、晒二三日、俟乾、則成暗褐單卷之根皮、長廣不等、氣味一如桂枝、但皮有厚薄、辛味有濃

淡、因之尚分兩種、

地黃

異名 芩 芭 芦 芭 地精 (人參 肉蓯蓉 地骨皮 雄黃 何首烏 亦一名地精) 陽精 深深

奶 婆婆奶 牛奶子 還元大品

產地 日本各地產此、尤以山城、大和、筑前最多、

基本 係屬玄參科地黃 *Rhizannia Lutea, Maxim.* 之根、

地黃為多年生草、多栽植於園圃、莖高六七寸、葉厚而互生、作長橢圓形、邊緣有鋸齒、面有皺紋毛茸、花作總狀花序排列、有黃白色帶紫色唇形花冠、

形態 地黃有白夫赤夫二種、甲根細長、皮薄、肉厚、皮部皺紋緻密、乙根肥大、皮厚、皺紋不緻密、有疣瘡、為下品、

地黃之販賣品有三種、即生地黃、熟地黃、乾地黃是、生地黃為未晒乾之生根、熟地黃為蒸乾者、乾地黃係冬季採掘晒乾者、三種新鮮時、內部俱為黃色、經久則變黑色、又盛細砂於桶或囊袋、將活地黃根貯藏其中者、日本謂之「砂活」、即用砂保全其生意、供藥用、

將地黃生根、置入水中、浮者謂之天黃、半沉半浮者、謂之人黃、全沉者、謂之地黃、天黃不適藥用云、

效驗

用作通經及強壯藥。

【能】 生地黃、大寒、主治婦人崩中血不止、及產後血上薄、心悶絕、傷身胎動、下血胎不落、墮墜腕折、瘀血留血、鼻衄、吐血、皆搗飲之、解諸熱、通月水、利水道。○乾地黃甘寒、傷中、逐血痺、填骨髓、長肌肉、作湯、除寒熱、積聚、療折跌絕筋、主男子五勞七傷、女子傷中、胞漏下血、產後血虛、腹痛、久服延年。○熟地黃微溫、滋腎、補血、益髓、填精、烏鬚、黑髮、【單方】 孕婦腹痛、搯生地黃、用酒服下。●帶下、用生地黃、益母草等分、水一合煎七分、服。●胎漏、用生地黃爲末、一錢、用酒服下。●竹木刺入肉、嚼爛生地黃貼之。

處方

地黃配合作強壯藥者不少、舉其數種如左、

○瓊玉膏

治乾咳嗽、大能填精補髓、化腸胃癆瘵尤妙、

地黃(四斤) 茯苓(十兩) 人參(六兩) 白蜜(二斤)

先將地黃熬汁、去滓、入蜜煉稠、再將參苓爲末、和入磁罐封、水煮半日、白湯化服、加琥珀沉香各五錢、尤佳也、

○三才封髓丹 降心火、益腎水、滋陰、養血、潤而不燥、

熟地黃 天門冬(各二兩) 人參(一兩) 黃柏(酒炒三兩) 砂仁(半兩) 甘草(炙七錢半)

右麵糊丸、用菴蓉五錢、一切片、酒一大盞、浸一宿、次日煎湯送下、

○黑地黃丸 治脾腎不足、房室虛損、形瘦無力、面色青黃、又血虛、久痔、

蒼朮(酒浸) 熟地黃(各一斤) 五味子(半斤) 乾薑(春冬一兩秋七錢夏五錢)

右棗肉丸米飲或酒下

○天王補心丹(終南宣律師課誦勞心夢天王授以此方故名)治思慮過度心血不足怔忡健忘心中多汗大便或秘或溏口舌生瘡等症

生地黃(四兩酒洗) 人參(炒) 玄參(炒) 丹參(炒) 茯苓(一用茯神) 桔梗 遠志(炒各五錢)

酸棗仁(炒) 柏子仁(炒研去油) 天門冬(炒) 當歸(酒洗) 五味子(炒各一錢)

右蜜丸彈子大硃砂爲衣

○地芝丸 治目能遠視近視

生地黃(焙) 天門冬(各四兩) 枳殼(炒) 甘菊(去皮各二兩)

右蜜丸茶清或酒下

○六味丸 腎虛不能制火者主之

熟地黃(八兩) 山藥 山茱萸(各四兩) 牡丹皮 白茯苓 澤瀉(各二兩)

右煉蜜和勻

○八味丸 腎間水火俱虛者主之

熟地黄(八兩) 山茱萸 山藥(各四兩) 牡丹皮 茯苓 澤瀉(各二兩) 肉桂 附子(各二兩)
右爲末、煉蜜丸、

用法 生地黄用米泔洗、剉、浸酒、炒用、

禁忌 忌銅鉄、得清酒、麥門冬、佳、惡貝母、畏蕪荑仁、

用量 八分至二錢、

連錢草

異名 海蘇 錢葛 地錢草 胡薄荷 積雪草 新羅薄荷

連錢草以葉圓似錢、故名、日本俗呼「穿牆草」、蓋無論如何堅厚之牆、苟有間隙、此草即能穿過、故名、

其本 係屬唇形科連錢草 *Nepeta Glechoma*, Benth. 之葉莖、

連錢草爲原野自生之多年生草、莖方形、帶紫色、蔓延地上、花時直立、高五六寸、花後再偃臥地上、長及丈餘、葉作紫綠色心臟形、或腎臟形、以長葉柄對生、邊緣有粗鋸齒、葉莖俱生粗毛茸、葉腋開淡紫色斑點之唇形花、此草氣香而味苦、

成分 含有揮發油及單寧等、

效能 用作強壯藥、民間用治小兒痢、故一名疳切草、

【能】 治大熱、惡瘡、癰疽、丹毒、搗汁傅之、又治小兒寒熱、腹內熱結、搗汁服之、

處方 配合連錢草之處方如左、

○治癰積、因胎毒發者、

紅花 鬱金 青皮 香附子 陳皮 莪朮 積雪草(各等分)

本七味、熱湯浸之、去渣溫服、

用法 於夏伏中採取陰乾、即可用、

用量 五分至一錢五分、

備考 荷蘭藥鏡卷四、載有連錢草之藥效、錄之如左、

連錢草 溫煖開達強壯、稍收瀼、愈創瘍、尤能盡去粘稠惡液、(有亞兒加利鹽、能去酸敗液及膠固粘液、功用大抵如洞庭藍、)○疏解內藏壅塞、祛肺腎等汚液、○治胃寒欬、痰欬濕喘等肺病、○用於勞欬之胸病、治欬嗽肺傷勞欬、有殊效、用於肺瘍、能除敗液、癒創瘍、加於和胸藥草或為泡劑、或為煎劑、或為細末用之、或一味為泡劑、和砂糖或白蜜、使甘美易服、○乾欬勞嗽、用此藥浸葡萄酒、長服有效、加黼失刺蘂及洞庭藍尤佳、○熱病及勞瘵、血中有醋腐毒、侵刺肺部、欬嗽在苒不止、或肺瘍欬嗽呼吸不利等、用後方為佳、此有同於香膏 (Balsam) 之功

効、能愈創瘍、涼解內熱、祛除汚液、且利大小便、奏殊効、

〔清肺和胸飲〕 連錢草（二握） 甘草（劉二盞斯）

右加大麥煎之沸湯八磅、浸一時半、去滓、加次藥、

白蜜（六盞斯） 硝石（六錢）

右攪和、用作日常飲料、服此下痢者、去硝石、○久欬痰血及肺瘍等、用左方効、

〔豁痰潤肺飲〕 連錢草 洞庭藍 龍牙草 乙切草（各等分）

右調勻爲泡劑、用作日常飲料、○小兒虛勞瘦削、僂僕等、先使服緩和瀉劑、以淨胃腸、後乃用此藥、一味爲細末、每晨空心服半錢至二錢許、亦極効、○風痛、脚痛、腎痛等、用此爲煎劑或泡劑、多服、排除其惡液、卽治、○用於赤痢、多効、用於下痢、下血、吐血等、亦佳、○疏解肝脾等壅塞、治黃疸、水煎服有効、

胡桃

異名 胡桃 吳桃 羌桃 核桃 唐楸子 播羅子 陳平珍果

科屬 屬胡桃科之胡桃樹、所結果實之子仁、謂之胡桃、

胡桃樹爲落葉喬木、幹高六丈餘、圍可六尺、大樹也、葉爲羽狀複葉、小葉作長卵圓形、色深綠、有光澤、背面密生茸

毛、幼樹之小葉、祇三片複葉、五六年後、則有七片複葉、夏間葉腋開黃白色之茱萸花、狀如穗而下垂、後結實、果爲核果、中隔淡褐色之子皮、皮內包藏子仁、仁爲白色胚乳形、若雙翼、此樹長成之後、幹身愈高、分枝愈少、故結實轉不如幼樹之多、日本之宮城、新瀉、長野諸縣俱種之、核最大、殼易碎、齒能嚼破之、子仁味亦甘美、堪供藥用、兼充食品、山胡桃則反之、核殼爲卵圓形、厚而堅硬、殼外有無數凹凸、難破碎、必須以炭火焙之、再入水浸、然後用小刀於其開口部破之、乃得子仁、又有陳倉胡桃、核殼作心臟形、扁狹平滑、殼較薄、亦易破、其用同前、此種油少而味美、

成分

藥效上之成分、是否爲脂肪油、尙未可知、其營養之價值、則爲水分四・七四、蛋白質二八・四七、脂肪五九・一八、無窒素有機物三・一九、纖維一・五四、灰分二・八八、

以胡桃壓搾而得之脂肪油、謂之胡桃油、初澄明、色淡黃、經日則作深黃色、易變性、臭味一如胡桃、

效能

用爲滋養強壯藥、

【能】味甘、氣熱、皮瀼、（皮嫩肺定喘、固腎瀼精、今藥中罕用、若用之、當勝金櫻、蓮鬚也、）肉潤、皮汁青黑、屬水入腎、通命門、利三焦、溫肺潤腸、補氣養血、佐補骨脂、一水一火、大補下焦、（胡桃屬水、破故紙屬火、有水火相生之妙、古云、黃柏無知母、破故紙無胡桃、猶水母之無蝦也、時珍曰、三焦者、元氣之別使、命門者、三焦之本源、命門指所居之府而言、爲藏精係胞之物、三焦指分治之部而名、爲出納腐熟之司、一爲體、一爲用也、其體非脂非肉、白膜裹之、在脊骨第七節、兩腎中央、系著于脊、下通二腎、上通心肺、貫腦、爲生命之原、相火之主、精氣之府、人皆有之、生人

生物、皆由此出、內經所謂七節之旁、中有小心是也、難經誤以右腎爲命門、高陽生承謬撰脈訣、至朱肱·陳言·戴起宗始闢之、腎命相通、藏精而惡燥、胡桃狀頗相類、生皮汁青黑、故入北方、佐破故紙、潤燥而調血、使精氣內充、血脈通利、諸疾自除矣、(三焦通利、故上而虛寒喘咳、(溫肺化痰、洪邁有痰疾、晚對、上諭以胡桃三枚、薑三片、臥時嚼服、即飲湯、復嚼薑如前數、靜臥必愈、適如旨服、且而痰消嗽止、洪輯幼子病痰喘、夢觀音令服人參胡桃湯、服之而愈、明日剝去皮、喘復作、仍連皮用、信宿而瘳、蓋皮能斂肺也、)下而腰脚虛痛、(補腎、)內而心腹諸痛、外而瘡腫之毒、(調和氣血、)皆可除也、然動風痰、助腎火、(連皮同燒酒細嚼三氣、能久戰、)有痰火積熱者、少服、油者有毒、故殺蟲治瘡、殼外青皮壓油、烏髭髮、

■食胡桃、令人肥健、又能潤肌膚、黑鬚髮、久食則利小便、去五痔、■補氣養血、潤燥化痰、益命門、利三焦、溫肺、潤腸、愈損傷、治石淋、與破故紙同煉蜜丸服、則補下焦、■治虛寒喘咳、腰脚重痛、心腹痠痛、血痢、腸風、散腫毒、發痘瘡、制銅毒、■治積年燥痰喘咳、胡桃肉三枚、生薑三片、臨臥嚼服、即飲湯兩三口、再如前數嚼胡桃生薑、靜臥必愈、■胡桃性熱、不可多食、多食動痰飲、令人惡心、吐水、吐食物、

【單方】 疝氣發作、心腹腰痛、胡桃焙枯、酒服、

【處方】 配合胡桃之處方如左、

○胡桃丸 治消腎病、因房慾無節、及服丹石、或失志傷腎、遂致水弱火強、口舌乾、精自出、或小便赤黃、大便燥實、或

小便大利而不甚渴、

胡桃肉 白茯苓(各四兩) 附子(一枚去皮尖) 薑黃 蛤粉(各一兩半)

右爲蜜丸、

○人參胡桃湯 治痰喘、

人參(一寸許) 胡桃肉(二個去殼不剝皮)

右煎湯服、蓋人參定喘、帶皮胡桃斂肺故也、

○菓霜子方 治初發便毒、用之、不過三帖即愈、神效、

胡桃(七個炒)

右一味爲末、酒送下、

○治淋病大奇方、

胡桃肉(二錢) 大麥(六分) 茯苓 甘草 燈心(各三分)

右五味、水煎服、累驗、

用法 去殼、仁剉碎、或先炒後剉用、

用量 五分至錢半、



荷蘭藥鏡載有胡桃未熟之果肉、及胡桃核皮、胡桃仁、胡桃油各種之功效、錄之如左、

胡桃未熟之果實、其色綠、殺蟲有奇效、以此製成越幾斯劑、一味獨用、即能瀉下、殲滅蚊蟲、瀉而驅之、小兒服兩三茶匙、大人酌加、或用後方、亦妙、○桂桃驅蟲飲 胡桃綠實越幾斯二錢、桂水四錢、調勻溶化、兩三歲之小兒、服二十滴至三十滴、或云服五十滴、每日一次、連服六日至八日、加水銀下劑用（甘末等）○胡桃綠實越幾斯製法 採未熟之綠實、入桶中、加沸湯、搗取汁、入鍋、文火煎熬、成稠厚之越幾斯、收貯備用、味帶酸、性收瀉、○患鵝口瘡、口中瘡泡潰爛、咽喉腫諸症、以未熟之綠實、水煎、或製為越幾斯劑、化水含漱、自能收斂消散、驗甚、○胡桃實綠皮、患蠱毒及各種頑滯之症、用此綠皮、奏效確實而迅速、或用後方亦佳、○胡桃排毒煎 胡桃實綠皮一兩、沸湯一磅、同入磁器蓋緊、勿洩氣、浸三時、再煮八時、取汁、去滓、一日服完、每日連服、若無此綠皮時、則以預製之越幾斯劑（製法同綠實越幾斯劑）加水沖淡用、蠱毒潰瘍、以此綠皮之煎劑、蒸湯治之、○胡桃核皮 此係在外皮裏面、被覆其核之皮、味苦、有香氣、以治虛寒風氣痞滯之疝腹痛、及腹部拘攣作痛等症、有殊效、取核皮浸燒酒用、或為末、服半錢、惟有熾衝性之熱症者忌用、用之有害、○胡桃仁 甘美無毒、有溫煖滋養之效、但過食、則重滯而難消化、膽液過多者、服之有害、○胡桃油 榨新鮮胡桃仁而取其油、製法與甘扁桃油相同、味甘美、可調和飲食、代乳酪用、內服能緩和滋養、且有驅蟲之效、其功能一如甘扁桃油及橄欖油、外敷有緩和之功、能止各種疼痛、解變急、消腫瘍、生毛髮、而防脫落、角膜有白斑者、以此油點之、立消散、若澀敗、便不堪用、誤點之、轉有害、

阿膠 Assess glue. (英)

阿膠產中國山東之東阿縣，膠中昔以此為最良品，故藥用有阿膠之名，今則精製之膠，得之匪難，正不必中國產之阿膠，乃可充作藥用。

膠係取獸類之皮膜、粘膜、骨、韌帶、角、蹄、軟骨之一部及魚類之氣胞等，溶以熱湯而製之，成於皮筋者曰皮膠，成於骨膜等物者曰骨膠，成於魚之氣胞者曰魚膠，其製造法各有專書，茲不贅。

呈名 盆膠 烏膠 驢膠 傳致膠 顯明把 覆盆膠 驢皮膠

製法 中國產之阿膠，係用黑驢皮熬煮而製之。

形態 為琥珀色透映之板片，無臭，面上多印有製造之牌號，雖暑天亦不變軟，投入水中，則漸膨脹，遇溫湯，則漸溶化。

本草綱目曰：東阿縣有井，有官舍常以其井水煮膠以貢之，故名。造法自十月至二三月間，用沙牛、水牛、驢皮者為上，用豬馬、騾、駝皮者次之，其舊皮為下，俱取生皮，水浸四五日，漉刮極淨，熬煮時攪之，恆添水，至爛，漉汁，再熬成膠，傾盆內，待凝，近盆底者名盆膠，煎膠水以鹹苦者為妙，大抵是牛皮，後世乃貴驢皮，其偽者多雜以馬皮、舊革、鞍靴之屬，其氣濁臭，不堪入藥，當以黃透如琥珀色，或光黑如漆者為真，真者不作皮臭，夏月亦不濕軟。

和漢三才圖會曰 阿膠色光黑、形如硯、長六寸二分、橫二寸八分、有雲龍紋、印年號、月日及製造人名、今多仿此形製之、不論牛馬鹿、並一切敗革、均雜和煮之以作偽、

品類

阿膠之品類、由其原料及製法等、而色澤形狀遂有不同、從前日本藥舖、區分阿膠優劣、有種種名稱、

黃明膠、又名水膠、或稱海犀膏、即牛皮膠也、最佳者作方柱狀、色黃而透映、向以之代阿膠用、

本草綱目曰 黃明膠、乃牛皮膠也、其色黃明、但非阿井水所作耳、制作不精、故不入藥用、止以膠物耳、然功用亦與阿膠相仿、苟阿膠難得、則真牛皮膠亦可權用、

和漢三才圖會曰 膠所以連綴物、令相粘著者也、自中國來者、色黃透明、謂之黃明膠、濁黑而濕軟者為下品、今

日本多造之、其黃明膠、畫家墨匠用之、濁黑膠、木匠以之粘物、或入賤墨中用、凡物膠綴者、得水則堅、近火則解、

古方藥品考曰 本經別錄皆云、煮牛皮製之、後世貴黑驢皮、俱以東阿井水製之、故名、今載來者、乃牛皮膠也、有

兩種、一廣寸許、長三寸許、厚一分、透明、色黃、一闊五分、長三寸許、色黃黑、大抵以色黃透明如琥珀、或紅黯明徹、夏

月不濕軟者為佳品、其色黑不光澤、多作皮臭者、為劣品、從前又有進口貨數種、一形如硯、廣三寸許、長五六寸、黑

色有款識、一形如龜甲、色黑、一形如絲卷、方二寸餘、黑色、有金泥繪畫、一廣三寸餘、長五寸餘、色近褐、三塊合一斤、

一闊七八分、長六七寸、色黃而微紅、質透徹、諸本草皆云、此數種真者多、但未必盡上品耳、日本製造之黃明膠、色

黃明淨、皮臭少者、儘可選用、不必定須真阿膠也、更有剉炒作細珠者、名阿膠珠、亦係下品、其黑色似漆者、可膠物、

日用藥品考曰 黃明膠、用尋常之水、煎煮牛皮而成者也、來自中國者多、日本人亦善製造、一種廣七八分、長六七寸、一種廣五六分、長三寸餘、皆與中國貨相似、

效能 爲滋養潤補藥、虛脫者用之、外用、治皮膚損傷及皸裂、湯火傷等、

古方藥品考曰 阿膠補益、固衛血液、○本經曰、阿膠味甘平、主心腹內崩勞極、洒洒如瘡狀、腰腹痛、四肢酸痛、女子下血、安胎、○別錄曰、療丈夫小腹痛、虛勞、羸瘦、陰氣不足、○按皮之性、能固衛血液、味淡甘、專主補血、故療虛勞、虛煩、及下血、吐血、血虛等症、

【能】 甘平、清肺、養肝、滋腎、益氣、和血、補陰、除風、化痰、潤燥、定喘、利大小腸、治虛勞咳嗽、肺痿、吐膿、吐血、衄血、血淋、血痔、腸風、下痢、（傷暑伏熱成痢者、必用之、）腰痠、骨痛、血枯、經水不調、崩帶、胎動、以及癰疽、腫毒、一切風病、瀉者忌用、

凡血亂氣散之症、大抵用酸味之藥以收斂之、然有時或竟難用、阿膠則味甘、性溫平、能安肺潤燥、補血清熱、諸症用之、均無危害、小兒驚風後、腫神不正、阿膠人參煎服、阿膠養神、人參益氣、方極妙也、但人參須倍之、肺風痰喘、目上視者、阿膠、紫蘇、烏梅肉等分煎服、良、患赤白痢、裏急後重、腹痛、尿不利者、阿膠一兩炒過、少入水、煉如膏、黃連三兩、茯苓二兩、爲末、煉和、丸梧子大、粟米湯下五十九、日二度、名阿膠丸、吐血、阿膠（炒）蛤粉各一兩、少加辰砂爲末、搗藕汁、絞取、微入蜜調服、立止、耳、鼻、口、同時出血不止、阿膠（炒）蒲黃等分、每服二錢、生地黃自然

汁一合、煎六分、溫服。

【單方】小便中混有鮮血、皮膠炙、水煎服。

處方 配合阿膠之處方如左。

○阿膠散 治婦人血崩不止、或赤白帶下、

阿膠(炒煉) 白龍骨 赤石脂 乾薑(炮各五錢)

右爲末、每服二錢、熱酒調下、崩漏、艾湯下。

○阿膠散 治婦人赤帶下、腹內疼痛。

阿膠 當歸 芍藥 熟地黃 牡蠣(各等分)

右爲散、粥湯調下二錢。

○阿膠散 治妊娠瘡疾、胎不安穩、腰臍下重。

阿膠(一兩半) 芍藥 當歸 柴胡 黃芩 茯苓 白朮(各一兩) 麥門冬 甘草(各五錢)

右水煎服。

○阿膠湯 治腎虛小便多。

阿膠 人參(各一兩) 乾薑(二兩) 遠志(四兩) 附子(一枚) 甘草(三兩) 麻仁(一升)

右水煎服、

○六物湯 安胎下氣、治胎動不安、腰腿疼重、惡露頻下、

阿膠 糯米 黃芪 川芎 當歸 熟地黃(各等分)

右薑棗水煎服、

○救淋方 治痛甚者、

阿膠(三錢) 大黃(二錢) 附子(一錢)

右三味水煎溫服、

○治遺尿小便澀方、

阿膠(二兩) 鹿茸 牡蠣(各四兩)

右水煎溫服、

○理淋病疼痛方、

阿膠 滑石 大黃 甘草(各等分)

右四味爲末、每服一錢、白湯送下、

○治兒枕痛方、

阿膠烱消、投胡椒末、攪和爲膏、乘熱塗少腹、頃刻病人覺發熱、乃瘥、

用法 剉炒成珠、或麵炒、蛤粉炒、(化痰) 蒲黃炒、(止血) 酒化、童便和用、得火良、

禁忌 畏大黃、

用量 一錢至三錢

鹿茸 Young harts-horn (英)

異名 鹿蟲 袋角 囊角 茄子茸 九女春 冲天室 嫩鹿茸

基本 鹿 (Cervus sika, Tern.) 於夏至脫去舊角、初生新角、即採取陰乾用之、

形態 爲蒙有毛皮之初生角、柔軟作茄子狀、類蕈菌、故名鹿茸、外面呈紫褐色、有光澤、中有血管、

效能 爲強壯藥、用以滋補神經病及內部病症、

【能】 甘溫 (一云鹹熱) 純陽、生精補髓、養血助陽、強筋骨、堅陽道、治腰腎虛冷、四肢疼痛、頭眩、一切虛損勞傷、

【單方】 Tsukine (突日) Uchime (內日) 用鹿茸研爲極細末、調人乳、時時點服、

處方 配合鹿茸之強壯藥處方如左、

○沉香鹿茸散 治真氣不足、腳膝酸疼、四肢無力、遺精盜汗、一切虛損、並宜服之、

附子(四兩) 鹿茸(三兩) 菟絲子(五兩) 乾地黄(六兩) 巴戟 沈香(各一兩)

右爲末、入麝香一錢半、別研、和勻、煉蜜丸、如梧子大、

○鹿茸大補湯 治男子一切虛損、婦人亡血等症、

鹿茸 黃耆 當歸 白茯苓 熟地黃(各二分) 白芍藥 白朮 附子 人參 肉桂 半夏 石斛

五味子(各三分) 肉蓯蓉 杜仲(各四分) 甘草(一分)

右空心薑棗煎服、

○四味鹿茸丸 治肝腎脈皆虛、欬嗽、吐血、脈虛、無力、上熱、下熱、

鹿茸(酥炙搗泥) 五味子 當歸(各一兩) 熟地黃(二兩)

右細末、酒和丸、梧桐子大、每服四五十丸、空服、溫酒送下、

○濟生鹿茸丸 治腎臟真陽久虛、下體痿弱、疼痛、喘嗽、水泛爲痰、

鹿茸(酒炙) 牛膝(鹽酒炒) 五味子(各二兩) 川棟肉(酒蒸) 山藥 肉桂 杜仲(鹽酒炒) 澤瀉

(鹽水炒各一兩) 沉香(研五錢)

右爲末、酒糊丸、梧子大、每服七十九、侵晨溫酒下、

○治小便遺失、

鹿茸 牡蠣 阿膠 桑螵蛸(各同量)

右爲末、糯米糊丸、

用法 薄剝、刺串、塗蘇油、火炙、燻去毛、爲末用之、或塗酒炙、或用酒蒸炙用之、

用量 一錢至三錢、

山藥

山藥本名薯蕷、因唐代宗名預、避諱改薯藥、因宋英宗諱畧、又改爲山藥、

異名 土藷 山薯 山蕷 山藷 玉延 玉糝 兒草 餘子 薯蕷 薯藥 蕷藥 藷薯 藷糧 藷糞

銀條德里

基本 此爲屬薯蕷科山藥之自生根、

山藥爲山野自生之宿根莖草、春發新芽、漸蔓延於地上、莖細長、纏繞他物而上昇、葉爲心臟形而略長、末端尖、有長葉柄、皆對生、花開於大暑之候、葉腋間淡綠色之小花、朵朵綴爲穗狀、皆單性花也、果實爲蒴果、有三翅、如團扇、葉腋間又生球形黑褐色之小粒、名零餘子、其自生者名野山藥、一名土山藥、亦呼白鳩蒴、根皮色灰褐、內色白多、肉、處處有細毛根及小疣、性脆易折、長三四尺、粗約一二寸以上、栽於園圃者名家山藥、根之生長者、長至六七尺、但風味遜於野山藥、入藥須擇山野自生者用之、採此根者、冬日入山中、見懸有枯蔓之樹幹、乃搜尋根之所在而

採掘之藥用又須選藏至數年、乾而已去外皮、質重色白者為佳品、

大和本草曰 山藥、即薯蕷也、種於園圃者、其味不如山野自生者為美、凡薯蕷根、每年替生、與他物異、故八月有新舊二根、蓋夏間新根漸生、自秋末後、則為舊根、新根之形、與舊根同、頗為奇異、花後生三角之物、非花非實、乃零餘子也、入藥宜擇在山中歷年頗久、肥大、皮赤者為佳、臘月採者尤良、雷斅以銅刀刮赤皮、去涎、洗淨、蒸過、乾用、園圃種者、不堪入藥、功能補腎、益脾胃、虛人可久服、加鹽煮食尤佳、然能塞氣、有積滯之人忌用、受金瘡、及產婦、尤不可食、以有大毒也、或曰山藥頭小尾大、故有厚補下部之功、凡患硬腫之瘡者、敷此自消散、丹溪云、今欲試其有效與否、於婦人患乳腫、痛不可忍者、研生山藥敷之、立效、可知其不誣也、零餘子性味俱佳、又佛掌薯、亦薯蕷之類也、和漢三才圖會曰 薯蕷根長尺許、周二三寸、灰黃色、肉白、可煮食、名長芋、日本江戶產、肥大、殊佳、救荒本草曰、生山野間者、藤作紫色、葉似家山藥而大、且微尖、根比家山藥細、更兼瘦硬、皮色微赤、名野山藥、俗云自然生是也、病人食之無妨、

古方藥品考曰 薯蕷有野生、家生二種、山谷自然生者、為野山藥、藥舖有之、其形細長、刮去粗皮、色白、質滑澤、重者真、其種田圃者、為家山藥、不堪入藥、祇可供食用、

成分 山藥之有效成分、尙未詳悉、其根中之粘質物、謂之茁生、係一種蛋白質、其所含之量、在乾根中約有八%、若依營養上之分析、則水分八〇・七四、蛋白質二・四〇、脂肪〇・一六、炭水化物一五・〇九、纖維〇・九〇、灰分

○六四、

效能 為滋養強壯藥、

古方藥品考曰 薯蕷調原、補後虛損、○本經曰、薯蕷味甘溫、主傷中、補虛羸、除寒熱邪氣、補中、益氣力、長肌肉、○別錄曰、下氣、止腰痛、補虛勞羸瘦、○按其根直下甚深、年年新陳相換、味甘溫滑澤、故有調元氣、益精、補後虛損之能、

【能】 色白、入肺、味甘歸脾、入脾肺二經、補其不足、清虛熱、（陰不足則內熱、補陰故能清熱、）固腸胃、潤皮毛、化痰涎、止瀉痢、（滲濕故化痰止瀉、）肺為腎母、故又益腎強陰、治虛損勞傷、（仲景八味丸、用此以強之、）脾為心子、又能益心氣、（子能令母實、）治遺精、健忘、生搗傅癰瘡、腫毒、（山藥能消熱腫、蓋補其氣則邪滯自行、丹溪云、補陽氣、生者能消腫毒是也、）○色白、懷慶產者為勝、

■入手太陰（肺）足太陰（脾）二經、補其不足、清其虛熱、又滋潤皮膚之燥、故入六味丸用、以雖涼而善補也、凡虛弱而兼疲憊者、必加此、以益腎氣、健脾胃、■強陰、補心氣之不足、■心腹虛脹之人、手足厥逆、或服苦寒之藥、損傷元氣、見食即嘔、不受水氣、山藥半生半炒為末、每服二錢、米飲下、神效、噤口痢用之、亦佳、■濕熱、脾胃虛而泄瀉者、山藥、蒼朮等分、飯糊丸、每服三五十九、米飲下、大人小兒、皆有效、■此藥用於虛羸、其氣味甘溫、入脾胃而生元氣、故能增氣力、長肌肉、■左關脈細弱不食之人用山藥、右關脈細弱之人用白朮、■心腎虛而盜汗、宜進遠志、黃芪、

陽虛而小便數、宜與白茯苓等分服二錢、

【單方】 齒痛、野山藥與蕃椒末搗煉、敷患處、●遺精、山藥一錢、葱五分、鹽少許、好酒煎、同飲服、●盜汗、山藥末與生雞子調和、一日兩三服、●患痢不食、山藥末一錢、半生半炒、共搗和、米湯下、

●薯蕷酒 薯蕷二十兩、百合十兩、生薑五兩、同爲細末、入布袋、浸好酒一斗中、約一月、去渣、聽用、此酒有滋養強壯之效、若欲治諸風、眩暈、使脾胃強健、則須以薯蕷粉、山茱萸、五味子各等分、浸好酒聽用、

●薯蕷粉 研山藥爲細末、和入雞蛋白糖、再以沸水化之、老者及病人用作飲料、最爲相宜、

處方

配合山藥之處方如左、

○大補元煎 治男婦氣血大壞、精神失守、危劇等證、此回天贊化、救本培元第一要方、

人參 山藥(各二錢) 熟地黃(三錢) 甘草(一錢) 杜仲(三錢) 當歸(二錢) 山茱萸(一錢)

枸杞(二錢)

右水二盞七分、食遠、溫服、本方去人參、當歸、杜仲、加茯苓、名左歸飲、治命門陰衰陽勝、本方去人參、當歸、加肉桂、附子、名右歸飲、治命門陽衰陰勝、

○八味腎氣丸 治虛勞裏急、少腹拘急、小便不利、

乾地黃(八兩) 薯蕷 山茱萸(各四兩) 澤瀉 茯苓 牡丹皮(各三兩) 附子(炮一兩) 桂心(一兩)

右八味爲末、煉蜜和丸、梧子大、酒服十五丸、加至二十九、日再服、一方無山茱萸、附子、加半夏、名腎氣圓、
○妙香散 治夢遺、失精、驚悸、鬱結、

山藥(二兩、薑汁炒) 人參 黃芪 遠志(炒) 茯苓 茯神(各一兩) 桔梗(二錢) 甘草(二錢) 木香(錢半) 麝香(一錢) 辰砂(一錢、別研)
右爲末、每服二錢、酒下、

○白雪糕 扶元氣、健脾胃、進飲食、潤肌膚、生精脈、補虛羸、內傷、虛勞、泄瀉者、宜當飯食之、

大米(一升) 糯米(一升) 山藥(炒) 蓮肉(去心) 芡實(各四兩) 白糖(一兩半)
右爲細末、攪令勻、入籠蒸熟、任意食之、

用法 採掘之根、洗淨土氣、銅刀削去皮、切成薄片、摻上米粉、置通風處陰乾收貯、用時、湯洗、剉炙、

禁忌 惡甘遂、忌鐵、

用量 七分至二錢、

備考 藥學博士片山巖、嘗實驗薯蕷、及佛掌蕷中、俱含有有消化力之消化素、報告醫界中人、並著論文一篇、登載藥學雜誌第三百十五號、題曰薯蕷及佛掌蕷之消化素、略謂余嘗取薯蕷及佛掌蕷製成薯蕷汁、試驗其消化若何、竟驗得其消化素、係一種卻斯他隋、因定名曰迪司可卻斯他隋、
Dioscotinase 此消化素之糖化力、在攝氏

四十五・至五十五之溫度、最爲顯著、於此溫度之弱鹽酸性中、在三小時內、可使消化五倍分量之澱粉、其效力之偉大可知、且在亞兒加里液中、全然失其效力、至調理薯蕷汁之法、切須避高溫度、以免消化素之分解云、又牧野富太郎、亦曾在東京本草會、演說薯蕷之大略、其言曰、昔本草大家小野蘭山翁、著本草綱目啓蒙、明言山野自生之薯蕷曰山藥、園圃所種者曰長芋、卽家山藥、後世學者多引用之、今細檢植物、更披覽植物圖考、始知蘭山之說、未爲確實、俗稱之長芋、實爲野生物、薯蕷與長芋之葉莖果實、均有不同、而佛掌薯（此有數種）要不外長芋之變種、故知中國所稱之薯蕷、卽長芋與佛掌薯、所稱之山藥、乃獨立之植物、有未可牽強混同者（下略）

飴糖

異名 餹 軟餹 餹餅 膠餹

產地 日本各地產此、其著名者、爲越後（高田水飴）肥後（朝鮮餹）讚岐（琴平餹）相模（浦賀水飴）等處所產、

基本 蒸糯米、糯米、大麥、小麥、粟（黃小米）玉蜀黍、薏苡仁等澱粉質、加麥麩子（麥芽）使之糖化卽成、

製法 飴化有種種製法、今述其一、先將糯米一斗搗之、蒸成硬飯、加麥芽之去稈粉末一升五合、善加攪拌、再注入溫湯一斗五升、保持約攝氏四十五度至五十五度之溫度二小時、則澱粉質受酵母之作用而糖化溶解、乃去其殘渣、將所得粘汁煎熬、使成適度之稠狀、

日本御膳飴、爲攝津國有馬郡道場川原村所製膠飴、昔天正間、豐太閣將赴播磨、道經該村、村人以此爲獻、故至今有此稱、其製法與他飴異、故村人甚珍之、將其製法、舉以委諸里正之職、里正若解職、則再委諸新里正云、(其製法以糯米一斗和小麥一升爲率)

形態 飴糖有硬軟之別、軟者爲淡黃色、富粘質之濃稠液體、硬者爲黃褐色塊、俱有甘味、將粘稠者牽引、使混入空氣、則成爲多孔質、變成缺乏粘性之白色塊、但一帶濕氣、則再發粘性、其精製品經數年亦不變壞、

品類 將糖化粘汁煎熬、第一次所得之飴糖、日本謂之一號飴、將殘餘納入布袋、搾出粘汁、再行煎熬、此第二次所得之飴糖、謂之二號飴、更類別之、有左列數種、

(一) 水飴 將糖化粘汁煎熬使成濃稠者、

(二) 膠飴 一名地黃煎、或呼朝鮮飴、即將水飴再煎熬使成膏藥狀者、

(三) 痰切飴 卽膠飴之更熬硬者、概須用鑿斷之、

(四) 錫 一呼白玉飴、即將膠飴牽引數十次、使生孔成爲白色者、

東京有一習俗、凡小兒詣神社禮拜、輒於社頭購所謂千年飴者、歸途經素識之家、卽分一袋與之、千年飴蓋祝千年之意也、

成分 主成分爲麥芽糖 (Maltose) 糊精、此外含有蛋白質、脂肪、及少許鹽質、分析之如左表、

種類	水分	含淡物	脂肪	麥芽糖	糊精	灰質
粳米製膠飴	一七・四〇	〇・八三	〇・〇五	五八・一〇	二三・三〇	〇・三二
糯米製膠飴	一五・〇五	一・一六	〇・〇八	五〇・二七	三二・九八	〇・四六

【效驗】 飴饌爲炭水化物之可溶性物、易消化、向用作小孩產婦滋養物、又用以配合藥物、製飴劑、

【能】 膠飴甘大溫、補虛冷、益氣力、止腸鳴、咽痛、治吐血、脾弱不思食、少用、能和胃氣、凡中滿吐逆、祕結、牙齦、赤目、疳病、胃病者、宜忌之、生痰動火、以最甘也、

【單方】 中烏頭毒食錫飴、魚骨腫咽時、用飴饌如鷄子大吞之、

【用法】 膠飴、即可下嚥、或溶於溫湯飲之、

【來歷】 日本神武天皇東征、祈神、詔曰、我今當以八十平盆無水造飴、飴成則吾必不假鋒刃之威、坐平天下、乃造飴

即自成、(日本紀)

【雜考】 醫學士古川榮氏論用飴饌可製糖漿、(單舍利別)載東京醫事新誌第三百六十四號、今錄其一段如左、

據聞此次編纂日本藥局方、有提議用飴製糖漿者、終恐患者不以爲藥、因而否決、其果然耶否耶、若果如此、雖曰民智尙未盡開、而現有之良佳代用品、仍不能舍糖漿而他求、誠爲憾事、倘告於衆曰、糖漿亦不過白糖之濃厚溶

液耳、亦將即墮其信用耶、草野元養先生、根據醫士柏魯資氏處方、於飴中加二分之一至一%乳酸鐵或磷酸鐵、(枸橼酸鐵及鐵金雞納霜、價高益少) 特名之爲含鐵麻魯資越幾斯、(Ext. mali ferratum.) 可謂妙矣、第一醫院所用、普通名稱雖爲含鐵麻魯資越幾斯、惟麻魯資並非飴、乃麥芽越幾斯、故毋寧名爲鐵飴煎、似較適當、

胡麻

異名

方莖 巨勝 油麻 脂麻 狗益 鴻臚

基本

胡麻屬於胡麻科、其種子入藥用、須選其黑色者、所謂烏胡麻是也、

胡麻爲一年生草本、供食用及製油、故栽種者多、莖高三四尺、形方直立、具有茸毛、葉互生、或對生、作長橢圓或長卵圓形、梢葉細而長、基葉間割裂爲三瓣、夏日梢頭及葉腋、俱開白色似筒之唇形花、五裂若桐花、往往有紅紫或黃色之暈、下唇長於上唇、故向前突出、雄蕊四、雌蕊一、果實爲蒴果、有長橢圓形之核角、長八九分、熟則縱裂、中藏多數扁平細小之種子、有黑白褐三種、而俱發一種芳香、

本草綱目啓蒙曰 上世麻爲五穀之一、然正大麻耳、後乃有胡麻、胡麻原非中國產、實來自大宛、故以胡字別之、惟強以麻屬五穀、誤也、胡麻有黑白黃三種、藥用祇黑胡麻、粒有大小、大者名巨勝子、作巨勝子圓、必用之、近日來

自外洋之巨勝子、皆芫蔚子也、說詳芫蔚條下、白胡麻供食用、並搾油、不熬而晒乾者、謂之生油、熬而後搾者、是名香油、胡麻、方莖、高二三尺、葉長而對生、有三尖、如蘭草葉、夏月、葉間開花、如地黃花、色白微紫、後結角、長八九分、熟則作黑色、角有二稜、四稜、六稜、八稜之分、二稜、四稜者、皆白胡麻、故俗呼二方胡麻、四方胡麻、六稜、八稜者、皆黑胡麻、故俗呼六稜為六方胡麻、八稜為八方胡麻、其子色微黃者、即集解及時珍所說之黃麻子也、與大麻子同名而異物、大和本草則謂與商麻同名、

成分 胡麻之有效成分、為胡麻油、蓋即其脂肪油也、於營養上、分析之如左、

成分	品類	
	蛋白質	脂 肪
白胡麻	二〇・五四	五一・五七
黑胡麻	一九・六五	四四・一五
	無	有
	窒	機
	物	素
	植物纖維	灰
	分	分
	水	分
	六・九三	二八・三六
	六・六五	二〇・一二

效能 為滋養強壯藥、

【能】 甘平、補肺氣、益肝腎、潤五藏、填精髓、堅筋骨、明耳目、饑渴、可以辟穀、但滑腸、與白朮並用為勝、利大小腸、逐風濕氣、(劉河間曰、麻木穀而治風、又云、治風先活血、血活則風散、胡麻入肝益血、故風藥中不可闕也、)涼

血解毒、嚼傅小兒頭瘡、麻油滑胎、療瘡、熬膏多用之、（涼血止痛生肌）皮肉俱黑者勝、（入腎）栗色者、名鼈蟲胡麻、尤佳、九蒸九晒、可以服食、（陶弘景云、八穀之中、惟此爲良）

■潤肺氣、補五藏、益精、強力、堅筋骨、明耳目、■傷寒、溫瘧、婦人產後、或大吐瀉瘦者用之、■患中風人、炒食、久之自愈、■生者磨碎、塗小兒頭瘡、煎湯、洗諸惡瘡、及婦人陰瘡、奇效、■誤吞穀芒、咽喉發腫、痛癢交作、脂麻炒研、白湯調下、

【單方】 風寒、黑胡麻或白胡麻二錢、炒透、溫酒飲服、厚著就寢、令出汗、即愈、●中暑氣欲死者、胡麻一錢炒熱、煎汲水服、●乳汁不足、胡麻炒、微入鹽、連食五七日、●嘔吐不止、白胡麻一錢、胡麻油兩杯、煎至一杯服、●大便不通、時或惡心、胡麻米等分、合煮粥食、良、●痔瘡作痛、胡麻煎湯洗、●小便出血、胡麻二錢爲末、水二碗、浸一宿、翌日清晨煎沸、溫服、●癰疔及諸般無名腫毒、出膿不愈、黑胡麻炒研傅之、頭面諸瘡、嚼胡麻塗敷、●乳上生腫物、胡麻炒焦研末、燈油調傅、●蜘蛛咬傷、及諸蟲螫傷、嚼爛胡麻傅之、湯火傷、治同上、●女陰發癢、或患如汗疹者、嚼爛胡麻塗患處、

大和本草曰、芝麻、脂麻、巨勝子、皆胡麻別名也、漢張騫使西域、取種以歸、以其來自胡國、故有胡麻之名、其實之苞、有四角、六角、八角之別、六角者佳、又有黑白之分、服藥用黑、食品用白、黑胡麻見本草、上品之藥也、服食之法、須以胡麻入水中、選沈者用、水浸去土氣、上蒸籠半日、手研去皮、晒乾、再去其不盡之皮、或於晒乾後、鍍之、皮自淨、然

後爲末炒過、加鹽十五分之一、每日溫酒服、或加入飯及諸食品中食之、善補虛、益氣力、堅筋骨、黑鬚髮、治腰脚疼、時珍云、以胡麻同米作飯、爲仙家食品、胡麻油、入藥用生、食品用炒、名香油、胡麻苗不畏旱、雖大旱、亦能生長、堪煮食救荒、

處方 配合胡麻之處方如左、

○巨勝子圓 安魂定魄、改易容顏、益氣壯筋、潤肌膚、心力無倦、行步如飛、寒暑不侵、能除百病、

巨勝子(一兩) 生地黃 熟地黃 何首烏(各四兩) 枸杞子 兔絲子 五味子 酸棗仁 破故紙

柏子仁 覆盆子 雞頭實 木香 蓮蕊 巴戟 牛膝 肉苁蓉 天門冬 肉桂 人參 茯苓 豬實

子 韭子 天雄 蓮肉 續隨子 山藥(各二兩)

右爲細末、煉蜜丸、

○胡麻散 治脾肺風毒、攻注遍身、皮膚搔癢、或生瘡疥、或瘡久不瘥、或面上遊風、或紫白癜風、頑麻、

胡麻(十二兩) 荆芥穗(八兩) 苦參(八兩) 甘草(五兩) 何首烏(十兩) 威雲仙(六兩)

右爲末、每服二錢、薄荷茶、或酒、或蜜湯調服、

用法 入水中試之、浮者傾去勿用、沈者曬乾、酒攪拌、蒸過、再曬乾、與小豆同炒、小豆熟、取下、去小豆、收胡麻用、

用量 一錢至二錢、

雜錄 儉約重寶記云、余嘗旅行山國、道經山中、遇一樵夫、年將八十、登山如飛、脚力之健、不亞壯者、問何以致此、答言、唯日食胡麻一握而已、數十年來、從無間斷、故自覺老而益壯也、余既目擊此等之人、備知此等之事、不可不泚筆記之、

黃者

異名

黃芪 戴樞 戴穆 蜀脂 百本 艾草 芟草 王孫 獨樞 羊肉 黃嗜 綿者 戴粉 妬婦

黃荅亦一名妬婦、甘板麻 百藥綿

其本

黃者屬荳科、中國產者、用黃者 *Astragalus Henryi*, Oliv. 之地下莖、日本產者、用岩黃者 *Hedysarum*

esculentum, Ledeb. 之地下莖、

本草綱目曰 黃者葉似槐葉而微尖小、又似蒺藜葉而微闊大、青白色、開黃紫花、大如槐花、結小尖角、長寸許、根

長二三尺、以緊實如箭筈者為良、嫩苗亦可燉食、其子收之、十月下種、如種菜法、亦有數種、

白水黃芪 赤水黃芪 綿黃芪 木黃芪 土黃芪

白水赤水者、俱陝西之鄉名、綿者、出於山西沁州綿上、故名、或云用其皮折之、柔韌如綿者為良、乃謂之綿黃芪、木黃芪者、短而理橫、今人多以苜蓿根假之、俗呼為土黃芪、但堅而脆、味苦、令人瘦、黃芪柔而味甘、令人肥、大異、用者

宜審、木黃芪亦勿用、

岩黃耆產加賀國白山、和泉國金剛山、及安藝廣島等、爲宿根草、春季抽莖、高三四尺、葉爲多數小葉所成之複葉、有毛茸、秋季開類小豆花之淡黃色花、後結莢實、中有小子、一種呼富士黃耆者、產駿河國富士山、莖如蔓、花淺黃色、結莢角、又有一種紫色者、根莖俱小而硬、謂之木黃耆、

形態 漢種黃耆、根長二尺許、柔軟、味甘、日本產者、去根皮、用木賊磨之、木部白色、髓黃色或白色、是爲佳品、（綿黃耆根粗軟、內部黃白色、味甘、木黃耆根堅硬、味苦而淡、爲下品、）

效能 用作緩和強壯藥、又爲諸瘡聖藥、

【能】 甘溫、生用固表、無汗能發、有汗能止、丹溪曰、黃耆大補陽虛、溫分肉、實腠理、補肺氣、瀉陰火、解肌熱、次用補中、益元氣、溫三焦、壯脾胃、生血生肌、排膿、內托瘡癰、聖藥也、痘症不起、陽虛無熱者、宜之、爲補藥之長、故名耆、（俗作芪）皮黃肉白堅實者、良、

處方 配合黃耆之處方如左、

○玉屏風散 治自汗不止、氣虛表弱、易感風寒、

黃耆（炙） 防風（各一兩） 白朮（炒三兩）

右爲末、

○內托黃耆圓 治針灸傷、經絡流膿不止、

黃耆(八兩) 當歸(三兩) 肉桂 沉香(各一兩) 木香 乳香(各半兩)

右爲末、用菜豆粉四兩、薑汁煮糊圓、如梧桐子、每服五十圓、

○黃芪湯 生津液、去煩燥、

黃耆 熟地黃 芍藥 五味子 麥門冬(各三兩) 天門冬 人參 甘草(各二錢) 茯苓(一兩)

右加烏梅、生薑、大棗、水煎服、

○黃耆損益湯 治心腎俱虛者、

肉桂 熟地黃 半夏 甘草 木香(各三分) 石斛 當歸 川芎 黃耆 木香(各一錢) 芍藥(一

錢半) 五味子(三分)

右水煎服、

用法 削去黑者、蜜製焙、或鹽製焙、或生焙用、

禁忌 惡龜甲、白鮮皮、

用茯苓爲使、

用量 八分至二錢、

荷蘭藥鏡第十八卷黃耆條載此藥治病疾及梅毒頗為有效其拉丁名為「阿斯篤拉格留斯、愛基斯加卑斯」

用根及子味微甘、收瀉、水煎服、治下利赤痢、利小便、○用作漱藥、能刷淨斷顎腐爛、使之治愈、○為末、搽經久潰瘍及創傷、使排膿而愈、○或用治梅毒諸症、左方多有效

〔黃耆煎〕 黃耆（一盞斯）

右加水適宜煮、瀘過、取二磅、朝夕各服一磅、

黃精

黃芝（萎蕤亦一名黃芝）黃孫 黃衣 黃獨 馬箭 雞格 飛英 重樓 龍御 鹿竹 米舖 日
及 荷格 垂珠 卑菜 玉芝草 太陽草 救荒草 菟竹 竹大根 野生薑 筆管菜 戊己芝 沙田隨
仙人餘糧

係屬百合科黃精 *Polygonatum giganteum*, Dierr. (*P. canaliculatum* Pursh.) var. *Thunbergii*, Maxim. 之根莖

黃精為山野自生之宿根草、種類頗多、莖高自一二尺至四五尺、葉由種類而異、五月間於莖頂及葉腋、開青白色

花下垂如懸「鳴子」(鳴子爲日本農家用以驅逐田園鳥雀之物、於板面懸細竹、以繩引之則鳴)故一名鳴子百合(因葉似百合葉)

本草綱目啓蒙曰 黃精生山中陰地、有數種、春皆自宿根生苗、初出土時、有籜包之、狀如小筍、惟不直立、葉圓嫩綠、有光澤、似百合葉、細瘦而互生、竹葉黃精、葉形狹長如竹葉、又似百合葉、柔薄光滑、有細縱理、長三五寸、四五、月於葉間開花、作筒狀、末分五瓣、形如沙參花、無蒂色白、瓣微綠、皆下垂、後結圓實、較南天燭子爲大、熟則成黑色、中有細子、其根白色、橫生而有節、歲增一節、積年漸長、本草原始言生刺人喉、是爲玉竹黃精、大葉黃精、葉長大、苗粗高四五尺、根節圓扁、大一寸餘、相連橫生、形如白及根、山農煮熟食之、味如薯蕷、是爲白及黃精、圓葉黃精、苗高一二尺、莖較竹葉黃精爲細、葉較萎蕤葉爲短、堅硬有光、其花亦小、根與竹葉黃精無異、唐種黃精、享保年中傳入日本、其狀與玉竹黃精無異、惟其葉或互生、或兩葉相對、或五七葉相對、雜生一莖、如紹與本草所繪爲異耳、是爲正精、藏器說云、「偏精功用、不如正精、」據此當以唐種爲上品、日產皆偏精也、此外品類尙多、日本藥舖所售、皆本國產、以奧州南部所出者爲上品、其形最肥大、又出「蒸黃精、」黑色、味如熟地黃、用供果食、本草原始云、「熟、味甘堪食、深黑色、象地黃、有二三岐者、有一二岐者、」卽此、熟指九蒸九曝也、

黃精 爲黑褐色地下莖、有節、年久者肥大、販賣品中、混有萎蕤、別之之法、以有節者爲生薑手黃精(真黃精)無節者爲地黃手黃精(萎蕤)

效能 爲滋養緩和藥、用於病後虛弱諸症、

【能】 甘平、補中、益氣、安五臟、益脾胃、潤心肺、填精髓、助筋骨、除風濕、下三尸蟲、

用量 三分至一錢、

鼠肭臍

異名 骨貓 骨訥 骨貂 貂獸 海狗腎 阿慈勃他

產地 鼠肭獸產南北極海、日本自北海道千島至常陸深海間產之、

鼠肭獸隨氣候變異而移動、卽夏季居北海、冬季則南來、春季復北往、漸次又入北海、

基本 係將鰭脚類鼠肭臍 *Otaria ussua* Loss. 之陰莖舉丸及臍連同切取者、日本用陰莖、中國則用舉丸云、

鼠肭臍爲棲息海上之獸類、形似狗、有吻鬚、四肢悉作鰭狀、尾短小、適於游泳、牡者體長五六尺、牝者祇及其半、幼時毛色黑、漸長則變茶褐色、有青黑色斑點、腹部生白毛、動作活潑、感覺銳敏、捕時在陸上則撲殺之、在海上則槍殺之、

效能 有溫補滋養之功效、

【能】 甘鹹、大熱、補腎、助陽、治虛勞損傷、陰痿、精冷、功近菴蓉、

日用藥品考曰、此由蝦夷松前津輕等出產、惟真品甚少、多用海獺偽充、凡用脰肭臍、係用辜丸、綱目諸說皆然、獨日本則向來沿用陰莖、謂之脰肭臍鞭、(Takeri) 真者赤色、長二三寸、根有毛、今藥舖所售者、長七八寸至尺餘、有百尋鞭、一名筋鞭 (Suitakeri) 者、俱非真品、又有以鹽醃者亦然、

日本山海名產圖繪曰、書脰肭獸作脰肭臍者誤、蓋獸名脰肭也、書作脰肭臍、係指外腎、即辜丸也、藥用頗少、用肉、其以陰莖售賣者、當係此外腎之誤、○由津輕南部出產、種類頗多、真偽難辨、或云海獺海豹、即其總稱、其曰海豹者、皮有黑斑點、似脰肭、當係羣鹿同種、○海獺形狀全與脰肭相似、其前齒二重者、為真脰肭、一說祇上齒為二重齒、頭上有吹水之孔、隱毛間不易見、肉或百尋鞭投水中而水溫不凍者、為真品、○陰莖亦有偽者、以百尋製成、故無毛、號百尋鞭、真者長三寸許、赤色、根有毛、全身灰黑、似水獺而微長、形似貓而小、口之吻鬚甚大、腮次左右有足似大鱈、後足在尾前、俱長一尺、其端有五爪、尾頗細、居海底最深處、或於海邊石上結伴鼾睡、惟其中必有一隻不睡、見有船來、立發聲醒睡者、匿入水中、性善游泳、越潮甚疾、此種為真脰肭、但海獺亦一切與之相同、故今所謂脰肭者、多為海獺、真者甚難得、本草集解、言此出東海水中、可見中華亦甚少此物、係運自日本者也、○蝦夷呼其大者為「涅資夫」(Netsufu) 中者為「招基」(Choki) 小者為「烏涅烏」(Uneu) 是為真脰肭、呼其為「鐵資熙」(Tetsuhi) 呼一隻為一羽、津輕取此「鐵資熙」為肴、呼其中之大者為「托」(To) 今女孩

呼魚爲「托托」(Toto)或本於此亦未可知中華亦有此語云○又夫木集雜十八夢有建長八年百首歌合衣笠內大臣所詠詩云「我之戀愛有若海驢(托托)睡沈未醒之夢」云云此所謂海驢者爲海馬之一種非臚肭之類也又海驢日本紀神代卷龍宮章下訓作「三千皮」○蝦夷人之捕此乘用繩纏絡之船見有羣睡漂流者則揮狐尾以嚇不睡之一隻使不敢聲而遁去乃用矢或魚叉射捕睡者其技至精頗不易及船概不用棹而於前後搖之

日本山海名產圖繪係平瀨徹齋所著寶歷四年刊行

或曰臚肭當係指臍何爲指外腎某書載有欲得其臍者托松前南部之人覓之終難得詢之士人乃云臍與陰莖甚邇取陰莖必損臍故無有全者云或云此當是雄者若雌必有臍

枸杞子 Boxtohorn fruit. (英)

赤寶 靈鹿 二尸籙 三尸籙 石納蠅 地仙子 地節子 青精子 天精子 枸棘子 却老子

甜菜子 朋眼草子 雪壓珊瑚

係屬茄科枸杞 *Lycium chinense*, Mill. 之子實 (參照地骨皮條下)

爲類似蕃椒之紅色圓形或橢圓形漿果中有無數種子味稍甘

效 用作強壯藥、葉亦用於同一目的、

【能】 子甘、堅筋骨、耐老、除風、去虛勞、補精氣、治心病、心痛、腎病、消中、滋腎、潤肺、○苗葉苦甘涼、除煩、益志、補五勞、七傷、去皮膚骨節間風、消熱毒、散瘡腫、作飲代茶、

處方 配合枸杞子之處方如左、

○四神丸 治腎經虛損、眼病昏花、或雲翳遮睛、

枸杞子一斤、(好酒潤透)分作四分、四兩用蜀椒一兩炒、四兩用小茴香一兩炒、四兩用脂麻一兩炒、四兩用川棟肉一兩炒、揀出枸杞、加熟地黃、白朮、白茯苓、(各一兩爲末)煉蜜丸服、

用法 酒浸一宿、搗爛灸用、

用量 子用五分至一錢五分、葉用八分至二錢、

雜纂 枸杞爲養生仙藥、見狂訓亭主人著閑窗瑣談卷一、茲轉錄於左、(閑窗瑣談、係佐佐木貞高一爲永春水一所著、日本天保十二年刊行、)

老子曰、生以百歲爲限、節護者可至千歲、不以人事累意、淡然無爲、則神氣自滿、爲不死之藥云、又彭祖曰、人身虛無、則不思食、不思食、既無所思、則心不勞、神不極、可得千歲云、但人既非仙、焉能無所思慮、且卽不勞神、設或生而虛弱、亦將因病而散其神氣、無延年之術、吾向多病、直至中年、卽春秋佳日、亦多度於病中、愁眉長鎖、日惟乞針灸

藥餌、欲以脫痛苦、幸有人示一良方、迄今三十餘年、健康無病、皆受其賜、其藥乃為最賤之一藥、得之不難、世人皆能識之、即枸杞是也、常服之、實為延壽妙劑、稍服能和腸胃、長精力、其效如神、吾以枸杞子葉、剉細陰乾貯之、又焙爐烘乾、每日代茶飲、三四年而宿病盡失、五六年而壯健、氣力彌增、有若少年、以服枸杞而能保壽至六十餘年、非謂長生之可期、乃喜宿疾之盡祛、因不計識與不識、盡欲使之服此枸杞、以補元精、自然萬病全消、得保天壽、此吾一片婆心、欲以普告十方者、本草綱目曰、枸杞一名仙人杖、又名西王母杖、為補腎滋補藥、堅筋骨、壯心氣、去皮膚間骨節風、明目、易顏色、令人長壽、用枸杞煎湯洗滌、令人光澤、此係從本草所載數百效能、略摘一二而已、圓機活法（此為學仙古書）云、取枸杞煮而食之、忽覺身輕、飛峯上、康熙字典（枸杞條下）云、枸杞地骨、服之輕身益氣、兩大師傳記云、枸杞能壯心氣、補五勞七傷、○以上所記祇略述枸杞之效能、自昔珍為仙藥、見於諸書者而已、詳細宜閱原書、

龍眼 Longan. (英)

異名

圓眼 桂圓 魁圓 比目 龍月 木彈 荔枝 荔枝 細荔 荔奴 益志 蜜脾 燕卵 鮫淚

驪珠

亞荔枝 海珠叢 海珠漿 龍眼錦 龍眼巾 荔枝奴 川彈子 繡水團

產地

產東印度、中國（福建廣東諸省）台灣、琉球等、

其本 係屬無患樹科龍眼樹 *Nephelium Longana, Camb.* 之果肉、

龍眼係產熱帶地方之常綠喬木、枝葉繁茂、高三四丈、葉互生、爲羽狀複葉、小葉作革質卵圓形、五月間、開白色五瓣花、有香氣、果實大四分至六分許、作帶赤色或紫紅色球圓形、表面有皺紋、乾燥則成褐色、破之空虛、正中有類似枇杷核之種子、其種子被有暗褐色柔韌肉質、是爲龍眼肉、味甘、類乾葡萄、

品類 販賣品中、大粒者謂之虎眼、中粒者謂之龍眼、小粒者謂之人眼、最小粒者謂之鬼眼、去核仁者、謂之桂圓肉、從台灣打狗港輸出者呼福圓、

成分 藥學雜誌第一百五十九號、有藥學士村井長之助、藥劑師伊藤禎次郎兩氏「龍眼肉」一文、對於龍眼肉之成分、龍眼樹果實之生藥上及顯微鏡的檢查等、有詳細報告、今將其成分之百分量、錄之如左、

水 〇・八四五、乾燥殘渣 九九・一四五、（內可溶性成分 七九・七七、不溶成分 一九・三八五）、灰 三・三六、（內得自可溶性成分者 二・八七三）、葡萄糖 二四・九一、蔗糖 〇・二二、埤幾斯篤林 一・〇五三、纖維素 二・一八五、酸類（假定作酒石酸等） 一・二六、含淡物 六・三〇九、脂肪 二・四九四等、

效能 用作緩和滋養劑、

【能】 甘平、無毒、益脾、長智、治思慮勞傷心脾、及腸風下血、

用法 取肉浸酒、用乳鉢搗用、丸藥即可用、煎藥稍焙用、

五分至一錢五分

鐘乳石 Stalactite. (英) Stalaktite. (德)

本草綱目曰 石鐘乳生洞穴中、仰視石脈涌出處、則有乳牀、白如玉雪、石液融結成者、其乳牀下垂、如倒數峯小山、峯端漸銳、且長如冰柱、柱端輕薄、中空如鵝翎、乳水滴漉不已、且滴且凝、此乳最精者、以竹管仰承取之、尤輕明如雲母、有爪甲者為勝、

小靈 石乳 公乳 竹乳 夏石 蘆石 虛中 石鐘乳 留公乳 黃石砂 鵝管石

中日各國多產之、下垂於石灰石洞穴中、乃一種極為可觀之礦石也、世界產此最聞名者、一為美國之孟母

斯洞、二為澳洲之亞台培克窟、三為日本之武藏洞、

為白色或灰白之冰柱狀礦石、長短不一、其橫斷破碎面、有自中心向外作放射狀之條理、透明、質重、有時中空、

凡含有炭酸之水、透過石灰質之地層、溶解為炭酸石灰、此水自洞穴之上、滴漉下降之際、接觸空氣、放散溶存之炭酸瓦斯、而析出結晶性之中性炭酸石灰、漸次下垂、凝結而為冰柱狀、是為鐘乳石、又其水滴漉而下、再由下盤旋凝結而上、則為石筍、亦稱石牀、鐘乳石可作盆玩、以供觀賞、

鐘乳石 因其生成之狀態、自昔卽有種種名稱、別之如左、

孔公藥 一名孔公石、次於鐘乳、狀如牛羊角、中有孔、附垂於石、如木之有萌蘗、

般藥 一名薑石、生於石上、如木之蘗、亦盤結如薑、此卽孔公藥之根也、但似附石生而粗者、爲般藥、接般藥而生、由漸空通者、爲孔公藥、接孔公藥而生者、爲鐘乳、蓋般藥如人之乳根、孔公藥如乳房、鐘乳如乳頭也、

石牀 一名乳牀、或稱逆石、亦作石筍、生石鐘乳掌中、鐘乳水滴下、凝結而生、儼如竹筍、久則漸與上乳相接爲柱、**石花** 一名乳花、亦生鐘乳掌中、乳水滴石上、散如霜雪、日久積成如花者是也、

土般藥 一名土乳、卽鐘乳石之生於山崖土中者、南方名山多有之、人亦掘爲石山、以供玩賞、不知其爲土鐘乳也、

古方藥品考曰 鐘乳、日本多產之、其形如指、色白或褐、又如翅管、中空透明輕虛者、名稱管石、俱爲上品、形長大質粗、中充實者、爲下品、○鐘乳石生深山洞穴中、乳水滴凝如冰柱、其大者如柱、小者如筆管、

成分 化學上謂之碳酸加爾更謨、 CaCO_3

效能 中醫用爲補陽藥、又用作眼科藥、

古方藥品考曰 鐘乳性順、利竅、通筋、○本經曰、石鐘乳、味甘溫、主欬逆上氣、明目、益精、安五臟、通百節、利九竅、下乳汁、

【能】 甘溫、爲陽明氣分藥、本石之精、強陰益陽、通百節、利九竅、補虛勞、下乳汁、服之令人陽氣暴充、飲食倍進、形體壯盛、然其性慳惓、須命門真火衰者、可偶用之、若藉以恣慾、多服久服、不免淋渴、癰疽之患、

【處方】 配合鍾乳石之處方如左、

○五寶散 治諸結毒、骨疼不已、或咽喉腐爛、目赤、耳鳴、頭眩不能步行者、

鍾乳石(六分) 琥珀(三分) 龍腦(一分) 真珠(五釐) 朱砂(三分) 飛白麵(三錢)

右六味、研極細末、調土茯苓二兩、以水一升二合、煎至六合、去滓、三分取二合、內散二分、空心頓服、日三、以知爲度、忌鹽醋、辛臭等物、

○碧玉丸 吐痰、神效、

銅綠(三錢) 鍾乳粉(五分)

右共爲末、葱汁丸如綠豆大、每服十九、白湯送下、少頃、痰吐如涌泉、

【用法】 甘草湯洗淨、研爲細粉、水飛用、

【禁忌】 蛇牀爲使、惡牡丹、畏紫石英、忌參朮、羊血、葱、蒜、胡荽、

【用量】 五分至一錢、

大棗 *Jujubae.* (拉) *Jujube.* (英)

異名

乾棗 良棗 丹棗 棠棗 椹棗 白棗 紫棗 灌棗 氏棗 桂棗 膠棗 墟棗 棗膏 棗脯
棗油 牛頭 羊角 狗牙 蹶泄 雞心 轆轤 天蒸棗 撲落酥

其木

係屬鼠李科棗樹 *Zizyphus vulgaris*. *lan. var. inermis*, *Bge.* 之果實、採取其成熟者蒸之、晒乾用、棗為落葉喬木、高二丈餘、往往有刺、葉互生、作平滑卵圓形、邊緣有鈍鋸齒、有三肋、初夏新枝生葉時、於葉腋開淡綠色小花、後結核果、

棗之種類甚多、有圓棗、括棗、實太棗、朝鮮棗等、藥用以朝鮮棗為佳、此棗實肥大、長寸餘、前端尖、多肉質、

棗之生芽較他樹為遲、入夏乃生新葉、故日本俗呼棗為「夏芽」

形態

為赤褐色、有光澤之橢圓形果實、外皮厚、有皺紋、肉層作髓狀、呈黃白色、味甘、中有褐色扁平卵圓形核仁、

成分

含有糖質及粘液質等、

效能

用作緩和藥、又中醫用以配合諸藥、目的在理胃和血云、

【能】

甘平、脾經血分藥、補中益氣、滋脾土、潤心肺、調榮衛、緩陰血、生津液、悅顏色、通九竅、助十二經、和百藥、傷寒及補劑加用之、以發脾胃升騰之氣、多食損齒、○殺烏頭、附子、天雄毒、忌葱、魚同食、

【單方】 中山椒毒、喫大棗三枚佳、

荷關藥鏡曰 有甘和滋潤功效、緩解傷冷毒之酷厲液、療咳嗽、聲啞、咽喉刺痛等胸肺諸症、○治肺傷吐血、和解毒液、飲熱、消小便、嫩痛及石淋、腎痛、滑利大便、加於和胸劑、水煎服、或作糖漿 (Syrup) 用之、尤有效、或製為清涼飲、有甘味、

用法 去核、剉用、

用量 一錢至三錢、

杜仲

異名 思仲 思仙 棉花 櫛 木綿 玉絲皮 亂銀絲 鬼仙木

產地 產中國河南、河北、山西、陝西諸省、

基本 係屬大戟科杜仲 *Eucommia ulmoides*, Oliv. 之樹皮、

本草綱目曰 杜仲生深山中、樹高數丈、葉似辛夷及柘葉、其皮折之、銀條相連如綿、故名木綿、初生嫩葉可食、其花實苦澀、其子名逐折、(厚朴亦一名逐折)

日本不產杜仲、皆由外邦輸入、藥舖有以「桃葉衛矛」*Euonymus europaea*, L. var. *Hamiltoniana*. Maxim

樹皮充之者、

形態 市上所售、概為切取之樹皮、外部呈暗褐色、欲橫斷之、則從皮部生細白色蠶絲狀纖維、其絲如綿、因之不易切斷、

效能 專用作強壯劑、

【能】 甘溫能補、微辛能潤、色紫入肝經氣分、潤肝燥、補肝虛、補腎、肝充則筋健、腎充則骨強、能使筋骨相著、

處方 配合杜仲之處方如左、
○杜仲酒 療卒然腰痛、

杜仲 丹參(各半斤) 芎藭(五兩)

右三味切、以酒一斗、漬五宿、隨量飲之、

用法 去粗皮、作薄片、用酒及加生薑汁液塗、焙到、炒至斷絲用、

禁忌 惡玄參、蛇退皮、

用量 三分至一錢、

蘿摩

異名 藿 芄蘭 苦丸 雞腸 白環藤 羊婆奶

子實名雀瓣、

基本 係屬蘿藦科蘿藦 *Metaplexis Stauntoni*, R. et S. 之種子及白絨、

蘿藦為山野自生之多年生蔓草、春日從舊根生苗、纏繞他物而生、葉為長心臟形、軟而厚、有光澤、大者四寸許、傷葉莖、則流出白汁、夏月於葉腋、生穗一二寸、叢生五瓣小花、花冠外面白色、內面淡紫色、中有白茸、花後結長圓形長三四寸之蒴果、殼青紫色、鬆軟、成熟、則作舟狀綻裂、中有似絹絲光澤之白絨、作針狀、長寸許、其針之根、附有一子、遇風立即飛散、

牧野富太郎氏定蘿藦學名為 *Metaplexis japonica*, Makino

效能 種子用作強壯藥、絨用作止血藥、

【能】 子葉甘微辛、主治虛勞、補益精氣、強陰道、搗子傳金瘡、生肌止血、搗葉傳腫毒、取汁傳丹毒及蛇蟲毒、

【單方】 一切創傷、採蘿藦實內綿貼之、則血止、●蜘蛛咬傷、搗蘿藦、以汁塗咬處、●蛇咬、搗蘿藦以汁塗咬處、

用量 一錢至三錢、

落花生 *Pea-nut. Earth-nut Ground-nut.* (英)

異名 香芋 落地生

基本 係屬荳科落花生 *Arachis hypogaea* L. 之種子、

落花生原係南美熱帶地方之產物、爲一年生草本、日本以紀伊地方最多、莖高一二尺、其枝蔓延地上、葉爲由四小葉而成之羽狀複葉、於夏秋間開黃色小蝶形花、受精後、花托伸長向地、終伸入地下一二寸處、子房或熟、結成革質繭狀莢實、故名落花生、莢實長一寸餘、作灰白色、外有紋理、中藏種子一粒至四粒、種子爲白色、被有淡紅色薄膜、

成分 爲脂肪油、蛋白質、炭水化物、纖維、灰質等、

脂肪油、爲落花生主成分、含有四十二至五十%、由阿拉吉琪克酸 *Arachidic acid*. $C_{20}H_{40}O_2$ 及里克諾里克酸 *Ignonic acid*. $C_{24}H_{48}O_2$ 之不飽和性油酸類而成、

落花生油 *Pea-nut oil*. 係將落花生種子、用冷壓榨出者、爲無色或淡黃色液、比重 0.912 、氣味俱不甚烈、在空氣中亦不變化、逢攝氏零度之冷氣、則凝結、如橄欖油、至零下二十六度、則全冰結、此油可代橄欖油用、

效能 有滋養功效、又炒以供食、世所熟知、

【能】 甘辛、能潤肺、香能舒脾、果中佳品、

來歷 據日本享保十八年刊行菊岡沾涼著「近代世事談」云、落花生之傳入日本、係在元祿末年云、落花生種

類頗多、美國產者種子大而收穫多、日本於明治七年、始向美國購入種子云、

鹿角 *Cornu cervi* (拉) *Harts horn* (英) *Hirsch-horn* (德)

異名 鎮山威 斑龍角

產地 非洲、海洋洲均不產此、產於其他三大洲、

其木 係屬單蹄類牡鹿之頭角、

鹿為棲息山中性喜羣居之獸、以植物為食料、體軀肥滿、四肢細長、牝牡之毛、俱作黃褐色、惟牡脊有白毛斑點、牝則雜有白毛、牝無角、牡有角、由年數而增加枝數、夏季觸樹木而脫落、此角謂之鹿角、供藥用、

鹿畏人、惟日本大和國奈良及安藝國宮島之馴鹿、則為人狎、

生後一年之牡鹿無角、二年乃生角、但無枝、三年生一枝、四年生二枝、六年生四枝、六年以上、增加未有一定、

形態 係作枝狀分枝之堅實角質、長有達三尺者、外面呈白色或淡褐色、處處疣起、下部斷面、有無數鬆孔、是乃血脈穿過角質中之癥痕、

成分 為磷酸鈣、碳酸鈣、膠質、軟骨質等、

效能 專用作強壯藥、

【能】 鹹溫、生用則散熱、行血、消腫、辟邪、○鍊霜熬膏、則專於滋補、

【單方】 胎漏用鹿角屑、當歸各二錢、水三杯、煎一杯半服、●竹木刺、用鹿角燒爲末、和水塗其上、●脚氣衝心、用鹿角爲末、白湯服下多量、

【調劑】 昔時歐洲亦以鹿角供藥用、並有鹿角所製之鹿角油、*Oleum animal raspatum*、鹿角炭、*Cornu ce-*

rvi nigrum、鹿角鹽、*Sol. volatile cornu cervi*、鹿角灰、*Cornu cervi album*、等製劑、

鹿、不但其角可供藥用、其脂謂之鹿胎子、其陰莖謂之鹿莖（鹿鞭）、其脂謂之鹿脂、俱可作藥、

【處方】 配合鹿角之處方如左、

○鹿角散 療楊梅瘡餘毒、

鹿角（燒四分） 黃蘗（一錢）

右爲末、以山歸來汁送下、

○鹿角散 治婦人乳生瘡、頭汗出、疼痛欲死、不可忍、

鹿角（三分） 甘草（一分）

右爲末、和以鷄子黃、於銅器中、置溫處炙、上傳之日、再卽愈、神驗無比、

○鹿角燒末、謂之角石、用作眼科藥、

用法 剉屑爲細末用之、故有鹿角屑之名、

用量 一錢至三錢、

鹿角膠

Gelatina cornu cervi (拉) Gelatin of Harts-horn (英) Gelatin

von Hirsch horn. (德)

異名 白膠 食膠

製法 將鹿角屑、入磁鍋、加清水燒熟、至角質柔軟、從火撤下、濾過、將其濾液移於別器、用微火煎熬、至已成飴狀、乃放冷、待其凝固、切斷晒乾、

古書曰、製鹿角膠、切鹿角長一寸、浸米泔七日、至已軟、細剉碎、入乾牛皮一片、注醋鑊中、煮爛、再加醋細煮、搗之成膏、最後則加酒煮爲膠、陰乾用之、

形態 爲無色透明或半透明無氣味之薄片、劣品有腥臭、逢冷水則吸收而膨脹、入熱湯中、易溶化、冷之則凝固、再熱之則融化、次分解發惡臭、

成分 爲膠素 (Glutin) 軟骨素 (Chondrin) 等、

效能 用作病後滋養藥、

【能】味甘平、補中、益氣、治一切血症勞損腫痛、

【處方】配合鹿角膠之滋養藥之處方如左、

○斑龍丸 治虛損、理百病、駐顏、益壽、

鹿角膠 鹿角霜 菟絲子 柏子仁 熟地黃(各同量)

右為末、酒化膠為丸、

【用量】一錢至三錢、

【備考】昔時用鹿角膠為滋養藥、見於諸書、今錄其一二如左、

竄篤兒藥性論曰 鹿角膠性易消化、有滋養功效、尤以患熱病者、胃腸感動敏疾、嘔吐、下痢、腹痛等、最有神效、為

暴瀉或失血太過、致精力虛損者之要藥、

醫方名物考曰 鹿角膠滋養潤補、易消化、治熱病類之胃腸感觸特甚、不勝飲食等症、或兼有嘔吐、下痢、腹痛等

症、或失血過多所致之虛脫症、或加砂糖、枸櫞汁、列印設酒等、使味美、

補骨脂

【異名】天豆(雲實亦一名天豆) 反古紙 胡韭子 破故芷 破胡紙 婆固脂 婆固紙 補骨鷓

補骨脂 係屬荳科補骨脂 *Psoralea coryifolia*, L. 之種子、

補骨脂爲高達三四尺之草本植物、葉作橢圓形、夏秋間、於葉間生穗一寸許、開淡紫色花、後結球圓形大一分許之實、成熟則外皮變爲黑色、中有黑褐色扁圓形類似麻子之種子、香氣而腥、於舊曆九月間採取、供藥用、

效能 用作強壯藥、

【能】 辛苦大溫、入心包命門、補相火、通君火、煖丹田、壯元陽、縮小便、治五勞七傷、

【單方】 小兒遺尿、用破胡紙炒爲末、每夜用溫湯飲五分、

處方 配合破胡紙之處方如左、

○青娥丸 專滋腎水、秘精、壯陽、益筋、治腰膝痛、

破胡紙(四兩) 胡桃(八兩) 杜仲(四兩)

右糊丸、又蜜丸、

○青娥丸 治腎經虛冷、腰腿重痛、

破胡紙(一斤) 生薑(十兩) 杜仲(一片)

右爲末、用胡桃肉一百二十個、湯浸去皮、研成膏、入末、蜜和丸、

○四神丸 治腎瀉脾瀉、

破胡紙(四兩酒浸一宿炒) 五味子(三兩炒) 肉苳蔻(二兩麵裹煨) 吳茱萸(一兩鹽湯泡)

右用大棗百枚、女薑八兩、切片同煮、棗爛去薑、取棗肉搗丸、臨臥鹽湯下、

○唐鄭相國方 治虛寒、喘嗽、腰脚酸痛、

破故紙(十兩酒蒸為末) 胡桃肉(二十兩去皮研爛)

右調蜜如飴、每晨酒服、不能飲者、熱水調、忌芸薑、羊血、(芸薑、油菜也、)

用法 酒浸一夜、炒用、或混黑胡麻炒、去黑胡麻用、

禁忌 惡甘草、忌芸薑及諸血、

用量 五分至二錢、

來源 享保年中、漢種始傳入日本、後又有洋人攜種至日種之、

肉苳蓉

異名 金筍 地丁(蒲公英亦一名地丁) 地精(人參) 地黃 地骨皮 雄黃 何首烏亦一名地精) 別當

肉苳蓉 黑司命 碧水龍 紫花地丁(列當亦一名紫花地丁)

產地 日本富士山、日光山等均產、

肉蓯蓉

肉蓯蓉屬別當科、為一種寄生生物、六七月間選擇長七八寸者晒乾、或漬鹽藏於壺中、以為藥用、

肉蓯蓉多寄生榛木 *Alnus viridis*, DC. var. *Sibirica* 之根、高自六七寸至尺餘、作肉質柱狀、葉鱗集如松球、長則內部空虛、夏日頂部簇生唇形花、與葉莖俱呈黃褐色、

效能

用作強壯藥、

【能】 甘酸鹹溫、入腎經血分、補命門、相火不足、滋潤五臟、益髓強筋、治五勞七傷、絕陽不興、絕陰不產、腰膝冷痛、遺精、帶下、

處方

配合肉蓯蓉之處方如左、

○天眞丸 治脾胃俱虛、及一切亡血過多、形容枯槁、四肢羸弱、飲食不進、腸胃澹泄、津液枯竭、

肉蓯蓉(一兩) 山藥(十兩) 當歸(十二兩) 天門冬(一斤)

右為末、用羊肉七斤、去脂膜、扯開入藥末、寢定、以麻縛之、用酒四瓶煮、令酒乾、再添水二升、又煮、候肉爛如泥、又入黃耆五兩、人參末三兩、白朮末二兩、糯米飯焙乾末之、同搗丸、

用法

浸漬清酒中一夜、去沙土及鱗甲、破中心、去白膜、

禁忌

最忌鐵氣、

用量

三分至一錢、

雞子 *Ovum gallinaceum.* (拉)

異名 雞卵

基本

屬於鶉雞類之雞、其卵子堪作滋養品、善產卵之雞、歲可得卵二百枚、每枚之重量、自一兩四錢至二兩、

雞本爲產於東印度爪哇地方之野雞、*Gallus bankiva* *Brisson* 捕歸而飼養之、後大加改良、始成現在之家雞、其形狀及大小、均不一致、頭上皆有肉冠、或頂毛冠、嘴極堅硬、尖端頗銳、便於啄食蟲類或穀實、脚亦強健、特以搔地而覓食者、雉者羽毛美麗、姿勢亦甚雄壯、嘴下懸有血色之肉垂、且則啼而報時、其脚有距、用爲禦敵之具、雌者矮小、羽毛不如雄之可觀、每產卵後、往往須抱卵十枚內外、約經二十一日、即孵化爲雛、

形態

卵之形狀、人所共知、卵殼之內、被以白膜、中存卵黃與卵白、卵黃俗呼雞子黃、卵白俗呼雞子白、卵殼色白、或作淡黃褐色、有無數細孔、孵化之際、由此流通空氣、若有黴菌自此細孔侵入、即令全卵腐敗、卵殼內有一層白色強韌之膜、謂之卵殼膜、卵白成自蛋白質、內部較外部易於流動、別有薄膜包之、謂之卵白膜、卵黃係白色卵黃與黃色卵黃二種重疊間層而成、因卵黃膜而爲球形、胚盤在卵黃中、爲原形質與核、孵化之際、核自分裂、漸化爲雛、以卵黃與卵白爲其養料、氣室在卵之鈍端、介於卵殼膜與卵白膜之間、爲貯藏空氣之處、產卵後經時過久、其氣室愈增大、**成分** 各種雞卵之成分、頗不一定、然大致相同、卵殼約含碳酸鈣九十%、磷酸鈣五七%、膠質少許、卵白約含蛋白

質十二至十四%、水分若干、卵黃約含卵黃素十五·七%、無磷之蛋白質及脂肪、鹽類各少許、

青木清一曾檢定各種雞卵之成分、列表如左、表中數字、係指一枚雞卵之瓦量而言、(青木清一取雞卵十六種、鴨卵兩種、各試驗其成分、以其所得成績、刊入藥學雜誌第二百二十號)

種類	成分				
	水分	蛋白質	脂肪	灰分	全卵
戊種	一三·一五	二·三五	三·一一	〇·一六	一九·三〇
丁種	二五·七六	四·六四	四·八五	〇·三二	三六·一〇
丙種	三三·一七	五·一八	四·三八	〇·四四	四四·一〇
乙種	三四·一七	六·〇八	六·〇八	〇·三五	四七·六〇
甲種	三九·九二	六·九三	五·〇五	〇·四五	五三·六五

效能 中醫用雞子為滋養強壯之藥、

古方藥品考曰 雞子補虛、白療肌膚、○按雞子黃即血肉之精、其味甘厚、故能補虛損、其白即保護之膜、其味淡薄、故能生肌膚、燥腐爛、

【能】雞子 甘平鎮心、安五藏、益氣補血、清咽開音、散熱定驚、止嗽止痢、(醋裹食、治赤白久痢)、利產安胎、(胎衣不下者、吞卵黃二三枚、解髮刺喉令嘔、即下)、多食令人滯悶、哺雛蛋殼、細研、麻油調搽痘毒、神效、

雞肉 甘溫、補虛溫中、治折傷、久瘡、難產、

雞屎體 微寒、下氣消積、利大小便、內經用治蠱脹、(臘月取雄白屎收之)、塗蚯蚓蜈蚣咬毒、

雞冠血 鹹平、治中惡、縊死、噎塞、

雞肝 甘溫、治肝虛目暗、漏胎、下血、

雞肫衣 (一名雞內金、一名雞胃、音皮鴟) 甘平、性瀟、雞之脾也、能清水穀、除熱止煩、通小腸、膀胱、止瀉痢、便數、遺

溺、溺血、崩帶、腸風、膈消、反胃、小兒食瘡、男用雌、女用雄、

【單方】 乳頭咬傷、雞子白、調椰子油塗敷、●火傷、塗雞子白、●諸藥中毒、取生雞子黃多吞之、即解、●小兒痢疾、

用雞子入湯煮熟、去白取黃、搗碎、和生薑絞汁飲之、忌茶二三日、●疝氣、腰痛、用雞子黃、白湯煮飲、●赤白帶下、用

亂髮一團、雞卵一枚、各燒爲末、水煎服、●妊娠得病、去胎、雞子一枚、和鹽三撮服之、●胎衣不出、雞子一枚、苦酒一

合冲服、●卒然不得小便、吞雞子白、立瘥、●卒然乾嘔不止、雞子去白取黃、連服五六枚、即愈、

【處方】 配和雞子之處方如左、

○雞卵濃湯 治欬逆上衝、不得臥、喘急塞迫者、

雞卵(一枚)

右用沸湯調、和白砂糖頓服、此方中國人常服、為補虛養生之妙藥、

○治諸病後咳甚欲絕者、

雞子黃(一枚) 砂糖(雞子大)

右二味、熱湯一盞、調令相得、服之、有奇效、

雞子

療治茶談第九卷、記載一方、係用雞子、蚯蚓治愈膿淋、法於雞卵尖之一端、以小刀開一小竅、納活蚯蚓一條、仍用棉花塞竅、投湯中煮熟、去卵殼、研為細末、陰乾、每日早晨、空心服一卵、連製七卵、分七日服完、期內忌食一切鹽類、茶、酒、油、絕房事、七日後、無不愈、予常以此方迭愈數人、昔年在浪華、又以此方授雲州人、此人亦連治數人、輒應手效、凡患膿淋、百藥無效者、此則靈驗如神也、

蛇牀子

異名

- 思益 虺牀 馬牀 蛇米 蛇粟 蛇常 繩毒 棗棘 牆藤 赤木草 赤目草 鬼老子 連陽八

座

基本

蛇牀子(一說、蛇喜此草、臥葉下養其子、故名) 日本不產、邇來漢法醫家、多以屬繖形科濱芹之子實當之、

藥舖所售者、別一種植物之子也、(和名鈔云、前人誤以爲屬眼子菜科之眼子菜、而卽以其子充之)

中國東三省、所產之蛇牀子、高約四十至七十仙米、莖中空、有縱溝數條、並有稍稍膨出之關節、嫩莖之下部、帶紫色、其近根處、粗○・三至○・七仙米、間有至一仙米者、根與莖粗細略同、色白、長約六至十仙米、花爲繖形、作複繖形花序排列、有大花梗、大花梗上斜生無數之小花梗、向上放射、小花梗上之小葉有毛、繖形花長短略同、花極少、白色五瓣、各瓣爲倒卵圓形、末端尖銳、向內卷曲、其正中有凹溝、以顯微鏡檢之、卽見有繁密之斑點、雄蕊凡五、其粉囊如袋、雌蕊凡二、其尖端交互向外、分裂果二、附於簷柱、卽供藥用之蛇牀子也、各果長約三至三・五密米、外面黃褐色、帶茸毛、其新收採者、頂端尙附有雌蕊之餘基、又有廣皮膜狀(但非翅狀)之肋線五條、果殼現黑褐色、每殼皆有油腺、其兩分果之接合面、亦有兩油腺、六七月開花、秋間結實、花時點綴原野、甚美觀也、

增訂草木圖說曰、蛇牀子、生於海濱、一根簇生數莖、莖初貼地、後漸昂起、高尺許、有線條、葉似鱗、底部重複、至末則單、色淡綠、而滑澤、開重繖五瓣之小白花、尖向內卷、子室橢圓、有縱溝、頭有白色二柱、雄蕊五、作淡紫色、大小繖俱有尖細之萼、果實略圓、縱脊大、無毛、長約分許、

成分 藥學士中尾萬三、曾取中國產蛇牀子、提出其揮發油、更於其油中、發見有左旋性皮嫩、左旋性加謨芬、及異

性顯草酸、薄爾尼愛斯推兒、

效能 爲陰痿藥及婦人陰腫藥、

古方藥品考曰 蛇牀除瘡祛陰癢。○本經曰蛇牀子味苦平主婦人陰中腫痛男子陰癢濕癢除痺氣。○按其味甘辛氣香性溫故能除瘡毒祛陰癢。○凡使搗爲粗末。

【能】 辛苦而溫強陽益陰補腎散寒治陰痿囊濕女子陰腫陰癢（濕生蟲）子藏虛寒腎命之病及腰痠體痺帶下脫肛喉痺齒痛濕癬惡瘡風濕諸病煎湯浴去風癢（時珍曰腎命三焦氣分之藥不獨補助男子而且有益婦人世人舍此而求補藥於遠域豈非貴耳賤目乎）似小茴香而細微炒殺毒則不辣（以地黃汁拌蒸三遍佳）惡丹皮貝母巴豆。

■爲右腎命門少陽三焦氣分之藥壯男婦之陽氣惡牡丹巴豆伏硫黃之毒。■陽事不起蛇牀子五味子兔絲子等分爲末蜜丸梧子大每服三十九丸酒下日三服。■婦人陰中腫痛用之以能去濕毒故也。陰戶子宮寒冷以此爲坐藥入陰中置之。以蛇牀子仁末入白粉少許和勻捏如棗大棉裹納陰戶中自暖。■男子陰囊癢女子陰戶癢蛇牀子一兩白礬二錢煎湯洗之良。■又治男子腰痛此爲行右腎命門三焦之藥乃補劑也。■女子赤白帶下亦用之。■陽氣強盛及相火亢甚者忌用。

處方 配合蛇牀子之處方如左

○蛇牀子散 治下白物陰癢或有小瘡

蛇牀子一味末之以白粉少許和勻令相得捏如棗大棉裹納陰戶中自然溫暖此陰中坐藥也

○治陰囊濕癢方、

蛇牀子 麻黃根 牡蠣 乾薑(各等分)

右四味為末、擦患處、

用法

搗碎、微焙用、或湯洗、生用、

用量

七分至二錢、

蓮肉

異名

荷 菡 水芝(冬瓜子亦一名水芝) 玉擎 玉蛹 荅葱 荷蜂 荷菴 珠寶 珠璽 湖目 紫的

澤芝 蓮心 蓮實 藕實 蓮子 藕子

基本

蓮花屬睡蓮科、其所結之蓮蓬、中有子、供藥用、即蓮肉也、

蓮之各部皆有用、葉即荷葉、花托為蓮房、花瓣為蓮蕊鬚、地下莖為藕、藕可為藕粉、皆供藥用、

形態

為類殼斗之實、外呈綠色、未熟者柔軟而味甘、破之、中有苦味之青芽、有至秋季成熟者、作褐黑色、堅硬如石

質、謂之石蓮子、

效能

用作強壯滋養藥、

【能】 甘溫而瀉脾之果也、補中、益氣力、除百疾、止渴、去熱、安心、止痢、治腰痛及泄精、多食令人歡喜、

蓮房 味苦瀉、性溫無毒、主破血、治血脹、腹痛、及產後胎衣不下、酒裏服之、

蓮蕊鬚 開時採之陰乾、味甘瀉、性溫無毒、主清心、通腎、固精氣、烏鬚髮、悅顏色、益血、止血崩、吐血、功效大抵與蓮

子同、忌地黃、葱、蒜、

蓮藕 甘、散留血、生肌、止怒、解酒毒及病後乾渴、(慈忌鐵器)

藕節 澁平、治吐衄、欬血及血痢、

【單方】 噤不止、用蓮實燒焦、白湯服下、●衄血、燒蓮房爲末、用管吹入鼻孔中、

【處方】 配合蓮子之處方如左、

○白雪糕 扶元氣、健脾胃、進飲食、潤肌膚、生精脈、補虛羸、內傷虛勞泄瀉者、宜當飯食之、

大米(一升) 糯米(一升) 山藥(炒) 蓮子(去心) 芡實(各四兩) 白糖(斤半)

右爲細末、攪令勻、入蒸籠蒸熟、任意食之、

○清心蓮子飲 治小便赤瀉、梗痛、及赤濁、

蓮子 人參(各二錢半) 麥門冬 地骨皮 車前子 黃芩(各一錢半) 黃耆 赤茯苓(各二錢) 甘

草(三分)

右水煎溫服、

用法 取蓮子置水中、選其沈下者、去皮及心、剉之焙用、

用量 七分至二錢、

蔓荆子 Seed of vitex. (英)

異名 小荆 黃荆 大荆子 僧法實 陸續丸

基木 屬馬鞭草科、子實入藥、

此藥為灌木、多生於暖地之海濱砂磧中、高三四尺、枝皆蔓延地上、狀似葛藤、處處生有鬚根、葉形橢圓、大一二寸、面深綠、背灰白、夏月、梢上開紫碧色之唇形花、酷似葎花、後則結實、形圓若小球、

形態 子實形圓、似胡椒子、始綠終黑、有蒂五瓣、子皮頗厚、中係白色之仁、

效能 為強壯清涼之藥、

【能】 辛苦微寒、輕浮升散、入足太陽陽明厥陰經、(膀胱、胃、肝) 搜風涼血、通利九竅、治濕痺、拘攣、頭痛、腦鳴、目赤、齒痛、頭面風虛之症、

■除筋骨間寒熱濕痺、利九竅、■治風頭痛、腦鳴流淚、■驅賊風、去肝風、止服痛、■殺諸蟲、■胃虛人用之則生痰、

【單方】 疝氣煎蔓荊子入浴湯浴之、●拘攣頭痛服蔓荊子、

用法 去蒂下之白膜、酒中攪拌、煎晒焙用、或去蒂、剉極細用、

禁忌 惡石膏、烏頭、

用量 七分至二錢、

益智

益智、原名 Cardamomum。為香味藥、多產於東印度地方、種類頗夥、益智、縮砂、草果等皆屬之、初版日本藥局方中收入縮砂、Fructus Cardamomi 嘗記其基本植物名與其形狀、至第三四版、特更名為小豆蔻、亦記其基本形狀等、故此 Cardamomum 之譯名、與其基本植物、當定名時、煞費苦心也、又有譯作小益智、白豆蔻、草果等名者、

合類廣益靈寶能毒大成曰 脾主智、此藥能益脾胃、故名益智、蘇東坡益智記曰、益智之花與實、皆長穗、分三節、如其實豐大、則是年稻必大穫、其上中下三節、以占早中晚田禾之豐凶、屢試不爽、故又有歲知之名、

本草綱目曰 益智子、出峴崙國及交趾、今嶺南州郡、往往有之、葉似蘘荷、長丈餘、其根上有小枝、高八九寸、莖如竹節、二月花連著實、五六月熟、其子如筆頭、而頭尖長七八分、但今益智子、形如棗核、而其皮及仁、皆似草豆蔻也、

異名 英華庫 益智子

產地 概產於馬刺拔爾地方、日本無此植物、

基本 爲屬於蕁荷科之植物、其子實卽名益智、

形態 係覆果、大於縮砂、形長圓、色暗黑、頂端有小嘴、其下則有果梗、中藏細小種子、色紅褐、作多角形、氣芳香、味略似沒藥、

效能 前人用以治遺精、小便餘瀝、及夜中尿多諸症、

【能】 辛熱、本脾藥、兼入心腎、（燥脾胃、補心腎、）主君相二火、補心氣命門之不足、（心爲脾母、補火故能生土、）能濇精固氣、開發鬱結、使氣宣通、（味辛帶散、）溫中進食、攝涎唾、（嘔出於胃、胃冷則涎湧、）縮小便、（腎與膀胱相表裏、益智辛溫固腎、鹽水炒同烏藥等分、酒煮山藥糊丸、鹽湯下、名縮泉丸、）治嘔吐、泄瀉、客寒犯胃、冷氣腹痛、崩帶、洩精、（濇精固氣、因熱而崩濁者禁用、）

■是爲脾胃本藥、主君火相火、令氣宣通、行陽退陰、補三焦命門之氣、■腎虛小便滑數者、益智拌鹽炒、去鹽、入烏藥等分爲末、再加山藥粉、酒糊丸、梧子大、每服七十九、空心鹽湯下、名縮泉丸、■治心氣不足夢遺、此因溫補下焦故也、■脾腎氣虛、腹脹大瀉、日夜不止、百方無效者、益智仁二兩、濃煎飲服、立愈、■婦人血崩、益智仁末一錢、與入鹽之米飯並喫、妙、■此藥多服反生虛熱、

【單方】 針斷入肉中、速取益智仁煎服、●帶下、益智仁爲末、湯調服、

【處方】 配合益智仁之處方如左、

○清心蓮子飲 治心中客熱煩躁、赤濁肥脂、

蓮肉 茯苓(各一兩) 益智 遠志 麥門冬 人參(各半兩) 石菖蒲 車前 白朮 澤瀉 甘草(各三分)

右燈芯一握、水煎服、○局方有黃芩、地骨皮、甘草、無益智、遠志、石菖蒲、白朮、澤瀉、

○分清飲 治思慮過多、清濁相干、小便白濁、

益智(一兩) 萆薢 石菖蒲 烏藥 茯苓(各一兩) 甘草(四兩)

右人鹽少許、水煎服、○楊氏無茯苓、甘草、名萆薢分清飲、

○縮泉圓 治丈夫小便頻數、(史越王方)

烏藥 益智(炒) 川椒 吳茱萸

右等分、酒糊圓、梧桐子大、每服五十圓、臨臥鹽湯下、

○小兒遺溺方、

益智仁

右一味爲末糊丸、每服酒送五分、百日愈。

用法

去皮取仁、炒用、

用量

三分至一錢、

附錄

Cardamomum. 從前譯作益智、其入藥之仁、名曰 Eleattaria cardamomum. Maron. 又名馬刺拔爾

加他摩斯、此物產於馬刺拔爾之海岸、約在二千五百至五千尺高處、錫蘭亦有之、果實爲三稜長圓形、呈淡褐色、長一二仙米、徑一仙米許、具有雜亂之稜線與皺襞、囊殼中包藏種子、約二十粒、香味特異、酷似樟腦、含有比重〇・九二至〇・九四之右旋性揮發油、自三%至五%、脂肪油一%、澱粉三%、三四兩次改正之日本藥局方內、特收入此藥、定名爲小豆蔻、Fructus Cardamomi (Betataria cardamomum. White et Maron.) 大抵係採收稔熟之蒴果而乾燥之、顆粒作淡黃色、長一二仙米、粗約一仙米、有鈍稜三條、且有縱脈、頂端有小嘴、內分三房、各房俱藏縱列之種子約七粒、種子色褐、呈不整齊之有角性、且帶皺紋、而覆以無色菲薄之衣、種子在囊殼中時、含有極芳香之分泌物、至果殼則無甚氣味、

芡實

異名

芡子 蔞子 蔞藪 菱弟 鳧頭 吳雞 鵠頭 鴻頭 雁頭 雁膳 雁實 雁鳴 卯稜 雞蓮

雞豆 雞足 雞頭菱 雞頭蓮 雞頭盤 雞味兒 雞頭菜 芡雞莖 雁喙實 水中丹 水陸丹 居寒蓮
水流黃 藕梢菜

其本 此為屬睡蓮科芡之種子

芡為生於暖地池沼之水草，葉頗大，直徑自五六寸至二三尺不等，上浮水面，葉面色深綠，有光澤，背帶紫色，有皺
皺，葉脈凸起，密生軟刺，莖有孔有刺，夏月莖抽水，上頂端開四層之四瓣花，作深紫色，日中盛開，日沒即萎縮，果實
狀如鳥喙，大一寸許，迨既成熟，則為三寸許之球實，果肉中包藏種子，少則八粒，多者二十，除入藥外，尚可與其根
莖，同作食用。

形態 為圓形之種子，與無患子相似，外皮呈淡黑色，乾則變灰白色，中有仁。

效能 為強壯藥，並用於風濕作痛等症。

【能】 甘澇，固腎澇精，補脾去濕，治夢遺，滑精，帶濁，泄瀉，小便不禁，腰膝痠痛。○蒸熟搗粉，入澇精藥，連殼用。

■治濕痺，腰脊膝痛。■補中，除暴疾，益精強志，使耳目聰明。■久服則身輕不饑，耐老，兼能開胃助氣，止渴益腎，治
小便不禁，及遺精，白濁，帶下。

用法 蒸熟，烈日中晒裂，取仁，舂碎取粉用，亦得時珍曰：新者煎食良，入澇精藥，則用殼。

用量 五分至錢半。

菟絲子 Dodder. (英)

異名

玉女 烏麻 唐蒙 金菰 狐絲 赤網 菟縷 菟纒 菟蘆 菟丘 老禿鶩 火焰草 野狐絲
無根藤 金線藤(虎耳草亦一名金線藤) 金線草 金錢草 天碧草 難火蘭 迎陽子

基本

菟絲屬旋花科、此其子實、於秋季採取、晒乾用之、

菟絲為山野自生之蔓草、春季於地上伸莖如絲、得他植物而纏繞之、自絕其根、而由被纏之植物吸取滋養料以生長、莖細、初白色、後呈黃白色、不含葉綠素、莖之分歧、纏掛植物之梢、狀如掛麵、葉細小作鱗狀、驟視之若無葉、晚夏開花、大二三寸、帶赤白色、後結實、大一分餘、熟則呈黑褐色、內有種子二三粒、形似蘿蔔子、

效能

用作強壯收斂藥、

【能】 甘辛、和平、擬正陽之氣、入足三陰經、(脾、肝、腎) 強陰益精、溫而不燥、不助相火、治五勞七傷、精寒淋瀝、口苦燥渴、明目、補衝氣、助筋脈、益氣力、

處方

配合菟絲子之處方如左、

○小菟絲子丸 治腎氣虛損、目眩、耳鳴、四肢倦怠、夜夢遺精、

石蓮肉(二兩) 菟絲子(五兩) 白茯苓(一兩) 山藥(二兩)

右爲末、用山藥糊和丸、

○茯苓丸 治思慮太過、心腎虛損、小便白濁、夢寢頻泄、又有餘瀝、

菟絲子(五兩) 白茯苓(三兩) 石蓮肉(二兩)

右爲末、酒糊丸、

用法 酒浸一夜、取出晒乾搗末、用山藥及松脂爲使、

用量 三分至一錢、

南天燭 *Garden nandina* (英)

異名 牛筋 男犢 楊桐 南燭 染菽 南天竹 烏飯草 墨飯草

基木 南天燭屬小檗科、其葉與實、俱入藥、

南天燭適於暖地、爲山野自生或栽植庭園之常綠灌木、高四五尺、間有丈餘者、葉由多數披針形小葉而成、數回作羽狀、初夏開複總狀花序之白色五瓣花、果實作球形、初綠色、至冬季成熟、則呈美麗之赤色、時亦有白色或黃色者、變形亦多、

效能 專用作強壯藥、

【能】 枝葉苦酸瀟、止泄、除睡、強筋、益氣力、久服長年、令人不饑、○子酸甘、強筋骨、益氣力、固精、駐顏、

【單方】 小兒百日咳、用白南天燭實燒焦服之、

【用量】 一錢至三錢、

【雜考】

日俗逢喜慶事、贈人以赤豆飯、輒用南天燭葉、鋪於器底、其故未詳、

和漢三才圖會曰 畫譜名關天竹、其葉似竹生、生子成穗、紅如丹砂、經久不脫、植庭中、可避火災、甚驗、亦可入糖蜜供食、

前田曙山氏著園藝文庫第六卷云、南天燭葉、相傳用以去乾鮭鹽、甚有效、試盛水滿桶、置入鹽鮭一二尾及此葉數十葉、經一晝夜、則鹽氣全消、與生鮭無異云、

山茶莢

【異名】

石棗 肉棗 湯主 鼠矢 雞足 蜀酸棗 實棗兒樹

【基本】

此即屬山茶莢科之實也、

山茶莢為落葉灌木、庭園常栽種之、枝柯繁茂、高至丈餘、入春先葉開花、花在四片之苞葉上、黃色四出、形小而簇生、花瓣作披鉞形、向外反卷、花落之後、葉始發生、作長卵圓形、或長橢圓形、頭尖底圓、側脈甚顯、並行而集於尖端、

皆兩兩對生，果實生綠熟紅，爲長橢圓形之石果，中有種子二枚，果肉味甘酸。

本草綱目啓蒙曰 日本古無山茶萸，享保中始得中國種，今多栽之，木高大，葉似土牛膝葉，無毛對生，至冬則無葉，春間未生葉時，枝節間密生無數小花，相聚成簇，四出黃色，大僅三分許，恆以之供養膽瓶中，至後結實，形如桃葉珊瑚實，初時色綠，秋後始熟而變紅，南京種葉細狹，實少肉，中國種葉潤圓，實多肉，日本出產極少，葉更狹且尖，實甚小，形上下小。

古方藥品考曰 來自中國之山茶萸，形似鼠屎，色紫黑，味酸澁滋潤者爲上品，高麗產次之，日本產與中國貨相同，色紅紫，亦可用。○山茶萸樹，高丈餘，晚冬先開小黃花，後生葉似羊婆奶而縱道多，至春結子，晚秋熟，色紅如胡頹子狀，採之，沃沸湯，曝乾。

效能 用爲強壯藥、

古方藥品考曰 山茶萸溫肝，○本經曰，山茶萸味酸平，主心下邪氣，寒熱，溫中，逐寒濕痺，○別錄曰，微溫，主腸胃風邪，寒熱，疝瘕，頭風，益精，安五臟，通九竅，止小便利，王好古曰，止小便利，祕精氣，取氣味酸澁，以收滑也，○按其味酸澁，微溫，質滋潤，故能溫肝氣，固腎氣，治小便頻數及腰痛等。

【能】 辛溫酸澁，補腎溫肝，固精祕氣，強陰助陽，安五藏，通九竅，（聖濟云，如何以澁劑通九竅，經疏云，精氣充則九竅通利，昂按山茶萸通九竅，古今疑之，得經疏一言而意豁然，始嘆前人識見深遠，不易窺測，多有如此類者，卽

經疏一語而擴充之、實可發醫人之慧悟也、煖腰膝、縮小便、治風寒濕痺、(溫肝故能逐風)、鼻塞、目黃、(肝虛邪客則目黃)、耳鳴、耳聾、(腎虛則耳鳴、耳聾、皆固精通竅之功、王好古曰、滑則氣脫、瀉劑所以收之、仲景八味丸用之爲君、其性滑可知矣、昂按別錄、甄權、皆云能發汗、恐屬誤文、酸劑瀉斂、何以反發、仲景奚取發汗藥爲君而令人常服乎、李士材曰、酸屬東方而功多在北方、乙癸同源也、肝爲乙木、腎爲癸水、)○去核用、核能滑精、惡桔梗、防風、防己、

■以蓼實爲使、惡桔梗、防風、防己、■入足厥陰(肝)、少陰(腎)二經、■主心下邪氣、溫中、除濕痺、強陰、益精、止小便、數利、■治腦骨痛、■脫氣則大小便滑、此藥味酸收瀉、故秘精氣、止小便、

處方 主爲腎藥、其配合之處方、可參閱地黃及山藥各條、茲不贅、

用法 成熟者、酒煮熟、去核用、

用量 七分至二錢、

龜板 Tortoise-shell. (英)

異名 下甲 神屋 龜甲 敗將 敗龜板 漏天機

基本 龜屬於爬蟲類之龜族、板者、其甲殼也、

龜棲息於川澤池沼、以蠕蟲及小魚類爲其食餌、亦脊椎動物之一也、(龜爲兩棲動物、血溫頗低、較氣中溫度僅高一二度) 體軀扁平、略帶橢圓形、背腹兩面、俱有堅甲、連結若匡、內具骨骼、其背腹兩甲、係變性之皮膚所成、頭部形如圓錐、口無齒、而有如鳥之角嘴、四趾皆短、趾端有爪、便掘土之用、各趾間有蹼相連、便泳水之用、背甲有六角紋十三、分三行並列、周圍有六角紋二十五、繞其邊緣、腹甲有縱橫溝、作暗黑色、一旦遇敵、則其頭尾四肢、俱縮入甲中、故有六藏之名、性質愚鈍、運動亦甚遲緩、然生活頗強、雖數月斷食、亦可不死、且得保五百歲之長壽、(龜之長壽、與鶴相並、人皆重之、中國自古以龜占吉凶、謂之龜卜) 春日掘穴地中、產卵其間、覆以落葉、更覆以砂、受太陽之熱、自然孵化、至冬則蟄伏不出、

效能

用爲強壯藥、

【能】 甘平至陰、屬金與水、補心益骨、滋陰益智、治陰血不足、骨蒸勞熱、腰脚痠痛、久瀉、久痢、久嗽、癩癩、崩漏、五痔、產難、陰虛、血弱之症、

救急選方曰 人齒咬破指頭、痛不可忍、久則手指並手掌一併爛脫、急用人尿、將瓶盛之、以患指浸在內、一宿即愈、如爛者、用龜殼燒灰敷之、如無龜、用鼈殼燒灰搽敷、亦可、○人咬傷者、用龜板、或鼈甲、燒存性爲末、以香油調搽、○又方、咬傷者、一日內、先用熱小便浸傷處、洗淨牙黃瘀血、次以龜板或鼈甲調搽、若腫痛熾發甚者、亦與童便浸洗、拭乾、用粗草紙、擦蘸麻油點火、用火焰熏腫痛上、良久方住、以解牙毒、如臭腐淋漓、用葱白三兩、粉草五錢、煎湯、

每日洗淨、再用藥搽、

處方

配合龜板之處方如左、

○大補陰丸 治水虧火炎、耳鳴、耳聾、欬逆、虛熱、腎脈洪大不能受峻補者、

敗龜板(酥炙六兩) 熟地黃(酒蒸六兩) 知母 黃柏(各鹽水炒各四兩)

右豬脊髓和蜜丸、鹽湯下、

○龜鹿二仙膏 治瘦弱少氣、夢遺洩精、目視不明、精極之症、

龜板(五兩) 鹿角(十斤) 枸杞(二斤) 人參(一斤)

右先將鹿角、龜板鋸截、刮淨水浸、桑火熬鍊成膠、再將人參、枸杞、熬膏和入、每晨酒服三錢、

用法

大者良、上下甲皆可用、酥炙、或酒炙、醋炙、豬脂炙、燒灰用、或洗淨、槌水浸三日用、桑柴熬膏良、(自死敗龜尤良、得陰氣更全也、)

禁忌

惡人參、

用量

一錢至三錢、

柏子仁

異名 榭仁 側柏仁

基本 係屬松杉科之側柏 *Thuja orientalis, L.* 之核仁、

側柏為常綠樹、園庭常栽植之、高六七尺至一丈、葉作小鱗狀、酷類檜葉、謂之側柏葉、可供藥用、花為單性、雌雄兩蕊、生於同一株中、果實作倒卵圓形、大四五分許、內有黃白之仁、如麥粒大、

和漢三才圖會曰 柏之葉似檜、側向如薄片、春日葉端生小花、褐色而不開直、結子枕、如五倍子、淺綠色、冬四裂、中有數子、種之易生、蓋本朝則柏少檜多、中華則柏多檜少、

效能 用作滋養強壯劑、

【能】 肝經氣分之藥也、性平而不寒不燥、味甘而補、辛而能潤、其氣清香、能透心腎、益脾胃、蓋仙家上品藥也、

處方 配合柏子仁之處方如左、

○柏子仁丸 治經行復止、血少神衰、

柏子仁(去油) 牛膝(酒浸) 卷柏(各五錢) 澤蘭 續斷(各二兩) 熟地黃(一兩)

右蜜丸、米飲下、

用法 蒸熟、晒乾、去殼、炒用、

禁忌 畏菊花、羊蹄草、

用品 一錢至三錢、

何首烏

異名 交莖 地精（人參 肉從蓉 地黃 地骨皮 雄黃亦一名地精） 夜合 赤葛（烏蘇莓亦一名赤葛）

瘡帚 野苗 山奴 山哥 山柏 山翁（香薷亦一名山翁） 金香草 九真藤 夜交藤 陳知白 桃柳

藤 馬肝石 紅內消

基本 何首烏屬蓼科、此用其根、

何首烏為山野自生之蔓草、春月從宿根抽莖、纏繞他物、長及丈餘、葉為心臟形、前端尖、皆互生、秋季於莖梢葉腋、綴穗狀細小白花、花後結實、類蓼實、

形態 繁延甚長、似稻樓根、數塊相連、小者如蕃薯、大者如甜瓜、質堅硬、赤褐色者、謂之赤何首烏、白色者、謂之白何首烏、以朝鮮產者為良品、

效能 專用作強壯藥、

【能】 苦堅腎、溫補肝、瀉收斂精氣、添精、益髓、養血、祛風、強筋骨、烏髮、令人有子、為滋補良藥、

虛方 配合何首烏之處方如左、

○何首烏散 治瘡、積滯去後、寒熱不止、至夜尤甚、

生何首烏(碎五錢) 青皮 陳皮 甘草(炙各一錢) 生薑(七片) 大棗(三枚)

右水煎、露一宿、侵晨熱服、

用法 浸米泔中、對稍焙用之、

禁忌 忌鐵、諸血、無鱗魚、蘿蔔、蒜、葱、

用量 七分至二錢、

桑寄生

異名 葛 寄屑 寄童 宛童 寓木 窠屑 窠童 桑生 桑絡 桑上寄生 混沌螟蛉 桑上羊兒藤

桑樹上羊兒藤

基本 暖地不飼蠶之老桑樹、其枝間寄生一種宿木、自桑樹之皮部抽莖而出、宛似插枝於他木者然、其枯死之枝、葉、俱現黃色、因採之以入藥、

屬於槲寄生科之宿木、一曰寄生、故寄生槲樹、或他種樹木之植物、謂之槲寄生、往時歐洲已供藥用、桑寄生是否即寄生桑樹、未詳、

本草綱目曰 凡物寄窠他木而生、在樹爲寄生、在地爲竄藪、其高者二三尺、其根在枝節之內、其葉圓而微尖、厚而柔、面青光澤、背淡紫有茸、四月開白花、其子黃色、大如小豆、汁粘稠者良也、生桑樹上者佳、他木寄生、恐反有害、此物若以爲鳥食物、子落其枝節間、感氣而生、則麥當生麥、穀當生穀、不當生此一物也、自是感造化之氣、別是一物、惟取桑上者乃假其氣爾、第難得真者、須自采、或連桑采之、以銅刀和根枝莖葉剉、勿見火、

和漢三才圖會曰 嫩樹無寄生、而養蠶之地、老桑亦少、故真者難得、惟日本隱岐及肥前五島有之、俗以爲中風要藥、頗貴重、

萬病回春指南曰 桑寄生、卽桑上寄生也、考本草、桑上寄生有三種、旣曰桑寄生、桑木也、寄生、亦木也、而藥部亦有之、又續斷一名桑寄生、按此所謂桑寄生者、殆卽續斷也、古今醫鑑曰、如無桑寄生、則以續斷代之、○綱目集解續斷條、陶弘景曰、節節斷皮、黃皺狀如雞脚者、又呼爲桑上寄生云、

大和本草曰 他樹寄桑木而生、曰桑寄生、又本草序例、桑耳名桑寄生、是一名而二物矣、非一物而二名也、

手板發蒙曰 諸木皆有寄生、入藥須用桑上寄生、他木寄生者有毒、桑上寄生、作黃色、隱州產爲上、不飼蠶之暖地、桑樹無採斫之苦、故茂盛而寄生多、其寄生他木者、黃色非天然、乃僞染也、不可不辨、

日用藥品考曰 日本無外國貨、皆自採本國產、今藥舖所售者、雖呼爲桑寄生、實寄生於櫻樹者、別一種係胡蝶眼、並贗品也、

效能 專用為婦人藥、

【能】 苦堅腎、助筋骨而固齒長髮、（齒為骨之餘、髮為血之餘、）甘益血、主崩漏而下乳、安胎、（三症皆由血虛、）外用、散瘡瘍、追風濕、○他樹多寄生、以桑上採者為真、雜樹恐反有害、莖葉並用、忌火、

■女子崩中、內傷不足之症、產後餘病、均主之、■下血後、丹田元氣虛弱、腰膝墮重、少力、桑寄生末一錢、不拘時、白湯服、良、■益血脈、助筋骨、安胎、止妊娠漏血、■胎動腹痛、桑寄生一兩半、阿膠半兩、艾葉半兩、水一盞半、煎取一盞、溫服、或去艾葉、■腰痛、痺疾、獨活寄生湯最效、一說以升麻代、

諸證辨疑云、或問風濕作痛、古人每用獨活寄生湯、取效甚速、近來用之少效者、何也、曰、古人立方用藥、主病者為君、所以用桑寄生、獨活、乃去風勝濕之主藥也、近寄生收採難得、世俗皆採桃梅粉榆寄生代用、種類雖似、其氣不同、蓋桃榆性熱、傷氣損血、其不效者一也、市上獨活、皆用土當、性燥耗血、其不效者二也、主病之藥、二者缺焉、故奏效鮮矣、予因其用、故立其名曰羌活續斷湯、治病亦效云、

處方 配合桑寄生之處方如左、

○獨活寄生湯 治腰痛掣脚、重痺緩弱、

獨活 桑寄生 杜仲 牛膝 細辛 秦艽 茯苓 桂心 防風 芍藥 乾地黃 人參 甘草 當歸 芍藥（各二兩）

右水煎服、諸證辨疑以羌活、續斷、代獨活、寄生、名羌活續斷湯、

禁忌 忌火、

用量 五分至錢半、

乳汁 Lac. (拉) Milk. (英) Milch (德)

異名 嬭汁 仙人酒

基本 昔時藥用多爲人乳、用初產男孩、子母俱健、液汁白而濃稠者、

形態 爲白色不透明稀薄液汁、味和而甘、

成分 人乳之成分、由飲食、起居、動靜、神思等、而異其量、惟其平均量大抵爲水八七·七三至八八·五五、蛋白質

一·五三至二·八一、脂肪二·九七至三·五六、糖質七·六一至四·八二、鹽類〇·一六至〇·二一、

效能 滋養緩和、用作包攝劑、

【能】 甘鹹、潤五臟、補血液、止消渴、澤皮膚、治風火症、本血所化、目得血而能視、用點亦澁多淚、然性寒滑、藏寒、胃弱人不宜多服、○取年少無病婦人乳白而稠者、

鼈甲

異名 上甲 團魚 神守 孚乳甲 黑龍衣 鼈津甲

基本 係屬龜鼈類之鼈 *Trionyx japonicus, Schleg.* 之甲、

鼈、各地皆產、暖國之川澤湖沼尤多、常棲息水中、體類龜、大者六七寸、小者四五寸、但頭尾四肢、俱不能縮藏甲中、尾短而頭頸長、鼻類象鼻、性喜堅嚼他物、頗不易脫、其脊甲帶褐黑色、多小皺、祇中央部分硬、邊緣軟、作肉裙、俗稱鼈裙、

效能 中醫用於女子血病及勞瘵等、

【配】 鹹平屬陰、色青入肝、治勞瘦骨蒸、往來寒熱、濕瘧瘧母、

【單方】 鼈肉富滋養、病後身神疲勞者最宜、近時養此者頗多、其生血可治虛勞云、

【用法】 淋病、用鼈甲浸醋、炒為末、服至將醉為度、●指被人咬、鼈甲燒灰塗之、●陰頭生瘡、燒鼈甲為末、和雞子白塗之、

用法 或浸童便、或浸醋、或浸酒、或塗醋炙、漬六七度、炙之則自碎、乃入石臼搗末用、

附註 二錢至三錢、

淫羊藿 *Baren wort.* (英)

異名 剛前 仙靈皮 仙靈脾 棄枝草 放杖草 黃連祖 黃德祖 乾雞筋 千兩金 (續隨子亦一名千兩金) 藁籥尊師 三枝九葉草

其本 係屬小蘗科碓草 *Epimedium naeranthum*, Morr. et Decne 之葉、

碓草為宿根草、深山幽谷常生之、自舊根叢生數細莖、春日生葉及穗、高一二尺、一柄有三枝九葉、葉為卵圓形、大二三寸、類杏葉、邊緣有細鋸齒、夏月、莖上開或白、或黃白、或淡紅、或淡紫色之四瓣花、倒垂、其狀如碓、故名碓草、夏季採其葉晒乾、供藥用、

效能 專用作強壯藥、

【能】 能益精氣、堅筋骨、三焦命門藥、真陽不足者宜之、久服使人好為陰陽有子、嘗有淫羊、一日百遍合、蓋食此藿、故名之、

用法 剪去葉邊緣、浸酒一夜、焙用、

用量 二分至八分、

覆盆子

覆盆子、卽莓也、品類甚夥、產於歐美者、凡百五十有餘種、產於日本者、亦四十有餘種、或名之曰蓬蘽、日本向入藥用、歐洲製造之覆盆子糖漿、覆盆子水、覆盆子醋等、其原料係取成熟之新鮮果實爲之、其母植物是否爲莓不可知、學者往往譯作蓬蘽云、

異名

葶 缺盆 大麥莓 西國草 插田蔗 烏蔗子 畢楞伽

基本

此屬於薔薇科、其所結之果實、卽覆盆子、藥用須採收綠色未熟者、

此亞灌木本也、多自生於山野向陽之林中、莖有刺、葉爲複葉、小葉作卵圓形、其邊緣有鋸齒、花紫白色、五出、相綴而爲複繖狀、花、雌雄兩全、果實小而攢簇、形如圓錐、或若彈丸、初時色綠、熟則暗紅、

成分

爲林檎酸、酒石酸、揮發油、糖分等、

效能

用爲滋養強壯藥、

【能】 甘酸、微溫、益腎臟而固精、補肝虛而明目、起陽痿、縮小便、（服之當覆其溺器、故名）澤肌膚、烏髭髮、女子多孕、同蜜爲膏、治肺氣虛寒、（李士材曰、強腎無燥熱之偏、固精無凝滯之害、金玉之品也）狀如覆盆、去蒂、淘淨、搗餅、用時酒拌蒸、○葉絞汁、滴目中、出目眩蟲、除膚赤、收濕止淚、

■益氣輕身、使髮不白、■補虛續絕、強陰健陽、使肌膚悅澤、五臟安和、溫中益力、■療癆損風虛、補肝明目、■男子腎虛精竭、陽痿、服之能使堅長、女子食之、有子、使人顏色美好、■陽事不起、覆盆子酒浸、焙研末、每日酒送服三錢、■益腎藏、縮小便、■取汁稍和蜜、同煎稀膏服之、治肺氣虛寒、

處方

配和覆盆子之處方如左、

○覆盆子丸 治肝臟虛寒、面色青黃、兩脅脹滿、筋脈不利、背膊疼痛、瘦乏無力、

覆盆子(一兩) 五味子(一兩) 附子(一兩) 酸棗仁(一兩) 白朮(一兩) 熟地黃(半兩)

右同搗爲末、煉蜜丸梧子大、每服二十九、空心食前溫酒下、米飲亦得、

用法

酒浸、微焙用、

用量

五分至錢半、

陽起石 Tremolite. (英)

異名 石生 白石 羊起石 五精金 五精陰華 五色芙蓉

形態

爲束鍼狀之塊、色白、或灰、或淡綠、發石膏之光澤、質柔軟、易破碎、作細絲狀、胎生於寒水石及苦灰石中、間有

透明者、入藥以白色者爲上、

成分 昔人以陽起石為雲母之根、主要之成分、為無水珪酸及苦土、此外尚含有加爾曼謨及鐵等、

效能 用作陰痿藥、

【能】 鹹溫、補右腎命門、治陰痿精乏、子宮虛冷、腰膝冷痺、癱瘓水腫、

用法 研磨水飛、醋浸七次、製成細末、收用、（古書有以燒酒、樟腦升煉取粉者、）

禁忌 惡澤瀉、菌桂、畏菟絲子、忌羊血、

用量 三分至一錢、

桑螵蛸 Mantis-nest. (英)

異名 致神 蚌蛸 螻蛸 螵蛸蟲 螳螂窠 遺尿窩 野狐鼻涕

基本 昆蟲類中屬於直翅類之螳螂、秋日築窠桑樹上、經日堅凝、於二三月間收採、灌以沸水、晒乾、入藥、

形態 為形如舊紙之塊、性極輕、長寸許、色黑褐、或黃褐、破之則類似海螵蛸、各房中俱藏卵子、（本草徵要曰、一生出九十九、）

效能 用以治陰痿、遺精、及夜尿症、

【能】 甘鹹、入肝腎命門、益精氣而固腎、治虛損、陰痿、遺精、血濁、血閉、癰疽、傷中、腰痛、通五淋、縮小便、灸飼小兒、止

夜尿○此蠶螂卵也、桑樹產者爲佳、

【單方】遺尿、桑螵蛸酒攪炒、爲末二錢、生薑湯服、

處方

配合桑螵蛸之處方如左、

○桑螵蛸散 治心腎不和、小便白濁、或如米泔、或爲夢泄、

桑螵蛸(蒸過略炒) 遠志 石菖蒲 人參 茯神 當歸 龍骨(別研) 鼈甲(炙黃各半兩) 甘草

(二錢)

右爲末、每服二錢、人參、茯苓煎湯調下、夜臥服、

○桑螵蛸圓 治下元虛冷、精滑不固、遺瀝不斷、

桑螵蛸(七個切炒) 附子 五味子 龍骨(各半兩)

右爲末、純糯米糊圓、每服三十圓、空心鹽酒吞下、一方去附子、五味子、加茯苓、名鎖陽丹、治遺精、

用法 炙末用、

用量 五分至一錢、

龍骨

爲象類動物 Mastodon 之骨埋設土中化石者、往往從地下掘出、謂之龍骨、東洋學藝雜誌第三號、載有日本讚岐國小豆島掘出俗所謂龍骨者、經東京大學教授布瑞恩氏之鑑定、言係漂積期中所棲息之牛族、一種名

Bison Priscus. 者之頭骨、又手板發蒙亦載有小豆島所掘出者、當係大魚之骨云、

異名 陸虎遺生

產地 概產四川成都、山東沂州、山西太原等、

效能 搗爲細末、用於瘧疾熱病、又用作強壯藥、

【能】 味甘平、避鬼魅定魂魄之藥、

用法 與食鹽混和入土器炒、去食鹽用、

禁忌 忌鐵器、畏石膏、

用量 三分至一錢五分、

鐵粉 Ferrum Pulveratum. (拉) Iron Powder. (英) Isenpulder. (德)

異名 鐵華粉 鐵麩粉

製法 鋼鐵之錐屑、

形態 爲灰黑色之粉末、遇磁石、則被其吸引、

第四版改正日本藥局方曰 鐵粉爲灰色粉末、性質重、微有光輝、遇磁石卽爲攝引、遇稀硫酸或稀鹽酸、卽發水素、瓦斯而溶解、於此鹽酸性溶液中、加水多量而稀釋之、再加以赤色血鹵鹽溶液、則生深藍色之沈澱、百分中含有九十八分以上之純鐵、

品類 中方所用之鐵粉、分鐵落、鐵砂、鐵鏽三種、

鐵落 熾紅之鐵片、置砧上鍛治之際、皮層剝落、飛散地上、集而洗淨、曰鐵落、祛痰及水腫用之、

鐵砂 鐵工造鐵之時、鑪刀磋下之粉末、曰鐵砂、染白髮等用之、

鐵鏽 鐵上生出之赤衣、以油和之、用於惡瘡、疥癬等症、又蜘蛛、蜈蚣等咬傷、亦可以此塗搽、

西藥之鐵粉、係將鑄鐵研磨成粉、或將鋼鐵絲束之成捆、而以鏽磋削之、

效能 用爲鎮痙強壯藥、又用以治黃疸、水腫等、

【能】 鹹平、無毒、安心神、堅骨髓、除百病、潤肌膚、化痰鎮心、

【單方】 脚氣衝心、鐵粉六七錢、水二杯、煎取一杯飲、

處方 配合鐵粉之處方如左、

○鐵粉圓 治產後體虛、血邪攻心、狂語、或見鬼神、

鐵粉(一兩) 天竹黃 眞珠 地黃 琥珀(各半兩) 午黃朱砂 麝香(各一分) 金箔(三十片)
右粟米飯和圓如梧子大、竹葉湯下、五圓、

○黃胖丸 治黃胖上逆動氣、或下血眩暈、不能行步者、

鐵砂(醋煮後水洗) 蕨粉(各一兩) 硫黃(八錢) 枯礬(二錢)

右四味爲末、糊丸、梧子大、日一錢、或二錢半、酒送下、

○黃胖丸 療黃胖病、

鐵砂(十兩) 葛根 黃連(各二兩) 百藥霜(五錢)

右四味爲末、糊丸、梧子大、每服二錢、日三、白湯送下、

○鐵砂散 治黃胖病氣上衝、胸短息、小便不利者、

鐵砂(五錢) 蕎麥(一兩)

右二味爲散、每服五錢、日三、白湯送下、

○三粉散 治黃胖、

小麥粉(十兩) 葛粉(五兩) 鐵粉(四兩) 硫黃(五錢)

右爲細末、酒煉乾、日二三、溫酒或白湯送下、

○脾勞丸 療脾勞黃胖、

鐵粉(四兩醋炒) 乾漆(燒存性二錢) 香附子(三錢) 平胃散末(五錢)

右爲末、蒸餅丸、梧子大、白湯送下、

○染白髮藥

碱砂(二兩醋炒七次) 訶子 白芨(各四錢) 百藥煎(六錢) 綠礬(二錢)

右爲末、用熱醋調、刷鬚髮、菜葉包佳、次晨酸漿洗去之、不壞鬚、亦不作紅、

用量 一釐至五釐、

女貞

異名 貞木 蠟樹 鼠梓木

木皮謂之鼠木皮、

基本 女貞屬木犀科、此用其實與葉也、

女貞爲生長山野或栽植庭園之小灌木、高六七尺、葉厚革質、類似杜仲、有光澤、全緣對生、經冬不凋、夏開小白花、實作長橢圓形、熟則呈紫黑色、狀類鼠矢、

效能 實為強壯藥、葉治諸瘡、

【能】 實苦溫、補中、安五臟、養精神、強陰、明目、黑髮、除百病、乃上品無毒妙藥也、葉微苦、除風、散血、消腫、定痛、治諸惡瘡及口舌生瘡腫脹者、皆有效、

楮實子

異名 任 楮桃 穀 穀桑 穀實

基本 係屬桑科楮樹 *Broussonetia Kasinoki*. Sieb. 之實、

楮為落葉灌木、或自生山野、或為人所栽植、高五六尺、葉類桑而面粗糙、長四五寸、邊緣有細鋸齒、花為單性、雌雄異株、雄花長寸許、花穗下垂、呈黃白色、雌花相聚作球狀、呈紫色、實大寸許、類蛇莓、(Indiansr Strawberry) 熟則作紅色、樹皮為製紙原料、

效能 用作強壯藥、

【能】 甘寒、助陽氣、起陰痿、補虛勞、壯筋骨、明目、

用法 酒浸一夜、次焙乾用、

用量 一錢至二錢、

慈石 Magnetite. (英) Magneteisstein. (德)

異名 指南石 吸鐵石

產地 中國之慈州、爲此石最有名之出產地、故名之、(本草通稱磁石)、日本則產於陸中、羽後、越中、越後、飛彈、美濃等處、

形態 或如粒、或成塊、其成晶形者、爲八面體、或斜方十二面體、黑鐵色、不透明、有金屬光澤、質緻密而脆、條痕現黑色、硬度五·五至六·五、比重四·九至五·二、具吸鐵之特性、諸酸類俱能溶解之、

成分 百分中含六十九分之第二酸化鐵、與三十一分之第一酸化鐵、化學上謂之酸化亞酸化鐵、 Fe_3O_4 礦石名磁鐵礦、

效能 用爲強壯藥、

【能】 辛鹹、色黑屬水、能引肺金之氣、入腎補腎、益精、除煩、祛熱、通耳、明目、治羸弱、周痺、骨節痠痛、(腎主骨)、驚癇、(重鎮法)、腫核、(鹹堅軟)、誤吞針鐵、(研末服)、止金瘡血、

用法 煨醋浸、研末、水飛用、或醋浸三日、煮沸、或東流水煮三晝夜、後研末、水飛用、

禁忌 柴胡爲使、惡牡丹、殺鐵、消金、

用量 一分至二分、

仙茅

異名

乳羊 獨茅 茅瓜子 河輪勒佗 婆羅門參（此草始因西域婆羅門僧獻方於唐玄宗，故呼婆羅門參、

言其功補如人參也、）

其本

仙茅屬石蒜科、此其地下莖也、

仙茅為多年生草本、自生於暖地之山中、葉細長、長六七寸至尺許、似藜蘆而叢生、花梗長二寸許、頂端開六瓣黃花、花為兩性、其在上之花、祇有雄蕊、果實為蒴果、根直、外皮淡褐色、內作黃白色、亦有毒植物也、

物類品、曰 仙茅、葉青如茅而軟、且略闊、面有縱紋、又似初生椶櫚、苗高尺許、至冬盡枯、春初乃生、三月開花如梔子花、色黃、不結實、其根獨莖而直、大如小指、下有短細根相附、外皮稍粗褐色、內肉黃白色、東璧曰、蘇頌所說、詳盡得之、但四五月中、抽莖四五寸、開小花、深黃色、六出、不似梔子、此葉初生似椶櫚葉、開六瓣之深黃花、大五六分、甚可愛、根如菖蒲根、又別附小根、其形略如人參、皆如頌說、但云不結實、非也、花謝後、莖更延長寸餘、莖下豐、形如棗核、內有實、熟則迸裂、內有白穰包實、實如椒目而略小、

效能 用為強壯藥、

【能】 辛熱、有小毒、助命火、益陽道、明耳目、補虛勞、治虛弱無子、心腹冷氣不能食、（溫胃）、腰脚冷痺不能行、（暖筋骨）、相火盛者忌服、○葉如茅而略闊、根如小指、肉黃白多涎、竹刀去皮、糯米泔浸、去赤汁出毒、（中仙茅毒、舌脹出口外而斃）、忌鐵、（唐婆羅門始進此方、當時盛傳、服之多效、照前製陰乾、蜜丸酒服、禁食牛乳、牛肉、許真君書云、甘能養肉、辛能養筋、苦能養氣、鹹能養骨、滑能養膚、和苦酒服之、必效也、）

【用法】 糯米泔水浸、後到用、

【禁忌】 忌鐵器、牛肉、牛乳、

【用量】 四分至一錢、

靈天蓋

天石 天靈 聖鐵 人頂骨 人頭骨 仙人蓋 人腦骨 頭顱骨 天靈蓋 腦蓋骨 靈山柴 燭

髓骨

【基本】 用人之頭蓋骨埋土中數年者、愈久愈佳、

【效能】 昔時用於傳尸、勞瘵、久瘡、骨蒸、盜汗等、

【能】 鹹平無毒、傳尸、尸疰、鬼氣、伏連、久瘵、勞瘵、寒熱無時者、燒令黑、研細、白飲和服、亦合丸散、用治肺痿、乏力、羸

瘦骨蒸、盜汗等、

川 取骨片、埋糖灰火內一夜、去其腥氣、用皂莢煎汁洗淨、塗酥油成爲黃色、研末用、

川 三分至一錢、

川 日本明治三十五年時、大阪有所謂人首事件之發生、即有人將人首燒黑出售、當時日政府頗爲注意、以爲即屬無主屍體或骨灰、亦不應擅行拾取買賣、不特有關國家體面、即在人道上、亦應嚴加禁止、故東京富山等藥舖、及黑燒商、當時皆受搜查、醫說亦有「天靈蓋非出神農本經、乃後世醫家禁術之流、奇怪之論也、殊非仁人之用心也」云云、但天石之藥效、早已流傳日本、俗間迷信此藥甚深、故昔時以此供藥用者不少、當德川幕府時代、凡在干住刑場斬首而無人領取之屍首、規定若干時日後、許劊子手領取、經東町奉行檢查、蓋印出售、黑燒商承購燒之、呼爲天石、待價而沽、

日本已故岸田吟香翁、草成「天靈蓋說」一文、載藥學雜誌第二百四十一號、斥其藥效起因之愚妄、以解世惑、

巴戟天

巴 巴棘 女本 不凋草 三蔓草 葉柳草 丹田霖雨 老鼠刺根

巴 係漢產、詳細未明、以根供藥用、

本草綱目曰 巴戟天蜀中產最佳、多生山林內、葉似茗、經冬不枯、內地生者、葉似麥門冬而厚大、至秋結實、根如念珠、有小孔堅硬、但本有心、乾縮時、偶自落或抽去、故中心空、非自小孔、又以紫色者爲良、而無紫色者、采時或用黑豆同煮、欲其色紫、殊失氣味、宜辨之、又曰括巴戟、

形態 日用藥品考曰、(恭曰、以連珠多肉厚者爲良、頌曰、有一種山律根、正似巴戟、但色白、土人採得、以醋水煮之、乃以雜巴戟、)此藥多舶來、曰肉巴戟者、皆寸寸斷、其形肥、味甘潤、爲上品、曰括巴戟者、長二三寸、色紫、形如連珠、中不作連珠形者、曰棒樣、不潤而味澁、當係僞品、

效能 用作強壯藥、

【能】 氣味辛甘、微溫、腎經血分藥、強筋骨、益精、安五臟、虛損病人、加而用之、覆盆子爲之使、惡丹參、

用法 去心取皮焙之、或浸酒一宿、剉焙入藥、若欲急用、可浸溫水使軟、去心用之、或浸枸杞子湯一宿、待稍軟澆出、再浸酒一伏時、澆出、與菊同熬焦、成黃色、去菊花、用布拭乾用之、

用量 五分至二錢、

備考 日本不產巴戟天、有用遠志科植物「柿葉草」*Polygala Reini*, Fr. et Sav. 根、充巴戟天者、或謂巴戟天係與遠志有同樣藥效者云、

柿葉草、係山野自生之多年生草、高一尺許、葉類柿葉、故名、花作黃色、

絡石

異名 石血（絡石之小者謂之石血） 石鯨 略石 耐冬（忍冬亦一名耐冬） 領石 雲丹 雲英（雲

母 雲實亦一名雲英） 雲花 雲珠（雲母又名雲珠） 懸石 石龍藤

基本 絡石屬夾竹桃科，此用其葉莖也、

絡石為山野自生之常綠蔓草，莖作木質狀，葉對生，作長橢圓形，質強韌，有光澤，入冬變紅紫色，花為乳白色合瓣花冠，上緣五裂，各片作回旋狀，以聚繖花序排列，實為細長莢果，長五六寸、

效能 用作強壯藥、

【能】 甘、微酸，神農列之上品，治筋骨關節、風熱癰腫、延年通神、又刀斧傷瘡、傅之立瘥、

用法 陰歷正月或六七月間，採收絡石之纏絡於岩石者，將其葉莖剉焙用，或浸熟甘草水一宿，次細剉，晒乾用、

以杜仲及牡丹為使、

禁忌 惡鐵落、畏貝母、菖蒲、

用量 一錢至三錢、

列當 Broomrape (英)

異名 粟列 粟當 花從蓉 草從蓉 紫花地丁 (肉從蓉亦一名紫花地丁)

基本 即屬列當科、為一種寄生物、

列當為茵陳蒿之寄生物、夏月生於海邊沙地、莖作肉質狀、高五寸至七寸、葉著莖作鱗片狀、與莖俱呈淡黃褐色、較肉從蓉為瘠小、花綴於莖之上部、為淡紫色小花、作長穗狀、

效能 與肉從蓉同、用作強壯藥、

【能】 甘溫、五勞七傷及陽事不興者良、令人有子、

用量 一錢至二錢、

桑椹

異名 萑 人精 桑仁 桑實 文武實

基本 屬於桑科之山桑所結之果實也、採而曬乾、入藥用、

桑實、往時歐洲亦供藥用、其基本植物、乃黑桑也、形態與日本產略似、成熟新鮮之實、味初酸、繼轉甜、中含有機酸、

糖分、粘液質、鹽類、色素等、

效能 用為強壯藥、

【能】 甘涼、色黑、入腎補水、利五藏關節、安魂、鎮神、聰耳、明目、生津、止渴、利水、消腫、烏鬚髮、（黑棋一斤、蟬蛻一斤、瓶盛封閉、懸犀頭一百日、盡化為黑泥、以染白髮妙、）解酒毒、○晒乾為末、蜜丸良、濾汁熬膏、入蜜煉稠、點湯和酒妙、入燒酒、經年愈佳、

用量 五分至錢半、

石南葉

異名 風藥

基本 卽屬石南科、以其葉入藥、

石南為常綠灌木、自生於深山之中、庭園亦栽種之、以供觀賞、高七八尺、生深山者樹多蟠屈、葉作長橢圓形、長自二三吋至五六吋不等、質厚如革、面甚平滑、背則密生褐色之茸毛、似枇杷葉而小、每當花謝之際、則舊葉與新葉次第交換、夏間、梢頭開鮮艷之淡紅色花、形似喇叭、簇聚而生、至秋則結細小之紅實、

效能 中醫用為內傷藥、

【能】 辛散風、苦養腎、補內傷陰衰、利筋骨皮毛、爲治風痺、腎弱要藥、婦人不可久服、令思男、（時珍曰、今人絕不知用、蓋爲藥性論有令人陰痿之說也、不知此藥能令腎強、或藉此縱慾以致痿弱、歸咎於藥、良可慨也、）○出關中者佳、

【用法】 晒乾、剉用、

【用量】 五分至錢半、

紫石英 *Amethyst*. (英) (德)

【形態】 爲屬於六角系稜柱狀結晶之鑽石、色紫、或青紫、或略帶灰色、惟色之深淺、頗不一定、質透明、有玻璃光澤、硬

度七、比重二·五至二·八、諸酸類俱不能溶解之、

【成分】 石英之帶紫色者、其成分爲無水珪酸、 SiO_2

【效能】 自來用爲妊娠藥、

古方藥品考曰 紫石英味甘溫、主心腹欬逆、邪氣、補不足、

【能】 甘辛、性溫而補、重以去性、濕以去枯、入心肝血分、故心神不安、肝血不足、女子血海虛寒、不孕者宜之、

【用法】 火煨、醋淬七次、研末、水飛用、

性味 畏附子、惡黃連、

用法 未詳、

人中白

別名 人尿白 千年冰 萬年霜 秋白霜 尿白鹼 溺白涎

其本 係曾經用過數年之尿壺、取其中自然沈澱固著之灰白色薄片、

效能 加入參濃煎、用作強壯藥云、

【能】 鹹平、降火、散瘀、治肺癆、鼻衄、勞熱、消渴、痘瘡、倒陷、牙疳、口瘡、

秋石（人中白製成）鹹溫、滋腎水、潤三焦、養丹田、安五臟、退骨蒸、治虛勞、咳嗽、遺精、白濁、為滋陰降火之聖藥、

成分 其主要成分大約為尿酸鈣、

用法 久時曬乾用、或入甕燒後用、

用量 一分至五分、

第二章 健胃消化藥

黃連 *Radix coptidis*, (拉) *Coptis-root*. (英) *Koptis würczel*. (德)

異名

王連 支連 川連 宣連 上草 棟連 淨黃連 滴膽芝

黃連以其根相連而色黃故名、

產地

日本各地皆產、

其本

黃連屬毛茛科、此係採掘其曾經七八年之根莖、去鬚根晒乾而用之者、

黃連爲生長山野或栽植園圃之宿根草、其種類甚多、莖高自二三寸至尺餘、四時不凋、春季於舊葉傍抽花莖、其上部簇生白色花、葉由種類而異、別之如左、

菊葉黃連 *Coptis anemonaefolia* S. et Z. 葉類菊葉、早春抽莖、長四寸至一尺許、分出數梗、皆互生、每梢開

白花、花後生新葉、

芹葉黃連 (一名長葉黃連) *Coptis brachyptala*, S. et Z. 爲二回羽狀複葉、類芹葉、

細葉黃連 *Coptis brachyptala*, S. et Z. Var *pygmaea*. Miq. 爲數回羽狀複葉、爲前者之變種、

大葉黃連 (一名薩摩黃連) *Coptis orientalis*, Maxim. 葉類菊葉而粗大、

五加葉黃連 (一名梅花黃連) *Coptis quinquefolia*, Miq. 葉為五楔狀小葉、似五加葉而小、

三葉黃連 (一名醋漿草黃連) *Coptis trifolia*, Salzb. 莖高二三寸、葉為倒卵圓形三小葉、邊緣有銳齒、

形態 黃連載於日本藥局方、以 *Coptis anemonefolia* S. et. Z. 及其他 *Coptis* 屬根莖充之、其形態以丹

波黃連規定之、載於日本藥局方者如左、

黃連粗約一至五密米、長約至四仙米、多彎曲、有細小多數副根、處處有疣狀隆起、外面呈黃灰色、破折面尖銳粗

糙、橫斷面則現出厚暗橙黃色之皮部及淡黃色之木部、木部中有大髓心、或髓心空洞、本品無臭而味極苦、

成分 黃連含有「秘魯培林、」Berberin. $C_{20}H_{17}NO_4$ 與格倫僕根中所含主成分相同、故其效用亦與格倫

僕根同、

秘魯培林為美麗、微細、黃色、星狀結晶體之植物鹽基、無臭而味極苦、對於試驗紙呈中性反應、冷水及冷酒精難

溶、但用溫湯及溫酒精、則易溶而成黃色液、將其熱至百度、初變赤色、終復返為黃色、若再加高熱、則分解發出黃

色蒸氣、

品質 日本藥局方、雖採用丹波黃連、但昔時則以加賀黃連為良品、其根肥大、根端分歧、狀如鷹爪或雞爪、故或呼

鷹爪黃連與雞爪黃連、

日用藥品考曰 黃連（時珍曰）大抵有二種、一種根粗無毛有珠、如鷹雞爪而堅實、色深黃、一種無珠多毛而中虛、黃色稍淡、各有所宜、今用者大抵不拘形之肥瘠、擇深黃色而實者、其質輕虛或帶黑色、係下品、不堪用、舶來者、今甚少、多和產出自諸州、藥舖大抵有加州（總稱越州、飛州等所產者、又有以丹波產偽充者）、信州（有戶隱、松川、根津、駒嶽等所產）、甲州、濃州、丹州等所產者、（品之上下、概頗難辨、藥舖則謂加賀及戶隱者為佳、）

效能

用作苦味健胃藥、

【能】 大苦大寒、入心、瀉火、鎮肝、涼血、○凡治血、防風為上部之使、黃連為中部之使、地榆為下部之使、燥濕、開鬱、除煩、解渴、益肝膽、厚腸胃、消心痰、治腸澼、瀉痢、痞滿、心痛、伏梁、酒毒、胎毒、明目、定驚、除疳、殺虻、○虛寒為病者禁用、○以黃芩、龍骨為使、勝烏頭、解巴豆毒、

處方

配合黃連之處方、略舉數種如左、

○黑丸子 治積聚、心腹痛、疝氣、蟲痛、鬱氣、傷食、嘔吐、惡心、噎氣、眩暈、癩癩等症、

黃連（五錢） 合歡木霜（四錢） 沉香（二錢） 木香（一錢） 熊胆（三錢）

右細末糊丸、

○三補丸 去三焦積熱、瀉五臟火、

黃連 黃芩 黃柏

右等分蜜丸、

○左金丸 治肝臟火實、左脅作痛者、

黃連(六兩) 吳茱萸(一兩)

右爲細末、粥丸、煎白朮橘皮下、

○羊肝丸 治肝熱、目赤、睛痛、視物昏澁、兼治遠年近日內外氣障、拳毛倒睫、一切眼疾、

黃連(一兩)

右用白羊子肝一具、去膜、同於砂銅內研極爛、衆手急丸、

○黃龍圓 治丈夫婦人伏暑發熱、作渴、嘔吐、惡心、及年深暑毒不瘥者、

黃連(去鬚三十二兩) 好酒(五升)

右黃連以酒乾爲度、研爲細末、用麴水煮糊、捏和爲圓、如梧桐子大、每服三十圓、熱水吞下、又療傷酒過多藏毒、大

便泄瀉、用溫米飲吞下、食前進、一日兩服、

○黃連散 治大人小兒熱氣、盛熱乘於血、血隨氣溢於鼻、衄血、得寒則凝澁結聚、得熱則流散妄行、

黃連 黃芩 柏葉 甘草(各等分)

右爲末、鼓煎之、溫服、

○香連丸 治一切痢疾。

黃連(五兩) 甘草(三兩)

右以蜜水略拌濕、置鍋中、重湯蒸、良久、取出曬乾、如此者九次、後入木香一兩爲末、糊丸、

用法 去蘆頭及鬚根、剉、浸酒、焙用、

禁忌 惡菊花、玄參、芫花、白殭蠶、畏款冬、牛膝、

用量 一回服量○・二至○・五瓦、

備考 黃連爲日本運銷中國、印度、南洋諸島之重要藥品、其功效與格倫僕根相同、栽植黃連、爲農家有利副業、其栽植法、詳載藥學雜誌及藥劑誌等、有長岡佐介、柴田清四郎、矢野倉造諸氏所述、

黃連之有效成分爲「祕魯培林」已故藥學博士猪子吉人氏言其根中平均含有十五%、又用普通煎法、其湯中含有九%云、關於其醫治功效等、詳載東京醫學會雜誌第一卷第六號、第七號、第八號及第四卷第十六號、可參閱、

胡黃連

日本向無此物、醫家即以屬玄參科之 *Picrothiza Kurroa*, *Rogl.* 代之、其實誤也、故其基本植物與形態等、

至今不詳、

本草綱目曰 胡黃連、出波斯國、生海畔陸地、今南方亦有之、其性味功用、一似黃連、初生似蘆、乾則似楊柳枯枝、

心黑外黃、折之塵出如煙者、乃為真、其根頭似鳥嘴、折之內似鸚鵡眼者良、

大和本草曰 胡黃連、似黃連而大、味甚苦、蘆頭亦似黃連、此物來自中國、秋開白花、葉細、日本之小草山野間有

之、或曰國俗好之、用以殺蟲消積、實則非也、

異名 割孤露澤

形態 市上所售者、根似地黃、粗約二三分、外面色黃白、有疣狀突起、內作紫黑色、有白點五小點、味極苦、

效能 用作健胃、殺蟲藥、

【能】 苦寒、去心熱、益肝膽、厚腸胃、治骨蒸勞熱、五心煩熱、（心窩、手心、足心、）三消、（渴而多飲為上消、肺熱也、

心移熱於肺、傳為高消是也、多食善饑為中消、胃熱也、瘰成為消中是也、瀉而小便數有膏、為下消、腎熱而水虧也、

）五痔、（牝痔、牡痔、脈痔、腸痔、血痔、濕熱下流、傷血分無所施洩、則逼肛門而為痔腫、）溫瘧、瀉痢、女人胎蒸、消果

子積、為小兒驚疳良藥、（朱二允曰、解喫烟毒、合茶服之、甚效、）○性味功用似黃連、故名、出波斯國、今秦隴南海

亦有之、心黑外黃、折之塵出如煙者真、畏惡同黃連、

■入肝、膽、胃三經、瀉火邪、解巴豆毒、其性味功能、大抵與黃連同、治骨蒸勞熱、小兒驚癩、■人乳浸胡黃連、點眼良

■小兒潮熱往來、自汗、盜汗、用胡黃連、柴胡等分爲末、煉蜜丸如芡實大、每服一九至五九、以酒少許、與藥加水同煎、兩三沸、帶渣服、■小兒紅眼、煎濃茶、和胡黃連末、塗手足心、妙、■中氣不足者、忌氣味苦寒故也、苦寒故損害脾胃、此不獨胡黃連爲然、不論何種苦寒之藥、均祇可服至病愈而止、若過於久服、則有偏勝之害而反生熱、職此之故、黃連、胡黃連、皆大寒者也、其味苦、初雖入胃、終歸心臟、久服不止、則心火偏勝而成熱矣、■胡黃連亦治眼病、眼病起於肝熱、夫肝之與心、猶母之與子也、心爲火、肝亦爲火、惟腎爲水而成獨立之臟、一水不能勝二火、內障乃自腎而生、久服苦寒之藥、則反熱而喪明、

處方

配合胡黃連之處方如左、

○胡連丸 疖病初起、尙未瘦怯、但臉赤口臭、脣焦煩渴、潮熱如火、大便秘澀、是熱疖也、此方主之、

胡黃連 川黃連(各五錢) 辰砂(錢半)

右爲末、豬膽內繫定、虛懸銚內、用淡漿煮一炊飯久、取出、入蘆薈末二錢、麝香少許、粳米飯丸、

○小胡連丸 治肚大青筋者、

胡黃連(五分去果積) 阿魏(一錢半去肉積) 神麩(去食積) 黃連(去熱積各二錢) 麝香(一粒)

右爲末、豬膽汁和丸、

○胡黃連散 治小兒驚熱不退、

胡黃連(一分) 朱砂(半兩) 牛黃(一分) 麝香(半分) 犀角(一分)
右爲散、用乳汁調下一字、

○胡黃連丸 治小兒乳哺不節、生冷過度、下利不止、面黃肌瘦、腹脹發熱、名曰疳痢、

胡黃連末 白蕪荑仁末 蘆薈(研) 麝香(研各一分) 巴豆(五粒去皮心膜出油研)

右合研勻細、煮麵和糊丸、如粟米大、每服五丸至七丸、柳枝湯下、不拘時、

○胡連追毒丸 治痔漏、不拘遠年近日、有漏通腸、污從孔出、先用此丸追盡腐毒、服後丸藥、自然取效、最穩、

胡黃連(一兩切薑汁炒) 刺蝟皮(一兩炙切再炒脆) 麝香(三分)

右爲末、陳米爛飯爲丸、麻子大、每服一錢、食前溫酒下、服後如膿水反多、是藥力到也、勿懼、候膿水將盡、服胡連閉管丸、

○胡連閉管丸

胡黃連(淨末五錢) 穿山甲(麻油內煮黃色) 石決明 槐花(炒各五分)

右爲末、煉白蜜丸、麻子大、每服一錢、晨昏各一服、米飲下、至重者四十日愈、如漏四邊、有硬肉突起者、蠶繭二十枚、炒末、和入藥、治遍身諸漏、皆效、

林下 惡菊花 玄參 覆蠶 白鮮皮 畏款冬 牛膝 忌豬肉

川中 三分至一錢

龍膽 Radix Gentiane Seabra, (拉) Japanese, gentian-root (英) Japanisch

Genzianwurzel (德)

異名 陵游 苦膽 膽草 觀音草 斜枝大夫 斜枝大士

基本 卽屬龍膽科、此用其根、種類頗多、大抵於陰歷八、十一、十二月採掘、用水洗淨、陰乾用之、

龍膽爲山野自生之宿根草、莖直立、高達一二尺、葉似竹葉、作廣披針形或長卵圓形、對生而無葉柄、十月間於莖之頂部及上部葉腋、開藍青色合瓣花三五朵、晝展而夜合、

形態 根莖長約十仙米、粗約五密米、作暗灰褐色、有不整輪節、上面帶莖痕、間附有殘莖、兩側及下面簇生多數副根、橫斷面作暗褐色、其木心中、有錯亂脈管束、副根則帶黃褐色、有縱皺、橫斷面呈褐色、木部有暗色、其邊緣有作放射狀排列之脈管、本品不含澱粉、味甚苦、(第四版改正日本藥局方所載)

成分 爲苦味越幾斯質、黃色素、脂肪油等、

效能 用作苦味健胃藥、

【能】 大苦大寒、沉陰下行、益肝膽而瀉火、(相火寄于肝膽、有瀉無補、瀉其邪熱卽所以補之也、)兼入膀胱腎

經、除下焦之濕氣、與防己同功、

處方 配合龍膽之處方如左、

○龍膽丸 治疳疾發熱、

龍膽 黃連 使君子肉 青橘皮 陳橘皮

右爲末、豬膽汁和爲丸、如蘿蔔子大、臨臥時熱水下、

用法 去蘆頭及鬚根、剉用、或浸甘草湯、乾後用、

禁忌 忌鐵及火、

用量 一回服量○・三至一・五瓦、

生薑 Zingiber. (拉) Ginger. (英) Ingwer. Ingber. Imber. (德)

異名 薑根 百辣雲 勾粧指 因地辛 炎涼小子

基本 生薑屬薑荷科、此其地下莖也、

生薑爲多年生草本、產於亞洲熱帶地方、中日兩國人民、俱用爲蔬菜、或入藥、故園圃多種之、莖高二三尺許、包以葉鞘、葉互生、作廣披針形、葉面有並行脈、花淡黃色、小而爲三裂之瓣、類似薑荷之花、惟內地開花者少、故農家每

於晚春移植母薑、俾其繁殖、夏末發生新根、橫列如掌、形狀扁平、莖之近根處紅色、宿根則爲淡黃色、味辛而帶甘、經霜老熟、則味苦、

日本藥局方所記之生薑、卽中醫所謂乾生薑也、第四版改正日本藥局方記述如左、

生薑、卽以薑之根莖曬乾收用、狀扁平、分歧無定形、外被灰色之袍層、亦間有剝去其一部者、破斷面色帶白、或淡灰白色、作顆粒狀、多澱粉粒、出脈管束、中央圓壙極粗、皮部圍繞之分泌物貯藏器、均勻散存於全組織中、氣味爲特異之芳香性、苛烈如灼、

品類

凡供藥用之薑、必須修製、因而有乾薑、黑薑之別、茲分述如左、

乾薑 製法有種種、寒中以生薑水浸三七日、去皮曬乾用、或於八九月間採掘地下莖、水洗、別於水中入石灰、投

生薑於其間、煎至沸、曬乾用、或將生薑蒸過、曬乾用、

乾生薑 採掘生薑、水洗、去皮、曬乾卽成、

黑薑 以生薑炙焦製之、

一本堂藥選曰 造乾薑法、選取母薑無筋者、水瀝三日、用篋索刮去皮、洗淨、風日透乾、以擊爲度、除夕製此最良、惟天陰雨雪、難免凍壞耳、他時製者力遜、用時、水洗剝細、藥舖製法、與此不同、不分母薑、子薑、投滾水中、煮片刻、卽取出、晒乾、石灰粉之、收貯販賣、以此要利、慎勿用之、又有寒製乾生薑、亦不分薑之母子、切作錢片、晒乾收藏、於小

寒大寒三十日中製之故云此種質軟輕虛氣味俱減然勝於湯灰乾薑遠矣缺時可倍用之本草綱目引張元素語曰乾薑本辛炮之稍苦故止而不移李杲曰乾薑生辛炮苦朱震亨曰止唾血痢血須炒黑用之三說皆非蓋乾薑之味本辛何來苦味所以苦者即炮炒焦黑之變非本味也物經焦黑無不變苦豈獨乾薑哉故用炒焦乾薑者與不用同

古方藥品考曰整塊晒乾者日本藥舖呼爲麻留乾薑切片晒乾者呼爲乾生薑俱佳色白味甚辛上品也又三河乾薑形瘦小外白肉赤如錫辛味較薄不及前二種○製法秋冬之交取老薑肥大者水浸洗過候天晴刮去皮或切片晒乾若一時難乾入磁器烘之亦可或云寒中製者不堪用以其極不易乾兼易凍壞氣味俱損故也

藥徵曰日本產有二種一曰乾生薑一曰三河乾薑余祇用乾生薑一種

日用藥品考曰乾薑以白淨結實者爲佳來自外國者無此貨日本參州遠州出者名三河乾薑其色白以石灰收貯故也用時宜洗去石灰○黑薑一名炮薑○乾生薑藥舖亦多或誤作乾薑用之非○生薑方書以嫩根爲子薑或稱紫薑其老根爲母薑

成分 含有揮發油軟性樹脂越幾斯質澱粉巴蜀林等

生薑之有效成分爲揮發油其含量不定大抵爲一%至二%之淡黃色稀薄油液沸騰點爲百六十度其餘尙待檢査

效能

中醫以生薑爲健胃、止吐藥、以乾薑爲驅風、消化藥、

一、本堂藥選曰 生薑發散風寒、濕邪氣、出汗、止嘔、愈痰喘、欬嗽、開胃、調和諸藥、○乾薑治泄瀉、乾嘔、欬嗽、下氣、開胃、進食、止血、溫中、治寒冷腹痛、傷食、吐瀉、翻胃、消痰及宿食、去冷氣、療久虛痢疾、

藥徵曰 乾薑主治結滯水毒、旁治嘔吐、欬嗽、下利、厥冷、煩躁、腹痛、胸痛、腰痛、

古方藥品考曰 生薑利胸、且奏藥效、○別錄曰、生薑味辛、微溫、主傷寒、頭痛、鼻塞、欬逆、上氣、止嘔吐、○按其性好陽而惡寒、不生花實、而精力全在乎根、氣味辛溫、而質下降、故能開痰利胸、以止嘔吐、加橘皮、半夏及諸中方、以佐各藥之功、○本經曰、乾薑味辛溫、主胸滿、欬逆、上氣、溫中、止血、出汗、逐風濕痺、治腸癰、下痢、○按其味辛溫、故能宣通經脈、逐寒邪、溫胃中、○內經曰、寒淫所勝、平以辛熱者是也、與附子、人參合用、能治胸腹寒痛、腰下冷痛、手足厥冷、下痢清穀諸症、功效最速、

大和本草曰 薑有大小、大者入藥用、加入煎藥、小者作調和食品之用、或作蔬菜、性畏寒暑、夏宜置於涼處、冬則養於暖地、○本草曰、通神明、去臭氣、多食損智、故論語記孔子不撤薑食、又不多食、○藥性解曰、宜常用而不宜多用、煎藥每用之者、以其能開胃口而行藥力故也、○乾薑性熱、乾生薑大溫、生薑溫、春月食可助發生氣、秋月不可食、病目可食少許、不可多食、且禁夜食、以其能發散收斂之氣故也、○旅行不服水土者、宜服乾薑、○薑粉、臘月細剉薑、水飛汁、如取葛粉法、候乾、用作眼藥、按薑辛熱發散、爲偏性之物、不可多用、多則損藥力、耗散真氣、生邪熱、

【能】生薑辛溫、行陽分而祛寒發表、宣肺氣（散寒、開痰、止咳）而解鬱調中、暢胃口而開痰下食、治傷寒、頭痛、傷風、鼻塞（辛能入肺、通氣散寒）、咳逆、嘔噦（有聲有物爲嘔、有聲無物爲噦、有物無聲爲吐、其症或因寒、因熱、因食、因痰、氣逆上衝而然、生薑能散逆氣、嘔家聖藥也）、痰壅、胸膈寒痛、濕瀉、消水氣、行血閉、通神明、去穢惡、救暴卒（凡中風、中氣、中暑、中惡、一切暴卒之病、薑汁和童便飲、效、薑汁開痰、童便降火也）、療狐臭（薑汁頻塗）、搽凍耳（熬膏塗）、殺半夏、南星、厚朴、菌蕈、野禽諸毒、早行、含一塊、辟霧露山嵐邪氣、搗汁和黃明膠熬、貼風濕痺痛、久食、積熱患目、多食兼酒、發痔、瘡癰人多食、則生惡肉、欲其涼、須留皮、薑皮辛涼、和脾行水、治皮膚水腫（以皮行皮）、腹脹、痞滿（成無已曰、薑棗辛甘、能行脾胃之津液、而和榮衛、不專於發散也、東垣曰、夜不食薑者、夜主闔而薑主闢也、秋不食薑者、秋主收而薑主散也）、○秦椒爲使、惡黃連、黃芩、夜明砂（糟薑瓶內入蟬退、雖老無筋、亦物性有所伏也）

乾薑炮薑、生用辛溫、逐寒邪而發表、炮則辛苦大熱、除胃冷而守中（辛則散、炮之稍苦、故止而不移、非若附子走而不守）、溫經、止血、消痰、定嘔、去藏府沈寒痼冷、能去惡生新、使陽生陰長、故吐衄下血、有陰無陽者宜之、同補陰藥、亦能引血藥入氣分而生血、故血虛發熱、產後大熱者宜之（此非有餘之熱、乃陰虛生內熱也、乾薑能入肺利氣、能入肝引衆藥生血、必與補陰藥同用、蓋熱因熱用、皆從治之法、故亦治目睛久赤）引以黑附、能入腎而治寒濕、能回絕脈無陽、同五味入肺中、利肺氣而治嗽（肺惡寒）、燥脾濕而補脾（脾惡濕）、通心陽而助心氣（苦

入心。開五臟六府、通四肢關節、宣諸絡脈、治冷痺、寒痞、反胃、下痢、多用損陰耗氣、孕婦忌之。辛熱能動血、王好古曰、服乾薑以治中者必僭上、宜大棗輔之。○母薑晒乾爲乾薑、炮焦爲黑薑。

生薑。湯藥入薑、此非爲發散、乃假其辛甘之味、行脾胃之津液、以益元氣而和榮衛也。凡嘔吐者、乃氣上逆而不散也、生薑辛溫、行陽散氣、故爲嘔家之聖藥。生薑能去風邪、除寒熱、祛痰涎、開胃脘。和半夏、治心下急痛、合杏仁煎服、治氣實、腹痛、胸中煩悶。食菌或野禽中毒、急服生薑汁、良。乾生薑爲肺經氣分之藥、故治咳嗽、溫中、亦用於腹痛冷症。生薑能去濕、與芍藥同用、能溫經散寒。受山嵐之瘴氣、秋霧或霖雨之毒氣、或中海濱濕毒風寒、或東方未明、行於山川郊原、含生薑一塊、可辟邪氣、並能除濕。中氣、中風、中暑、或患乾霍亂、不苦瀉而痛苦甚者、薑汁、童便等分、和服、立效。綠薑下氣開痰、童便降火也。赤白痢疾、生薑細切、和好茶一二盞呷下、神效。薑助陽、茶助陰、二物皆散惡氣、兼解除濕熱、酒毒、暑毒。夜食薑、則閉氣、多食傷心氣、令人少智。八九月多食生薑、至春必患眼病、夏食能發汗、秋食則走氣瀉肺、久食生薑、則熱積而病目、患痔之人、飲酒食薑、必立發、患癰疽者食之、生惡肉。

乾薑。乾薑與血藥同用、則引藥入血分、與氣藥同用、則引藥入氣分、去惡血、養新血。吐血、衄血、下血、有陰無陽者用之、此取乾薑之辛熱、卽熱因熱用、從治之法也。血虛血脫、產後大熱、用此則引血藥入氣分而生血、陽生陰長之心也。利肺氣、燥腎濕、入肝經而生血、入補陰之藥。乾薑之功用有四、一通心氣、助陽而補不足、二去藏府

之沈寒痼冷、三散六經之寒氣、四治冷腹痛、與五味子同用、能溫肺、與人參同用、能溫胃、治唾血、痢血、但須炒焦用、腎中陽絕、脈消欲死、用薑附湯、中焦寒邪、手足厥冷、用四逆湯、皆因乾薑善治裏寒故也、胃冷生痰、頭暈吐逆、乾薑炮爲末、二錢半、甘草末炙、一錢二分、煎服、妙、嗽上氣、用冷藥無效、以乾薑（炮）皂莢（去皮子炮）桂心（去皮）等分爲末、白蜜丸、梧子大、每服三丸、一日五次、白湯下、忌葱、麪、油、肉、神效、久服則目昏、孕婦食之、墮胎、以其大辛熱也、

【單方】 嘔吐不止、生薑八分、陳皮四分、水二盞、煎至一盞服、或以生薑二錢、醋兩鍾、煎至一鍾服、又乾嘔不止、食生薑、咳嗽不止、生薑一錢、糖錫五錢、和溫食之、或以生薑汁、蜜、胡麻油各等分攪和、慢火煎熬、少停服、或生薑切薄片、焙爲末、糯米飯丸、白湯送服、小兒咳不止、生薑四兩、煎湯、徐徐咽服、咽喉出血、乾薑、甘草各研細末、等分、白湯服、懸壅暴腫垂長、妨礙咽喉、乾薑半夏等分、爲細末、舌舐嚥下、膈病、食物不通、生薑煮粥食、口中爛痛、生薑絞汁含漱、呃逆不止、生薑絞汁、搽背部、心腹卒痛（寒痛）、乾薑爲末、白湯服、胸冷、氣不上升、食生薑炒、腹痛、不吐不瀉、生薑一錢、水煎服、旅客農夫等、曝於炎日之中、中暑垂死者、生薑大蒜、入湯杵碎、連湯飲服、立蘇、瘧疾、生薑絞汁、服一小杯、腹脹如打鼓音、生薑火焙溫、棉包插入肛門、冷再換、雀目、生薑絞汁洗、面部抓破、生薑絞汁、調化白粉敷之、竹木刺入肉、生薑橘皮、鹽等分、水煎搽之、金瘡、生薑嚼爛敷傷處、荷蘭藥鏡曰 薑能消化胃中之粘液、與不熟之污液、止惡心、嘔吐、進飲食、（生薑有催進消化之效、故以供食用、

其用以醫治者、現今西醫、僅用爲口腔諸病之咀嚼藥、及含漱藥而已。○胃腸虛冷諸症、飲食難消化、或飲食不進、下利、痞氣、鬱積之疝腹痛、胃虛嘔吐、並治之。○胃寒、痰飲、欬嗽、及因胃中粘液壅滯而發之欬嗽、用之有效。○用於寒粘液質之間歇熱等症、能使胃腸健運。○服量爲末、自一分半至三分、加入對症藥中用之。○飲食難消化、生未熟之惡液、或患風氣、痞滯、腹滿等症、俱合用之、爲溫暖健胃之良藥、須研爲極細末、以三分至七分、白湯送下、或和入「加密列」製成泡劑用之、亦佳。此藥不起熱、不增進血液之運行、而能促飲食之消化、故宜治因嗜酒而發之胃虛諸症、並能緩解痛風、防止其毒之潛伏而內攻。○此藥辛味刺戟、善止痔痛、以其能誘起腸內面之粘滑液、緩解肛門焮腫之壓迫也。○因胃腸虛弱而生酸敗液、飲食難消化、痞氣、胸悶、腹痛者、於苦土中、加入乾薑、加密列等苦味香竄藥服之、尤良。此症老人爲多、若係頑固經久之症、用鹼蓬鹽品、有殊效。小兒患酸敗液諸症、而兼大便秘結者、宜於本劑中加大黃。○乾薑、加密列各一盞斯、燒酒（十五度者）一磅、上件剉細、浸玻璃瓶內六日、去滓、密封貯用、名健胃酒、每服三十滴、水化服、一日二三次、日常飲酒過度、飲食失消化力、致有胃虛之症、或發痛風、或老人不易消化、每服此酒一匙、奇妙不可思議。若不消化、兼起惡心、嘔酸液者、當先投吐劑、俟吐盡、再進此劑、大便秘結、腸中有鬱滯者、於此酒中加瀉利鹽、尤佳。兼有神經感動銳敏者、則於此酒中加顯草作泡劑用。

調劑

生薑之製劑、第四版改正日本藥局方有之、舉其兩種如左、

生薑糖漿 生薑酒一分、糖漿九分、攪和製成、質微濁、色帶黃、爲芳香性矯味藥、一日之用量、十五至二十五、

生薑酒 生薑粗末一分、稀酒精五分、浸漬製成、爲帶黃褐色之液、味苛辣、健胃藥也、單味或配合他藥用之、每次之用量、半瓦至一瓦半、

處方

配合生薑並乾薑之處方如左、

○乾薑丸 治酒癖停飲、吐酸水、

乾薑 葛根 枳殼 橘紅 前胡(各五錢) 白朮 半夏(各一兩) 吳茱萸 甘草(各一分)

右煉蜜丸、如梧子大、每服三十九、米飲下、

○乾薑丸 療胸中寒熱心痛、清睡滿口、數數欲吐、食不化、

乾薑 桂枝 礬石 半夏 蜀椒(各一錢)

右蜜丸、

○理中散 主食後吐酸水、食藥粥、加劇、

乾薑 食茱萸(各二兩)

右爲散、酒服、

○二薑丸 養脾、溫胃、去冷消痰、治心脾疼痛、寬胸、下氣、進食、療一切冷物所傷、並治之、

良薑(去蘆頭) 乾薑(炮各等分)

右爲末、麵糊爲丸、橘皮湯下、孕婦不宜服、

○奪命抽刀散 治男子婦人脾胃積冷、中焦不和、心中虛痞、腹中疼痛、胸膈逆滿、噎塞不通、嘔吐冷痰、飲食不下、噎氣吞酸、口苦無味、不思飲食、婦人久患血氣刺痛、不可忍者、

乾薑（剉入巴豆半兩、同炒、至黑、即去巴豆）、良薑（各二十兩、入斑蝥一百個、同炒、即去斑蝥）、糯米（二十五兩炒）、石菖蒲（三十二兩不見火）

右爲末、用鹽少許、沸湯點、此藥大解酒毒、

○消飲丸 療酒癖、飲酒停痰、水不消、滿逆、嘔吐、目視眩暈、耳聾、腹中水聲、

乾薑 茯苓（各三兩） 朮（八兩） 枳實（四個）

右蜜和丸、

○大順散 治暑熱、霍亂、吐瀉、藏府不調、

乾薑 桂枝 杏仁（去皮尖） 甘草（各等分）、

右先將甘草用白砂炒、次入薑杏炒過、去砂、合桂爲末、

○艾薑丸 治老少白痢、

陳艾（四兩） 乾薑（炮三兩）

右爲末、醋煮倉米、糊丸梧子大、米飲下、

○生薑甘草湯 治咳嗽涎沫不止、心下痞硬急迫者、

生薑（一錢） 甘草（八分） 大棗（七分半） 人參（六分）

右四味、以水一盞四分、煎取六分服、

○甘草乾薑湯 治厥而煩躁、多涎睡者、

甘草（二錢） 乾薑（一錢）

右二味、以水一盞二分、煎取六分服、

○四逆湯 治四肢厥逆、身體疼痛、下利清穀、或小便清利者、

甘草（一錢二分） 乾薑 附子（各九分）

右三味、以水一盞半、煎取六分服、

○小半夏湯 治吐而不渴者、

半夏（二錢四分） 生薑（一錢六分）

右二味、以水一盞八分、煎取六分服、

○生薑半夏湯 治似喘不喘、似嘔不嘔、似噦不噦、心中憤憤然、無奈何者、

半夏(三錢) 生薑汁

右以水一盞二分、煎半夏、取八分、內生薑汁四分、煎取六分服、

○薑橙膏 治痰飲及久嗽、

冰糖(三兩) 乾薑(五兩) 橙皮(一兩)

右爲末、煉蜜調和、

用法

生薑、乾薑、俱水浸、洗淨沙土、晒乾、剉用、或慢火炮用、

一本堂藥選曰 凡選生薑、取肥大實潤而新者爲佳、入藥、水洗沙土、去皮、薄切作錢片、勿用瘦者、其出土日久、乾而生皺者、及新出子薑、亦皆勿用、夏中溽暑之候、生薑往往熱壞、用之爲害匪淺、連皮及炮製者、並不可用、

忌食

惡黃芩、黃連、天花粉、

雜錄

養老新書曰、老人和脾胃氣、進飲食、止痰逆、療腹痛、調中氣、莫如用木香人參散、方用木香半兩、人參去蘆頭

半兩、藿香葉一分、甘草半兩炒、乾薑半兩炒、陳皮半兩去穢、茯苓去黑皮一分、白朮半兩微炒、枇杷葉去毛一分、厚朴去粗皮、用生薑汁製丁香半兩、凡十二味、秤準分兩、搗羅爲末、每服二錢、水一盞、入生薑一片、棗二枚、同煎至六分、去滓溫服、此男子婦女通用之方也、方中厚朴無分量、大約與丁香相等耳、(錄續昆陽漫錄、)

良薑 *Galanga.* (拉) *Galangal.* (英) *Galgant.* (德)

異名 蠻薑 高良薑 埋光烏藥 比目連理花

產地 產東印度及中國(山西、福建諸省)

基本 係屬囊荷科良薑 *Alpinia galangas, Sw.* 之地下莖、

良薑為多年生草、莖圓而直立、高六七尺、葉作披針形、有短柄、稍似肉質、花呈綠白色、不整齊、實作濃橙色卵圓形、其子名紅豆蔻、

日本所產之 *Kumatakeran*, 為高良薑之一種、牧野富太郎氏定其學名為 *Alpinia Kumatake, Makino*, 或視為即高良薑、其實非也、

形態 為圓柱狀匍莖、鬚根頗多、長約二寸、粗約四五分、外部時或生有許多節環、並被有細皺紋之薄皮、呈赤褐色、惟內部則為白色、充實而呈纖維狀、質輕而作木質狀、氣味芳香、味如胡椒、

成分 為揮發油、辛味性樹脂、越幾斯、澱粉、膠質等、

高良薑中、含有三種結晶體、即「幹普費里篤」*Kampferid.* 「格蘭仁」*Galangin.* 「阿魯卑寧」*Alpinidin* 是也、甲為黃色扁平結晶體、($C_{16}H_{12}O_6 \cdot H_2O$) 不溶於水、熱之、則於二百二十一度至二百二十二度溶化、

乙爲淡黃色稜柱狀結晶體、內爲粒狀結晶體、

效能 用作芳香性健胃藥、

【能】 辛熱、煖胃、散寒、消食、醒酒、治胃脘冷痛、

處方 配合良薑之處方如左、

○員香散 治咳逆噎汗、

良薑 甘草(各半兩) 丁香(一錢)

右爲末、每服二錢、熱湯點服、

○桂花散 治脾積氣痛、

良薑 桂花 甘草(各一兩) 蒼朮 香附子(各五兩)

右爲末、每服二錢、沸湯點服、

用法 洗淨、剉炒用、

用量 五分至一錢五分、

厚朴

異名 厚皮 重皮 赤朴 烈朴 淡伯

基本 本草綱目曰、厚朴生山谷中、梓州龍州者爲上、其木高三四丈、徑一二尺、膚白肉紫、春生葉如檉葉、四季不凋、皮鱗皺而厚、紫色多潤者良、五六月開細紅花、結細實如冬青子、生青熟赤、亦有核、

品類 日用藥品考曰、厚朴（蘇頌曰、皮極鱗皺而厚、紫色多潤者佳、薄而白者不堪用、雷斅曰、味辛者爲好、）以皮厚多潤、色紫褐而味苦辛者爲上品、惟今甚少、（本草原始名此爲紫油厚朴、）若皮薄作淡褐色、味苦甘者、則爲下品、（本草原始名此爲山厚朴、）此中有雜商州厚朴者、但厚朴本非日本產、藥舖中所稱之和厚朴、或朝鮮厚朴、薩摩厚朴、皆係「浮爛羅勒」（即商州厚朴）爲厚朴之一種、下品也、

效能 中醫以厚朴治霍亂中暑、又用於利水、

【能】 苦降能瀉實滿、辛溫能散濕滿、

王好古曰、厚朴溫中益氣、消痰下氣、果泄氣乎、益氣乎、蓋與枳實、大黃同用、則瀉實滿、所謂消痰下氣是也、與橘皮、蒼朮同用、則除濕滿、所謂溫中益氣是也、與解利藥同用、則厚腸胃、大抵味苦性溫、用苦則瀉、用溫則補也、○入足太陰陽明、（脾胃）平胃調中、（佐蒼朮爲平胃散、平濕土太過、以致於中和、）消痰化食、厚腸胃、行結水、破宿血、殺臟蟲、治反胃、嘔逆、喘咳、瀉利、冷痛、霍亂、○肉厚紫潤者良、

處方 配合厚朴之處方、略舉數種如左、

○平胃散 治胃中宿食不化、

蒼朮(二兩) 厚朴 陳皮(各五錢) 甘草(三錢)

右四味、入薑棗爲煎藥、

○厚朴溫中湯 治脾胃虛寒、腹脹疼痛、

陳皮 厚朴 木香 草豆蔻 乾薑 茯苓 甘草

右水煎溫服、

○厚朴麻黃湯 治欬而上氣、胸滿、咽喉不利如雞聲、

厚朴 杏仁(各半兩) 麻黃(一兩) 石膏(雞子大) 半夏 細辛(各半錢) 小麥(一兩) 五味子(

半錢) 乾薑(二錢)

右水煎溫服、

○厚朴湯 治二三年熱痢不止、

厚朴 乾薑 阿膠(各四錢) 連翹(六錢) 石榴皮 艾葉(各五錢)

右水煎溫服、

用法

去粗皮、剉浸生薑汁、晒乾、再焙至黑色用、或入丸散、塗蜜水或生薑汁、焙爲末、

性味 忌澤瀉、硝石、寒水石及黑豆。

用乾薑爲使。

用量 五分至二錢。

備考 長井理學博士曾研究漢產厚朴之揮發性芳香成分，據云其物質與蒼朮中之「阿篤拉克吉連」(Atra-cylene) 相似，又發見同樣之揮發性芳香結晶體，惟市上所售之和產厚朴中，未見有該物質云。

附錄 日本和名鈔訓厚朴爲朴皮，故市場用商州厚朴樹皮充之，惟藥用須用漢產厚朴云。

商州厚朴 (浮爛羅勒) *Magnolia hypoleuca*, S. et Z. 係屬木蘭科之落葉喬木，多生深山中，高三四丈，葉互生，長一尺許，作倒卵圓形，惟前端稍尖，表面滑澤，背作灰白色，有軟毛，全緣作波動狀，夏季開黃白色花，香氣頗烈，後結長圓形果實，夏秋之間，剝取樹皮陰乾，其外面被有灰褐色木栓層，內部呈茶褐色，破碎面作纖維狀，味苦辛，帶收斂性，此樹皮卽藥舖所稱之和厚朴，用代漢產厚朴。

黃蘗

異名 黃柏 蘗木 山屠

基本 黃蘗屬芸香科，此用其樹皮，係於春分至秋分間剝取曬乾者。

黃蘗爲深山自生之落葉喬木，寒地最多，高達三四丈，葉對生，爲羽狀複葉，其小葉作橢圓形，前端尖，長二三寸，表面綠色，背帶白色，夏月開黃綠色五瓣聚繖花，花爲單性，雌雄異株，果實爲漿果，作球圓形，大二三分，熟則呈黑色，有苦味。

黃蘗之實，日本民間亦稱四國米，用治腹痛，及足趾腐爛云。

形態 爲外面黃黑色之樹皮，有深裂痕，內面作黃色，味苦。

成分 有效成分，亦爲「祕魯培林」Berberin。與黃連同。

效能 用作變質，強壯，健胃藥。

【能】 氣味苦寒，入足少陰腎經，爲足太陽膀胱引經藥，（生用則陰實火，熟用則不傷胃，酒制則治上，鹽制則治下，蜜制則治中也。）惡乾漆，伏硫黃，其用有六，瀉膀胱龍火，一也，利小便結，二也，除下焦濕腫，三也，治痢疾先見血，四也，治臍中痛，五也，補腎不足，壯骨髓，六也，乃癱瘓必用之藥，治口瘡如神。

【單方】 目爛煎黃柏洗之。●草鞋擦傷，搗黃柏爲粉，調油敷之。

處方 配合黃蘗之處方，略舉數種如左。

○滋腎丸 治腎虛，蒸熱，脚無力，陰痿，陰汗，衝脈上衝而喘，及下焦邪熱，口不渴而小便秘。

黃柏（酒炒二兩） 知母（酒炒一兩） 桂（一錢）

右蜜丸、

○黃雲散 理火傷湯爛、

黃蘗(細末) 雞子黃(黃白並用)

右二味研勻爲餅、烈日暴乾、爲末、平日貯之、臨時水和令如泥、塗之、痛立已、明日不見痕、神驗、

○青陽丸 治產前前後泄瀉腫滿者、

黃蘗(熬燒生各二兩)

右末之糊丸、

○細糲散 治暑邪、

黃柏 葛粉(各十錢) 良薑 胡椒(各二錢) 甘草(一錢)

右爲細末、

○綠袍散 治齒縫出血、

黃柏 薄荷 芒硝 青黛(等分)

右爲末、入冰片少許、上掩牙床卽止、

用法 去粗皮、剉、炒黑用、或酒製、蜜製、鹽製用、

禁忌 忌乾燥。

用量 二分至八分。

備考 黃蘗之主成分、爲祕魯培林、其試驗成績、有已故醫學博士猪子吉人氏之報告、詳載東京醫學會雜誌第二卷第十二號。

陀羅尼助 日本市上有售所謂陀羅尼助者、爲有光澤之黑色板狀塊、係煎熬黃蘗而成之一種水製越幾斯、用代熊膽、言海云、昔有僧誦陀羅尼時、製此用爲防睡之助云、其味極苦、製於吉野大峯之洞川、僞稱係大峯所燒香煙煤、加百草製成、或用胡黃連（千振）根製者云。

藥學雜誌第二百十四號載有藥學得業士平井方澄氏之「烏取縣產煉熊之試驗報告」一文、詳述煉熊之功效、形態及其成分等、其言曰、煉熊在東國地方、呼陀羅尼助、內服治腦痛腹痛等、外用點充血目、爛目等、或用以貼於打傷、刀傷等、農家則用作牛馬脾藥、試驗其成分、可證明其中含有「祕魯培林」古來使用煉熊、其主效亦即在此祕魯培林、加之含有多量樹膠類、與祕魯培林相並、故於內服外用、能奏上述功效、而民間用此、亦確實有效、故煉熊實爲不可輕視之民間藥、以余觀之、本品之製法、能加以改良、將可得有力之製品云、詳細請再參閱該雜誌。

菖蒲

和漢三才圖會曰 菖蒲總名也、實有五種、今分三種、菖蒲、石菖蒲、白菖蒲是也、入藥宜用石菖蒲根、石菖蒲、大者長二三尺、闊五六分、有劍脊、五月五日、掛家門者是、或於是日浴菖蒲湯、或以菖蒲根漬酒飲之、則禳邪氣、

異名

荃 白菖 昌本 昌羊 昌陽 宅護 泥蒲 堯韭 莖蒲 紫耳 溪蓀 蒼蒲 水劍草 石上草
松衣介 望見消 陽春雪 蘭蓀芷 綠劍真人

其生本

屬天南星科、入藥取其地下莖、

菖蒲為多年生草本、自生於池沼之水濱、亦有種以供賞玩者、根莖長大、葉狀如劍、具中肋脈、大者長至三四尺、皆簇生、根莖俱有一種香氣、初夏、葉間開淡黃色之小花、相綴而成穗狀、

日本產菖蒲 初版日本藥局方曾收載之、旋因有不快之味、往往引起惡心、嘔吐、遂屏而不用、茲將初版日本藥局方所載之西洋產菖蒲與日本產菖蒲、分述其形態如左、

日本產菖蒲、為宿根草、分枝叢生、有橫走之根莖、葉兩行並列、為鞘狀及劍狀、花莖粗長、通體與葉鞘粘合、葉有花苞、花苞成於三瓣並二圈、花瓣直立、毫不散落、瓣長而細、外圈之邊緣鈍、適以掩蔽內圈、雄蕊六、有扁長似線之粉絲、長與花瓣相同、粉囊短而縱裂、實礎帶細小之雌蕊頭、(即柱頭、)中分二三房、各房之卵芽無數、大半盡為直

卵、有包以胎盤毛之卵梗、內卵包較外卵包爲長、俱帶有睫狀毛、果實爲漿果、作長圓錐狀、帶紅色、中亦分二三房、包藏少數之長圓形種子、入藥用之部分、爲除去葉、莖根之地下莖、外部現褐色、內作灰白色、爲狀似海綿之組織、有香氣、味有芳香性甚烈、

西洋產菖蒲 譯作泥菖根、其地下莖稍扁、且細長、上有淡褐色之莖痕、與紅褐色之莖節、交互而生、下則有多數小癭、排列若弓狀、味苦、有特異香氣、

用藥須知曰 今人盆栽供翫賞者、乃石菖蒲根、非端午插門前之蒲也、端午用者名白菖、又名泥菖、以敷席下辟蟲、不入藥材、

石板發蒙曰 石菖根、多節者良、一寸九節者、名石上菖蒲、今單稱菖蒲、卽石上菖蒲也、名白菖者、乃端陽菖蒲也、石菖蒲 屬天南星科、入藥用地下莖、爲多年生草本、自生於溪澗之濱、葉爲劍狀、雖有並行脈、無中肋線、長約尺許、至夏、葉間抽出花梗、開綠褐色細花、排列而爲圓柱狀之肉穗花序、後結綠果、往往盆種、用作玩品、以變種矮小者爲貴、其根莖匍匐、似蜈蚣背者、入藥用、從前以一寸九節者爲良品、

和漢三才圖會曰 石菖多栽水盆、常灌水則能繁茂、眼病人、見其蒼色爲快、春抽莖、開細黃花、成穗、凡石菖、菖蒲之類、葉有劍脊、氣甚芳香、白菖、燕子花之類、葉無劍脊、軟而韌、色亦較淡、無香氣、謂之錢蒲、又一種鬚石菖、一名高麗石菖、葉長一二寸、甚細小、爲貴品、

古方藥品考曰 菖蒲形如竹根皮青肉白味辛香者佳又花戶出數品俱隨種法而變若栽之濕地則漸歸同物
○生深山溪水間葉細長尺許青色有光澤四時不凋春生花如鼠尾狀綠色根多節若蜈蚣背

成分 西洋產菖蒲之根中除含多量之澱粉外尚有揮發油樹脂及一種苦味質之亞哥寧 Acotin 日本產菖蒲含有揮發油澱粉苛烈芳香性之樹脂極微之鞣酸鏝性物質亞哥寧及一種亞爾加羅伊特即加拉明 Calamin 惟石菖根之成分尙未詳悉

效能 用為清涼健胃藥

古方藥品考曰 菖蒲導氣開心利竅○別錄曰菖蒲味辛溫主風寒濕痺欬逆上氣開心孔補五臟通九竅明目○按其性生清水石上經年不朽味辛氣芳香故能導達鬱氣以開心孔通九竅○脈動而氣閉不通儼如已死謂之尸厥宜用菖蒲屑內兩鼻孔中吹之○按生用最良勿炒

能 石菖蒲辛苦而溫香而散補肝益心開心孔利九竅明目發聲音逐風去濕除痰消積寬中開胃療噤口瘡(楊士瀛曰噤口雖屬脾虛亦熱閉胸膈所致用木香失之溫山藥失之閉唯參苓白朮散加菖蒲米飲下胸次一開自然思食)驚癩風痺崩帶胎漏消腫止痛解毒殺蟲(李士材曰仙經稱為水草之精英神仙之靈藥用泔浸飯上蒸之藉穀氣而臻於中和真有異常之效又曰芳香利竅心脾良藥能佐地黃天冬之屬資其宣導然多用亦耗氣血而為殃)○生水石間不沾土根瘦節密一寸九節者良去毛微炒用秦芫為使惡麻黃忌飴糖羊肉鐵

器、

■爲手少陰(心)足厥陰(肝)兩經之藥、用於風寒、四肢濕痺、不能屈伸、■心氣不足亦用之、此因虛而補其母之道也、■肝苦急、故味辛、宜以是補之、■噤口痢、參苓白朮散加石菖蒲、用粳米湯服、或以人參、茯苓、蓮肉等分、稍加石菖蒲服用、亦能開胸進食、■婦人赤白帶下、石菖蒲、補骨脂等分、炒爲末、每服二錢、菖蒲酒浸、每日飲酒一次、良■產後崩中、下血、石菖根一兩半、酒二盞、煎至一盞、分三分、食前服、■熱毒、濕瘡、痛甚者、石菖根爲末敷之、■治頭風耳鳴、流淚、能明耳目、耳病用之、有奇效、■又治心腹冷痛、婦人胎動、勞熱、食、血、氣諸積塊、■癩疥、大風、煎葉作浴湯洗之、妙甚、

【單方】 健忘、石菖根、每日食之、●截瘡、石菖根、酒浸一夜、明日清晨服之、

處方 配合石菖蒲之處方如左、

○菖蒲丸 治耳內卒痛、聾閉不聞、

菖蒲 附子(各等分)

右爲末、醋糊丸如杏仁大、棉裹置耳中、日兩易之、

○菖蒲散 鼻內窒塞不通、不得喘息、

菖蒲 皂角(各等分)

右爲末、每用一錢、棉裹塞鼻中、仰臥片時、

○菖蒲益智圓 治健忘恍惚、破積聚、止痛、安心、定神、聰明耳目、

菖蒲 遠志 人參 桔梗 牛膝 附子(各五分) 茯苓(七分) 桂心(三分)

右爲末、蜜丸、

○開心散 治好忘、

遠志 人參(各二分) 菖蒲(一兩) 茯苓(二兩)

右爲末、

○治傷風後耳聾

甘菊花 括樓根 貝母 桑白皮(各二錢) 石菖根 前胡 蘇梗(各二錢) 柴胡 甘草(各六分)

細辛(四分)

右水煎、加竹瀝一杯、不拘時服、

○治腦漏

防風 荆芥 獨活 連翹 藁本 辛夷 甘草 細辛 牙皂 石菖蒲

右水煎服、未效、可將後藥三味爲末、棉裹塞鼻內、卽效、

○治鼻塞不利、香臭不聞、

蒼耳子(一兩) 辛夷 石菖蒲(各一錢)

右水煎服、

用法 陰歷五月至十二月、採收其根、銅刀刮去皮、剉、微焙用、

禁忌 忌鐵、飴糖、羊肉、

用量 七分至二錢、

肉荳蔻 *Semen myristicae* (拉) *Nut-meg* (英) *muskatnus* (德)

異名 肉果 脾家瑞氣

產地 產東西印度地方、般答(譯音)島產者、尤為有名、

基本 肉荳蔻樹即屬肉荳蔻科、此用其肉果中之子核、

肉荳蔻為常綠樹、高達三丈、葉互生、作長橢圓形、面滑澤、兩端尖、無鋸齒、花梗細長、開淡黃色鐘狀花、花為單性、雌雄異株、果實為肉果、初綠白色、後轉黃色、表面滑澤、熟則自上方裂開、落下種子、種子被有赤色多肉性種衣、包被種子之肉樣帶線狀膜、呈紫赤色、晒乾則硬化、成橙黃色、有香氣、謂之肉荳蔻、用和香料、

形態 種子作卵圓形、表面平滑、被有黑褐色厚種殼、並有多數粗枝狀縱線、其間有網狀小脈、內種皮為灰褐色薄膜、包於仁外、仁即肉荳蔻、表面有褐色網狀隆起、其間稍呈白色、市上所售者、因欲保存香氣、浸漬於混和石灰食鹽水中、故其表面被有白粉、氣味俱辛烈芳香、微苦、

第四版改正日本藥局方曰、肉荳蔻係肉荳蔻樹種子之去殼者、作鈍卵圓形或短卵圓形、長約三仙米、闊約二仙米、外面褐色、被有白色石灰粉、有縱行稍廣之淺溝、及作緻密網紋之狹溝、橫斷面見有褐色外胚乳線條、侵入包裹脂肪及澱粉之胚乳中、含有芳香性分泌物、本品氣味芳香而辛苦、

成分

含有脂肪油、揮發油、澱粉等、

肉荳蔻油 *Macis oil* 係用肉荳蔻花與水同蒸、用蒸餾法製成之無色或淡黃色稀薄揮發油、氣味俱同肉荳蔻、比重○·九二至○·九五三、呈中性反應、冷至零度下十二度、則析出肉荳蔻霜、(*Myristicine*) 熱之、於一百六十度沸騰、溶於酒精、

肉荳蔻酪 *Butter of nutmeg* 係壓搾肉荳蔻種子所得之脂肪、市上所售者、多為赤黃色酪狀片塊、包於葉中、氣味俱如肉荳蔻、酒精可溶化多量、惟其中尚有不溶於冷酒精及伊打之脂肪、名「密里斯丁」(*Myristine*) **效能** 用作健胃、驅風、矯臭調味藥、

【能】 氣味辛溫、入手足陽明經、調中下氣、痢疾用之瀉腸、為傷乳泄瀉之要藥、土愛煖而喜芳香、故肉荳蔻之辛

溫理脾胃而治吐利、

處方 配合肉苳蔻之處方如左、

○分明圓 治胃暑伏熱、霍亂嘔吐、小便不利、頭目昏眩、

肉苳蔻 附子 乾薑(各等分)

右爲末、米糊爲圓、

○豆蔻固腸圓 治脾胃虛弱、臍腑滑泄、下痢赤白、

肉苳蔻 木香 赤石脂 乾薑 縮砂 厚朴(各一兩)

右爲末、麵糊爲圓、

用法 用醋捏麵裹之、埋熱灰中、去麵、搗爲末、冷則堅難碎、故宜於熱時搗末、又用鮫皮搗細用、

禁忌 忌銅鐵、

用量 一分五厘至五分、

苦參

異名 水塊 白蒸 地骨 地塊 鹿白 拔麻 虎麻 野塊 苦辛 苦骨 苦識 綠白 陵郎 芥莖

菟塊 驕塊 虎卷扁府

基本 苦參屬荳科、其根入藥、

苦參爲宿根草、山野及田畔濕地俱生之、春季生苗、高達三四尺、莖帶紫色、葉互生、爲多數小葉所成之羽狀複葉、夏季於莖梢開淡黃色蝶形花冠花、作總狀花序排列、穗長至七八寸、秋季結莢實、長二寸許、中有類似小豆之種子、

形態 爲長大黃白色之宿根、狀類牛蒡根、味甚苦、

成分 日本藥學博士長井長義氏發見苦參中之植物鹽基、名之爲「瑪篤林」*Martin, C₁₆H₂₁N₃O*

長井博士研究苦參中之植物鹽基、著有「苦參中鹽基成分實驗談」一文、載於東京化學會誌第十帙第一冊及藥學雜誌第八十四號、嗣又與藥學士近藤平四郎氏同研究「瑪篤林」之化學的性質、變化及構造等、著有「論漢藥苦參之植物鹽基」一文、載於東京化學會誌第二十五帙第一冊及藥學雜誌第二百六十號、第二、六十一號、第二百六十二號、報告所得之成績、

豬子森明氏言苦參子之有效成分爲脂肪油及揮發性植物鹽基、外此無他物、著有「論漢藥苦參子」一文、載於藥學雜誌第三百三十號、報告由子實所析出之脂肪油及揮發性植物鹽基、

效能 用作健胃驅蟲藥、(漢醫云、爲足之少陰腎經之君藥、以玄參爲使、)

【能】 苦燥濕、寒勝熱、沈陰主腎、補陰益精、養肝膽、安五臟、利九竅、生津止渴、明目止淚、治溫病、血痢、腸風、溺赤、黃疸、酒毒、熱生風、濕生蟲、然大苦寒、肝腎虛而無熱者勿服、

【單方】 心腹卒痛（熱痛）剉苦參煎服、●食諸野菜魚介禽獸而中毒、取苦參用醋煎服、

【用法】 於舊曆三、八、十月、採掘其根、洗滌土氣、浸米泔一夜、去腥穢之氣、剉之稍焙、或浸酒用、

【禁忌】 惡貝母、菟絲子、漏蘆、及藜蘆、

伏汞、制雌黃、焰硝、

【用量】 五分至一錢五分、

【備考】 關於苦參中植物鹽基「瑪篤林」之生理的作用、醫學博士石坂友太郎氏曾加以研究、詳載官報第七千

一百八十六號、東京醫學會雜誌第十七卷第十一號第十二號、及國家醫學會雜誌第二百四十二號、

茴香 *Semen foeniculi.* (拉) *Fennel fruit.* (英) *Fenchelsamen.* (德)

【異名】 懷香 八月珠 小茴香 小懷香

【產地】 日本琉球土佐、肥前、紀伊等暖地產之、

【其本】 茴香屬繖形科、此用其子實、(根亦供藥用)

茴香原屬地中海岸所產之多年生宿根草。春月苗叢生，高五六尺，葉大，作絲狀細裂，與莖同帶白色，莖圓而疏，夏月於枝梢開黃色五瓣小花，作複繖花序排列，果實爲乾果，香氣甚烈。

形態 茴香雖由產地及栽培法，而異其形態及大小，惟大抵則爲有梗之分裂實，長二三分，作黃灰色圓柱狀，尖端有圓錐形柱頭，頗易脫落，於其一分實之橫斷面見有五個銳形肋狀突起，氣味芳香而稍甘。

第四版改正日本藥局方曰，茴香係採集茴香之果實，作長圓柱形，帶褐綠色，長七至十密米，直徑三至四密米，其十條肋線中，惟互相密接之邊緣肋線，較他肋線更形隆起，其肋線間，各有一巨大油槽，分果之嵌合面，各具有二油槽，本品有特異芳香性峻烈氣味。

成分

含有揮發油、脂肪、糖質等。

茴香油 Fennel oil 係茴香中所含約三至七%之揮發油，爲無色或淡黃色液體，經久則變暗色，有芳香性甘味及爽快之香氣，比重在攝氏十五度爲 0.985 ，陳年者 0.982 ，易溶於伊打及哥羅仿姆，酒精亦稍能溶之，反應爲中性，逢冷則分離白色結晶狀塊，終而固結，油中之主成分爲「阿涅篤魯」Anethol C_6H_4O

CH_3 C_3 H_5 此外含有少許「鐵魯邊」Terpen C_{10} H_{16}

效能

用作健胃及驅風藥。

【能】

辛平、理氣、開胃、亦治寒疝。

【單方】 疝氣衝逆、用小懷香杏仁爲末、入葱白少許、溫酒服下、

處方 配合茴香之處方如左、

○附子茴香散 治氣虛積冷、心腹絞痛、

附子（一枚） 肉苳蔻 乾薑（各一兩） 茴香 木香 白朮 人參 甘草（各半兩） 白茯苓 丁子（各五錢）

右水煎服、

用法 浸酒、剉之稍炒用、或浸鹽水用、

用量 三分至一錢、

蒼朮

朮有二種、日本從前以朮之嫩根爲蒼朮、其宿根爲白朮、後人力詆舊說、謂嫩根爲白朮、宿根爲蒼朮、究之不過引
用中說而已、

異名 山芥 山精 山薊 天精 天薊 赤朮 仙朮 地葵 抱薊 馬薊 茅朮 茅君寶鑑

基本 此爲屬於菊科之根、

朮爲多年生草本、山林原野、往往自生、春日、自宿根伸出嫩芽、多被以白色之軟毛、其莖愈長愈堅、下部變如木質、高可二三尺、葉橢圓、末端尖、邊緣有細鋸齒、皆互生、又分裂爲三爲五、成複葉狀、缺刻極深、至秋梢頭開似薊之花、色白或淡紅、花作筒狀、不分瓣、連綴爲頭狀花序、總苞爲葉狀、排列若覆瓦、而圍以似魚骨之刺、其嫩芽與葉根、山民嘗採而煤食之、

和漢三才圖會曰 昔人止稱朮、不分蒼白、自宋以來始分之、山中所在皆有、茅山、嵩山者爲佳、苗高二三尺、其葉抱莖而生、梢間葉似棠梨、其脚下葉有三五、又有鋸齒小刺、嫩葉可茹、夏開淡紫碧花、似刺薊花、亦有黃白色者、入伏後結子、至秋苗枯、根似老薑、旁有細根、作蒼黑色、肉黃白色、有油膏、

蒼朮 葉 細、無極、根 如老薑而膏多、一陰中陽
白朮 大有極、根 如鼓槌而膏少、一陰中陰 氣味 甘辛烈、溫而燥、甘微苦、溫而和、

二者俱可升可降、防風、地榆爲之使、(忌桃李、菘菜、雀肉、青魚、)

蒼朮入(足太陰、陽明、手太陰、陽明、太陽、)五經、治濕、上中下皆可用、總解諸鬱、凡補中、除濕、力不及白朮、寬中、發汗、功過白朮、又能除惡氣、弭災疹、今病疫及端午、人家往往燒蒼朮以辟邪氣、凡用時以米泔浸去其油、

按中國二朮、顯然兩種、日本以二朮爲一物、宿根如老薑、蒼色者爲蒼朮、嫩根白色者爲白朮、然藥肆皆誤以宿根爲白朮、以嫩根爲蒼朮、或蒼白相混、不可不擇、其苗高一二尺、一朵三葉、末作鋸齒而有毛、四五月開花、青色、結子

大如小豆、蓋生山中者、葉硬有微刺、人家栽種者、葉軟無刺、其葉及根形香氣、中日相似、獨花色爲異、且白朮根形、不似鼓槌、唯似雲頭朮耳、出備後、三原者良、伊豫、今治次之、武州、江戶、藝州、廣島、奧仙臺又次之、

古方藥品考曰 蒼朮春生苗、莖多白毛、高二三尺、葉似匕頭而堅、青綠色、有細鋸齒、秋莖端開白花、似小薊花、或有紫赤色者、根如老薑、晚秋苗葉枯、冬日採根、

形態 中日所產之蒼朮、其形狀微有不同、然亦僅根莖有大小耳、其上部皆留有餘莖、外面爲黃褐色、有皺紋、被以白色之塵粉、內作黃白色、略似生薑、質頗堅、氣芳香、味甘苦、

蒼朮藏貯日久、則外面生白色之塵粉、試以顯微鏡檢視之、則見爲結晶體、已故下山博士嘗將蒼朮蒸餾、得白色之結晶體、水不能溶解、酒精、伊打始溶解之、與樟腦或第二酒精 $C_{15}H_{22}O$ 相類似、惟樟腦之熔點須百九十五度、沸騰點爲二百十度、相差祇十五度、該結晶則不然、六十二度已熔解、必二百七十一二度始沸騰、(錄藥學雜誌第百十四號)

品類 蒼朮與白朮之區別、中國異說頗多、現在日本藥肆販賣之蒼朮、中國產爲少、大半皆本國產云、

古方藥品考曰 中國運來之朮、有蒼白二種、而蒼朮爲勝、形似老薑、皮茶褐色、肉黃赤色、味苦辛、氣芳烈而多膏、對貯則生白衣、是爲上品、其輕虛少膏者、下品也、白朮形如蒼朮、而瘠小作極、皮褐色、味甘微苦、氣芳香、所謂雲頭朮是也、日本亦有數種、一種爲佐渡蒼朮、形似中國產、而體重多膏、對貯便生白衣、味苦辛微甘、氣芳烈、此爲佳品、

出佐州、一種爲唐種蒼朮、亦似中國產、而氣味不厚、是爲中品、一種爲和加根白朮、亦呼計豆里白朮、是採蒼朮嫩根、刮去粗皮製之、非白朮也、出和州、丹州、信州、奥州、又有唐種白朮、形味皆與中國產相似、乃享保中攜漢種栽成者、出和州、本經云、朮、一名山薊、卽蒼朮也、詳見圖經、時珍曰、張仲景辟一切惡氣用赤朮、赤朮卽蒼朮也、由是觀之、仲景用蒼朮明矣、

日用藥品考曰 中國產之蒼朮、氣味俱厚、爲上品、日本產次之、○白朮、蘇頌曰、古方所用之朮、皆白朮也、時珍曰、古方二朮通用、後人始有蒼白之分、今日本藥舖所稱日本白朮、實皆蒼朮、非白朮也、

手板發蒙曰 朮有蒼白之別、今藥舖以老根爲蒼朮、嫩根爲白朮、其實不論老嫩、皆是蒼朮、文化年間、有種出中國、稱嫩根者、下品也、○所謂老根者、根形不一、切之則生白脂、嫩根則無白脂、且不潤澤、○中國種、嫩根雖生、宿根不朽、日本產異是、○日本種之老根、多山中自生、其根至二年、旁生嫩根、此時宿根漸變細長、莖葉俱抽、自嫩根、經三年後、宿根遂次第枯朽、此皆老根也、採之者、往往以嫩根宿根並採混售、冀圖厚利、○不論老嫩、均以甲州郡內所產爲勝、○白朮之大者、名雲頭朮、川州產也、別有一種、雖係川州之種、而實出自三好、名三好朮、此則無老根嫩根之別、

效能

用爲利水及解熱藥、

古方藥品考曰 朮除濕利水、調順尿道、○別錄曰、朮味苦溫無毒、消痰水、逐皮間風水結廬、除心下結滯及霍亂

吐下不止。○逢原曰：辛烈性溫而燥，能入諸經，疎泄陽明之濕。○按其根堅實爲塊，味微苦，辛溫芳烈，故能開胃氣，瀉濕水，令尿道調利。古人與茯苓並用，以治心下水滿浮腫，小便不利等。

藥徵曰：宗奭曰：古方及本經，止單言朮而未分蒼白也。陶隱居言有兩種，後人往往貴白朮而賤蒼朮。某氏謂中國產朮兩種，利水之功，蒼勝於白。余寧取蒼朮。日本所出品劣而功遜，到用。

大和本草曰：時珍云：古方二朮通用，後人始有蒼白之分。宗奭曰：蒼朮氣味辛烈，白朮微辛苦而不烈。○白朮強脾胃，進飲食，補虛，止汗，止瀉。李中梓曰：補脾胃之藥，更無出其右者。食停滯者，有痞積者，皆用之。蒼朮發汗，去風寒，濕，下氣，消痰水，開鬱，有神效。○燒蒼朮，辟邪氣，祛惡臭，除疫癘。日俗常爲粗末，和糊作大線香，陰乾收貯發售。

【能】甘溫辛烈，燥胃強脾，發汗除濕，能升發胃中陽氣，止吐瀉，逐痰水。（許叔微本事方云：蒼朮能治水，蓋燥脾以去濕也。用蒼朮一斤，大棗五十枚，去皮搗，油麻兩半，水二錢，研，濾汁和丸，名神朮丸。丹溪曰：強脾土，燥腰濕，是治痰之本。）消腫滿，辟惡氣。（辟一切風瘴邪惡暑濕，日焚之佳。）散風寒濕，爲治痿要藥。（陽明虛則宗筋縱弛，帶脈不引，故手足痿。蒼朮陽明藥，經曰：治痿獨取陽明，合黃柏爲二妙散，加牛膝名三妙散。）又能總解痰火，氣血濕食六鬱。（丹溪曰：諸鬱皆因傳化失常，氣不得升降，病在中焦，將欲升之，必先降之，將欲降之，必先升之，越鞠丸用蒼朮香附，蒼朮能逕入諸經，疏泄陽明之濕，通行斂瀟，香附乃陰中快氣之藥，一升一降，故鬱散而平。）燥結多汗者忌用。出茅山，堅小有硃砂點者良。糯米泔浸，切片焙乾，同芝麻炒，以制其燥。二朮皆防風地榆爲使，主治略同。第

有止汗發汗之異、古方本草不分蒼白、陶隱居言有兩種、始各施用、

■白朮味甘微苦、性溫和、蒼朮甘辛、溫而燥烈、陰中之陽也、入足太陰（脾）、陽明（胃）、手太陰（肺）、陽明（大腸）、太陽（小腸）、五經、忌惡與白朮同、■治風寒濕痺、愈頭痛、逐痰、消水腫、■心腹脹痛、脹滿、冷痢、婦人冷氣、山嵐瘴氣、俱用之、皆能安健脾胃、去濕而使燥也、■去風、發汗、益氣、開鬱、蓋白朮止汗之功大、蒼朮發汗之力強、欲燥脾胃之濕、莫如蒼朮、欲補則以白朮為勝、其開諸鬱之效、類似香附子、兼能通氣而使升降、■善除一切惡氣、凡久不住人之室、或染疫癘之家、燒蒼朮熏之、可辟邪氣、五、月、端、午、家、家、燒、之、即、所以、禳、歲、疫、也、■感受陰濕、腹脹泄瀉、用平胃散、此以蒼朮能行濕之故、■清上焦、固下元、兼治內外障、蒼朮一斤、分四分、一分酒浸、一分醋浸、一分童便浸、一分糯米泔浸、連浸三日、每日一換、剉、乾、焙、同、巨、勝、子、拌、炒、香、為、末、酒、糊、丸、梧、子、大、空、心、白、湯、下、五、十、粒、■青、盲、雀、目、雖、可、用、之、但、能、使、脾、胃、虛、弱、■下元虛冷、虛火上炎、及有濕熱而下血者俱用之、■腎精燥耗者忌、脈實而數者亦忌、

處方 配合蒼朮之處方如左、

○平胃散 治胃氣不和、調氣進食、

蒼朮（四兩） 陳皮（二兩） 厚朴（三兩） 甘草（一兩）

右薑棗水煎、易簡加茯苓、丁香、名六味平胃散、治胃寒嘔吐、加縮砂、香附、名八味平胃散、治中脘痞塞、加山查、神麩、麥芽、名加味平胃散、消宿食、加香附、枳殼、藿香、砂仁、木香、名香砂平胃散、治傷食、本方加砂仁、藿香、名神朮散、治時

氣發熱、停食、吐瀉等症、

○越鞠丸 解諸鬱、

蒼朮 香附子 撫芎 神麩 梔子(各等分)

右爲末、水丸、菘豆大、每服五十九、

○桂枝附子去桂加朮湯 治本方證、而大便硬、小便自利不上衝者、

朮(八分) 附子(九分) 甘草(四分) 大棗 生薑(各六分)

右五味、以水一盞八分、煎取六分服、

○越婢加朮湯 裏水者、一身面目黃腫、脈沈、小便不利、

麻黃(九分) 石膏(一錢二分) 大棗 朮(各六分) 甘草(三分) 生薑(四分半)

右六味、以水一盞二分、煮取六分服、

○蒼連湯 治吐酸、

蒼朮 黃連 陳皮 半夏 茯苓 神麩(各一錢) 吳茱萸 砂仁(各五分) 甘草(三分)

右生薑水煎服、

○三妙丸 治三陰血虛、足心如火、熱漸及腰膀、濕熱、麻痺、疼痛、痿軟等症、

蒼朮(六兩) 黃柏(四兩) 牛膝(二兩)

右爲細末、酒糊丸、

○三仙丸 治山嵐瘴氣、時行瘟疫、並異鄉人不服水土、面黃肌瘦、不思飲食、

蒼朮(八兩) 牛膝(二兩) 地黃(四兩)

右爲末、醋糊爲丸、

○蒼朮難名丹 治元陽氣衰、腎精不禁、泄漏淋瀝、腰痛力疲、

蒼朮(一斤) 茴香 苦楝子(各二兩) 烏頭 破故紙 茯苓 龍骨(別研各二兩)

右爲末、酒麵糊圓、朱砂爲衣、縮砂湯下、

○蒼朮地榆湯 治痢疾下血、

蒼朮(三兩) 地榆(炒黑一兩)

右水煎服、

○蒼朮丸 治喘息久不治、

蒼朮

右一味細末、以藕爲丸、白湯送下、

○辟穢香 痘家常宜焚之、

蒼朮(一斤) 大黃(半斤)

右剉、細研、放火爐中燒之、

用法 米泔浸一夜、剉、焙用、

禁忌 忌桃、李、雀、鯖、

用量 七分至二錢、

白朮

異名 山連 山薊 山薑 抱薊 馬薊 楊抱 白大壽 沙邑條根

和漢三才圖會曰 浙朮、俗名雲頭朮、種平壤、頗肥大、由糞力也、易潤濕、其大如拳、剖開晒乾、謂之削朮、亦曰片朮、不佳、歛朮、俗名狗頭朮、雖矮小、甚得土氣、燥白勝於浙朮、

基本 白朮之基本植物、異說頗多、究以屬於菊科之蒼朮近似、其嫩根入藥用、

一、本堂藥選曰 朮以色青白、味苦、俗呼為三好嫩根、蒼朮者為佳、用時、水洗剉細、但夏日微炒用、世醫貴色白、故出朮之所、臨掘出時、削去外皮、米泔浸過數日、然後晒乾出售、近道諸山雖間有之、然不可多得、藥肆又以老根為

蒼朮嫩根爲白朮、或老爲白、嫩爲蒼、皆非也、實則祇一種耳、惟老根多筋、爲末尤惡、性味亦劣於嫩者、故以用嫩根、朮爲是、中國運來之蒼白二朮、形狀迥然各別、其白朮卽陳嘉謨所謂雲頭朮、狗頭朮、李時珍所謂吳朮、狀若鼓槌者是也、意此種出於後世、而非古所用之朮矣、由今觀之、唐以前所用之朮、疑卽今日本所產之朮、斷非中國之浙朮也、按止瀉日本朮最長、止汗日本朮與中國朮相同、其餘功用皆不甚相遠、蒼朮狀似老薑根、雖類近古朮、然多脂氣、反不及日本朮、選藥者宜細心辨之、又後世醫者、咸以朮味甘爲貴、不知朮味本苦、初無甘味、其微甘者、多是米泔味滲透耳、苦乃本性、何以甘爲、况苦以堅之燥之、古有是說、確爲朮之性味效力乎、徒以欲其色白味甘、遂戕賊其天性、妄益其所無、自外鑠之、謬誤甚矣、凡人乳汁潤、陳壁土炒、脂麻同炒等制、皆所弗取、

物類品隲曰 朮、古不分蒼白、後世始分之、陶弘景曰、白朮葉大有毛、而作極根甜而少膏、赤朮葉細無毛、根小苦而多膏、此言二朮之形狀甚明、今白朮、山中處處有之、葉有五叉者、有三叉者、花白或紅、皆下品也、○中國產上品白朮、享保中始傳種日本、葉五極有毛、形頗肥大、花紅如大薊花、根似佛掌、種其實能生、斷根栽之、亦發芽、種後經一二年、可掘取其根、若經數年、其根重至數斤、○蒼朮、一名赤朮、亦處處產之、葉無極、花有紅白兩種、亦屬下品、○中國產上品蒼朮、其嫩葉如棉、花白、根味香烈、種實難成長、必分根如白朮乃生、

效能

與蒼朮同、

一本堂藥選曰 朮、燥腸胃、止泄瀉、和尿道、止自汗、盜汗、傷食吐瀉不止、安胎、除濕、堅腸胃、

【能】 苦燥濕（經曰、脾苦濕、急食苦以燥之）、甘補脾、温和中、在血補血、在氣補氣（同血藥則補血、同氣藥則補氣）、無汗能發、有汗能止（濕從汗出、濕去汗止、止汗同芪芍之類、發汗加辛散之味）、燥濕則能利小便、生津液（既燥濕而又生津、何也、汪機曰、脾惡濕、濕勝則氣不得施化、津何由生、用白朮以除其濕、則氣得周流、而津液生矣）、止泄瀉（凡水瀉、濕也、腹痛腸鳴而瀉、火也、水火相激則腸鳴、痛甚而瀉、瀉而痛減者、食也、完穀不化、氣虛也、在傷寒下痢、則爲邪熱不殺穀也、久瀉名脾泄、腎虛而命火衰也、脾虛濕瀉、宜白朮、凡治瀉、丸散優於湯劑）、消痰水腫滿、黃疸、濕脾、補脾則能進飲食、祛勞倦（脾主四肢、虛則四肢倦怠）、止肌熱（脾主肌肉）、化癥癖（同枳實則消痞、一消一補、名枳朮丸、脾運則積化也）、和中則能已嘔吐、定痛、安胎（同黃芩則安胎、黃芩除胃熱、白朮補脾、亦除胃熱、利腰脊間血、蓋胎氣繫于脾、脾虛則蒂無所附、故易落）、血燥無濕者禁用、能生膿作痛、潰瘍忌之（補氣故也）、○肥白者出浙地、名雲頭朮、燥白者出宣歙、名狗頭朮、差勝於浙、用糯米泔浸（藉土氣以助脾）、或蜜水炒、入乳拌用（潤以制其燥）

■入手太陽（小腸）少陰（心）足太陰（脾）陽明（胃）少陰（腎）厥陰（肝）六經、用於風寒濕脾、風寒暑濕、天之四氣也、中唯暑氣無痺、風寒濕三氣皆有痺、白朮皆宜之、而於濕痺尤效、以其善去濕也、■消痰水、用於脾胃虛之痰及濕痰、惟燥痰不宜、■治心腹脹滿、蓋白朮能補脾胃、益氣去濕、故腫滿必用之、■治腹中冷痛、胃虛瀉痢、■得枳實則痞滿消、以黃芩爲佐使、而胎安熱清、蓋惟熱清故胎安也、■白朮能治上中下三部之病、上散

頭面間之風、故治頭痛、養皮毛、中治心下之急痛痞滿、除胃中之熱、下補腰膝、治臍腹之痛、入氣分則益氣、入血分則補血、風寒無汗能發、有汗能止、其功與黃芪同、脾胃惡濕、濕勝則氣不化、而津液不生、白朮有燥濕補氣調脾胃之功、心下痞滿之證、必須白朮逐水濕而益脾、而以枳實除痞滿、故宜枳朮丸、方用白朮一兩、(陳壁土炒、去土)、枳實一兩、(麴攪和炒、去麴)、為末、荷葉煎湯、飯糊丸、梧子大、每服五十九、白湯下、氣滯、加陳皮一兩、有痰、加半夏一兩、傷食、加神麴、麥芽各五錢、此方善消痞滿、進飲食、健脾胃、產後中寒、身冷、口噤、不知人事、白朮澤瀉等分、生薑五片、水煎溫服、妙、脾虛脹滿、冷氣壅胃中、小便不通、是名脹滿、寬中丸主之、白朮二兩、陳皮四兩、為末、酒糊丸、梧子大、食前、木香湯下三十九、奇效、因暑濕而瀉、白朮、車前子等分炒為末、下三錢、妙、小兒脾虛、米穀不化、飲食不進、溫白丸主之、白朮半夏各二錢半、丁香半錢、為末、生薑汁糊丸、黍米大、米飲下、量兒大小用、此皆能去濕、補脾胃也、腎精燥耗者、忌脈來實數者、忌、

處方 配合白朮之處方如左、

○白朮散 療嘔吐酸水、結氣築心、

白朮 茯苓 厚朴(各八分) 橘皮 人參(各六分) 葶藶 吳茱萸(各四分) 檳榔 大黃(各一錢)
右水煎服、原為散用、

○白朮散 治飲酒中風汗多、不可單衣、食則汗出如洗、久不治、為消渴症、

牡蠣(三錢) 白朮(一兩二錢) 防風(二兩半)

右爲末、每服一盞、溫水調下、

○白朮散 治虛勞、四肢不和、身體疼痛、

白朮 人參 當歸 黃芪 附子(各一兩) 芍藥 桂心(各三分) 甘草 半夏(各五分)

右薑棗、水煎服、

○白朮散 治小兒嘔吐、脈遲細、

白朮 人參(各二錢) 半夏(五分) 茯苓 炮薑 甘草(各一錢)

右薑三片、棗一枚、水煎服、

○白朮湯 治石水腹腫、

白朮 茯苓 桑白皮 楮皮 防己 射干 檳榔(各一兩) 澤瀉(二兩)

右水酒各半煎服、

○白朮膏 治水腫迫胸部者、甚效、

楮皮(生) 桑白皮(生各三兩) 白朮 瓢肉(爲末各二錢八分) 黑豆(三合)

右五味、以水二升、煎取四合、去滓、入酒五合、更煎取三合、令如泥、更加朮末、每服二錢、白湯送下、

○白朮和胃湯 治久病不能食、大便或閉或溏、此胃氣虛弱也、

白朮(一兩半) 半夏 厚朴(各一兩) 陳皮(八錢) 人參(五錢) 枳實 檳榔(各二錢半) 木香

炙甘草 乾薑(各錢半)

右薑棗水煎服、

○白朮調中湯 治中寒疼悶、吐瀉腹痛、

白朮 茯苓 紅皮 澤瀉(各五錢) 乾薑 官桂 砂仁 藿香(各一分) 甘草(一兩)

右水煎服、原蜜丸、今改、

○倍朮丸 治五飲酒癖、

白朮(一斤) 桂心 乾薑(各半斤)

右爲末、蜜和丸、

○益中散 治感寒冷、泄瀉腹痛者、

白朮 茯苓 橘皮 芍藥 乾薑 甘草(各等分)

右六味、水煎服、

○和中散 治心腹痛、霍亂吐逆、傷食泄瀉等症、

白朮 陳皮 香附子(各一兩) 縮砂 鬱金 茴香(各五錢)

右爲末、

用法 米泔浸、晒乾、細剉、

方書、白朮於二三八九月掘根、米泔浸、春秋三日、夏二日、冬四日、每日將米泔換一次、洗淨土氣、晒乾、炒用、或以乳汁浸、制其燥氣、又補脾胃用者、須以陳壁土、研細篩過、拌白朮、去脂、用白朮、

禁忌 忌桃、李、雀、鯖、

用量 七分至二錢、

莪朮 Zedoaria (拉) Zedoary (英) Zitwer. (德)

異名 莪 莪藥 莪茂 茂藥 廣茂 波殺 青薑 蓬朮 蓬莪朮 蓬莪茂 破關符

基本 莪朮屬薑荷科、此用其地下莖、

莪朮春季自宿根抽莖、與葉俱類薑黃、葉稍狹、有紫色斑點、夏季於莖傍開紅色花、與鬱金花相似、

形態 藥用爲芋狀地下莖、晒乾者、外部黃褐色、內部暗色、大一二寸、中含澱粉頗多、其實亦作粉狀、味緩和、如樟腦而微苦、

第四版改正日本藥局方曰、莪朮係採掘其球形之根莖、多從橫徑或縱徑切斷者、本品直徑二・五至四仙米、外面灰色、有多數根癭、切斷面亦爲灰色、皮厚約二至五密米、作圓板形者、概現有凹陷脈管束筒、其柔軟組織中、含有巨大扁平呈偏心性層紋之澱粉粒、本品氣味如樟腦而帶苦味、

成分 含有淡黃色濃稠揮發油、樹脂、澱粉等、

效能 用作健胃藥、治消化不良、亦用作祛痰藥、

【能】 辛苦、氣溫、入肝經血分、破氣中之血、消瘀、通經、開胃、化食、解毒、止痛、治心腹諸痛、奔豚、痲癩、根如生薑茂生、根下堅硬難搗、灰火煨透、垂熱搗之、或醋磨酒磨、或煮熱用、○與三稜同、爲治積聚諸氣要藥、

處方 配合莪朮之處方如左、

○紅九子 傷寒冷物腹痛成積者主之、

莪朮 三稜 陳皮 青皮(各五錢) 乾薑 胡椒(各二錢)

右以醋糊爲丸、以礬紅爲衣、

○內消散 治過食寒硬之物、食傷太陰或嘔吐痞滿脹痛、

陳皮 半夏 茯苓 山楂子 莪朮 三稜 砂仁 香附子 神麩 乾薑 枳殼
右爲煎藥、

用法 去粗皮、用醋煮軟、剉焙、或裹濕紙埋灰煨、剉焙、或剉之、酒醋、再曬乾焙用、

用量 五分至二錢、

來源 莪朮原爲東印度產、日本於明和年間從琉球傳入、

陳皮 Peel of sweet orange. (英)

異名 貴老 紅皮 黃橘皮

基本 係芸香科桔 *Citrus* 屬漿果之果皮、以陳年者爲佳、故名陳皮、

唐柑皮 爲中國所產、卽廣東蜜桔 *C. bigaradia*, Duham, var, *Sinense*, Call. 之果皮、由婦孺拾聚曬乾、

俗呼廣皮、

柑皮 卽蜜柑 *C. nobilis*. Lour. 皮、爲日本產、

青皮 亦稱青橘皮及薑皮、卽剝取未熟蜜桔之果皮曬乾者、

成分 藥學雜誌第二百零四號、載有谷井專太郎氏所著「柑皮中之歌司祕里仁」一文、氏嘗研究日本產桔屬果皮中、是否亦如西洋桔含有一種名「歌司祕里仁」*Hesperidin*. 之中性、無色、無味、結晶體之糖原質、由其試驗結果、確知日本桔亦含有此物、因以公表、詳細可參閱該雜誌、

效能 用作健胃發汗藥、

【能】 辛能散、苦能燥、能瀉、溫能補、能和、同補藥則補、瀉藥則瀉、升藥則升、降藥則降、為脾肺氣分之藥、統治百病、皆取其理氣燥濕之功、

【單方】 雁瘡、煎陳皮時洗之、●卒瘞、突然不能言語、不能出聲者、用陳皮半夏煎湯服之、●中一切魚毒、煎陳皮服之、●竹木刺刺咽、用陳皮煎服、●嵌甲疽用陳皮濃煎洗之、●一切痰證久不愈者、用陳皮四兩、水五碗、徐徐煎熬為末、用白湯常服、

處方 配合陳皮之處方如左、

○回生散 治霍亂吐瀉、但有一點胃氣存者、服之回生、

陳皮 藿香(各等分)

右水煎服、

【用法】 為六陳之一、用經三年以上者、浸米泔片時、去白身、剉炙、(六陳為吳茱萸、橘皮、狼毒、半夏、枳實、麻黃、)

【用量】 五分至一錢五分、

橙皮 *Cortex aurantii fructus.* (拉) *Orange peel.* (英) *Pomerazenschale.* (德)

異名 金毬皮 鵝殼皮

基本 係屬芸香科橙之果皮、

橙爲適於暖地之常綠樹、高丈餘、嫩樹有刺、老樹則無、葉互生、似革質、作尖卵圓形、有半透明小斑點、其柄具有翼、葉初夏、開白色五瓣花、果實爲球形、上下稍扁平、表面滑澤、熟則呈黃赤色、

形態 係將成熟橙實之外皮、縱斷剝下、使之乾燥者、外面呈黃褐色、有皺紋、凹陷小點、生有油胞、內部爲肉瓢、氣味芳香而苦、

第三版改正日本藥局方曰、橙皮係將成熟橙實之外皮剝離、而切斷乾燥者、本品外面呈褐色、現粗糙凹點、內面類於白色、氣味芳香而甚苦、用時浸冷水十五分鐘、待其軟化、取出去其水分、復將軟化海綿狀組織除去、乾燥用之、

第四版改正日本藥局方曰、橙皮應去內皮用之、

成分 含有揮發油及苦味越幾斯等、

效能 專用作健胃藥、

能 酸寒無毒、降氣、消積、殺疝積蟲、

用量 三分至八分、

竹節人參

異名 土參 節人參 佛掌參 竹鞭人參

基本 竹節人參屬五加科，此用其根。

此為多年生草，生於深山陰地，莖葉俱酷似人參，莖高二尺餘，葉為掌狀複葉，由五小葉而成，類七葉樹葉，夏月於梢頭簇生細小五瓣白花，作繖形花序排列，實小如豆，初綠熟紅，頂端有黑色輪，根初為球根，次變直根，後復橫行，**形態** 為竹節狀橫生根，如小指大，呈銜黃色，有多數鬚根，本根味苦，鬚根則甘，日本薩摩產者呼小人參，信濃及下野（日光）產者，呼豎人參。

成分 日本藥學士井上圓治氏，嘗研究竹節人參之成分，由化學試驗之結果，發見一種糖原質，又由動物試驗，確定其所合成分應屬「沙波寧」Saponin。沙波寧為祛痰藥主要成分，故氏謂中醫用竹節人參作祛痰藥，並非偶然云，其說詳載藝備醫事第九十七號，及藥學雜誌第二百四十二號。

效能 一說有健胃解熱功效云。

用量 三分至一錢。

來歷 某書載，寬永年間，唐土東湖州人何舒吉漂流至日向國，後懸壺都城，嘗用竹節人參治病，而日本之以本品

供藥用、或亦以此爲嚙矢云、

牡蠣 *Ostrea testae* (拉) *Oyster shell* (英) *Austerschalen* (德)

異名 蠔 蠔山 蠔甫 牡蛤 古贛 左顧 蠣蛤

產地 日本廣島縣下產之、

基本 係屬瓣鰓類中單柱類牡蠣 *Ostrea cucullata*, Bron. 之貝殼、

牡蠣產熱帶及溫帶諸國之海岸、尤多產於有淡水流注鹹氣不強之海中岩礁或沙泥上、肉味美、富滋養、歐美諸國、盛行養殖、日本之廣島及岡山縣下亦久已養殖、其種類頗多、日本產者、有牡蠣 *Ostrea cucullata*, Bron. 長牡蠣 *O. Gigas*, Th. 板帆牡蠣 *O. Densilamellosa*, Lischk. 等、

形態 爲扁圓形作不正葉狀之貝殼、由鱗狀薄片而成、上下二殼、其邊緣作波狀、下殼稍凹陷、上殼作扁平蓋狀、長約二、三寸、外面由反射光而呈灰、褐、綠、青諸色、內作乳白色、有光澤、

成分 爲碳酸鈣、磷酸鈣、珪酸、動物質等、

效能 用作制酸健胃藥、

【能】 味鹹、微寒、入足小陰、爲墮墜劑、

【單方】 爲蜂所螫、用牡蠣末和醋塗之。●凍瘡用牡蠣燒成白灰、和胡麻油塗之。●爲鼠所咬、用牡蠣、石灰、黃柏末三味、各同量、和藥糲汁塗之。

處方 配合牡蠣之處方如左、

○牡礬丹 治陰囊兩傍生瘡、或陰濕水出、其痒甚苦、夜則搔之無足、後必自痛、又兩腋及脚心汗濕、無可奈何者、亦宜、

牡蠣 黃丹(各二兩) 枯礬(四兩)

右爲末、遇夜睡時、用手捏藥、於痒處擦之、

○牡蠣散 治諸虛不足、及大病後體虛、津液不固、體常自汗、

黃耆 麻黃根 牡蠣(各等分)

右小麥百餘粒、煎服、

用法 燒爲粉末、或研爲粉末、用之、日本分有二種、一爲灰色、謂之鼠樣、一爲白色、謂之吉益牡蠣、上品也、

禁忌 惡麻黃、辛夷、吳茱萸、

用量 一錢至三錢、

木香

異名

五香 蜜香 一根草 大通綠 木香神 土木香 五木香 青木香 南木香 廣木香

產地

產中國雲南、貴州兩省、運銷印度之孟買及加各塔。

其本

為屬於菊科植物之根。

和漢三才圖會曰 木香、南番諸國皆有、以其根形如枯骨粘牙者為良、或用馬兜鈴根為青木香、又呼薔薇根為木香、愈亂真矣、○按木香、本草圖經、三才圖會、草本畫譜等所載葉狀、異說頗多、或云、葉似羊蹄而長大、或云、葉長八九寸、皺軟而有毛、或云、葉如牛蒡、但狹長、或云、葉類絲瓜、莫衷一是、今有軸木香、株木香二種、而軸木香為佳、○青木香、乃木香也、後人又呼馬兜鈴根為青木香、而呼木香為南木香、但日本無馬兜鈴、故以似羅薩而有香氣者為青木香、則賸而又賸矣、此草蔓生、酷似羅薩、莖葉俱有香氣、結子如零餘子、根似野生山薯而味苦、

一本堂藥選曰 按古所稱木香、或是木類、今日日本所產、葉甚似旋覆葉、極大而濫、又似紫菀葉、與似羊蹄而長大、如牛蒡而狹長者相近、莖高四五尺、甚者丈餘、花似菊花而黃、亦似旋覆花、花謝成絮而飛、或腐於莖頭、根形極似木香、但味不苦耳、或是方土異、抑其下品耶、故詳說之、

合類靈寶能毒大成曰 馬兜鈴根、名青木香、今之木香、名南木香、又名廣木香、五香連翹湯、以五木香為木香故

也、方內有青木香、乃一株五根、一莖五枝、一枝五葉、葉間有五節者、故名五香、又古方有以木香、青木香二種、同書於一方者、別一種名土青木香、是不堪入藥、要之真木香、形如朽骨而硬、嚼之粘齒、以藥船碾之、亦粘附輪間、此物忌火、剉用爲宜、作理氣藥、生用、實大腸、麵裹煨用、

形態 爲形似牛蒡之根而又分歧者、其質如角、長五六寸、外面色灰黃、有極細之縱皺、內部色灰白、有一種香氣、味苦、咀嚼之、則粘附齒牙、

一本堂藥選曰 凡選木香、以形如枯骨、味濃苦粘牙者爲佳、祇此一種、乃海西所來貨、更無僞物、用時、水洗剉細、日本有一種木香、人家園中多種之、極易繁衍、花葉根形狀、頗似本草所載、惟根味生嚼稍苦、晒乾幾無苦味、不堪入藥用、

效能 用爲健胃、發汗、收斂之藥、其粉末則用以夾置衣服、防生蠹害、或爲熏物料、

【能】 辛苦而溫、三焦氣分之藥、能升降諸氣、泄肺氣、疎肝氣、和脾氣、（怒則肝氣上、肺氣調、則金能制木而肝平、木不克土而脾和）治一切氣痛、九種心痛、（痛屬胃脘、曰寒痛、熱痛、濕痛、痰痛、氣痛、血痛、食痛、虻痛、悸痛、蓋心君不易受邪、真心痛者、手足青過腕節、朝發夕死、）嘔逆、反胃、霍亂、瀉痢、後重、癰閉、（同檳榔用、劉河間曰、痢疾行血則膿血自愈、調氣則後重自除、此治痢之要旨、）痰壅、氣結、疔癰、癥塊、腫毒、蠱毒、衝脈爲病、氣逆裏急、殺鬼物、禦瘴霧、去腋臭、實大腸、消食、安胎、（氣逆則胎不安、）若陰火衝上者、反助火邪、（味辛氣升、或用黃柏、知母、少以木香

佐之、過服泄真氣、(王好古曰、本草主氣、劣氣不足、補也、通壅導氣、破也、安胎健脾胃、補也、除痰癥瘕、破也、不同如此、汪機曰、與補藥爲佐則補、與泄藥爲君則泄、時珍曰、諸氣鬱結、皆屬於肺、上焦氣滯用之者、金鬱則泄之也、中氣不運、皆屬於脾、中焦氣滯用之者、脾胃喜芳香也、大腸氣滯則後重、膀胱氣不化則癃閉、肝氣鬱則爲痛、下焦氣滯用之者、寒者通之也、) ○來自番國、形如枯骨、味苦粘舌者良、磨汁用、東垣用黃連製、亦有蒸用及麵裹煨熟用者、(煨用實腸止瀉、) 畏火、

■爲三焦氣分之藥、升降諸氣、■以陳皮、肉豆蔻、生薑爲使、泄上焦肺中之滯氣、冷氣、故用以調氣、諸氣之鬱屬肺、金鬱則泄之、木香能通壅氣、氣不足則爲補氣之藥、又爲瀉藥、瀉上氣也、■中氣滯而不運屬脾、脾胃好芳香、故用於中焦之滯氣、■下焦之氣滯而不通、肝氣鬱而發痛、膀胱之氣不化、小便淋瀝、大腸氣滯、大便後重、木香通中下二焦之氣、開寒氣、以檳榔爲使、平肝、治心腹之氣、又治九種心痛、冷氣脹痛、女子血氣刺心、痛不可忍者、木香爲末、酒服、■冷瀉必用之、■裏急後重、以此治之、血調則大便自安、氣行則後重自除、此一理也、■氣鬱不散、木香能使氣上升、味辛故也、補氣云者、言如入參散中焦元氣之鬱、而調和胃氣也、又木香雖能宣達鬱滯、然非若香附子之散胸中鬱氣、川芎之散血中氣滯而治頭痛也、要之木香辛溫、主一身三焦之氣、縱橫自在、助一氣而調之、■腎水虛耗、陰火上熱者、忌用之、反助邪火、不如用黃柏、知母、以木香爲使、少加用之、

【單方】 心腹卒痛、(寒痛、) 木香末、溫酒送下、●積氣暈倒、木香爲末、熱酒服、

處方 配合木香之處方如左、

○木香丸 治腹痛、食傷、氣鬱作痛、諸蟲痛、

香附子(三兩) 黃蘗(二兩) 胡黃連(一兩) 木香(五錢)

右爲末、糊丸、

○木香丸 治寒疝繞臍作痛、結鞭不消、

木香 附子 礪砂(各一兩)

右爲末、酒煎麵糊和丸、如梧子大、每服三十九、食前溫酒下、

○木香湯 治冷氣凝滯、小便淋澀作痛、身體清冷、

木香 木通 檳榔 舶茴香 當歸 芍藥 青皮 澤瀉 辣桂 橘紅 甘草

右生薑、水煎服、

○木香餅 治一切氣滯、結腫成核、或痛或閃、爲風寒所傷、

木香(五錢) 生地黃(一兩搗膏)

右木香爲末、同地黃和勻、量患處作餅、置腫上、

○木香餅子 治脾經虛冷、胃脘寒疼、胸膈痞滿、口淡舌澁、心腹撮痛、嘔逆宿水、脅下疼悶、喘滿氣急、倦怠少力、全不

思食、常服寬胸膈、散滯氣、消停寒、美飲食、

縮砂(二兩) 甘松(五兩) 丁香(四兩半) 檀香(四兩) 蓬莪茂(十兩) 木香(二兩半)

右爲末、別用甘草熬膏爲圓、每兩作二百十五圓、捏作餅子、每服三十五餅子、細嚼生薑湯下之、溫酒亦得、

○木香枳朮丸 破滯氣、消飲食、開胃進食、

木香(一兩) 枳殼(炒一兩) 白朮(二兩)

右爲細末、荷葉燒飯爲丸、

○木香燈草丸 治陰莖中痛、小便澀滯、或濃溺不通、

木香 紅花 燈草(各三兩)

右爲細末、糯米粉酒打糊丸、如梧子大、每服七十九、溫酒送下、食前、日三、

○木香防己湯 治四肢沈重浮腫、按之如泥不起、

陳皮 厚朴(各一錢) 木香(三分) 防己(五分) 木瓜(七分) 豬苓(五分) 茯苓 蒼朮 白朮

(各七分) 甘草(三分) 生薑皮(五分)

右水煎服、

○香連圓 治痢疾、

木香(三錢) 黃連(五錢)

右細末、糊丸、

○香連丸 治下利赤白、膿血相雜、裏急後重、

黃連(二十兩吳茱萸十兩同炒去吳茱萸用) 木香(四兩八錢不見火)

右醋糊丸、米飲下、

○香穀丸 治濕熱內甚、因而飽食腸癖為痔、

木香 黃蘗(各三錢) 枳殼 厚朴(各五錢) 黃連(一兩) 蠟皮(一分) 當歸(四錢) 荊芥穗(三

錢)

右為末、麵糊丸、

○香橘餅 治初生吐瀉壯熱、不思乳食、大便色白、

木香 陳皮 青皮(各二錢半) 厚朴 神麩 麥芽 砂仁(各五錢)

右為末、蜜丸、紫蘇湯下、

用法 去蘆頭、剉用、

禁忌 忌火、

用量 五分至錢半、

當藥

異名 苦草

基本 係屬龍膽科之當藥 *Swertia chinensis*, Franch. *Pleurogyne rotata*, Set. Z. non Griseb. *Ophelia diluta*, Led. 全草、於十月下旬採取陰乾、

當藥日名千振、以其苦味甚強、雖浸熱湯千次、其味猶苦、故名（振者、即振而出之之意、）

當藥為山野自生之一年生草、莖作方形、高自五六寸至一尺、上部暗綠色、下部暗紫褐色、葉為披針形、互生無柄、長寸許、花開於梢上、為白色或紫色合瓣花冠、根為黃褐色直根、形味俱類龍膽、

成分 當藥之成分、經諸家研究撰文報告者已不少、今摘錄數則於左、以資參考、

東京醫事新誌第七百零六號及七百一十一號、載有大島盛造氏「當藥」一文、研究當藥成分、發見此草中含有結晶性成分（苦味）流動苦味成分、黃色素、苦味樹脂質等、詳細可參閱該雜誌、

日本陸軍軍醫學會雜誌第六十二號、載有淺野駒太郎氏「當藥（*Helba Opheliae*）」一文、試驗當藥化學的成分、謂其苦味質為帶黃褐色無晶形之粉末、有強烈苦味、呈中性反應、於一百廿四度溶解、且與健質亞那根

中所含「健質奧卑克林」Geutioplerin 之分解物、或同爲一物云。

日本藥學雜誌第一百四十九號、載有理學士堀越之丞、藥劑師黑部島吉兩氏「論當藥(Ophelia ditata, Led.) 所含苦味素」一文、大略謂在東京衛生試驗所、試驗當藥之成分、結果得到純白色結晶物、及苦味極烈之物質云。

日本藥學雜誌第二百九十九號、載有藥學士矢部靜雄氏「千振草(Swertia chinensis.) 之成分」一文、就市上所售千振草之全乾者、稍帶綠色者、及綠色乾燥者三種、研究其成分、報告其中含有「愛里篤洛仙塔烏林」Erythrocentaurin. 之結晶體、作糖漿狀之「奧歇里阿」酸(Ophelia säure) 及吉拉丁(Chitin) 之混合物云。

效能 日本民間用治腹痛、又用於殺蟲。

第二版改正日本藥局方、有以當藥代龍膽者、其健胃之功效、已無可疑。

【能】 氣味大苦、寒、殺諸蟲、或有代胡黃連用之者不可、今人用染兒衫爲黃色、云能避蚤虱、(和漢三才圖會)

用量 一錢至三錢。

胡椒 Piper. (拉) Pepper. (英) Pfeffer. (德)

異名 章木椒 胡椒 味履支

產地 日本無此物，多產於中國、東西印度諸島、北美西部及南美地方。

基本 屬於胡椒科之胡椒所結之果實也。

胡椒爲蔓生灌木，自生於熱帶地方，然種植者爲多，莖圓而直，長達丈許，葉對生，厚似革，作長橢圓形，或爲斜心臟形，前端尖，有葉柄，亦有一葉不發育者，則不對生而互生，花小而白，綴若長穗，或單生於梢端，或與上部之葉對生而懸垂，果實爲肉果，大如豆，形圓若球，果皮生綠熟紅，終變黃褐色，採摘此果，日中曬乾，即收縮，果皮發皺紋，變褐色，是名黑胡椒，採其成熟者，曬乾，除去果皮，是名白胡椒。

形態 黑胡椒爲未熟之肉果，作球圓形，帶褐黑色，徑一分半至二分許，無果梗，外皮有皺襞，作網膜狀，中藏一子，子有胚乳，子芽在其小腔中，白胡椒爲成熟之肉果，果皮既去，故外面滑澤，色灰白，或黃白，底連臍帶，兩者俱有刺戟性之芳香，味辛辣。

第四版改正日本藥局方云 胡椒係在未熟時採而乾之，其狀圓如球，無果梗，直徑約五密米，果殼極薄，有黑褐色之皺襞，中藏種子一粒，與果層粘連，種子成於外胚乳，外胚乳中空，帶黃褐色，似角質，內作白色，狀似粉，氣味峻烈，有芳香性如灼，以胡椒化爲灰，百分中祇有硬性物五分。

成分 爲胡椒素、軟樹脂、揮發油、脂肪、護膜、澱粉、有機酸、鹽類等。

胡椒素 Piperin $C_{17}H_{19}NO_3$ 者，胡椒中之植物鹽基，乃無色無臭無味之稜柱狀結晶體也，熱至華氏二百十二度，則融解，冷水不能溶解，沸湯及酒精，均能溶解，遇硫酸，現血紅色，遇硝酸，初現黃綠，繼變橙黃，終成紅色，入加里油汁溫之，則分離而為胡椒精 Piperidin 與胡椒素酸加里。

軟樹脂為胡椒特有之臭味，成於紅綠兩色之樹脂質，酒精、伊打俱能溶解之，惟所含之揮發油，遇此二者，亦不溶解。

效能 用作健胃、消化、驅風、齒痛藥，又作香辛料。

【能】 辛熱、純陽、煖胃、（服少許，增進消化，多用則發胃腸炎、）快膈、下氣、消痰、治寒痰、食積、腸滑、冷痢、陰毒、腹痛、胃寒、吐水、牙齒浮熱作痛、（合草荻散之、）殺一切魚肉蠶輩毒、食料宜之、嗜之者衆、多食損肺、走氣動火、令人吐血、發痔瘡、藏毒、齒痛、目昏、

■下氣、消食、治心腹冷痛、溫中、治霍亂氣逆、胃寒、吐水、反胃、齒痛、■味辛走毒、性熱助火、■產後血暈、煎藥中入一二粒用、有奇效、■反胃、吐食、胡椒醋浸、曬乾、如此七次、研末、酒糊丸、梧子大、每服三四十粒、醋湯下、■夏月冷瀉、或霍亂吐瀉、腹痛、胡椒末、米飲下、■風蟲牙痛、胡椒末、綠豆粉等分、棉包、咬患齒上、涎出即愈、■有熱病者用之、則動火破氣、多用能損目、且破肺、令吐血、

【單方】 人中寒氣、手足冷、腹痛、胡椒五分、酒煎服、●霍亂、胡椒十四五粒、嚼爛、白湯下、●中風卒倒、胡椒粉、吹入

鼻中●五體痺、胡椒一撮、葱白三莖、細切、鹽一撮、小麥粉四五合、酒醋各二杯、銅鍋煎、乘熱蒸痺處、●飲酒後衄血、椒末少許、溫酒攪服、●婦人經來腹痛、胡椒末、砂糖等分、白湯送服、●打傷、胡椒粉入熱湯服、知辛辣爲度、●飲水中毒、吞胡椒五粒即解、●中柿、李及一切果物毒、胡椒末、白湯送服、良、食籠中毒、亦如法解之、●防衣服生蟲、胡椒煎汁、以之澣洗衣服、●男婦生陰蟲、胡椒末、以水與涎液調塗、立斃、

處方

配合胡椒之處方如左、

○胡椒理中丸 治三焦肺胃虛寒、欬逆、嘔吐、腹脅脹滿、不能飲食、

胡椒 華撥 乾薑 款冬花 甘草 陳皮 良薑 細辛(各二兩) 白朮(一兩半)

右爲末、煉蜜丸梧子大、每服十五丸、溫水下、日再服、

○椒酒煎 治口舌疼痛、或破裂、

胡椒(二錢)

右一味粗末、好酒濃煎、去渣含之、

○敷藥方 治積塊寸白蟲痛甚者、

胡椒 黃芩 大黃 白馬毛(燒存性) 皂角(燒存性) 早赤豆 莪朮(各等分) 鉛粉(二十分之一)

右爲末、以稀糊調和、貼痛處、以紙蓋之、立退、

○治大人小兒脫肛妙方

胡椒(一兩) 山楂子(炒) 石榴皮(各五分) 五倍子(二分半)

右糊丸梧子大、日六十粒、

○治齲齒有孔作痛方

胡椒 焰硝(各等分)

右二味爲末、帛裹如豆大、納齲齒孔中、咬之、

用法 即取胡椒研末應用、

禁忌 忌火、

用量 二分至六分、

石斛

異名 石薺 杜蘭 林蘭 金釵 禁生 麥斛 石薺草 百丈鬚 長生草 千年潤 雀脾斛 鱗鯉甲

基本 石斛屬於蘭科、陰歷七月採其葉莖、陰乾入藥、

石斛爲多年生草本、自生於高山濕潤之巖石、或古木上、莖色青綠、高三四寸至六七寸、每離寸許、即有一節、稍似

木賊、但內部充實、每節生葉、葉爲披鍼形、具並行脈、厚而有光澤、初夏之際、每一梢端、開花兩朵、色有淡紅與白色二種、有不整齊之花被、變種頗多、栽之者多供賞玩、

本草綱目曰 石斛、叢生石上、其根糾結甚繁、乾則白軟、其莖葉皆青色、乾則變黃、開紅花、節上自生根鬚、人亦摘、下、以砂石栽之、或以物盛掛屋下、頻澆以水、經年不死、俗稱千年潤、處處有之、以蜀中者爲勝、

本草綱目啓蒙曰 石斛、生山中石上、莖如木賊而細、黃綠色、每寸許有一節、卽生一葉、形似竹葉而小、厚而有光、莖長三四寸、多叢生、至夏、舊莖節下、並生二花、形似白及花、色有白與粉紅兩種、鮮紅者極少也、花後結實、似蘭莢而小、

效能 用爲健胃強壯藥、

【能】 甘淡入脾、而除虛熱、鹹平（平、補脾胃、瀉元氣、）入腎、而瀉元氣、益精、強陰、煖水藏、平胃氣、補虛勞、壯筋骨、療風痺、脚弱、自汗、囊澀、餘瀝、（雷斅曰、石斛鎮涎、）○光澤如金、斂股、短而中實、生石上者良、名金斂石斛、長而虛者、名木斛、不堪用、去頭根、酒浸用、細剉、水浸、熬膏更良、惡巴豆、畏殭蠶、（一說、惡寒水石、巴豆、畏雷丸、殭蠶、）

■陰中之陽、乃足太陰（脾）少陰（左腎）之藥也、精少、小便有餘瀝者、加石斛良、■除痺、下氣、■強陰、益精、平胃、健陽、■發熱、自汗、用之、凡止虛勞之自汗、盜汗者、方中多用之、■肌肉消瘦者、用此能豐肌、

處方 配合石斛之處方如左、

○安腎圓 治腎經久積陰寒、膀胱虛冷、下元虛憊、耳重唇焦、腰腿疼痛、臍腹撮痛、兩脅刺脹、小腹堅疼、下部濕癢、夜夢遺精、恍惚多驚、皮膚乾燥、面無光澤、口淡無味、不思飲食、大便溏泄、小便滑數、精神不爽、事多健忘、補元陽、益腎氣、

川烏頭(炮去皮臍) 肉桂(去皮各十六兩) 石斛(去根酒浸製) 桃仁(麩炒) 白蒺藜(炒去刺) 白

朮 破故紙(炒) 草薢 白茯苓 山藥 肉蓯蓉(酒浸) 巴戟(各四十八兩)

右爲細末、煉蜜圓如梧桐子大、每服三十圓、溫酒或鹽湯下、空心、食前、小腹氣、炒茴香鹽酒下、

○鹿茸大補湯 治男子婦人、諸虛不足、

白茯苓(去皮) 鹿茸(製) 杜仲(剉炒去絲) 當歸(酒浸) 肉蓯蓉(酒浸焙) 黃芪(炙各二兩) 石

斛(剉酒浸蒸) 白朮(煨) 五味子 附子(炮) 肉桂 人參 白芍藥 半夏(各一兩) 甘草(五錢)

熟地黃(酒蒸三兩)

右咬咀、每服四錢、薑三片、棗一枚、水一盞二分、煎七分、空心帶熱服、並治產後血氣耗傷、一切虛損、

○石斛湯 洗諸眼疾、

石斛 菊花 當歸 黃連 黃蘗 石菖蒲(各等分)

右六味、水煎、溫洗、

用法 酒浸、焙用、

用量 五分至錢半、

草豆蔻

異名 豆叩 豆蒨 豆蔻 家孽 漏蔻 寶蔻 草豆仁

產地 產於亞洲之東印度羣島、及非洲熱帶地方、

基本 屬於薑荷科草豆蔻之子實、

本草綱目曰 草豆蔻生交趾、嶺南亦有之、苗似蘆、其葉似山薑、杜若輩、根似高良薑、二月開花作穗、房生莖下、嫩葉卷之、初如芙蓉花、微紅、穗頭深色、其葉漸廣、花漸出、色漸淡、亦有黃白色者、結實若龍眼、皮無鱗甲、皮中子如石榴瓣、夏月熟時採之、曝乾、根苗微作樟木香、根莖子俱辛香也。○草豆蔻、草菓、雖是一物、然微有不同、今建寧所產豆蔻、大如龍眼、而形微長、其皮黃白、薄而稜峭、其仁大如縮砂仁、而辛香氣和、滇廣所產草菓、長大如訶子、其皮色黑、厚而稜密、其子粗而辛臭、正如斑蝥之氣、

效能 用為健胃、解毒藥、

【能】 辛熱香散、健脾、煖胃、破氣、開鬱、燥濕、祛寒、除痰、化食、治癆癘、寒瘧、（佐常山能截瘧、或與知母同用、取其一陰一陽、治寒熱癆癘、蓋草菓治太陰獨勝之寒、知母治陽明獨勝之火、）客寒、胃痛、霍亂、瀉痢、噎膈、反胃、痞滿、吐酸、

痰飲積聚、腦寒、齒痛、酒毒、魚肉毒、（作食料宜之）過劑助脾熱、耗氣、損目、老弱慎用、

■入足太陰（脾）陽明（胃）二經、溫散冷氣、有速效、脾胃虛弱不食者、隨木瓜、烏梅、縮砂、益智、甘草、生薑等用之、■風寒之邪、已留于胃、或疹或冷者用之、■善散滯氣、寬膈上之痰、或食冷物、致胃脘痛、能溫散之、■脾胃寒濕、鬱滯、須溫燥之、當以草薹仁、常山並用、亦用於寒瘧、因其味辛而性熱、故溫脾胃也、■虛癆、自汗、草豆蔻殼一枚、麩煨、同麵俱研、入平胃散煎服、■脾胃肺中有鬱熱者忌、因氣味辛熱、反能致熱也、■多用亦助脾熱、傷肺損目、

處方 配合草豆蔻之處方如左、

○草豆蔻散 治脾胃不調、胸膈滿悶、飲食不化、嘔逆惡心、或霍亂嘔吐、心腹刺痛、腸鳴泄利、水穀不分、夏月煎作熟水常服、調中止逆、除冷氣、消飲食、

草豆蔻（去皮一斤） 生薑（切片二斤） 甘草（八兩）

右拌勻、入銀器內、用水過三指許、慢火熬令水盡、焙乾、杵爲細末、每服一錢、沸湯點服、不計時、

○溫中益氣湯 治中氣不足、四肢困倦、躁熱惡寒、時作疼痛、不欲食、食即吐、氣弱短促、怠惰嗜臥、

附子 乾薑（炮各五分） 草豆蔻 甘草（炙各三錢） 益智仁 白芍藥 丁香 藿香 白朮（各二錢）

人參 陳皮 吳茱萸（各一錢半） 當歸（一錢）

右十三味、水煎服、

○勻氣丸 治氣虛濁升多嘔

草豆蔻 橘皮 沈香 人參(各五錢) 益智 檀香 大腹皮(各一錢)

右爲末、飯丸梧子大、每八十九、淡薑湯下、

用法 與殼同麵裹、灰火煨、去殼用仁、

禁忌 忌鐵、

用量 五分至錢半、

附錄 草豆蔻、草菓、白苳蔻等、均產於東印度羣島、實同類也、其子實入藥用、運輸中國、草豆蔻、草菓、皆陽春砂之別名、或謂不然、摘錄其說、以資參考、

本草必讀曰 草菓仁生閩廣、八月採收、子大粒成團、外殼堅厚黑黝、入劑、取子對、○草豆蔻、草菓二物、主治同、但草豆蔻氣味和、草菓氣味猛、

和漢三才圖會曰 本草以草豆蔻、草菓爲一物、而時珍辨所產與實之形狀別之、本草蒙全則謂爲二物、然論花菓之形狀、祇云是草豆蔻、不及草菓、豈本屬一物、其子實因土地而不同乎、子實既異、故氣味亦有和烈之殊、主治不同、未可混用耳、夫草菓有外皮、且堅厚、草豆蔻露仁、如無外皮、○二物性溫、能散滯氣、消膈上之痰、若確知身受寒邪、口食寒物、胃脘作痛、方可溫散、用之如鼓應桴、或濕痰鬱結成病者、亦效、鬱熱便不可用、

山榿子

異名

羊桃 茅榿 鼠榿 猴梨 猴榿 繫梅 山果子 山查子 山棠子 山囊子 木桃子 地乙梨

赤瓜子 和圓子 柿查子 棠榿子 棠榿子 糖榿子 山梁紅果 映山紅果

其本

此為屬於薔薇科山榿之果實、

山榿為庭園種植之落葉灌木、高五六尺、枝極繁茂、處處生似針之枝、葉皆互生、長寸許、狀如楔、邊緣有鋸齒、花開於春日、與新葉並發、白色、五瓣、簇生似單瓣梅花、又若林檎花、後結實、

形態

果實作球圓形、亦似林檎、有果梗、徑約六七分、頂端略扁平而有柱頭、外面作暗紅黃色、味酸、核堅硬、色黑、似

牽牛子、

效能

消化不良、及產後兒枕痛用之、

【能】 酸甘、微溫、健脾、行氣、消食、磨積、（消腥羶油膩之積、與麥芽消穀精者不同、凡煮老雞硬肉、投數枚則易爛、

其消肉積可知、）化痰、散癥、發小兒痘疹、止兒枕作痛、（惡露積於太陰少腹作痛、名兒枕痛、砂糖調服、）多食、令

人嗜煩易饑、反伐脾胃生發之氣、（破泄太過、中氣受傷、凡服人參不相宜者、服山查則解、一補氣、一破氣也、）○

有大小二種、小者入藥、名棠榿子、去皮核用、（或曰、核有功力、不可去、）

脾胃虛弱、食物不化、胸腹刺痛、脹悶、食後咬三枚良、善消肉積、凡食魚鳥獸肉而不消化、腹脹如鼓者、多食山查、吐去痰水即愈、老雞肉硬者、入山查子數枚同煮則軟、此善消肉積之證也、痘瘡色不鮮艷者、山查爲末、湯服下、立見鮮紅、又痘黑而乾、成危證者、山查爲末、紫草等分、同煎、酒調服一錢、佳、此藥不惟有破食積之功、兼破血、破氣、故婦人患兒枕痛者用之、氣血食無積滯者均忌、

【單方】 食狗肉中毒、山檀子加杏仁煎服、漆瘡、山檀子煎汁洗、

處方 配合山檀子之處方如左、

○保和丸 治一切食積、

山查子(六兩) 神麩 半夏 茯苓(各二兩) 橘皮 連翹 蘿蔔子(各一兩)

右爲末、餅糊丸、

○柴平湯 積塊屬熱者、宜清化也、

柴胡 黃芩 半夏 蒼朮 厚朴 青皮 枳殼 神麩 山查 三稜 莪朮(各等分) 甘草(減半)

右薑棗水煎、

○平肝消癥湯 治左胸有痞、動則痛、靜則止、日漸脹大、面黃吐痰、

白芍藥(五錢) 歸身(二錢半) 白朮(五錢) 柴胡(五分) 龍甲(錢半) 神麩 山查 枳殼 半夏

(各五分)

○右水煎服、十劑塊小、二十劑全消、

○立效散 治疝、因食積作痛、

山槿(錢半醋炒) 青皮(一錢二分) 小茴香 枳實 蒼朮 香附子 吳茱萸 山梔子 川棟肉(各

一錢)

右薑三片、水煎服、

○治諸疝方 定痛有速效、

枳實(十五片) 山梔子(炒) 山槿子(炒) 吳茱萸(炒各等分)

右生薑水煎、或酒糊丸服、

用法 去核、微焙用、

用量 七分至二錢、

伏牛花

藥效 隔虎刺花 風油刺

其木 此屬於小藥科、入藥用根、

此藥有二種、一名 *Berberis Silbooti*, Miq. 一名 *Berberis Vulgaris*, L. var *Japonica*, Reg. 皆山野自生之灌木、種植者多作賞玩用、日本之南部極多、前者莖高五六尺、分枝岐生、有針狀或三裂之刺、葉皆對生、爲長倒卵圓形、或長橢圓形、邊緣有細毛、花小色黃、五六月間、作寸許之總狀花序排列、後則結球圓形之紅色漿果、後者高六尺、最高者達一丈、莖有長枝與短枝、長枝葉互生、爲針狀、短枝葉叢生、爲長倒卵圓形、葉緣皆有鋸齒、花小色黃、作總狀花序排列、後結長橢圓形之漿果、

形態 伏牛花根、蔓延分岐、外面現淡褐色、有皺襞、木部作淡黃色、其外皮有苦味、

成分 外國產之伏牛花根、含有祕魯培林、日本種所含之成分、殆與之相同、按此祕魯培林、不惟伏牛花科植物之根中有之、卽黃連根中亦有之、爲苦味質之植物鹽基、乃其主要成分也、

效能 如大黃、黃連之用爲苦味健胃藥、

【能】 苦甘、治風濕、四肢拘攣、骨肉疼痛、頭痛、五痔、下血、

用量 五分至錢半、

附錄 外國產之 *Berberis Vulgaris*, L. 亦爲灌木、高五六尺、樹之外皮作灰褐色、木質黃色、枝間有刺、葉對生、爲倒卵圓形、邊緣有細鋸齒、葉側開六瓣小花、排列爲總狀花序、入藥專採用根之外皮、謂之 *Cortex Radicis Be-*

Herberis 味苦、中含祕魯培林、其漿果兩端扁平、色鮮紅、中藏核二三個、成熟者含有林檎酸、謂之 Fructus. Herberis 亦供藥用。

五穀蟲 Maggots. (英)

異名 屎蟲 糞蛆 糞蟲 天漿子

其本 此為屬於雙翅類蠅類食呀蠅科天蠅之幼蟲、

天蠅、頭部為半球形、軀體色黑、為橢圓形、腹有條線、胸被赤黃色之毛、翅淡褐、質透明、外緣有茶褐色之斑點、其幼蟲夏月生糞坑中、體為圓柱狀、色帶白、有環圈數十個、長尾匍行、十月入土中、化為蛹、藥用者、採此糞蛆、浸長流水中三日、漂洗潔淨、曬乾、舂成粉末、備用、

和漢三才圖會曰 和劑局方、以糞蛆為天漿子、本草綱目、以雀甕中子為天漿子、入門云、治驚風、可用雀甕子、治疳方、須用天漿子、六月取入布袋、置長流水中三日、夜取出、曬乾為末、此蟲夏月生糞尿中、初生如蛹白色、老則灰色、有節、長尾無足、滾行、形似菜菔子莢、羽化為天蠅、天蠅形似虻、俗呼布車布車蟲、

效能 治小兒傷食病及驚疳等、

【能】 寒治熱病譫妄、每痢作吐、小兒疳積、疳瘡、漂淨、曬乾為末、或炒、或燒灰用、

【單方】 小兒小便如米泔、大便不整、五穀蟲燒灰、和入食物中、令食之、●小兒消化不良、五穀蟲末、加甘草末少許、飯湯丸大豆、每服十粒、飯湯送服、●口中糜爛、五穀蟲末、絹包浸水、頻頻含漱、(西端學云、患鵝口瘡、以尾長蟲乾燥細末、摻之、即愈、盍試之、)

【處方】 配和五穀蟲之處方如左、

○八珍丹 治小兒驚風壯熱、精神昏憤、嘔吐痰涎、驚悸恍惚、或發癰癩、目睛上視、

天麻(去蘆) 朱砂(飛研) 牛膽製天南星 甘草(剉炒各五兩) 雄黃(飛研) 天漿子(微膩三百五

十個) 膩粉(研各一兩一分) 銀箔(七十片)

右爲細末、入研藥、煉蜜、圓如豌豆大、以銀箔爲衣、一歲兒、每服一圓、薄荷湯化下、疾症未退、可再服、更量大小加減、食乳後服、

○軟金丹 治小兒驚風壯熱、多睡驚掣、精神昏憤、痰涎壅塞、手足搐搦、目睛上視、項背強硬、牙關緊閉、

寒食麵(七錢半) 青黛(細研) 麝香(細研) 胡黃連(研) 使君子 墨鉛 膩粉(各一分) 天漿子

(七個炒)

右研勻、白麵糊圓、如小豆大、每服一圓、煎金銀薄荷湯化下、五歲以上、可服二圓、更量大小虛實加減、不拘時、

○治鵝口瘡方

臘月糞蛆霜

右一味、藍汁調塗之、

用法 晒乾為末、或炒、或焙用之、

用量 二分至五分、

胡荽子 *Fructus Coriandiri.* (拉) *Coriander.* (英) *Koriander.* (德)

異名 元荽子 香荽子 高柴子 延荽子 莞荽子 蕒荽子 薰荽子 團荽子 胡荽子 鹽荽子

產地 其原產地在中海沿岸、後始移植於歐洲全土及東洋各國、

基本 此為屬於繖形科胡荽之果實、

胡荽為一年生草本、多自生水邊、或栽植園圃、有麻醉性之惡臭、莖細長中空、高一二尺、葉互生、薄而平滑、色淡綠、腳葉往往消失、多為單羽或複羽狀、裂片廣闊、上葉更分裂若細線、夏秋之交、梢頭開五瓣小花、色白、或帶紅、攢簇而作複繖形花序排列、其小繖之底有苞片、中藏三四子、果實作球圓形、色黃白、有芳香、根似紡錘、而向各方彎曲、**形態** 果為分裂果、形圓、色黃白、或黃褐、中分二房、子粘附殼內、長一分至分半、尖端有萼、裂作五瓣、儼如冠、頂端有屈曲之花柱、然多無果梗、外有縱線十條、第一畦線隆起而彎曲、第二畦線始正直、中心空虛、依線而包被之、子仁形

如半月、藏於內壁、子蓋在胚乳之頭端、又有油腺、則在分果片之背線中、氣芳香、味甘、

成分 百分中有揮發油一分、脂肪油十三分、餘爲蛋白質、單寧酸等、

胡荽子油 Oleum Coriandri. 卽胡荽中之揮發油、乃其主成分也、爲無色或淡黃色之液體、有胡荽子特異之香氣、酒精、伊打、濃醋酸等、俱能溶解之、比重〇・八五九・至〇・八七一、

效能 用作健胃、驅風、祛痰藥、往日中醫、則用作痘瘡藥、

【能】 辛溫香竄、內通心脾、外達四肢、能辟一切不正之氣、痧疹、痘瘡不出、煎酒飲之、（心脾之氣、得香而運行、含歌遍身、勿喫頭面、痘疹家懸掛左右、辟一切邪惡、）

根葉 辛溫微毒、治五臟、補不足、利大小腸、其香竄內通心脾、外達四肢、能辟一切不正之氣、故痘瘡出不爽快者、作酒飲之、立出、（凡服一切補藥、及藥中有白朮、牡丹者、不可食之、故臭鬢齒及腳氣、金瘡人、皆忌之、）

胡荽子 能發痘疹、治痔漏、脫肛、（胡荽子、粟糖等分、乳香少許、以小口瓶燒煙薰之、）

大和本草曰 此物甚臭、善却諸臭、亦如阿魏極臭而能止臭、洵奇物也、夫沈香、檀香之類、取其香以薰物、此理之常也、阿魏、胡荽、胡蒜之類、取其臭以掩物、此理之變也、凡痘疹不正者、胡荽子酒煎、口含噴病兒背足、頭面切不可噴、胡荽子與葉、入雞鴨豬鹿之羹、能令味美、去腥臭、生葉發臭、熟食則無臭、氣能退丹毒、痘瘡之餘毒、又手足頭面俄而發紅作痛者、食胡荽葉、火熱腫痛、風腫甚痛者、以胡荽葉與葶煎湯熏洗、佳、食五葷或蘆薈等臭物者、續食此

實、口即不臭、食而中毒、服此實即解、其爲人利用如此、故人家必備之、八月下種、醫珍曰、合諸菜食、氣香、令人口爽、
荷蘭藥鏡曰、胡荽子爲破氣驅風之良藥、兼有溫暖、強壯、健胃之效、○加香竄藥、同浸葡萄酒或燒酒、搗作溫暖
強壯劑、用於諸症、俱有大效、方如下、○溫壯胡荽飲、菖蒲根、土木香根、橙皮各四錢、桂三兩、茴香、胡荽子各一兩
半、調勻、以燒酒十四兩、浸一晝夜、去滓、每服一匙、日三四次、此劑用於虛寒之胃痛、效極著、加薄荷尤妙、或患諸器
營運怠慢虛乏之症、加薄荷油、或揮發香竄精用之、奏效至捷、惟在虛弱異常之人、不勝此等峻烈之藥、祇可改用
溫和驅風之藥草、葡萄酒浸服、○胡荽子末、和砂糖服、能治痞氣鬱滯諸症及疝痛、於間歇熱、尤有奇效、



一分半至五分、

神麴

本草綱目曰、昔人用麴、多以造酒、後醫家乃造神麴、專供藥用、力更勝之、蓋取諸神聚會之日造之、故得神名、



異名 神曲 麥曲 神麴 六丁麴



製法 陰歷五月五日、六月六日、或三伏日、用白麵百斤、青蒿、野蓼、蒼耳、各自然汁三升、赤小豆末、杏仁泥各三升、以

配六神、用汁和麵豆杏仁作餅、麻葉或楮葉包密、如造醬黃法、生黃衣、晒收之、所謂六神者、白虎、(白麵)、青龍、(青蒿)、朱雀、(赤小豆)、玄武、(杏仁)、勾陳、(蒼耳)、騰蛇、(野蓼)、各配六神也、此藥陳者爲良、故一名陳麴、

效能 用爲消化藥、

【能】 辛散氣、甘調中、溫開胃、化水穀、消積滯、治痰逆、癥結、瀉痢、脹滿、能回乳（炒研、酒服二錢、日二）治眼病、
■爲足陽明（胃）經之藥、故專用於宿食不化、水穀不分利之病、■能溫健脾胃而消食、■因腰作痛、神麩炙焦服之、有奇效、■產後不回乳、神麩炒末、每服二錢、一日兩次、效、■脾胃虛弱、水穀不化、胸腹作脹、少食肌瘦、虛寒翻胃、方用神麩六兩、麥芽炒三兩、乾薑炮四兩、烏梅肉焙四兩、爲末、煉蜜丸、梧子大、米飲服五十九、日三次、名養食丸、累有殊效、■神麩善養胃氣、故水穀之滯於脾胃者、欲溫散之、當以此爲第一、若無宿食積滯、用之能耗元氣、

虛方 配合神麩之處方如左、

○麩朮圓 治時暑暴瀉、壯脾、溫胃、增進飲食、

神麩（炒） 蒼朮（米泔浸一宿焙乾）

右等分爲末、麵糊爲圓、

○麩朮丸 治中脘有宿食留飲、酸灼心痛、口吐清水、噎宿腐氣、

神麩（炒三兩） 蒼朮（炒一兩半） 陳皮（一兩）

右爲末、生薑汁別煮神麩末、糊爲丸、如梧桐子大、每服三五十九、薑湯下、無時、

○平胃散 治傷食、腹滿下利者、

蒼朮 橘皮 厚朴 神麩 麥芽(各五兩) 甘草(五錢)

右爲細末、一方加香附子、砂仁、

用法 炒末用、

用量 一錢至二錢、

萊菔子 Radishseed. (英)

異名 雹突 土酥子 唐菩子 羌精子 登菘子 溫菘子 楚菘子 菑當子 蘿白子 蘿蔔子 蘿爬子

蘆菔子 蘆葩子 紫花菘子

基本 係屬十字花科蘿蔔之種子、

蘿蔔種類甚多、爲一年或越年生草本、園圃種之、以供食用、莖高達三四尺、葉作羽狀分裂、剛硬而有毛茸、梢上分歧、開淡紫或白色四瓣十字花、作總狀花序排列、後結莢形閉果、根長大白色多肉、

食用蘿蔔、多於八月下旬或九月月上旬下種、約經百日採掘、

形態 萊菔子爲蘿蔔之扁平長圓形種子、大如麻子、表面呈黃赤色、

效能 用作健胃祛痰藥、

【能】 辛入肺、甘走脾、長於利氣、生能升、熱能降、升則吐風痰、散風寒、降則定痰喘咳嗽、調下痢後重、止內痛、
【單方】 黃膽用蘿蔔實爲末、白湯服下、●爲犬所咬、用蘿蔔切成圓片、用火溫貼、頻易新者、後代膏藥貼之、頗爲有效、●失火時、吞入煙火、服蘿蔔汁、

【用法】 炒爲末或生研用、

【用量】 五分至一錢五分、

麥芽 Malt (英) Malz (德)

【異名】 麥蘖

【基本】 係禾本科植物大麥 *Hordeum Sativum*, Jess. var *vulgare*, L. Hack. 之實、而製成麥蘖者、

【製法】 將大麥浸水、至已柔軟、先去水、復乾其水氣、乃堆置五六日、則漸鬱蒸、而生幼根及芽、此謂之麥蘖、晒乾、炒之、揉去其皮、以供藥用、

【效能】 爲兼助消化之滋養藥、

【能】 鹹溫、能消導米麵諸果食積、觀造錫者用之、可以類推矣、但有積者能消化、無積而久服、則消人元氣、須同白朮諸藥兼用、則無害也、

有去痰、破積、開胃、進食等功效。降氣、治心腹脹滿。治一切米穀麵類諸果食積。和中氣、治霍亂。產後無子、乳脹發熱惡寒者、炒麥芽二兩為末、取五錢用白湯送下、則斷乳汁。使豆蔻、縮砂、烏梅、木瓜、芍藥、五味子。【單方】止乳出、用麥芽為末、水吞下。

荊芥

異名 烏芋 地栗

基本 係莎草科植物荊芥 *Heliocharis plantaginea* R. Br. 之根、根即呼荊芥、供藥用。

荊芥為多年生草、或生於濕地、或種於水田、春季生葉、形似燈心草而粗、長三四尺、質軟而內空、夏時、於莖頂生寸許類管之穗、黑色、有白藥、根類似慈姑、大六七分、外部有紅有黑、內部則皆白色、冬春之間掘取生食、或製澱粉。

效能 民間用治黃疸、或解宿食。

【能】甘、微寒滑、無毒、主治溫中、益氣、消風毒、除胸中實熱、可作粉食、明耳目、消黃疸、開胃、下食。

土荊芥 *Mexican goosefoot.* (英)

異名 鵝脚草

基本 土荊芥屬蓼科、以其莖入藥、

土荊芥爲一年生草、或自生於田野、或爲人所栽植、莖高二三寸、葉互生、作披針形、惟上部者多作卵圓形、末端狹、邊緣有細鋸齒、夏月於葉腋簇生綠色小花、八月採取葉莖曬乾、氣味芳香、俱如樟腦、

成分 含有揮發油、樹脂、鹽類等、

效能 用作健胃通經藥及神經強壯藥、

【單方】 毒蟲刺傷、搽生葉貼之、

用量 一分至二分、

葎草

基本 係屬桑科葎草 *Humulus japonicus*, S. et Z. 之莖、

葎草爲山野自生之多年生草、春月生苗、纏絡他物、莖略帶四角形、有毛刺、葉對生、作掌狀分裂、類大麻葉、有剛毛及長葉柄、邊緣有鋸齒、花無花冠、且係單性、雌雄異株、雄者作圓錐花序排列、長五六寸、萼片及雄蕊各五、雌者數個集合、作粗梗穗狀、成實則爲卵圓形或橢圓形之莢、呈淡綠色、有香氣及苦味、種子黑色如大麻子、

成分 爲揮發油、單寧、樹脂質等、

效能 昔時用作苦味健胃藥、

用量 三分至五分、

白豆蔻

異名 多骨

產地 日本無此物、多產暹羅、印度、新嘉坡、馬刺巴爾地方、

基本 白豆蔻屬囊荷科、此用其果實、

形態 爲灰白色圓形之果實、稍作鈍三稜形、揉之易破、處處生有短剛毛、內有三房、藏九至十二個種子、呈淡黃色、有辛辣香氣、將此含於口中、則覺有極爽快之溫氣、

效能 用於嘔吐、嘔酸、不消化、肺病等、

【能】 辛熱、流行三焦、行氣、煖胃、

用量 二分至八分、

方解石 Calc-spar. Calcite, Iceland spar. Doubly-refracting spar (英)

Calcit, Kalkspath, Doppelspath (德)

異名 黃石 (人參亦一名黃石)

產地 產石灰山附近及花崗石中、其有名產地為冰島、Ice land、日本遠江、美濃地方亦產之、

形態 方解石為斜方六面體或結晶塊、本為白色、但有因夾雜他物而變其色者、破碎面作貝殼狀、有類似玻璃、眞珠及脂肪等之光澤、硬度為三・〇、比重為二・六至二・八、其透明者、能折光線為二重、故用以視物、現出二形、本品加酸類、則發出碳酸瓦斯而溶解、

成分 為碳酸鈣、 CaCO_3 、此外雜有鎂、鋅、錳等碳酸鹽類、

效能 用作制酸劑、

【能】 氣味苦辛、大寒、治胸中留熱、結氣、黃疸、通血脈、

用法 以明澈者為上品、研碎水飛用之、

用量 一錢至三錢、

西國米 Pearl Sago. (英)

異名 西穀米 沙孤米 莎木麵 番國米

產地 產於印度羣島、運至新嘉坡、在新嘉坡精製成米、再運銷他國、

基本 屬於棕櫚科之西穀椰子、其樹幹中含有一種澱粉、取而製之、謂之西國米、以其形似也、

西穀椰子為常綠喬木、或野生、或種植、大樹也、高二丈、周圍可數尺、樹質堅實、葉為羽狀複葉、矗立樹上、有長至二丈者、花在頂端、為總狀花序、果實為球圓形、兩端壓扁、色黃、有光澤、所結果實、須三年始成熟、樹幹之外皮特厚、約有一寸半、至二寸許、其內部則為純白之髓質、此樹祇結實一次、即失其白髓而枯死、採製西穀澱粉之西穀椰子、種類極多、就中更分有刺類與無刺類兩種、凡有刺類、樹幹俱矮、葉亦較小、惟收穫澱粉之量、無甚差異、大約每樹一株、可得澱粉七、百磅之譜、

製法 西穀澱粉之製法、先斷樹幹、每段約六尺餘、更縱破之、投河中、浸軟其皮、剝去之、然後將木髓部製成粉末、亦如普通製造澱粉之法、水簸淘汰而曝乾之、是為西穀粉、陸續運銷市場、惟自產地運出者、多裹以西穀椰子之葉、經時既久、其細胞組織及纖維等、每變壞而發惡臭、故至新嘉坡後、更須精製之法、以原包置篩中、注水搓捏、將澱粉篩過、再以水簸之、最淨者色純白、次者色帶褐、因此仍分數等、其粒狀西穀、即為西國米、乃以精製西穀澱粉塊、日中曬乾、候未十分乾透、即碎而納諸布袋中、搖成細粒、再行曬乾、粒之大小、隨篩眼之大小而區別之、因之有大粒、小粒、細粒數種、最淨者名真珠西穀、

形態 佳者色純白、狀若顆粒、大小不一、以澱粉置顯微鏡下照之、則見爲卵圓形、或長橢圓形之細粒、一若二三相連而中斷之者、大○・○一至○・○五密米、有輪兩三層圍其外、其中央爲圓孔、

效能 痢疾或疝氣等症、以此煮粥、爲病人之食品、

【能】 淡微甘、煮粥食、健脾胃、隨病人用之、

卷懷食鑑曰 莎菰米性味輕淡、故倭俗病人煮粥食之、然蠻夷之物、未達其性、高貴家幸勿用之、

第三章 瀉下藥

大黃 Radix rhei (拉) Rhubarb (英) Rhaharberwurzel (德)

異名 火參 破門 黃良 將軍 (硫黃亦一名將軍) 膚茹 無聲虎 錦莊黃

產地 產西比利亞及中國、

中國產大黃、由廣東及他港運至歐洲、日本、用木箱裝之、每箱重一百三十餘斤、

基本 大黃有亞洲產及歐洲產二種、但藥用以中國產者最佳、係屬蓼科大黃之地下莖也、

大黃爲多年生宿根草、莖直立圓形、高四五尺、有微細溝線、葉大而互生、作掌狀分裂、兩面有軟毛、具有長葉柄、花

小而作黃白色、多數作穗狀排列、後結褐色長實、

中國產大黃、係於初春未萌芽前、採掘其根、去外皮、陰乾二三日、貫以繩、懸涼處乾燥之、有因受濕氣而傾向腐敗者、則其實輕虛、且作海綿狀、易蠹蝕、

形態 漢產大黃、其佳者外面爲黃色、作球形或不正圓形、大二三寸、質頗堅硬、稍有芳香苦味、截斷之、實質呈白色、有褐赤色並帶光澤之髓線、咀嚼之、作砂鳴粘著齒牙、涎液成爲黃色、

第三版改正日本藥局方曰、大黃係採取亞細亞北部所產大黃屬 (Rheum. 屬) 植物之根莖、去皮乾燥用之者、本品在新鮮時、破碎面作顆粒狀、略帶赤色、髓部有多數細小作放線狀之脈管束、其輪狀之新生組織及內方、有篩脈管、(中略) 本品味稍芳香而苦、

第四版改正日本藥局方、收載大黃及唐大黃二種、

品類 日本藥舖所售之大黃、昔時有唐大黃、真大黃、(產日本諸地漢種) 種大黃、(御藥園者) 野大黃、(爲羊蹄根) 等、但普通多分大黃爲亞洲產與歐洲產二種、藥用則採用華產及俄產、歐產不甚用之、

成分 含有一克里蘇番「Crysophan, $C_{14}H_5CH_3$ (OH) $2 \cdot O_2$ 」愛瑪易「Eroidin, $C_{14}H_5CH_3$ (

OH) $3 \cdot O_2$ 」及二種樹脂質「阿波列丁」Aporetin. 「愛里斯洛列丁」Erythoretin. 此外含有苦味質、單寧、沒食子酸、揮發油、澱粉、矽酸、石灰等、

效能 少量用作健胃劑、治消化不良、兼有大便秘結症、大量用作瀉劑、

【能】 大苦大寒、入足太陰（脾）手足陽明厥陰（大腸胃心包肝）血分、其性沈而不沈、其用走而不守、若酒浸亦能引至至高之分、用以瀉滌腸胃、下燥結而祛瘀熱、治傷寒時疾發熱譫語溫熱瘧瘧下痢赤白腹痛裏急黃疸水腫癰瘕積聚（積久成形謂之積）留飲宿食心腹痞滿二便閉結（皆士儻奪之）一切實熱血中伏火行水通經消腫、然傷元氣耗陰、若病在氣分胃虛血弱人禁用、

陳大黃之蟲蠹者、因失去多量單寧、故以少量用之、有下泄功效、見澤田駒次郎氏大黃說、

【單方】 打撲有瘀血疼痛者、用大黃末調童便塗之、●刀傷、用唐大黃炒焦、爲細末、摻傷處、●中鯉魚毒、用唐大黃爲末、五六分、白湯服下、●耳中卒痛、無膿汁出、用唐大黃、辰砂各半、白湯薄溶、每次取少許點入耳中、

處方 配合大黃之處方甚多、今略舉數種如左、

○三黃丸 治心煩、坐立不安、大便微利者、

大黃（十兩） 黃芩 黃連（各五兩）

右三味各別末、糊丸、如梧桐子大、每服二十七八九、白湯送下、

○承氣丸 治腹中堅塊、大便不通者、是大黃硝石丸也、又見一方曰治腹滿、或燥屎不通者、

大黃（四兩） 硝石（六兩）

右二味、各別末、糊丸、如梧桐子大、每服八九丸、分以枳實六分、厚朴一錢之煎湯服之、即大承氣湯、而分大黃、芒硝爲丸、使病者易飲服也、陳久之病、亦能易解也、又或唯丸用之、則二十七八九丸服之、

○蕪黃散 治轉變不可治者、(轉變者、病證轉變不可治也、又一方曰治瘡及頭上之毒、)

大黃(十兩) (大黃漢產肥實濕潤者可用、其乾枯輕虛者不可用、) 芎藭(六兩) (芎藭用豐後產者)
右二味、各別末、合爲散、每服六七分、酒服下、不效至一錢以下爲度、又視病症可每夕服、

○硝石大圓 治腹中結毒、心下痞澀者、

大黃(三十錢) 硝石(十五錢) 甘草 人參(各五錢)

右四味、各別爲末、以苦酒六合先煎大黃、減二合、內甘草、人參更煎、如飴狀、下火、乃內硝石、攪之爲丹、如兔屎大、又曰苦酒六合、當作三合、

○人參大黃丸 治心下痞澀、大便難者、

大黃(十兩) 黃芩 人參(各五兩)

右三味、各別末、糊丸、如梧桐子大、每服二十七八九丸、白湯送下、

用法 欲使下行、生用、或水浸一宿、洗淨、浸酒炒、

禁也 忌冷水、惡乾漆、

用量 用作健胃藥、一分至一分五厘、用作瀉劑、五分至一錢、

附錄 日本各地、如陸奧之津輕、大和之宇陀等、所栽植之大黃、(漢種大黃) 日名謂之「於保志」(Rheumundulatum, L.) 藥舖呼爲真大黃、形態類中國產、色深黃、質粗糙而不堅、截片或有紫紋、味微苦多瀉、下利功效極微、非頓服其粉末一錢至三錢、不見功效、

安政五年清水直著「於保志考」、略謂服於保志、則起腹痛、腹滿、此因該品中含有多量單寧質、與腸胃中之膠質結合、引起絞攣、奪其粘滑液、而妨礙下利、若預先配合阿膠服之、則腹全不痛、而奏下利之效云、著者每於保志一錢、加阿膠一錢至三錢、合煎用之、

蘆薈 Aloë (拉) (德) Aloes. (英)

異名 鬼丹 奴會 訥會 象膽

本草原始曰 蘆、黑色也、薈、聚也、木之脂液凝集、色黑如飴、故名蘆薈、俗呼爲象膽、蓋以其味苦如象膽故也、雷公以爲象膽非也、

產地

亞拉伯之蘇哥篤拉島、西印度之巴魯篤巴多斯島、非洲之喜望峯等熱帶地方均產之、

基本

鑽刺百合科蘆薈族植物之葉、煎熬其所滲出之液汁、製成越幾斯質之蘆薈、

可採取蘆薈之蘆薈族植物種類頗多、其形狀亦因之而有差異、亞拉伯蘇哥篤拉島所產之蘆薈、(A. soccoto Fig. 1.) 莖作單圓柱狀、時亦有分歧者、高可四五尺、葉扁平似肉質、叢生於莖之枝端、作藍綠色披鍼形、上有白斑、邊緣有短刺棘、以鑽刺葉、則滲出苦味液汁、謂之蘆薈汁、

形態 爲透明或半透明之固塊、其色或黑或暗綠、質堅硬脆弱、研碎之、則成爲黃色或褐色之粉末、沸湯及溫酒精均能溶解、熱灼之、初膨脹、繼放明焰而燃燒、氣味頗惡、有苦味、

第四版改正日本藥局方曰、蘆薈係從其葉採取液汁煎成、爲暗褐色之固塊、質脆易碎、碎片透明、作貝殼狀、現鏡稜、有類似玻璃之光澤、置顯微鏡下觀之、見並非結晶、氣味特異、有苦味、本品加哥羅仿姆 (Chloroform) 煮沸、或加伊打 (Ether) 祇稍呈類黃色、將其伊打液蒸發、則遺下少許黃色粘著性殘渣、又用熱湯溶化、加硼酸鈉濃液、則呈綠色之螢石光彩、(下略)

品類 蘆薈種類甚多、其中供藥用者、有巴倍屯昔斯蘆薈 (Aloe barbadensis) 蘇哥篤里那蘆薈 (Aloe socotrina.) 歌巴吉加蘆薈 (Aloe hepatica.) 加邊昔斯蘆薈 (Aloe capensis.) 等、但普通則分爲透映蘆薈 (Aloe lucidae) 及肝蘆薈 (Aloe hepaticae) 二種、

成分 爲蘆薈素 (Aloin) 越幾斯樹脂等、蘆薈素 (C₃₁H₅₈O₁₄H₂O) 爲蘆薈之有效成分、係淡黃色結晶體、有蘆薈特有之臭氣、味初甘而後苦、冷水難溶、熱湯及酒精易溶、

效能 蘆薈能興起大腸蠕動、故有瀉下功效、並能助胃之消化、故用作瀉劑及健胃苦味劑、此外又用作通經藥、

【能】 大苦大寒、清熱殺蟲、涼肝明目、鎮心除煩、治小兒驚癇、五疳、傳鑿齒、濕癬、

【處方】 配合蘆薈之處方如左、

○蘆薈消疳散 治走馬牙疳、身熱氣急、牙齦腐爛、氣味臭惡、穿腮及破唇者、

蘆薈 柴胡 胡黃連 玄參 牛房子 黃連 桔梗 山梔子 羚羊角 石膏 薄荷(各五分) 升麻

甘草(各三分) 淡竹葉(十片)

右水煎、

【用法】 入土器、用泥土密封、置坑中、堆積米糠、點火燒用、

【用量】 四厘至三分、

巴豆 Croton. (拉)(英)(德)

【異名】 巴仁 巴菽 江子 草兵 日剛子 老陽子 巴菽剛子 巴霜剛子

巴豆產巴蜀、形如豆、故名、今藥局方、編入劇藥中、

【產地】 產中國、錫蘭、馬路古、麻刺拔爾等處、日本不產、

基本 係屬大戟科巴豆 *Croton Tiglium, L.* 之種子

巴豆爲高丈半至二丈之圓柱狀常綠灌木、樹皮光滑、作灰色、葉亦光滑、作尖橢圓形、邊緣有細鋸齒、其基脚部有蜜腺、花爲綠色短梗穗花、雄上雌下、果實分有三房、各房中有一種子、

形態 爲卵圓形長約四分闊約二分五厘之種子、稍帶扁平、邊緣稍隆起、有縫線、外被赤褐色子皮、中有黃褐色之仁、其氣味有刺戟性、味辛烈如油狀、

成分 含有脂肪油（三〇至四〇％）揮發油、樹脂等、

脂肪油爲硬脂酸、軟脂酸、巴豆酸及其他脂肪酸之甘油化合物、其主要成分爲巴豆酸、

巴豆酸 *Crotonic acid* $C_4H_6O_2$ 爲美麗細毛狀結晶、攝氏二十度之溫水、可溶解其十二分、由水溶液徐徐結晶者、作菱角狀、氣味類酪酸（*Butyric acid*）與苛性鹼同熱、則變醋酸、其熔化點爲七十二度、沸騰點爲一百十八度、又巴豆酸有同分異性體、含於巴豆油中、作液狀、熱至一百七十八度時、則變巴豆酸、謂之異性巴豆酸、**製法** 壓榨巴豆、可得脂肪油、謂之巴豆油、

巴豆油、今藥局方、編入毒藥中、

巴豆油 *Croton oil* 爲黃色或帶褐色之濃厚液、有不快臭氣、比重爲〇・九四至〇・九五五、在空氣中乾燥、現酸性反應、酒精難溶、伊打易溶、用以塗擦皮膚、經數分鐘、即起灼熱引赤、終而化膿、味初緩和如油狀、後辛烈如

灼、

巴豆油之主要有效成分爲巴豆酸、將此油塗於腹部臍傍、有下瀉之效、惟較巴豆爲劇、

第三版改正日本藥局方曰、巴豆油係用巴豆 (Croton Tiglium, L.) 種子、去子皮、壓搾所得之脂肪油、帶黃褐色、有特異不快臭氣、現酸性反應、塗敷皮膚則引赤、置二容量純酒精中溫之、則溶化、比重爲〇・九四至〇・

九六、(下略)

【效能】 服下巴豆、則吐瀉、腹痛甚烈、或於胃腸發生焮衝、此蓋頑固便秘之峻下劑也、

今用巴豆者甚少、概用巴豆油、內服與巴豆相同、外用作皮膚刺戟藥、

【能】 辛熱、有大毒、生猛而熱少緩、可昇可降、能止能行、開竅宣滯、去臟腑沈寒、爲斬關奪門之將、能殺蟲解毒、療

瘡瘍蛇蝎諸毒、

樹根、花葉、味皆辛辣、下瀉、

【處方】 配合巴豆之處方如左、

○紫圓 治胸腹結毒、或腹滿不大便、或有水氣、及小兒諸疾、

巴豆 赤石脂 代赭石(各二錢) 杏仁(四錢)

右四味、先搗代赭石、赤石脂爲末、研巴豆、杏仁合散、糊丸、服法如麻子大、量病之深淺、大人者一二分至一錢爲度、

白湯送下、小兒者二三丸至五丸或十九爲度、與少乳汁令下、

○巴豆鷓胡菜丸 治有虻蟲而時時心腹急痛大便閉者、

巴豆(五錢) 大黃(八錢) 鷓胡菜(十錢霜必在性)

右三味、各別末、糊丸、服法如梧桐子、量病之輕重、二三丸至五丸或十九、白湯送下、

○巴豆丸 療癰結、心下硬痛、

巴豆(三枚) 杏仁(七枚) 大黃(如鷄子大)

右三味、大黃爲末、巴豆杏仁別擣如膏、和大黃、入蜜丸、

○備急圓 治心腹卒痛者、

巴豆 大黃 乾薑(各一錢)

右蜜丸、

○疥癬擦藥 疥癬不問新久、擦之必奇效、面部兩乳及前後陰邊不可擦、

巴豆 大黃 草麻子 黑胡麻(各同量)

右四味、細剉、用麻布包、漬熱酒擦之、約一時半之久、則發肌表如麻疹、禁用湯水洗、如此六七日、再入浴則疹白盡愈、

用法 去子皮及心、用紙包、打取油、再易紙、用細竹榨、至油盡爲止、時易紙、稍炒用、謂之巴豆霜、或炒至黃黑色、或用水煮五次用之、或用醋煮用、

禁忌 畏黃連、大黃、藜蘆、冷水及牽牛、

用量 巴豆用一厘五毫至五厘、巴豆油用其八分之一滴至二分之一滴、

大戟

異名 蕃 枝莖 印鉅 澤莖 下馬仙 破軍殺 勒馬官

其本 係屬大戟科大戟 *Euphorbia Pekinensis, Rupr.* 之根、

大戟爲山野自生之宿根有毒草、莖高二三尺、葉互生、作長橢圓形或披針形、邊緣有細鋸齒、夏月莖梢五分、各生三葉、更分爲三極、又各生二葉、中心開淡黃紫色小形單性花、雌花及雄花、俱無花被、(卽花冠及萼) 果實爲褐色山椒大實、有疣狀突起、傷其莖、俱有白汁流出、

形態 爲外面赤黃色、內部白色之細長根、味稍辛、

出處 大戟種類頗多、有岩大戟、姬大戟、伊吹大戟、白山大戟等、日本以本國產之紀州大戟、岩大戟供藥用、

日用藥品考 曰 古時傳入日本者、有綿大戟、紫大戟等之真品、今則甚少、(綿大戟根柔、揉之如綿、徑六七分、黃

白色、味葶辛、使咽大腫、如時珍所言、紫大戟、根黑赤色、揉之亦如綿、味微辛、咽不致腫、較綿大戟性緩、以杭州紫大戟爲上云、今日本藥舖呼唐大戟者、皆從他藥中揀出、外面紫赤色、裏面淡褐色、皆細長、味微澀不葶、此非真者、又有呼和大戟者、多用野苧麻根（黃白色、易折）或赤苧根（爲苧麻一種、淡赤色、內白）或蕘花根（茶褐色、內淡白、多混日本柴胡中）、李根皮（紫赤色、內褐色）等混充、故不若自栽和產岩大戟（卽紫大戟之一種）或漢種大戟採用之、另有呼伏見大戟者、此爲草薺茹、非大戟、

日用藥品考係文政七年刊行、

手板發蒙曰 綿大戟、古時傳來者、根如綿、黃白色、味葶辛、天明年間、有混他藥品中運來者、今甚少、紫大戟（紅芽大戟）紫黑色、如綿、味微辛、以杭州大戟爲上、近來運到者、形似桑楮之根、有紫赤色者、卽紫大戟、漢種大戟、享保年間傳入日本、爲紅芽大戟種、惟與近來運到之紫大戟、大異其形、日本產品類甚多、有土大戟、岩大戟、鹿飛大戟等、

手板發蒙、係文政十二年刊行、

效能 專用作下泄劑、其他用治痰涎、

【能】 苦寒有毒、能瀉臟腑水濕、行血、發汗、利大小便、治十二水、心腹急痛、積聚、癥結、頸腋癰腫、通經、墮胎、然瀉肺損真氣、

處方 配合大戟之處方如左、

○麝香大戟丸 治陰癩腫脹、并小腸氣、

葫蘆巴(四兩) 大戟(半兩) 檳榔(一兩) 麝香(一錢) 川棟子(六兩) 訶子(一兩) 附子 茴香
(各四兩) 木香(一兩)

右用葱白研入藥末、和糊丸、

○神祐丸 治陽水腫脹、大小便秘、

大戟 芫花 甘遂(各一兩) 大黃(二兩) 黑牽牛(頭末四兩) 輕粉(一錢)
右爲末、紅棗肉爲丸、初服五七丸、日三服、漸至快利爲度、加青皮、陳皮、木香、檳榔各半兩、

○控涎丹 治脅下積痰作痛、

大戟 甘遂 白芥子(各等分)

右爲末、麴糊丸、服十五丸至二十九丸、

用法 於陰曆二月八月採掘其根、去蘆頭剉、或用水煮軟、去木心、剉晒用、

用量 五分至一錢五分、

甘遂

異名

甘臺 重臺 重澤 苦澤 白澤 陵澤 陵臺 主田 至田 鬼醜 螯休 甘蒿 甘澤 三層草

大瓠藤 金錢重露 隨湯給事中

其本

係屬大戟科甘遂 *Euphorbia Sieboldiana*, Morr et Dcne. 之根、

甘遂為類似大戟之毒草、但其莖短小、葉闊大、自生山野間、春月抽莖、高一尺餘、葉互生、初紅後綠、作長橢圓形、或作筍狀、邊緣無鋸齒、葉莖含乳液、切斷之、滲出白汁、莖頂簇生五大葉、更分出五小枝、每枝生三葉、四五月間、通常抽二莖、於頂上開褐色花、後結滑澤之果實、

形態 為連珠狀橫根、多關節、形似麥門冬而稍長、皮部有赤色斑點、內部白色、

效能 概用作治水腫藥、

【能】 苦寒有毒、能瀉腎經及隧道水濕、達水氣所結之虛、以攻決為用、為下水聖藥也、主十二種水腫腫滿、癥疝、積聚、留飲、宿食、痰迷、顛癩、虛者忌用、

【處方】 配合甘遂之處方如左、

○畏腎散 治腎經積水、流注經絡、腿膝掣急、四肢腫痛、

甘遂(半兩) 木香(一兩)

右爲末、每服一錢、

○三消丸 治腫脹、

甘遂 木香 巴豆(各等分)

右共研爲末、寒粟米飯丸、

○甘遂丸 療黃疸、體大如囊、陰腫如斗、

甘遂 葶藶(各二兩) 杏仁(五十枚) 巴豆(四十枚)

右蜜和丸、

○控涎丹 療諸痰飲水氣、

甘遂 大戟 白芥子(各等分)

右糊丸、

用法 本草綱目曰、根探得去莖、於槐砧上細剉、用生甘草湯、養葶自然汁二味攪浸三日、其水如墨汁、乃漉出、用東

流水淘六七次、令水清爲度、漉出、於土器中熬脆用之、○時珍曰、今人多以麵煨熟用、以去其毒、

禁忌 惡遠志、反甘草、

用 三分至八分、

續隨子

異名 拒冬 聯步 千金子 千兩金 百兩金 白隨子 反時生 半枝連 蜀隨子 菩薩豆

基本 係屬大戟科續隨子 *Euphorbia Iatyris*, L. 之種子、

續隨子爲一年生草、園圃常栽植之、秋季抽圓莖、高達三四尺、葉初狹長、後變闊大、每節對生、作十字形、葉背及莖呈白色、夏季於葉腋開四瓣黃紫色花、後結黑褐色扁圓形種子、大四五分、有三溝、成熟則三裂、中有種子三個、斷此莖、則滲出乳液、觸於皮膚、則局部發疹、若誤食子實、則起刺衝而下痢、

形態 爲類似蓖麻子之種子、大約一分五厘、表面呈淡褐色、有紋理、味辛有毒、

成分 東京化學會誌第十帙第八冊、載有藥學博士田原良純氏之「漢藥續隨子所含結晶成分實驗」一文、言該藥中含有二種結晶性物質、其一爲「愛斯克列丁」、約含有○・九%云、

「愛斯克列丁」*Aesculetine*. $C_8H_6O_4$ 爲無色無臭之光耀針狀結晶、無味、稍溶於冷水及冷酒精、逢熱湯與熱酒精、頗易溶化、但逢伊打哥羅仿姆、及硫化炭等、概不溶解、熱之、約於攝氏二百八十度、漸次分解而熔化、本品溶液、由醋酸鉛而生黃色沈澱、（自東京化學會誌第十帙第八冊摘錄）

結晶性成分之「愛斯克列丁」據已故醫學博士猪子吉人氏言、在治療上並無功效云、

效能 與大戟、甘遂功效相同、用作瀉劑、又治疥癬、或除疣黑子、

【能】 辛溫有毒、行水、破血、治癥瘕、痰飲、冷氣、脹滿、蟲毒、兔症、大小腸下惡滯物、塗疥癬、去殼取白者、壓去油用、相傳為毒蟲所螫、用續隨子壓碎摩擦、能去毒、用於金瘡、亦甚有效、又中食物毒、食之能將毒物吐瀉云、見農業雜誌、

處方 配合續隨子之處方如左、

○摘玄聯步丸 治陽水腫脹、

續隨子(炒去油二兩) 大黃(一兩)

右為末、酒水丸、綠豆大、每服白湯下五十丸、

用法 去上皮、包紙中、去油用、

用量 七分至二錢、

來歷 日本於天文年間、始由葡萄牙傳入續隨子、故俗有呼為葡萄草者、

蓖麻子 Semen Ricini. (拉)

異名 遠近子 脾麻子 草麻子

基本 蓖麻屬大戟科、入藥用其子、

蓖麻爲一年生草本、藥圃多栽之、莖高六七尺、甚者長丈餘、莖圓而中空如竹、葉巨大、其狀如楮、而深裂似掌、邊緣有粗鋸齒、具長葉柄、皆互生、葉與莖俱帶白粉、傷之則滲出白汁、梢端或葉腋、抽出花梗、長五六寸至尺許、於此開單性之花、相綴而爲總狀花序、雌花之花柱在上、色淡紅、雄花在下、色淡黃、果實爲有刺之蒴果、中分三房、房藏三子、

形態 蓖麻子形扁平橢圓、色黑褐而雜以白、有光澤、長三分至五六分、上半有灰白色之小嘴、底部有臍、胚乳色白如油、味辛烈、

成分 主要之成分爲脂肪油、即謂之蓖麻子油、

蓖麻子榨去油後、其餘下之渣、不惟瀉下之作用、較蓖麻子油爲劇、甚有發胃腸炎、陷於虛脫之狀態者、即此可知、蓖麻子中、除脂肪油外、必尙存有瀉下作用之物質、一說、係含有偈利克歇特之里企嫩 Ricinon。亞爾加羅伊特之里企寧 Ricinin。或有毒性蛋白質之里欽 Ricin。故有上述之作用云、
荷蘭藥鏡曰 蓖麻子有斑紋之殼皮與薄膜、其瀉下之作用、殊爲猛烈、去皮膜用仁、則瀉下之效減弱、故連皮膜者、則用爲峻瀉藥、或以之吐瀉、從前用以滌除腐敗膽液、粘穢留飲等、然在易感觸之人、則胃腸必發劇甚之痲衝、及腹痛、搐掣等症、因是晚近已廢而不用、間有壯實之症、可以峻瀉者、亦每用巴豆油代之矣、

效能

用為瀉下藥、又為外用藥、

【能】 辛甘有毒、性善收、亦善走、能開通諸竅、經絡、治偏風不遂、口眼喎邪、(搗餅左貼右、右貼左、即正)、口噤失音、鼻塞、耳聾、(搗爛棉裹、寒鼻塞耳)、喉痺、舌脹、(油作紙燃煙熏)、能利水氣、治水瘰、浮腫、(研服、當下青黃水、壯人只可五粒)、能出有形滯物、治針刺入肉、(搗敷傷處、頻看刺出、即去藥、恐努出好肉)、胞胎不下、(蓖麻二粒、巴豆一粒、麝香一分、貼臍中、並足心、胎下即去之、若子腸挺出者、搗膏塗頂心即收)、能追膿拔毒、傳療癰、惡疔、外用屢奏奇功、(鵝鵝油能引藥氣入內、蓖麻油能拔病氣出外、故諸膏多用之)、然有毒熱、氣味頗近巴豆、內服不可輕率、○形如牛蟬、黃褐有斑、忌鐵、(食蓖麻者、一生不得食炒豆、犯之則脹死、)

■此外科之要藥也、味甘辛、有熱毒、其性走、開諸竅、通經絡而下水氣、■產婦子腸出、蓖麻子搗爛、貼丹田、一夜即入、■腸出不入、搗粘背脊間、即入、

處方

配合蓖麻子之處方如左、

○蓖麻子丸 治耳聾奇劑也、

蓖麻子(十一個焙) 皂角(煨取肉半錢) 生地龍(中者一條) 全蠟(二個焙) 遠志 磁石(火煨醋

淬研細水和) 乳香(各二錢)

右七味為末、以黃蠟熔和為丸、塞耳中、

○疥癬擦藥（吉益東洞方）

巴豆 大黃 蓖麻子 黑胡麻（各等分）

右四味、細剉、麻包、熱酒浸、數數擦之、擦後一時半時之內、如麻疹發於肌表、禁洗浴六七日、過此期入浴即愈、或以清酒代燒酒、

○癩疾傳藥

蓖麻子（去生皮） 枯礬 大黃

右爲末、大風油塗之、

○熏蒸方 治跌打損傷、皮肉已破未破者、及金瘡等、

蓖麻子 黑胡麻（等分）

右二味、生搗碎、搗合和勻、以舊絲棉細剉、拌右藥內、投炭火上、使發煙熏蒸患處、

用法 鹽湯煮軟子皮、去之、研用、

禁忌 忌鐵、

用量 內服一分至二分、

膽 Gall. (英)

其本 爲積聚動物肝臟所分泌膽汁之囊、

昔時用於治療者之膽囊甚多、今分述其性能於左、惟牛膽及熊膽、則另於各條下述之、

性能 豬膽——治大便不通、(以葦筒灌入膽汁立下) 小兒五疳殺蟲、虎膽——治小兒驚癇疳痢等、象膽

——苦寒微苦、明目治疳、狐膽(臘月收入)——治人卒死、(雄狐膽) 溫水研灌入喉、即治、(移時者無及矣)

獾膽——苦寒、治眼翳、黑花飛蠅上下視物不明、入點藥中也、鼠膽——點目、治青盲、雀目不見物、滴耳治聾、

(卒聾者、不過三度、久年者側臥入耳、盡一個、須臾汁從下耳出、初時益聾、十日則愈矣、) 鮪膽——苦寒、治喉痺、

一切骨鯁、以酒化二枚、溫呷取吐、鱧膽——甘平、諸魚膽苦、惟此膽甘、(臘月收入陰乾) 治喉痺將死者、點入少

許、即瘥、

此外有鯉膽、鰻膽、猿膽、狼膽等、又取肝供藥用者、有狐肝、羊肝、獾肝、雞肝等、

備考 東京醫學會雜誌第二十三卷第十一號、載有醫學博士井上善次郎、佐藤恆二之「膽汁之醫療的應用」

一文、詳述膽汁之生理的機能、最主要者、爲促進腸內脂肪之吸收、其結論如左、

服下膽汁、則促進脂肪消化、

空腹時、將膽汁與多量水一同服下、並不害胃、

膽汁能促糞便排泄、故不用瀉劑、祇服膽汁、自能通便、

諸般黃疸症、對於由膽汁不流入腸內而發之症狀、服之有效、可謂為一種原因的臟器療法、

膽汁可用稠厚牛膽服之、用量日二・〇至三・〇為宜、

藤黃 *Cutti* (拉) *Gamboge*. (英) *Gammigutt*. (德)

異名 海藤

產地 概產東印度地方、

基本 係將屬金絲桃科藤黃樹 *Garcinia Morella*, *desv.* 之幹皮、於開花前鑽取其滲出之濃稠乳狀液、晒乾

之、結為膠質華爾斯、用以入藥、

藤黃樹為生於熱帶地方之喬木、高五六丈、枝分歧繁茂作傘形、葉厚硬而對生、作尖卵圓形、花為黃赤色單性四

瓣花、後結橙狀漿菓、

形態 藤黃作圓筒形或管狀、直徑六分至一寸五分許、時或作不正固塊、外面綠黃色、有縱紋、並被有黃色之粉霜、

質堅而脆、破碎面作貝殼狀、呈黃褐色、發類蠟之光澤、能溶於鹼液、伊打酒精則不能完全溶解、用水研和、則成黃色

乳劑投火中則燃燒、本品無臭氣、咀嚼之、初粘稠無味、後漸辛、口中似乾燥、

第三版改正日本藥局方曰、藤黃係從藤黃樹 (Garcinia Hanburyi, Hook, fil) 所得之膠質樹脂、大七仙米、爲圓柱形或彎曲狀之熔合塊、帶綠黃色、易破碎爲暗枸櫞黃色扁平貝殼狀之不透明片、用本品一分加水二分研磨之、則成鮮黃色之乳劑、其味如灼、再和以安母尼亞水一分、則變澄明液、初呈鮮赤色、最後變褐色、將此混和液中之安母尼亞中和時、則液失色、而析出黃色絮狀物、(下略)

品類 藥舖所售藤黃有二種、甲種日本呼「辨天印」、係將脂液入竹筒硬固者、其狀如蛇之蟠屈、謂之竹管黃、爲上品、乙種日本呼爲「盤樣」、作不正塊狀、外面有竹籠紋、破碎面之色不一、恐係煎熬數種脂液所成之混和物、謂之沙黃、爲下品、

成分 上品含有樹脂 (七十至七十五%) 及可溶性膠質 (三十至二十五%)

效能 用作峻下劑、用於條蟲及水腫等、

用量 爲劇藥、一回極量爲〇・五瓦、

朴硝 Mirabite, Glaubers salt (英) Glaubersalz (德)

異名 霜花 紅雪 皮硝 鹽硝 淨皮硝 熟皮硝 劍脊硝 飛風道者 大青尊者

製法 朴硝卽化學上之硫酸鈉、 $\text{Na}_2\text{SO}_4 \cdot 10\text{H}_2\text{O}$ 。今用作製造碳酸鈉之原料。本品之製法。往昔係在秋冬時。掃取鹵地之結成霜柱狀者（日本俗稱苗）溶化於水。使蒸發結晶。而精製之。

朴硝由其結晶狀之不同。而別爲三種。作稜柱狀結晶者。謂之馬牙硝。作芒錘狀結晶者。謂之芒硝。於器底作塊狀析出者。謂之朴硝。朴硝與蘿蔔再三煎鍊。去其鹹味者。謂之甜硝。

和漢三才圖會曰。芒硝（俗云盆硝）以朴硝水煎。化澄去滓。入蘿蔔數枚同煮熟。去蘿蔔。傾入盆中。經宿則結成白硝。如冰如蠟（故俗曰盆硝）上面生細芒如鋒（故曰芒硝）○馬牙硝以芒硝再練之。上面生牙如圭角。作六稜。玲瓏可愛。謂之馬牙硝（一名英硝）

形態 爲無色透明稜柱狀結晶體。置空氣中。則失去其結晶水。風化成白色粉末。謂之風化硝。善溶於水。不溶於酒精。有稍苦之清涼鹹味。

第四版改正日本藥局方曰。硫酸鈉（芒硝）爲無色結晶。有稍帶苦味之清涼鹹味。能於乾燥空氣中風化。善溶於水。現中性反應。不溶於酒精。熱之易熔化。將本品於無色火焰中熱之。則火焰變爲黃色。其水溶液。和以硝酸銀溶液。則生不爲酸類所溶之白渣（下略）

效能 用作瀉劑及利尿劑。

【能】 辛能潤燥。鹹能軟堅。苦能下泄。大寒能除熱。治陽強之病。傷寒。疫痢。積聚。結癖。留血。停痰。黃疸。淋閉。瘡腫。目

赤障翳、通經墮胎、

【單方】急喉痺用朴硝末、每次吹入少許、●心腹卒痛（熱痛）用朴硝、黃連煎服、●指頭卒痛、用朴硝五六分、搗和白梅肉、塗痛處、

製法

用朴硝二十四兩、甘草末八兩、同煎、謂之玄明粉（白龍粉）

和漢三才圖會曰 製法用白淨朴硝十斤、長流水一石、煎化去滓、星月下露一夜、去水取硝、每一斗用蘿蔔一斤、切片同煮、瀘淨、再露一夜、取出、每硝一斤、用甘草一兩同煎、去滓、再露一夜、取出、以大沙罐一箇、築實盛之、鹽泥固塗厚半寸、不蓋口、置爐中、以炭火十斤、從文至武、煨之待沸、定以瓦一片、蓋口、仍前固塗、再以十五斤炭火煨之、放冷一伏時取出、隔紙安地上、盆覆三日、出火毒、研末、每一斤入生甘草末一兩、炙甘草末一兩、和勻瓶收用、唐劉玄真、每服玄明粉、遂無病長生、云能除百二十種疾、久服輕身、固胎、駐顏、益壽、以爲仙藥、時珍曰、若脾胃虛冷及陰虛火動者、不可服、

用法

欲入煎藥、須待煎藥沸、去渣滓、加朴硝、再一沸用之、

用量

用作瀉劑、二錢至四錢、

來歷

續日本紀第三十六卷曰、光仁天皇天應元年六月、遣從五位下勅旨大丞羽粟臣翼於難波、令練朴硝、

牽牛子

異名 天茄 草金鈴 益飢草 假君子 三白草 狗耳草

基本 此爲屬於旋花科喇叭花之種子。

喇叭花爲一年生之纏繞草本，人家多栽植之，以玩賞其花，葉皆互生，每葉片各有三裂，葉面微生細毛，夏日葉腋開合瓣花，形如喇叭，頗大，朝開夕萎，故又名朝顏花，果爲蒴果，形圓如球，中分三室，室藏種子兩粒，此花有紅、白、紫、藍、雜色等，而花與葉之形狀，亦殊多變化，凡開青藍花之種子，名黑丑，開白花之種子，名白丑，皆候其成熟採收，以充藥用。

形態 種子作三角形，外面色黑褐，內面色白。

成分 含有主要之昆護胡林 $\text{Convolutin } \text{C}_{31}\text{H}_{51}\text{O}_{13}$ 與藥刺巴根相同。

平野一貫氏，嘗以化學試驗牽牛子之成分，發見昆護胡林，該成分爲無色無晶形之物質，遇亞兒加里則溶解，遇水則變爲昆護胡林酸， $\text{Convolutinsäure } \text{C}_{31}\text{H}_{49}\text{O}_7$ ，林房吉氏試驗牽牛子中之樹脂，據云，牽牛子不惟有緩下之效，其臭味且勝於藥刺巴根，惜所含樹脂，祇有藥刺巴根之半，此其缺點耳，林房吉氏之報告，見藥學雜誌第二百三十七號，藥學博士朝比奈泰彥及藥學士寺田正一，研究牽牛子中之樹脂配糖體，證明該種子中，更含

有沒食子酸、詳見藥學雜誌第四百五十二號、

效能 用爲泄下藥、

【能】 辛烈有毒、屬火善走、入肺經、瀉氣分之濕熱、能達右腎命門、走精隧、通下焦鬱遏、及大腸風祕、氣祕、利大小便、逐水消痰、殺蟲墮胎、治水腫喘滿、痰癖、氣塊、若濕熱在血分及脾胃、虛弱人禁用、有黑白二種、黑者力速、亦名黑丑、碾取頭末、去皮用、得木香、乾薑良、

得青木香、乾薑良、和氣藥、入氣分、和大黃、入血分、利大腸、下水積、色白者屬肺金、下利之功遲、色黑者屬腎水、下利之功速、是故攻氣分之濕上、而痰喘痞滿者、宜用白丑、方書誤以此藥爲苦寒、實則辛熱甚、凡云濕者、皆水之別名也、肺受濕則無行下化之力、故大小便不通、若多用牽牛則通泄、蓋辛熱之物、必瀉肺氣也、然能泄氣中之濕、不能泄血中之濕、下焦受濕、血中之濕也、又當以苦寒之藥泄之、牽牛、辛熱之藥也、用以泄之、元氣損矣、素問云、辛泄氣、辛走氣、辛泄肺、氣病者無多食辛、若食傷勞役、胃氣不行、心火大盛、是脾胃已受火邪、則宜以黃芩之苦寒泄其火、以當歸之辛溫和其血、以地黃之苦寒涼其血、稍用紅花以利血絡、以桃仁之辛溫潤燥而弛大腸、若上焦之元氣虛弱、當於補中益氣湯、加用桃仁、紅花、不可但瀉陰火、倘以辛熱之牽牛利小便、泄大便、則元氣瀉而津液竭、將使虛者更虛、不亡何待、一說、牽牛善治脾胃之水氣、用於肺中痰喘、胸脹、因下焦鬱塞、致腰背墜重、及大腸風祕、氣祕、俱有大效、病在血分、脾胃虛弱而痞滿者、忌用、常服能傷元氣、東垣曰、脾胃大過、遍身浮腫、喘不得

臥、腹脹如鼓者、用海金砂散、以牽牛爲君、此膠柱鼓瑟之論也、按牽牛惟白者入肺、逐痰、治喘息、通大便、黑者入腎、去濕、利小便、此藥乃中下焦之藥、不能治上焦之病、**■**宿食不消、積氣、黑丑頭末四兩、挖空蘿蔔、納入紙封口、蒸熟、取末出、入白豆蔻末一錢、搗合、丸梧子大、每服十九或二十丸、白湯下、名順氣丸、**■**張子和云、治病水之人、當如止川以堰、若禹王之導水也、以黑丑頭末四兩、茴香炒一兩爲末、取一二錢、生薑自然汁下、名禹功散、**■**水腫、不論陰陽、黑丑頭末三兩、大黃末三兩、陳米飯糕一兩、爲末、糊丸梧子大、每服五十九、薑湯下、**■**濕氣中滿、足脛微腫、小便不通、氣急欬嗽、黑丑頭末一兩、厚朴半兩、薑製炒、爲末、和勻、每服二錢、薑湯下、**■**水氣浮腫、氣促、不能坐臥、黑丑二兩、微炒爲末、黑牛尿中浸一宿、翌晨、入葱白十根、煎十餘沸、分爲二服、空心先服一半、水從小便出、病自愈、**■**小兒腫滿、大小便不利、黑丑白丑各二兩炒、研末、井水丸綠豆大、每服二十九、蘿蔔子煎湯下、**■**風脾、風病、每用五分、蜜湯下、痰盛、加輕粉、名牛黃奪命散、**■**一切癰疽、發背、無名腫毒、年少氣壯者、黑白丑各一合、打碎、入好醋一盃、煎八分、露一夜、次日五更溫服、膿血從大便下、病自愈、**■**腰以上氣腫、忌用、當以蒼朮、羌活、荆芥之類、取汗爲良、**■**元氣虛弱、大便瀉、小便數、脈虛軟者、均忌之、

【單方】善除蟲、以牽牛子入兩袖中、蟲盡死、或以牽牛子少許、投火爐中、取衣服薰之、亦死、或洗濯、以此粉少許、入漿漿之、尤爲簡便、**●**蜂蟻等蟲刺傷、或蝮蛇咬傷、速取此葉、以鹽揉軟塗敷、

虛方

配合牽牛子之處方如左、

○大黃牽牛散 治相火之氣、遊走臟腑、大便秘結、

大黃(一兩) 牽牛子(頭末半兩)

右爲細末、每服三錢、蜜湯調下、

醫綱云、凡用大黃半兩至一兩、而大便不通利者、加麝少許、調於藥中、則大便必大走、許兆楨方紀云、水腫通行、二味各二兩、陳米飯焦一兩丸、服三錢、名牛黃丸、摘要云、牛黃丸、治上焦熱、藏府祕結、經驗良方云、蜜丸名墜痰丸、用大黃五錢、黑丑(半炒半生)牙皂各一兩、蜜丸、名皂角膏、瀉骨氣、治腎經有熱、陰囊赤腫、疝痛、大府祕澀、衛生寶鑑云、皂莢熬膏和丸、名全真丸、金宣宗服之驗、賜名保安丸、醫方捷徑云、二味等分糊丸、治陽水、婦人良方云、加木香、青皮、檳榔、名氣針圓、疎利滯氣、止刺痛、

○牛黃散 治肺熱、脈滑、大氣急喘滿、

大黃(一兩) 白牽牛(二兩)

右爲末、蜜水調服二錢立止、又用皂角膏爲圓、亦可、

○牽牛大黃丸 治內熱腹痛、熱氣上衝而嘔、

黑牽牛(四兩半炒半生取頭末一兩二錢) 大黃(酒拌炒一兩五錢) 檳榔(六錢) 枳實(炒六錢) 厚

朴(炒六錢) 三稜 莪朮(各六錢)

右爲末、米飲爲丸、如梧子大、飢服三錢、

○舟車丸 治水腫水脹、形氣俱實、

黑牽牛(四兩炒) 大黃(二兩酒浸) 甘遂(一兩) 大戟(一兩) 芫花(醋炒) 青皮(炒) 橘紅(各

一兩) 木香(五錢) 輕粉(一錢)

右水丸、

○牽牛子湯 此藥不獨療水病、凡肺氣脚氣、黃豚氣上築心胸、不可忍、皆治之、

牽牛子 檳榔(煨) 木香 赤茯苓 陳皮(各一兩)

右五味、麤擣篩、每服二錢七、水一盞、煎三兩沸、去渣、溫服、

○禹功散 治卒暴昏憤、不知人事、牙關緊硬、藥不下咽、

黑牽牛末(一錢) 茴香(二錢半)

右用生薑汁、調少許、灌鼻中、立醒、一方用牽牛、木香、尤妙、

○牽牛丸 治痺痛風、毒腫、鶴膝風、脚氣、手氣、

牽牛一味、糊丸服、

用法

選成熟者入水中試之、盡去其浮者、晒乾、隔紙炒爲粉末、收用、或以酒拌蒸、晒乾用、然擣篩者多、亦有用半生

半炒者、

三分至一錢、

芫花

魚毒 杜杭 敗華 杜芫 赤芫 兒草 去水 老鼠花 黃芫花 備身弩 頭痛花

芫木 此屬於瑞香科、以其花蕾晒乾、入藥備用、

此為庭園種植之落葉灌木、高可三四尺、葉形橢圓、邊緣密生細毛、兩兩對生、春日在生葉之先、開青紫色之合瓣花、尖端分裂而成四瓣、每梢叢生、作長穗狀、人家種之、以供賞玩、然有毒性、試投葉與根（根名蜀桑、又名黃大戟、）於魚池中、魚盡死、故有魚毒之名、

效能 用以治水腫、又作祛痰藥、

古方藥品考曰 別錄云、芫花味苦微溫、有小毒、治胸中痰水、喜唾、水腫、五水在五臟皮膚、腰痛、下寒毒、肉毒、○按芫花味甘辛溫、有毒而下降、故能泄利痰飲及畜水、

【能】 苦溫有毒、去水氣、痰癖、療五水在五臟皮膚、脹滿喘急、痛引胸脅、咳嗽、療瘡、○陳久者良、醋煮過、水浸曝用、根療疥、可毒魚、反甘草、

■治上氣咽腫、鬼瘧、治水腫、心腹脹滿、去水氣、■寒痰粘唾如膠者、治之、又治風濕痺、■傷寒太陽之症、表邪不解、心下有水氣、乾嘔發熱而咳、或喘咳者、小青龍湯主之、或表不解、頭痛、汗出惡寒、心下有水氣、乾嘔、痛引兩脅、或喘咳者、用十棗湯、芫花、甘遂、大戟、性皆追水洩濕、直達其所、過服能傷真元、慎之、■陳言有三因方、以十棗湯爲末、棗肉和丸、治水氣喘急、浮腫之症、■十棗湯、芫花（醋熬）、甘草、大戟等分爲末、大棗十枚、以水一升半煮棗、至八合、去滓、入藥、強實之人一錢、虛弱者半錢、平旦服、下利愈、水腫、加大黃、甘草、■水蟲脹滿、芫花（醋煮）、枳殼等分、同煮、合搗丸、梧子大、每服三十九、白湯下、

虛方 配合芫花之處方如左、

○如神丸 治腳氣腫滿、氣衝、心氣急不可忍者、

芫花 甘草 大戟（各五分） 大黃（三分）

右四味、同爲細末、稀糊丸、梧子大、每服五分或一錢、空心薑湯送下、宜隨虛實增減之、利水則佳、勿大泄下、

○麥花散 治肺氣脹實、喘急胸滿、

大麥麵 芫花（醋浸一宿、煮乾炒）

右等分爲末、每服一錢、柳枝煎湯、食後調服、

○十棗湯 治胸腹掣痛、

芫花 甘遂 大戟（各等分）

右爲末、以水一盞、煮大棗、取六分、去滓、納一錢匕、羸弱人、半錢匕、

○芫花散 治臂腿間忽一兩點痛著骨不可忍、

芫花根研爲末、米醋調、隨大小傅之、

○治時氣飲水過多、心下痞鞭方、

芫花（半斤）

右用醋拌勻、慢火炒熱、以帛裹熨之、冷卽更炒、以效爲度、

用法 數年陳久者佳、先用好醋煮十數沸、去醋、水浸一宿、曬乾用、或以醋打炒、亦良、以決明子爲使、（陰曆三月採

花、五月採葉、八九月採根、）

禁忌 反甘草、能墮胎、孕婦忌用、

用量 五分至錢半、

營實

異名 英實 狗薔薇實

草木 此即屬薔薇科野薔薇之子實、

野薔薇爲山野自生之落葉灌木、庭園亦種之、以供賞玩、尋常高二三尺、有時達四五尺、幹細而蔓、繁茂特甚、枝多尖刺、葉爲奇數羽狀複葉、小葉作橢圓或倒卵圓形、五七葉相集而生、花五瓣、色白、或帶紅、大五六分、芳香異常、秋結核果、色紅、圓如球而長、有光澤、味甘酸、

營實之苗曰薔蘿、以其花與水一併蒸餾、可製造花露水、根入藥用、謂之薔薇根、

效能 爲瀉藥及利水藥、

【能】 營實酸溫、主癰疽、下停水、利關節、根苦冷、瀉濕熱、治口瘡、

小便失禁、或遺尿者、用薔薇根煮汁飲、或爲末酒服、野生白花者更佳、○口舌糜爛者、薔薇根煮汁溫含、冷則吐去、（冬用根皮、夏用枝葉、）凡口瘡日久、延及胸前生瘡、三年以上不癒者、用此皆效、

處方 配合營實之處方如左、

○禹功湯 行水之效最著、故以禹功湯名之、

營實（三錢）

右一味、水一盞半、煎至一盞、空心頓服、

○大禹功湯

營實(三錢) 大黃(八分)

右二味、水一盞半、煎至一盞、空心頓服。

○大禹功丸

營實(六錢) 大黃(一錢六分)

右二味、爲細末、糊丸綠豆、白湯服、仍宜隨症加減。

按營實新效方經驗主治條云、百般水腫屬實者、可悉用之、但脚氣衝心、病後、產後、老幼諸腫、須斟酌。○微瘡結疥、毒癬、癩風、諸瘡、毒、用之皆效。又諸瘡用外敷之藥、或製爲藥湯洗浴、凡毒氣內攻、致腫滿、咳嗽、喘急、呼吸迫促、大小便不通、心腹脹悶、垂死者、非此湯不奏起死回生之效。○微毒咽喉腐爛、久年不愈、男女膿血淋、下疳、痛癢無常、痔疾、翻花、疼痛、大便秘結、瘡癩、潰爛、疼痛、頭瘍、白禿、常合諸藥用之。○男女諸疝、肩背胸脅強痛、自腰脚牽引小腹、攣急難於屈伸、烏附之劑、不能奏效者、用此殊有奇效。○婦人素有瘀血、或經水前後、熱入血室、或子宮熱腫脫下、皆使小腹攣急疼痛、腰脚不伸、此症世俗誤認爲寸白、與此湯多瀉水、則子宮腫消痛除。○婦人經閉半年或一年、腹滿拘攣、用之妙不可言。○諸中毒症、腹脹悶亂、或乾霍亂、悉效。風眼疼痛、天行赤眼、積年頭痛欲裂、小便頻數、小兒遺尿諸症、俱有效。○凡男婦身體壯實者、病係危急者、或微家、或常服瀉藥難瀉者、俱宜大禹功湯、稟賦虛弱者、疾病緩久者、宜禹功湯、患諸雜症、或須合諸藥用、不能煎湯者、宜大禹功丸、加減而用、其餘則隨時應變酌用。

用法 以半青半紅未熟之實為佳、已熟者力弱、採後須緊閉器中收貯、勿任洩氣、臨用再剖、

用量 七分至二錢、

雲實

異名 天豆(補骨脂亦一名天豆) 員實 馬豆 雲英(雲母、絡石亦一名雲英) 羊石子

基本 係屬荳科雲實 *Caesalpinia sepiaria*, Roxb. 之種子、

雲實為山野自生之落葉灌木、直立或橫伸、長達丈餘、葉為多數小葉所成之羽狀複葉、莖葉俱有刺、夏月於梢上抽花莖、長達尺餘、開黃色花、類藤花、相綴作總狀、花後結莢果、類藤豆、大二寸許、中有褐色種子、大如豆、似蓖麻子、(有毒植物)本草綱目曰、雲實、平澤山原、處處生之、多赤莖、中空有刺、高者如壘、其葉如槐、三月開黃花、纍然滿枝、莢長三寸許、狀如肥皂莢、有子五六粒、正如鵲豆、兩頭微尖、有黃黑斑紋、厚殼白仁、咬之極堅、重有腥氣、其花有毒、能令人見鬼發狂、

效能 用治痢疾、

【能】 治泄痢、腸辟、去邪惡、結氣、除寒熱、治瘡、

用量 三分至一錢、

射干

異名

玉燕 夜干 扁竹 扁筩 鬼前 草葦 烏吹 烏扇 烏蒲 烏髮 鳳翼 麝干 麝乾 地扁竹

秋蝴蝶 野宣花 紫金牛

基本

射干屬於鳶尾科，入藥用其根，陰曆三月採掘，水洗曬乾聽用。

此藥自生各地山中，人家亦栽種之，為多年生之草本，其花堪供賞玩，然實係毒草，莖高約二三尺，葉似菖蒲，宛如廣闊之劍，而葉端極尖銳，葉脈平行，各葉兩行密排，狀若展大之葵扇，夏月，葉間忽抽一莖，更分數枝，頂端開六瓣大片之花，色帶黃紅，被有深紫色之斑點，實為橢圓形之蒴果，後乃脹裂，而散出黑色之種子。

和漢三才圖會曰：本草綱目云，射干與烏扇，名為一物，實則莖葉與花，形狀各別，蘇頌云，莖梗疎長，狀如射之長竿者，射干也，莖短，葉側相比而如扇者，烏扇也。○射干，葉似鳶尾而闊，段段抱莖上生，中心抽一莖，高三四尺，七月開花，似葶草花，分作六瓣，其色紅黃，俗呼紅朽葉色，並有細點，略似山丹花，結實作房，如胡麻房，而三稜，一房六隔，中藏子二三十粒，大如豌豆，生時色青，熟則紫黑且硬。

形態

根似良薑而瘠，其內色白，外則黃白，叢生鬚根，味辛。

效能

咽喉腫痛，及水腫吐酸，用作下劑。

【能】 苦寒、有毒、能瀉實、火、火降則血散、腫消而痰血自解、故能消老血、行太陰厥陰之積痰、（肺脾肝）咽喉腫痛、此爲要藥、（古方有射干麻黃湯、烏扇膏）又消結核、癧疔、便毒、瘡母、（鼈甲煎用之、皆取其降厥陰相火也）通經閉、利大腸、鎮肝、明目、

陽中之陰也、效逆上氣、喉痺、咽痛不得消息、此藥均能散結氣、老血在心脾之間、效唾言語發口臭者、治之、散胸中之熱氣、通婦女經閉、消痰、破瘀結、胸膈飽滿、腹脹、氣喘、痰癖、均治之、射干屬金、而有木與火、善行太陰厥陰之積痰、消結核殊迅速、又治便毒、蓋便毒有因足之厥陰受濕、氣疲勞而發者、取射干三寸、生薑同煎、食前服、利三兩行、甚效、咽喉腫痛、射干花根、山豆根陰乾、同研細末吹之、如神、傷寒咽閉腫痛、生射干、豚脂各四兩煎焦、去滓用、每噲如棗大、至愈而止、微溫久服、能令人虛、寒冷多服、能令人瀉、

處方 配合射干之處方如左、

○射干散 治咽喉中如有物妨悶噎塞、疼痛悶亂、嚙物不下、

射干 犀角屑 桔梗 升麻（各三分） 訶子 紫蘇子 茯苓 枳殼 檳榔（各一兩） 甘草 木通

木香（各半兩）

右水煎服、

○張渙射干湯 治風熱上搏於咽喉之間、血氣相搏而結腫、乳食不下、此咽閉也、

射干 升麻(各一兩) 馬牙硝 馬勃(各一兩)

右水煎服、

○治咽喉不利下氣方

射干 杏仁 人參 附子 桂心(各一兩)

右爲末、蜜丸如指頭大、含一丸、稍稍咽之、令藥相接、○外臺、范汪不用桂、濟生以玄參代人參、名射干圓、

○治結毒喉癰

甘草 桔梗(各君) 山豆根 龍膽 射干(各臣) 土茯苓(半斤)

右濃煎送下牛黃二分、

○治咽喉疼痛、語聲不出、

射干 薔薇根皮(各一兩) 甘草(半兩)

右水煎服、

用法 去蘆頭、泔水浸後剉之、或曬乾焙用、

本草綱目云、採取之根、先以米泔水浸一宿、漉出、以葦竹葉煮之、自午至亥、取出、曬乾、

用量 五分至錢半、

白桃花 White peach flower (英)

異名 銷恨客 銷根花 助嬌花 親晨粧

基本 屬薔薇科之桃樹、*Prunus persica*, S. et Z. var. *vulgaris*, Maxim. 以其所開之白花、供藥用、

桃樹、各地多植之、其花可供玩賞、果實可食、樹幹高達丈餘、葉互生作披針形、春日開五瓣花、有單瓣重瓣兩種、其色或紅或白、或淡紅、花梗甚短、藥用概取白花蕾、

效能 和漢三才圖會曰、苦平、利大小便、治面皰、(桃花、冬瓜仁研末等分、蜜調傅之、)面上粉刺如米粉者、(桃花、丹砂各三兩為末、每服一錢、空心井水下、日三服、十日或二十日、小便如黑汁、面色瑩白也、)

備考 已故醫學博士猪子吉人氏云、取白桃花四瓦至八瓦、為浸劑或煎劑用之、有瀉下功效云、又云酒製越幾斯、經驗尚少、其用量為・〇五至一・〇瓦云、

鼠李子 Black-thorn. (英)

異名 錄子 蘸子 牛皂子 牛筋子 牛諄子 烏岡子 無實子

基本 係屬鼠李科鼠李 *Rhamnus japonicus*, Maxim. var. *genuina*, Maxim. 之果實、

鼠李爲山野自生之落葉樹、高六尺至一丈、枝有刺、故人家植之以作籬、葉作橢圓形或卵圓形、前端尖、頂端之葉對生、花爲淡黃綠色小花、生於葉腋、果實黑色、如小豆大、

形態 爲有光澤之褐黑色漿果、作球圓形、有皺紋、往往留有圓形萼、果肉由二房而成、房各有直立之種子、作褐色、果肉質鬆粗、味辛苦、

成分 含有「拉姆諾加答里涅」Rhamno catharine.

效能 用作瀉劑、

用量 一分至三分、

瀉利鹽 Epsomite. (英)

瀉利鹽、一名舍利鹽、生於石灰洞中、附石面而如絲、有玻璃光澤、又或爲土壤、自然出產之數甚少、今皆用人工製成之、

製法 以苦土石入硫酸內、使起硫化作用、再用水溶解、繼蒸發其溶液、而使結晶、復精製之、

形態 爲稜柱狀之結晶體、無色透明、味苦而鹹、水能溶解、而不溶解於酒精、

第四版改正日本藥局方述瀉利鹽如左、

瀉利鹽一名硫酸苦土、爲無色之稜柱狀小結晶、置空氣中無何變化、味清涼苦鹹、以等分之水并○、三分之熱水、能溶解之、現中性反應、酒精不能溶解、

成分 瀉利鹽、化學上謂之硫酸麻佃更謨、 $MgSO_4 \cdot 7H_2O$

效能 專用爲緩下劑、

用量 四錢至八錢、

第四章 利尿藥

琥珀 Succinum. (拉) Berustem. (德) Succinite. Amber. (英)

異名 丹珀 南珀 花珀 明珀 蠟珀 香珀 江珠 紅珠 虎魄 紅松脂 物象珀 大蟲珀 阿濕摩揭婆

和漢三才圖會曰 紅松脂、似琥珀、但濁而且脆、其文橫、水珀色淺黃、無紅色者、兼多皺文、石珀、重如石、色黃、不堪用、花珀、文如新馬尾、松中心文、紅黃相間、物象珀、中含昆蟲等物、鑿珀、卽衆珀之長也、蠟珀、色黃而明瑩者、香珀、有香氣者、

手板發蒙曰 黃白者曰明珀、淡白者曰金珀、又曰香珀、日本奧州所產名薰陸者、非琥珀也、薰陸乃木脂之別名、琥珀則生於地中、顯然不同、未可混之爲一、

日用藥品考曰、琥珀品類極多、雷斅曰、琥珀如血色、以布拭熱、吸得芥子者爲真、日本進口之琥珀、皆透明、作深紅色、國人稱爲血透、亦名金珀、此爲上品、其色稍淡者、名銀珀、次之、淡黃色者、名蠟珀、又次之、帶黑者爲下品、凡日本產、皆重濁、不透明、不堪入藥、

基本 松柏科植物之樹脂、埋沒地中、經久而化爲石、遂名之曰琥珀、

按琥珀常在地下第三、第四兩地層、散布於砂、粘土、石灰質等之小石塊間、其得自海濱者、當仍自地層來也、

產地 產於東洋之海岸各地、及俄、德、波蘭、瑞典、丹麥等國之沙中、或海水中、日本不產真琥珀、僅陸前、陸中能登石狩等處、產類似之物、

相模嘉作發見德國東海濱產出之琥珀、中含甲蟲類、曾歷述其原因、并漁夫等之採收方法、刊入藥學雜誌第一百八十號、

形態 琥珀爲扁平或不正圓形之塊、色淡黃、或淡白、質透明、有類似松脂之光澤、但頗脆弱、破碎面作貝殼狀、有時含有無血蟲或水泡等物、比重一・〇至一・一八、硬度二・五、熱至二百十五度則變軟、熱至二百八十七度則融解、遇酒精、伊打、松節油等、俱稍溶解、摩擦之、則發生電氣、燃以火、則膨脹而發白煙、氣芳香、乾餾之、則可得琥珀油、

遠西醫方名物考曰 以琥珀末加香竄之蒸餾油如迷迭香油刺賢埕兒油等入玻璃瓶中時時搖盪之則逐漸溶化或以此末加松節油或骨拜波拔爾撒謨一倍入玻璃瓶中密封文火煮八日許其末亦盡溶化而成紅色於此依前法加杏仁油煮之則變紫紅色加橄欖油或胡桃油煮之則變美麗之紅色加罌粟子油煮之則變紅黃色加扁桃油或亞麻油煮之則變黃色

成分

爲樹脂揮發油琥珀酸斯可企涅及硫黃等

效能

用作利尿及通經藥

【能】 甘平以脂入土而成寶故能通塞以寧心定魂魄療癩邪色赤入手少陰足厥陰血分（心肝）故能消瘀血破癥結生肌肉合金瘡（從辛溫藥則破血生肌）其味甘淡上行能使肺氣下降而通膀胱故治五淋利小便又能明目去翳

和漢三才圖會曰 甘平定魂魄消瘀血通五淋明目合金瘡能通小便若血少不利者不可用用則反有燥急之苦

■安五臟辟邪氣 ■治五淋加麝香少許爲末白湯下老人及虛弱者人參湯送服亦可蜜丸以赤茯苓湯服 ■治心痛破結癥 ■產後兒枕痛用之有奇效 ■琥珀止血生肌療金瘡 ■海藥本草云琥珀散能止血靜心明目破癥瘕婦人產後兒枕痛及血暈者用之極妙方用琥珀髓甲三稜各一兩延胡索沒藥各半兩大黃六錢（產後用三

錢)研末同煎、空心服三錢、服完、間七日、再服如前、

遠西醫方名物考曰 琥珀中所含之油氣、鹽氣、能利小便、通經水、又患搯搯、癱瘓諸症、或昏睡、眩暈、癩症、子宮病、脾病、用此俱有效、此因琥珀中所含竄透揮發之油鹽、有開達腦神經之效也、此外更能治下利、尿多、遺精、淋病、白帶、下吐血等症、蓋性能收斂耳、○琥珀爲末、服其煎汁、或和雞子黃、或製爲丸、或作薰藥、均可、○服量、自一分至一錢、○爲末、摻皮膚破裂及小瘡、乾卽愈、

琥珀

乾餾琥珀而得之餾液、分爲二層、上層爲油、卽琥珀油也、下層爲水、中含琥珀酸、故可從中製出琥珀酸、琥珀油爲褐色油狀之液體、臭味俱似拔爾撒謨、比重○·九二至○·九七、濃酒精能溶解之、遇碘則卽爆發、成分爲一種炭化水素、 $C_{10}H_{10}$ 、是名琥珀腦、入藥須用其精製者、謂之精製琥珀油、是爲無色或微黃之液體、有拔爾撒謨之臭氣、溶解於十分至十二分之酒精、此精製琥珀油、有衝動、鎮瘳、發汗、利尿之效、每服五滴至十五滴、一日數次、或製爲丸劑、乳劑、酒精溶液等皆可、用於風濕痛、癩癩、舞蹈病、百日咳、小兒癱瘓諸症、又齒痛、風濕痛、麻痺等、多配合他種刺戟藥、以之外用、

袖珍藥說曰 「性能」衝動、鎮瘳、利尿、外用引赤、 「主治」患歇斯的里、癩癩、月經不足者、均宜用之、外用、治局部麻痺、及慢性關節風濕痛、俱極著效、此外尙可治面部神經痛、法以琥珀油一分、阿片酒半分、搖和、時時塗搽痛處、卽愈、 「用法」內用、每服五滴至十五滴、和護謨漿用之、

遠西醫方名物考曰「主治」再餾之油、質甚精微、性揮發竄透、且有拔爾撒謨之質、功能疏散凝結、制止疼痛、衝開閉塞之神經、故可以之爲鎮痙藥、治子宮衝逆、癲癩諸症、又能發汗、利尿、頗有奇驗、○能增加血液之運行、疏通粘液之閉塞、故用以開發諸竅之壅滯、於經閉最驗、○鎮痙解凝之力既強、故以治喘急、卒厥、眩暈、風痺、頭痛、及神經沈重之腦神經病、其效皆卓絕一時、○徵毒去後、經久不愈、以及淋病、白帶下、尿閉等、俱治之、又能催生、下死胎、○用量、內服六滴至三十滴、以葡萄酒或適宜之飲液點服之、或和雞子黃服、○外用、治卒厥、麻痺不遂、肢節強硬、攣急、或痿弱、寒性痛風、傷冷毒等一切神經症、均以之塗搽患處、治痙癩、塗搽脊椎骨、○以此油加蒸餾醋少許、則病人不嫌其峻烈之香氣、易於服用、

酸化琥珀油、以琥珀油酸化而製之、
袖珍藥說曰「製法」以琥珀油一盎斯、入玻璃器、取硝酸三盎斯半、徐徐滴入、用玻璃棒攪拌、靜置三十六小時、分取上面之樹脂狀物、乃先洗以冷水、再洗以熱水、大約數次、至其水毫不帶酸味而止、「主治」性質極似麝香、可代之、

處方 配合琥珀之處方如左、

○琥珀犀角膏 治咽喉口舌生瘡菌、

琥珀 犀角 辰砂(各一錢) 茯神 人參 酸棗仁(各二錢) 片腦(一字)

右用煉蜜搜成膏子、

○琥珀散 治氣淋、血淋、膏淋、砂淋、

滑石(二錢) 琥珀 木通 扁蓄 木香 當歸 鬱金(炒各一錢)

右爲末、

○琥珀散 治五種淋澀痛、小便有膿血、

琥珀 沒藥 海金砂 蒲黃(各等分)

右爲末、空心、葶草湯調下、

○琥珀散 治石淋、水道澀痛、頻下砂石、服此神效、

琥珀 磁石(燒酒淬七遍細研水飛過) 桂心 滑石 葵子 大黃 膩粉 木通 木香(各半兩)

右爲散、每食前、葱白燈心湯、調下二錢、

○琥珀散 治老人及虛弱者、小便不通、

琥珀末(一錢)

右一味、以人參、茯苓煎湯調、空心服、或蜜丸、梧子大、每服十九、茯苓湯下、

○琥珀散 治婦人血氣攻心腹、煩躁悶亂、疼痛不止、

琥珀 沒藥 當歸 芍藥 牡丹皮 延胡索 蒲黃 莪朮 桂枝(各等分)

右爲末、每服一錢、溫酒調下、

○琥珀散 消瘀血在腹內爲痛者、

琥珀 鱉甲 大黃(各等分)

右三味爲末、每服二錢、溫酒送下、

○琥珀湯 治產後水腫、及諸血毒生腫者、

琥珀(一錢半) 商陸(二錢) 桂枝(八分) 反鼻(五分) 猪苓(七分)

右五味水煎分溫服、

○琥珀丸 治赤白帶下日久者、

琥珀 木香 沒藥 當歸 麝香(各二分) 乳香(一錢) 辰砂(二分)

右七味、水丸如彈子大、白湯送下、

○琥珀散 產後瘀血攻心、迷悶妄言、

琥珀 鐵粉(各一錢) 人參 茯神 生地黃 阿膠(各七錢半) 朱砂(五錢) 甘草 麝香(各一錢)

右爲細末、和勻、金銀煎湯調下

○琥珀圓 治婦人產前後百病、及療三十六種血冷、七疝、八癰、心腹刺痛、卒中癱瘓、半身不遂、八風、十二痺、手足酸疼、乳中毒結、瘀血、懷胎驚動、傷犯不安、死胎不出、胎衣不下、

肉蓯蓉 牛膝 當歸 人參 續斷 沒藥(各三錢) 琥珀 辰砂 沈香 阿膠 肉桂 石斛 五味

子 附子 川芎(各五錢) 地黃 木香(各一兩)

右水煎服、

○調經散 治榮衛不調、陰陽相乘、增寒發熱、自汗腫滿、

大豆(炒去皮二兩) 茯神(一兩) 真琥珀(一錢)

右爲末、每服一錢、濃煎紫蘇湯調下、

用量 三分至一錢、

雜考 琥珀油爲殺鼠藥、最有功效、其有效成分、即在琥珀酸、法以琥珀酸與牛膽、并鼠喜食之蕎麥粉、三者相和、製成丸子、鼠食之、立即遍身毛戴、煩渴欲死、得水則飲、愈飲愈渴、漸漸動作遲鈍、自食後三時半、至二十七時內、無不倒斃、平均十一時即死、此雖係牛膽之苦味酸、刺戟其胃而然、而其主要之作用、實由於琥珀酸也、所用琥珀酸之量、每一丸含○·一、用○·三至○·五、已足殺一鼠、錄東京獸醫新報、

商陸 *Radix Phytolaccae.* (拉)

異名 白昌 昌陸 馬尾 莧陸 夜呼 章陸 當陸 鹿神 文章柳 牛舌根 杜大黃 樟柳根

基本 此為屬商陸科山牛蒡之根、

此藥為多年宿根草、自生於山野陰地、莖高三四尺、葉互生、為長卵圓或長橢圓形、似菸葉而小、且有光澤、夏日莖梢葉腋間、開有梗無萼之小白花、作總狀花序排列、果實為漿果、色紫黑、

形態 形似蘿蔔根、外面淡褐色、內部灰白色、出售者多截作三寸許、再切成片、

第三版改正日本藥局方載入商陸、略謂商陸係採其根莖、乾而用之、根頗彎曲、縱截面有污白色之條紋、紋皆隆起、似行行排列、其左右兩面、被以似紅似白之外皮、橫切片有屈曲凹凸之輪層、性柔韌、不易破折、內色白、帶粉性、無甚臭味、但第四版改正、已刪去、

成分 商陸根中有毒成分、名曰費脫拉克託克辛、*Phytolaccotoxin*. $C_{24}H_{36}O_8$ 為無結晶之華爾斯、水不能溶解、遇酒精即全溶解、然加水沖淡、則再起沈澱、此有毒成分、在商陸根中、約含有四%至五%、析出之後、以水製成越幾斯、行生理之試驗、毫無效果、復試以酒製越幾斯、則功效顯著、

古方藥品考 曰 商陸有赤白二種、以根肥大者為佳、生用效尤顯著、其帶赤色者有大毒、可貼腫毒、

效能 於水腫症專用爲利尿藥、

古方藥品考曰 商陸降攻專瀉毒腫○別錄曰商陸味酸有毒療胸中邪氣水腫痿痺腹滿○按商陸根生濕地根至肥大氣味辛鹹有毒故能下行攻毒氣專治水腫腹脹等

【能】 苦寒有毒沈陰下行與大戟甘遂同功療水腫脹滿癰疽癰腫喉痺不通（薄切醋炒塗喉外良）濕熱之病瀉蠱毒傳惡瘡墮胎孕○取白根（赤者傷人祇堪貼臍入麝少許小便利則腫消）黑豆湯浸蒸用得蒜良

■治水腫癰疽癰腫療胸中邪氣愈痿痺■疏五臟散水氣又通大小腸瀉蠱毒■產後腹大堅滿喘不能臥投白聖散方用樟柳根三兩大戟一兩半甘遂炒一兩各別研末再混和每服二三錢熱湯調下以大便通利爲度此主水聖藥也■一切腫毒商陸根和鹽少許搗傅日兩易■商陸白者苦冷得大蒜良赤者有毒善制伏礪砂砒石雌黃

【單方】 脚氣脹滿等水腫商陸乾根和赤小豆水煎服●急喉痺商陸剉醋濃煎塗喉外●無名腫毒商陸入鹽少許搗和塗敷

處方 配合商陸之處方如左、

○平水丸 治脚氣腫滿水病及下病、

吳茱萸 芒硝 芫花（各三兩） 商陸（四兩） 甘遂（一兩）

右糊丸、或蜜丸、

○場脹湯 治水病、全身腫脹、喘急、小便不利、

商陸(三兩) 赤小豆(五兩) 陳皮(二兩) 木香(一兩)

右水煎服、原方細末滴水爲圓、名場脹圓、今改爲湯、按每服加檳榔末一錢尤佳

○茅氏場氣散 治小兒腫、

商陸 赤豆 橘皮 蘿蔔子 檳榔 甘草(各五錢) 木香(一分)

右薑棗水煎服、

○治石水、腹光緊如鼓、二便澀、

檳榔末(半兩) 甘草(一分) 桑白皮 商陸(各一兩)

右三味水煎、每服調下檳榔末、

○治水氣

綠豆(三分) 商陸(半斤)

右同煮、候豆熟爲度、祇喫豆、水盡從小便出、此方甚妙、

○療卒癢方

商陸根、一味搗蒸、以新布藉腹上、藥攤布上、以衣覆之、冷再換、及擦止。

用法

米泔洗淨土氣、銅刀削去皮、曬乾、剉。

本草綱目曰 商陸、須取白根、銅刀削去皮、薄切、水浸兩宿、漉出、入甑架蒸、黑豆葉一層、商陸一層、如此蒸之、自午至亥、取出、去豆葉、曬乾、剉用、無豆葉則以豆代之、赤者有毒、祇可貼腫、若誤服之、令人痢血不止、能殺人、本草蒙全曰 花赤者根赤、花白者根白、白根入藥劑、專利水、赤根甚有毒。

禁忌

忌鐵。

用量

一分半至五分。

附錄

世俗每以山牛蒡爲商陸、實則同名而異物也、略述如左。

山牛蒡爲屬於菊科之宿根草、根似牛蒡、故名山牛蒡、莖高二三尺、上葉葉柄短、葉形卵圓或橢圓、邊緣有鋸齒、下葉葉柄長、似牛蒡之葉、莖與葉俱有灰白色之茸毛、至秋生蕾、形圓如球而有刺、旋開深紫色之喇叭花、作頭狀花序排列、其嫩葉如商陸、可供食用、老葉用以引火。

山牛蒡之嫩葉、浸以鼓汁、可供食用、其乾根煎服、不見有害、生根之絞汁、則毒性猛烈、服之往往致死、烏根土人、秋分掘山野自生之山牛蒡根、以小刀剉去外皮、浸鼓汁或作蜜餞食之、以治風毒、水腫、腳氣諸症、頗有效。

牛蒡根爲菊科植物之宿根草、歐洲各國多產之、莖與花俱似牛蒡、入藥以野生者爲佳、故有山牛蒡根之名、近人

譯作商陸、其實與真正之商陸相混、此根外作灰褐或灰白色、有皺裂、形如紡錘、內部類白色、橫斷面爲放線狀、味甘、性微粘、其生根有一種烈臭、爲發汗、利尿藥、以治慢性皮膚病、蠱毒、痛風等症、用此藥一〇・〇至二〇・〇、製成煎劑服之、成分爲伊努寧、Inulin、糖質、鞣酸等、

山牛蒡根、爲商陸科植物之宿根草、產於北美、及非洲之北部、與歐洲之南部、爲商陸之一種、此可充真正之商陸、服〇・〇六至〇・三、已有利尿、變質之效、若服至〇・五或二・〇、必起吐瀉、

商陸之基本植物、同名異種者頗多、一說、中國產之商陸、與日本產爲異種云、

備考

商陸之有毒成分、爲費脫拉克託克辛、前既言之矣、其生理上作用、尙有足述者、略舉如左、

生理上之作用 以此有毒物製成乳劑、與犬食之、則發嘔吐、經一二時後、更現不安之狀、呼吸短促、發痙攣而卒倒、其痙攣也、初爲強直性、終爲搖擗性、四肢頻頻搖動、一如游泳者然、往往間歇發作、故有癲癇狀痙攣之名、又以此藥〇・三五製成乳劑、與貓（中等大）食之、亦呈相同之症狀、以之注射皮下、其發生中毒症狀、反較遲緩、又以此藥〇・一製成丸劑、與鳩食之、經一時後、即發劇甚之嘔吐、續發特異之痙攣、茲更將犬貓鳩所發之諸症分別言之、（一）刺戟延髓中樞而全身搖擗、（二）刺戟呼吸運動之中樞而呼吸頻數、（三）刺戟血管運動神經中樞而血壓昇騰、（四）刺戟迷走神經之中樞而心動減少、其制止作用、是否起於血壓亢進、或筋肉痙攣、尙未明悉、

臨牀之實驗。以商陸製成酒製越幾斯，用於脚氣及慢性腎臟炎、肋膜炎、心囊水腫、腹水等之水腫，皆有卓效。即此可知因刺戟血管運動神經之中樞，使血壓增進，而通利小便也。又以此毒藥投各動物，數時輒起嘔吐，然以商陸越幾斯繼續服用，絕不見發胃腸病，亦無其他副作用。曾有醫家以此劑投病者，在四五日內，其尿並不加多，反見減少，又四五日，或半月後，藥始顯其效力。一如實麥答利斯之有蓄積作用，故凡初投此劑而無效者，非不見效也。時日未至也。倘即中輟，是失機矣。從前某醫院，來小澤某女乞治，初來時尿量有二百瓦，投商陸越幾斯〇・八，連服二星期，始加至千五百瓦，至三星期，更加至二千四百瓦，商陸越幾斯，一日〇・四至〇・七，商陸酒，一日四〇至八〇。處方，商陸越幾斯〇・八，乳糖適宜，分六包服。錄中外醫事新報第二百六十二、二百六十一號。

赤小豆 Redbean. (英)

異名 赤豆 紅豆

基本 小豆屬於荳科，藥用之赤小豆，須選暗赤色而且堅實之小粒。

赤小豆為一年生草本，農家種之，以為雜糧，莖高二尺餘，葉為複葉，由小葉三片所成，小葉形卵圓，末端帶尖，有時有極淺之三裂，花生於葉腋，色黃，形如蝴蝶，果實為細長之莢果，中藏紅色之種子，即赤小豆也。其品類頗多，一如大豆。

成分 藥效之成分未詳、於營養上分析之、含窒素物一八・五五、無窒素物五七・七二、脂肪〇・八九、木纖維八

・八〇、水分一三・一〇、灰分二・九四、

效能 爲利尿藥、及腫瘍藥等、

【能】 甘酸（鹹冷）、色赤、心之穀也、性下行、通小腸、利小便、（心與小腸相表裏、）行水、散血、消腫、排膿、清熱、解毒、治瀉痢、脚氣、（同鯉魚煮食、）傅一切瘡毒、（雞子白調末搗之、性極粘、乾則難揭、入苧根末則不粘、）解酒、通乳、下胞胎有形之物、然滲津液、久服令人枯澀、（十劑曰、燥可去濕、桑白皮、赤小豆之屬是也、按二藥未可言燥、蓋取其行水之功、）○堅小赤暗者良

■赤小豆、心之穀也、其性下行、通小腸、利小便、故除脹滿、腫氣、赤小豆五合、大蒜一個、生薑五錢、商陸根一條、細剉碎、以水煮爛、去藥、空心食小豆、並飲汁盡、腫脹立消、■治下痢、腹痛、■治寒熱、癰腫、惡瘡、能散血、不拘瘡疽、發背、一切善惡之症、研末、水調塗、無不愈、惟性粘、乾則難揭、入苧根末、即不粘、■乳汁不下、食赤小豆粥、乳汁即行、神妙無比、■重舌、鵝口瘡、赤小豆爲末、醋調塗、■小兒遺尿、搗葉服、■酒毒頭痛、煎小豆花服、■濕氣痺腫、赤小豆和桑白皮煮食、■下氣、和通草煮食、■逐津液、利小便、故久服之人、皮膚枯燥、身體瘦瘠、

和漢三才圖會曰 赤小豆有早晚、大抵土用中播種、九月收之、其粒大而深紅者、宜煮粥及飯、爲未盛袋、婦人洗面、能去脂垢、凡赤小豆、加茶煎汁同煮、則易爛、（人被鼠咬、永忌食赤小豆、）赤小豆治狗諸病、

大和本草曰 赤小豆有大小、性寒冷、脾虛人不宜、利小便、消腫之功爲多、久食則去身膩、老人甚忌之、○赤小豆、以臘水浸數日、然後貯藏、便可經久、

【單方】 小麥中毒、赤小豆煮汁、多服、●酒醉致嘔、赤小豆煮食、並飲其汁、●脚氣水腫、赤小豆煮食、或以赤小豆和米糠、煮汁服、●積氣暈倒、赤小豆煮汁多服、●氣鬱、煮赤小豆食之、則氣散、●疝氣、腰痛、煮赤小豆食之、並飲其汁、●痔脫肛、赤小豆、蕎麥粉等分、白槿花煎汁下、●痔出血、酒煮赤小豆、搗餅敷之、並以其乾末服、●大便前後下血、赤小豆粉一錢、冷水服、●熱淋及血淋、赤小豆三分炒、研末、葱一莖、入酒中煮爛、送服、●舌出血不止、赤小豆粉水煎服、●痢疾愈後不食、赤小豆煮食、●腮腫、赤小豆末、醋調塗、●一切腫毒、赤小豆粉、水煉敷、●腫從頭面起至足、名爲懸水、其根在膽、赤小豆主之、

農家至寶記曰 下血者、先血後便、是爲近血、仲景方、用赤小豆一兩九錢、水浸出芽、曬乾、當歸一錢四分、二味共杵爲散、以漿水分爲四分半、日三度、●小兒暴痢、千金方用赤小豆粉和酒塗足下、日三度、和油亦得、●脚氣水腫、骨痛難行、肘後備急方、用赤小豆煮食之、●小兒至四五歲、尚不能言、赤小豆粉、酒化、敷舌下、此千金簡易方也、●鵝口瘡、口中生白物、口噤、啼聲不出、赤小豆粉、醋化、塗口中、

處方 配合赤小豆之處方如左、

○赤小豆湯 治年少血氣俱熱、遂生疥瘡、變爲腫滿、或則煩渴、小便不利、

赤小豆(炒) 當歸(炒) 商陸 澤瀉 連翹 赤芍藥 防己 豬苓 桑白皮(炒) 澤漆(各五錢)
右生薑、水煎服、熱甚者、加犀角二錢半、

○赤小豆常歸散 下血、先血後便、此近血也、宜此湯、

赤小豆(三升浸令芽出晒乾) 當歸(三兩)

右爲散、漿水服方寸匕、

○退腫場氣散 治積水、或飲水過多、積於脾、四肢腫而身熱、

赤小豆 陳皮 蘿蔔子(炒各二錢) 甘草(五分) 木香(五分)

右薑棗、水煎服、

○禹水湯 治水氣腫滿、

赤小豆(二兩半) 檳榔(一兩半) 豬苓(二兩) 澤瀉(一兩半) 麥芽(二兩) 神麩(一兩) 木瓜(

一兩) 木通(一兩)

右炒焦、水煎服、

用法 取新鮮者微炒、研磨爲末、或生用、

車前

異名

牛舌 牛遺 地衣 車錢 烏足 當道 穿錢 紫苜 菜苜 魚草 馬寫 勝馬 勝寫 陵馬

車過路 車輪菜 野甜菜 蝦蟇衣

集本

即屬於車前科草與種子俱入藥用、

車前為多年生草本、多自生於山野路旁、春日、自地下生葉五六張、長三四寸、形橢圓或卵圓、有葉柄、尋常有肋線五條、集合如匙、至夏、叢葉中抽出花莖、長可七八寸、開淡紫色之小花、作穗狀花序排列、小花有四片卵圓形之萼、作筒狀、有一片鱗葉護之、花冠狀似喇叭、前端五裂、果實為蒴果、中分二室、每室藏種子數粒、種子色黃褐、有光澤、作長橢圓形、背隆起、底扁平、似胡麻而略小、味微苦、

效能

葉與種子俱用為利尿藥、

和漢三才圖會曰 車前子甘寒、利小便而不走氣、(與茯苓同、)收難產、又治目赤痛、大抵須佐他藥、如六味地黃丸之用澤瀉也、非單用及久服之藥、○按車前子出日本之藝州者良、攝州丹州次之、今人取其葉、傳一切腫物初發者、未知確有效否、恐但據千金方、金瘡出血者、車前葉搗傅兩語耳、其子能明目、治內障、今治疳眼、炙八目鱧少糝和車前子、令食之、此則有據、

【能】 車前葉甘寒、涼血、除熱、止吐衄、消癥瘕、通淋、明目、（凡利水之劑、多損目、惟此能解肝與小腸之熱、濕、熱、退而目自清矣。）

車前子甘寒、清肺、肝、風、熱、滲膀胱、濕、熱、利小便而不走氣、與茯苓同功、強陰益精、令人有子、（腎有二竅、車前子能利水竅而固精竅、精盛則有子、五子衍宗丸用之、若單用則過泄。）治濕痺、癱閉、暑濕瀉利、目赤、障翳、（能除肝熱、）催生下胎。

■小便血淋、痛甚、車前子爲末二錢、車前葉煎湯下、■易產方、治難產、橫產、車前子爲末、酒服方寸匕、效如神、■石淋、疼痛難忍、車前子二升、水八升、煎取三升、去滓服、須臾見效、淋氣、熱淋亦用之、蓋此藥入膀胱、善能利水故也、■內障經久、車前子、生地黃、麥門冬等分、蜜丸、梧子大服、■補虛明目、久服則益肝腎、強目力、車前子、熟地黃各三兩、菟絲子酒浸五兩、爲末、蜜丸、梧子大、溫酒下三十九、日二服、名駐景丸、此因腎水滯塞、以車前開其水道故也、■車前子不可單服、須用他藥爲佐使、否則真元有涸竭之虞、

【單方】 小兒頭瘡、車前子焙、醋調傅、又爲生髮藥、●小便鮮血出、車前草搗汁一合服、●疝氣、寸白等症、致腰冷者、採車前根及葉、煎湯浴之、效、

【處方】

配合車前子之處方如左、

○駐景圓

治肝腎俱虛、眼常昏暗、多見黑花、或生障翳、視物不見、迎風流淚、久服補肝腎、增目力、

車前子 熟地黃(酒蒸焙各三兩) 菟絲子(酒浸別研末五兩)

右爲末、煉蜜爲圓、如梧子大、每服三十圓、溫酒下、日二服、

○車前子散 治飛塵眯目、因此生翳暈、

車前子 五味子 芍藥(各一錢半) 細辛 桔梗 玄參 大黃(各一錢) 人參(一兩)

右爲末、每服三錢、食後臨臥、溫米飲調服、

○車前散 治熱痢、小便不通、

車前草一味爲末、水調服、無葉子亦可、用子一名斷痢湯、

○八正散 治心經邪熱、一切蘊毒、小便赤澀、或癰閉不通、

車前子 瞿麥子 滑石 大黃 山梔子 藟蓄 木通 甘草(炙各等分)

右入燈心、水煎服、

○療熱淋方

車前子 冬葵子(各一升) 通草(三兩) 芒硝(六分)

右水煎服、

用法 陰曆五月採集、七八月收種子、陰乾、炒用、入丸散、酒浸一夜、蒸熟、研爛成餅、乾焙、研用、

用量 七分至二錢、

附錄 荷蘭藥鏡論車前之醫治功效如左、

車前之根、葉子、俱有收瀉、清涼、去污之效、而根之效力尤勝、又能使血液稠厚、治下利、血痢、吐血、婦人月經過多、白帶下諸症、以根葉同煎水服、○久欬、欬血、肺癰、下痢等症、生根加水搗取汁、加砂糖或糖漿服、有殊效、○春日發閭、歇熱、服車前根、驗甚、秋發者、不易治、○口中潰瘍、咽喉焮腫、以根葉煎水、作含漱藥、眼焮腫、作洗眼藥、跌打損傷、肌膚脫爛、焮衝、火傷諸症、均以生葉搗爛貼敷、便愈、○車前葉、以水蒸餾、名車前水、可作洗眼藥、有清涼、焮熱、淨刷汚液之功、○車前子一錢為末、或水煎服、治下利、

雜考 有人手指、被創出血、適野行、懷中覓紙拭之、不可得、偶見道旁車前草、其葉潔淨可愛、姑摘取數片、且行且自拭其血、無何、血立止、痛亦頓失、其殆有止血之功耶、

西瓜

别名 水瓜 夏瓜 寒瓜 青登瓜

其本 屬於葫蘆科之西瓜、其果肉堪供暑天之食品、

西瓜為一年生蔓性草本、有卷鬚、葉有極深之缺裂、少者三、多者七、宛似羽狀複葉、花單性、同株而生、為黃色之合

瓣花、果實爲漿果、形球圓、頗巨大、外皮初作白色、熟則有光澤、色亦轉綠、內部之瓢、或白或紅或黃、漿液極多、味甘美、夏日食之、足以止渴解暑、種子黑白不等、作扁平卵圓形、末端較尖、一枚西瓜中、有種子無數、

西瓜之種類頗多、果皮有白、黃、綠、斑、果肉有黃、白、紅、種子有黑、白、如西洋西瓜、長西瓜、白皮西瓜、皆最著者也、

成分 藥效之成分未詳、自其營養上分析之、水分爲九四・七六、糖分四・七七、纖維〇・一〇、灰分〇・二、脂肪殊微、

藥學士吉本彌三、曾以西瓜絞汁、成淡紅色透明之液體、呈酸性、有甘味、比重一・〇四、水分八九・四五、越幾斯分八・三四、窒素總量一・二五、脂肪〇・三二、林檎酸〇・一八、糖分（轉化糖）四・二七、灰分〇・五二、更進而用化學試驗法、提出其中所含之有效成分、則至今尙未得云、

西瓜有利尿之效、盡人所知、但其成分未詳、據吉本醫學博士之說、則謂西瓜中之糖分、確有利尿之效、又據新瀉醫學專門學校木村氏之說、則謂西瓜中含有少量鹽類、於腎臟炎有特殊功效、錄藥學雜誌第三百四十八號、

效能 用爲利尿藥、

【能】 瓢、甘淡寒、止煩渴、解暑熱、利小便、治血痢、解酒毒、有天生白虎湯之號、然亦不宜多食、（多食易患霍亂冷病、終身胃弱者不可食、）與油餅同食、損脾、〇子、甘寒、曝裂取仁、生食炒熟俱佳、皮不堪啖、亦可曬漬醬、漱口、唇內生瘡者、西瓜皮燒噉之、〇西瓜與蕎麥同食、傷人、多至死、

一本堂藥選曰 西瓜利尿解熱、鍊成膏、潤咽止渴。○凡選西瓜、以極熟瓢紅如臙脂者爲佳、其味至甘美、若未熟、則瓢白、味不甜、不堪食、鍊西瓜膏法、剉取極熟紅、置鍋中慢火煮、鍊至如稀餚爲度、停冷、瓷器中盛貯、厚紙密封、聽用。○按本草汪穎曰、西瓜性寒解熱、有天生白虎湯之號、宜哉、苟用之適中肯綮、則解邪熱、不犯石膏、知母之藥、毒、此不亦勝於白虎湯耶、用者宜深思熟慮焉、凡病人及尙弱之人、勿輕食、

【單方】 脚氣水腫、宜食西瓜。●口中生瘡、西瓜皮炒焦敷之。●汗瘡、塗西瓜水。

〔附錄〕 西瓜原爲斐洲產、應永年間、日本曾得其種子、未幾遂絕、又五十餘年、至延寶中、東京及江戶始漸栽種、

〔附錄〕 實驗醫報第三十一號、載有松枝新氏談話一則、題爲黃疸之於西瓜、言普通黃疸之治法、用西瓜奏效極著、有時且在他藥之上、但須除其外皮與皮質、中存髓質、可盡食之、尤有特效、若但欲絞汁、則效力減弱、患黃疸人食西瓜後、不惟小便通利、(一說、西瓜利尿之有效成分、在瓜皮與肉髓之間、)即大便亦得調勻、大抵尿量增加、自可減少膽汁色素之含量、大便調勻、自可除去膽汁之鬱滯、

澤瀉 Water-plantain. (英)

此有澤瀉 *Sagittaria sagitifolia*, L. 及水澤瀉 *Alisma plantago*, L. 二種、後者供藥用、或云澤瀉與慈菇相類、此兩者之區別、可參閱園藝界第一年第二卷橫川伍市氏之「澤瀉談」一文、

異名 薺 及瀉 水瀉 芒芋 禹瀉 禹孫 鵠澤 澤芝 蘭江 牛耳菜 酸惡俞

其本 卽屬澤瀉科、藥用係取水澤瀉 *Alisma Plantago. L.* 之根、

水澤瀉爲生於水澤池沼之宿根草、葉叢生、作匙形、似車前葉而大、有葉柄、夏末抽花莖、高三四尺、每節分三枝、每枝復三分、開三瓣白色小花、後結球圓形瘦果、

形態 爲黃色球圓形根、大四五分至寸許、有鬚根、味鹹、生根汁峻烈、

品類 日本各地產此、藥用則以陸前（仙台）產者爲上、和漢三才圖會曰、澤瀉出於丹波者、堅實肉白、爲上、越後產者輕虛、爲次、其形狀似唐澤瀉云、

效能 用於水腫、利尿、中暑等、

【能】 甘淡鹹、入膀胱、利小便、瀉腎經之火邪、治消渴、嘔吐、瀉利、淋瀝、尿血、洩精、痰飲、陰汗、腫脹、水痞、疝痛、腳氣濕熱之病、又能養五臟、益氣力、起陰氣、補虛損、止頭旋、有聰耳明目之功、

處方 配合澤瀉之處方如左、

○疏鑿飲 治水氣、通身浮腫、煩燥、喘渴、小便不利、

澤瀉 商陸 赤小豆 羌活 大腹皮 椒目 木通 秦艽 茯苓 檳榔（各七分） 生薑（三片）
右水煎頓服、

○解暑二百飲 治胃暑、伏熱、霍亂嘔吐、小便不利、頭目昏眩、

澤瀉 白朮 白茯苓(各等分)

右水一盞、生薑五片煎服、

用法 秋末採掘球根晒乾、藥用剉、浸酒一宿、晒焙、

附錄 一錢至三錢、

蜆石 *Oculi canerorum, Lapides canerorum (拉) Crabs-stons. (英)*

蜆石為荷蘭藥、拉丁語謂之 *Oculus Cancer*

產地 日本東北地方溪流中產之、北海道尤多、

其木 屬胸甲類之蜆、*Astacus japonicus, De Haan.* 於胃之兩側、每歲新生二粒石灰質、即取以入藥、

蜆為蟹類之一種、大一寸至三寸許、體形似蝦、八足兩螯、向後退行、其味似蝦、或呼蝦蟹、胃之內面、兩側有用以咀嚼之碳酸石灰質突起物、謂之蜆石、(一說此石灰質、係每歲新生皮殼之原料云、)捕時或用手、或用鑿穿、哇捕之、剝去其甲、而取其體中小石、

遠西名物考曰 日本長門之赤間關及豐前中津附近河中所產之蟹、有小石、狀如意苡仁、上凸下凹、此種蟹於

七八月間、脫舊殼、生新殼、於其已脫殼時捕之、其兩眼之間、必有二白石、惟須窺其脫殼而體仍軟、未能行走時速取之、否則其石頃刻溶化如米泔汁、使殼硬固、此爲蜘蛛石之一種、其性質功效亦同云、

形態 爲白色、淡青色、或微赤色之扁圓形物、大三四分、一面稍扁平粗糙、一面尖起作輪層狀、硬固滑澤、無氣味、不溶於水、逢酸類則沸騰溶化、遺留軟膏狀物質、

捕得蜘蛛、即時剝去甲殼、取出之石、帶青色、爲上品、煮過後取出者、色白、爲下品云、

成分 爲磷酸鈣、磷酸鎂、碳酸鈣、鈉鹽類、膠質等、

效能 專用作利水劑、

遠西名物考曰 性收瀉乾燥、土質而含有鹼性鹽、爲專消剋酪腐酸敗液之良藥、○其實多含粘液、而夾石灰質、土鹼性不烈、不刺戟胃、故較他土質制酸藥爲佳、○亦如他土質藥能閉大便、故宜兼用大黃或適宜瀉劑使之通利、是爲至要、○此藥含粘液、有軟化性、故用於兼有疼痛諸症、尤有效、○其功效不下於鎂、遇爾拔、故一切酸敗液所起之症、卽吞酸嘈噯、胸脅心腹刺痛、或小兒癩癧諸症、諸骨軟弱、佝僂病等、用之皆有奇效、○利小便、發汗、止下痢、稀釋粘稠、疏解凝結、○服量、爲末、用至一錢、日服數次、○加瓦老別里鹽用之、能驅諸病毒惡液、從汗與小便泄出、○加入橙汁或蒸餾醋、待其沸動已止用之、善能發汗、

處方 江馬天江輯譯「青囊珍珠」(日本安政四年刊行)所載配合蜘蛛石之處方如左、

○治小兒癆瘵喘急、

金硫黃(自半克冷至一克冷) 菲沃斯越幾斯(自一克冷至二克冷) 蜘蛛石 砂糖(各半克冷)

右研和、分十二包、每四分鐘或半小時服一包、

○肺勞有熱者、宜此方、硝石等劑、以促衰弱、有害、

蜘蛛石(二打蘭) 枸櫞汁(加蜘蛛石飽和為度) 菩提樹花水(六盎斯) 甘草舍利別(一盎斯)

右調和、每一時服二食七、

用量 一分至四分、

冬瓜子 Winter-meron seed. (英)

異名 白花 水芝(蓮子亦一名水芝) 地芝 冬瓜仁 東瓜子 瓜犀子 瓜棘子 結瓜子 白瓜子

基本 係屬葫蘆科冬瓜 *Benincasa cerifera*, Savi. 之種子、

冬瓜為栽植園圃之一年生蔓草、莖藉葉腋之卷鬚而上昇、葉為心臟形、前端尖、作掌狀分裂、莖葉俱有毛刺、花為單性、雌雄同株、有黃色花冠、果實為淡綠色大漿果、作橢圓形、密生毛、成熟則於外面分泌白色蠟狀物質、種子為黃白色扁平橢圓形、中有長仁、

冬瓜之成熟較其他瓜類爲遲、以得於霜後者爲最良品、故有此名、

效能 和漢三才圖會曰、子甘寒、令人悅澤而容、冬瓜仁五兩、桃花四兩、白楊皮二兩、各爲末、食後服方寸匕、日三服、

(欲白加瓜仁、欲赤加桃花)三十日面白、五十日手足俱白、一方有橘皮無楊皮、

【單方】 去雀斑、用冬瓜核與桃花等分爲粉、用蜂蜜鍊和貼之、●中蟹毒、煎冬瓜服之、●小便白濁、炒冬瓜實爲粉、空心用白湯服下、●痔、煎冬瓜子洗之、去腫痛、●子補肝明目、

【用量】 五分至二錢、

葶藶

異名 丁樂 丁藤 大室 大適 公薺 帝力 狗薺 苦草 良醫七首

【基本】 此屬十字花科、入藥用其種子、

葶藶爲二年生草本、生於田野向陽之地、河濱、隄畔亦有之、莖高六七寸、至尺許、葉皆互生、作卵圓或長橢圓形、無葉柄、莖與葉俱生茸毛、花在莖間、分歧爲二三枝、色黃四瓣、綴於梢頭、叢集而爲總狀花序、果實爲莢果、作長橢圓形、頗似米粒、中藏無數小種子、色茶褐、似罌粟子、

古方藥品考曰 葶藶有甜苦二種、○衍義云、經既言味辛苦、則甜者自不復入藥也、大抵治體皆以行水走泄爲

用、蓋取苦泄之義耳、惟苦葶藶自來絕跡、不論進口貨與本國產皆無之、今藥舖稱甜葶藶者、粒極細、色紅黃、味淡甘、此薺子或荊藆子也、其稱苦葶藶者、粒似薺子、不圓、味微苦、此救荒邊藍子也、皆非真品、全白芥子代用之最有效、又甜葶藶苗有大小二種、○甜葶藶自冬生苗、葉似薺而小、有微毛、至夏抽莖三五寸、開小黃花、漸次結綠莢、扁如胡瓜子形、其子極細、如海金沙、

用藥須知曰 葶藶、正二月著花、子宜早收、遲則脫落、形狀似薺、葉有茸毛、但苦味少、其來自中國之種、味極苦、此真苦葶藶也、本草所謂苦微頂者是、然其難得、日本所產、殆甜葶藶之類歟、

日用藥品考曰 有甜苦二種、方書單稱葶藶、皆苦葶藶也、藥肆所列、不論中日產、皆以薺子或荊藆子混充、卽所謂葶藶也、苦葶藶味至苦、其子苦尤甚、日本竟不見此物、

手板發蒙曰 葶藶子、今稱苦葶藶者、乃邊藍子之子、非真品也、蓋甜葶藶有來自中國者、苦葶藶則無之、

和漢三才圖會曰 葶藶俗稱狗薺、出於日本之攝州者良、播州產次之、市中所售、多非真葶藶子、係採薺子充之、大和本草曰 葶藶大於薺、葉似之、三四月開細黃花、有甜苦二種、甜者可食、且柔軟、實圓、

本草綱目啓蒙曰 葶藶乃一種小草、生原野向陽之地、葉似雞兒腸而厚、色淺有毛、就地叢生、入春漸次抽莖、長四五寸、亦或近尺、面綠背紫、莖與葉皆互生、莖端生長穗、開細花、四瓣、類薺花、惟此作黃色、且花後結莢、形似米粒而扁、不作三角形、爲不同耳、初夏子熟、自然從莢中散落、苗根亦與之俱枯、其子視罌粟爲小、色茶褐、味微辛、

古今要覽稿曰 岡村尚謙云採葶藶子頗有遲早隨土地而異大約至二月杪以迄三月最爲相宜過遲則莢開子落地上不可得矣（和漢三才圖會正字通）一種有紅花葉似薺花極細莖高至尺餘柔軟而難於特立仲夏開細白花六月結實形圓扁小而味辛入秋莖葉俱枯（本草臆斷）大和本草指此種即葶藶之類四月柔軟不老實平而圓郭璞注爾雅云疥莫似薺葉細俗呼老薺與紅毛薺同種凡葶藶入夏便枯此薺至秋尙存故有老薺之稱一種名遏藍菜秋始生苗至春蕃盛葉小而互生莖高至二尺許梢頭有穗花後結莢花白莢正圓大如指頭大田證元曰葶藶有甜苦二種甜者多在近郊苦者不詳或曰來自西國未知孰是春秋繁露云葶藶枯於仲夏冬華於嚴霜由此考之苦者即救荒本草所稱之遏藍菜俗呼軍配至四月必枯形狀較甜者更大春開白花實圓扁似紅毛薺而大中藏細子如蘇子味苦辛然有可疑者遏藍菜之果莢含有臭氣甚於葱蒜又其腳葉似薑薑葉而小其即古之惡薺歟若謂即係葶藶殆未免附會也



用爲利水及祛痰藥

古方藥品考曰 葶藶主治喘滿短氣○本經曰葶藶味辛苦寒主癥瘕積聚結氣破堅逐邪通利水道○按其味辛苦故能治痰喘欬逆水氣

【能】 辛苦大寒屬火性急大能下氣行膀胱水肺中水氣腫急者非此不能除之兼破積聚癥結伏留熱氣消腫除癥止嗽定喘（水濕泛溢爲腫脹爲痰嗽爲喘滿）通經利便久服令人虛（十劑曰洩可去閉葶藶大黃之屬

是也、大黃洩陰分血閉、葶藶洩陽分氣閉、氣味俱厚、不減大黃、然有甜苦二種、甜者稍緩、苦者性急、泄肺而傷胃、宜大棗補之、補土所以制水、○子如黍米、微長、色黃、微炒、用得酒、良、榆皮爲使、惡殭蠶、

■惡白殭蠶、石龍芮、能下氣洩陽、苦寒之氣似大黃、開肺中之閉、瀉大便、■屬火、性急、善逐水、故以之治水腫、通身腫滿者、葶藶子炒末、和棗肉四兩、丸梧子大、每服十五丸、桑白皮湯下、日三次、以利爲度、或用麻子湯下、亦得、忌酸鹹生冷、■本草云、有甘苦二種、猶牽牛子之有黑白、甜者下泄性緩、雖泄肺而易傷胃、苦葶藶須以大棗助味、水腫非此不除、但水去、便須停服、不可再進、仲景瀉肺湯、用苦葶藶、仍須察病人之虛實而定去取也、■水氣咳嗽、或遍身氣腫、或面目手足腫、以葶藶三升炒、入袋、浸清酒五升中、冬七日、夏三日、初以桃大、日三夜一、冬夜二、服用、量其氣力、微利爲度、■肺中有實邪者亦用之、善通利大小便、惟其力至峻、用之不當、往往致死、■大便易瀉者、及脾胃虛弱者、均忌用、肌肉羸瘦者、及久病已虛敗者、尤不可用、有實熱之人、雖屬不忌、然病去即不可再服、過服必害人、淮南子曰、大戟去水、葶藶愈腫、用之不節、乃反成病、此之謂也、

處方 配合葶藶之處方如左、

○葶藶丸 療水氣及脚氣、並治虛腫、

葶藶子(七分) 牽牛子 澤漆葉 海藻 昆布 桑根白皮 甘遂 椒目 郁李仁(各三分) 桂心(一分)

右十味搗篩、蜜和丸梧子大、每服十五丸、日再服、加至二十九、其藥用桑根白皮五合、赤小豆一合、通草一兩切、水二升、煎取一升、下藥、

○神功葶藶散 治水氣、面目四肢浮腫、以手按之、隨手而起、咳嗽喘急、不得安臥者、

葶藶(三兩) 猪苓(二兩) 椒目(一兩半) 黑牽牛 澤瀉(一兩)

右葱白二莖、水煎服、

○葶藶大棗瀉肺湯 肺癰喘不得臥、此湯主之、

葶藶(熬令黃色、搗丸如彈) 大棗(十二枚)

右先以水三升、煮取二升、去棗、納葶藶、煮取一升、頓服、

○陷胸丸 治結胸、短氣煩躁、心中懊懣、心下痞鞭、

大黃(半斤) 葶藶 芒硝 杏仁(各半升)

右爲末、糊丸、

用法 隔紙焙用、

用量 五分至錢半、

茵陳蒿

異名 因塵 白蒿 著蒿 家茵陳 石茵陳

基本 係屬菊科茵陳蒿 *Artemisia capillaris*, Thunb. 之葉莖、有以種子充藥用者、非

茵陳蒿為生於山野或河岸沙礫之多年生草、春季叢生、先密生白毛葉、類似胡蘿蔔葉、繼抽莖二三尺、互生銀鼠色細葉、愈上而愈細、作絲狀、夏秋之間、於梢葉間、點綴白色穗狀小花、結實如芥子、色褐黃、五月及立秋、取其葉莖、陰乾供藥用、

葉莖枯、則由陳莖再生、故名茵陳、

品類 茵陳蒿有二種、山生者曰山茵陳、野生者曰野茵陳、以山生者為良、又有綿茵陳、係採集細葉莖者、

效能 治風濕、利小便、療黃疸、

〔能〕 苦燥濕、寒勝熱、入足太陽經、（膀胱）發汗利水、以泄太陰陽明之濕熱、（脾胃）為治黃疸之君藥、

處方 茵陳為黃疸特效藥、其處方如左、

○因陳丸 療黃疸、遍身面目悉黃、小便如梔子汁、

茵陳蒿（四兩） 黃芩（三兩） 枳實（二兩） 大黃（三兩）

右瘡篩蜜丸、

○因陳丸 治時氣、瘴氣、瘧病、痲瘰、赤白痢等症、

茵陳蒿 梔子 鼈甲(炙) 芒硝(各二兩) 大黃(五兩) 常山 杏仁(炒各二兩) 巴豆(一兩去心皮炒) 鼓(五合)

右蜜丸梧子大、

○茵陳蒿湯 治身黃、二便不利、腹微滿、

茵陳蒿(六兩) 大黃(二兩) 梔子(十四個)

○茵陳五苓散 治黃疸病渴者、

茵陳蒿 猪苓 茯苓 澤瀉 白朮(各同量) 肉桂(少)

○茵陳散 治濕熱發黃、

茵陳蒿 梔子 茯苓 猪實 澤瀉 蒼朮 枳殼 連翹 朴硝 滑石(各同量)

○治黃疸方

茵陳蒿 芍藥 蒲公英(各一錢) 孕礬酒石(三分) 甘草(一分)

禁忌 忌火、

用量

一錢五分至四錢、

備考

茵陳蒿治黃疸有效、為醫學博士豬子吉人氏所證實、詳載東京醫學會雜誌第四卷第二十一號及第二十

二號、

郁李仁

異名

棣仁 爵李 棠棣仁 車下李 山梅子 隱上座 雀梅子 雀梅仁 鬱李仁 千金藤 國大李仁

白棣樹仁

基本

郁李屬薔薇科、此用其實中之仁、

郁李為高四五尺之灌木、園庭栽植之、以玩賞其花、其枝叢生、葉互生、作廣披針形、邊緣有鋸齒、類似杏葉、春季、葉間開白色五瓣花、邊緣帶紅色、大四分許、實作球圓形、生綠熟赤、可供食、實中有核、供藥用、

形態

為白色尖卵圓形之子仁、狀類桃仁而小、被有褐色薄皮、味辛苦、稍甘、有香氣、

效能

有利水之效、故用於水腫病、

【能】

辛苦而甘、入脾經氣分、性下氣、行水、破血、潤燥、治水腫、大腸氣滯、燥澀不通、

【單方】

心卒痛如刺、用郁李仁三四枚嚼爛、溫湯送下、●研郁李仁、和龍腦、點赤眼、去赤、

處方 配合郁李仁之處方如左、

○濬川散 治水腫脹急、大便不通、大實大滿證、

郁李仁 大黃 牽牛(各一兩) 芒硝 甘遂(各半兩) 木香(三錢)

為散、每服二錢、入生薑自然汁、和如稀糊服、此乃下水積之峻藥、水液不能宣通、停滯而生濕熱、在陽不去、則化氣而為脹、在陰不去、則化積成形、

用法 如巴豆、用紙包去油用之、或浸湯去皮尖用之、或浸漬生蜜一宿、漉出、陰乾研如膏、用之、

用量 一錢至四錢、

蜀葵 Radix Althaea. (拉)

異名 葇 吳葵 杖石 杖紅 杖葵 戎葵 胡葵 荻葵 衛足 一文紅 衛足葵

基本 屬於錦葵科、以其葉與根入藥、

蜀葵為二年生草本、人家庭園多栽種之、以供玩賞、莖高五尺至七尺、亭亭直立、有茸毛、葉稍呈心臟形、具有五裂至七裂、皆互生、六月開花、葉腋間、大似木槿花、或五瓣、或重瓣、色有紅紫白數種、頗美觀、頂上之花、厥狀如穗、大和本草曰 五月花開、莖高數尺、花有淡紅、鮮紅、黑白各色、又有單瓣、千瓣之別、堪供玩賞、鮮紅者最佳、皆自宿

根發生、蒨子者二年開花、以其莖、水浸二日、剝離其皮、可製爲繩、亦可織布、枯莖作薪、耐火力、雖成灰、久不熄、見酉陽雜俎、

形態 葉形卵圓、或作心臟形、邊緣有不整之鋸齒、具有葉柄、色綠、兩面密生茸毛、乾者色暗、或爲黃綠色、易破折、根入藥用、尋常多採用剝去外皮之副根、色帶白、無臭、味帶粘滑性、

日本藥局方所收之亞爾答亞根、卽係採用日本產之蜀葵製之、其形態如下、
蜀葵根一名亞爾答亞根、爲大如手指之長根、其帶灰黃色之袍層已剝去之、外面帶粉白色、內皮層爲長纖維性、其橫斷面之皮部、白色稍厚、木心部作放線狀、味淡泊而粘滑、

成分 亞爾答亞根之成分、爲植物粘液（約百分之三十五）、澱粉、亞斯拍拉根（約百分之二）等、蜀葵根所含之成分、與此相同、惟精液質不多耳、至葉中之成分、亦與根無異、

效能 中醫用其根葉、治疝氣、淋病、痢疾等症、

【能】 根莖治小便淋痛、煎服如神、又治小兒口瘡、經年欲腐者、莖根燒研傅之、其花陰乾、治婦人帶下、○苗甘、微寒滑、不可久食、鈍人志性、

用量 五分至錢半、

附錄 亞爾答亞根、爲屬於錦葵科植物之宿根、產於歐洲中部、地中海沿岸地方、及亞洲、前人譯爲蜀葵、實則同名

異種、初版日本藥局方曾採用蜀葵根、旋因該植物粘液不多、改用亞爾答亞根、第四版改正日本藥局方記載如左、亞爾答亞根者、乃採其副根、剝去袍層、乾而用之、色帶白、附有似贅疣之癍痕、與細微之纖維、其木質及皮、均多澱粉粒、具有排列之纖維束、並修酸鹽細胞、粘液堆積於細胞膜之內面、其橫斷面、除新生組織帶褐色外、其餘均帶白色、以此根一分、加水十分、即成帶黃色之粘漿、粘漿味淡、無酸性及安母尼亞性之臭氣、若現穢白色、或已變木質者、俱不堪用、

附考 亞爾答亞根之供藥用、以其粘液質極多故也、葵類中雖亦含粘液質、然終不及亞爾答亞根之多、因此日本產之葵根、不能入藥、一說、蜀葵開白花者、其根頗多粘液質、此層尚須研究、又藥學博士石津利作、嘗將黃蜀葵根試驗、據稱確可代亞爾答亞根用、錄其說如左、

亞爾答亞根、係取屬錦葵科二年生植物之主根及副根、剝去外部之袍層、乾而製之、此根含有極多之澱粉、粘液質及亞斯拍拉根約二%、能緩解腸胃之刺戟、故用為粘滑性之佐使藥、前藥局方本以蜀葵根定為藥用品、尋以其根質頗堅韌、含粘液質尚少、不適醫家之用、故改正藥局方、改用亞爾答亞根、惟現今盛行之亞爾答亞根、仍非該植物之根、依然習用從前之蜀葵根、初不計藥局方之准與否也、所以然者、因亞爾答亞根、在日本甚不易得、曾取黃蜀葵根為藥學之實習、以時日匆促、研究尚有缺漏之處、惟所得成績、有足述者、略舉如左、

黃蜀葵、屬錦葵科植物、含有粘液質極多、水浸其根片時、便成粘漿、從前日本美濃、駿河等處、向用為製紙之原料、

考黃蜀葵初生葉祇有三尖，漸長始有五尖，至梢缺刻極深，似大麻葉，柄底有如針之托葉，至秋，每梢頭之葉腋，必開花一朵，萼重複如蜀葵，花五瓣淡黃，爪呈深紫色，似草棉花而大，被覆柱筒狀子室之上，頭爲暗紅之五珠，雄蕊滿布其體，莖與葉柄俱帶毛，後結角果，如桐子，長寸許，爲鈍五稜，亦有毛，中分五室，藏多數種子，形似蒴麻子，色褐，頗肖猴頭，此草有大小二種，小者高二三尺，大者六七尺，形狀相似，惟大者葉之缺刻更深，儼如五指中分，小者根之粘液較多，製紙專用此種，大者僅賞其花而已。

黃蜀葵根爲長圓錐形，旁生細小之分枝，乾則外面現污灰色，有縱紋，質柔軟，不易破折，嘗將其根行解剖學之檢查，與亞爾答亞根相較，先取此根浸六十%之稀酒精，經兩星期後，視其橫斷面，則見其構造，與亞爾答亞根大略相同，全面幾皆呈白色，僅新生組織褐色，皮部約占長徑五分之一，至十分之一，有纖細之白色髓線，於木質部，爲放線狀而貫徹，後以單顯微鏡檢視皮部，則見其纖維束，排列若輪圈，內皮纖維，爲長袍束，至木質部之髓線，則顯然可見也，再以顯微鏡檢視其橫斷面，見其皮部，與木質部之構造，亦與亞爾答亞根無異，處處有粘液細胞，以水濕之，立即膨脹，分外顯明，此粘液細胞中，實含有代表生藥功用之粘液，又曾取此粘液，檢查其化學之本性，法先以黃蜀葵根洗淨，候乾，搗碎，入廣闊之玻璃瓶，約加蒸餾水十倍，未幾即見膨脹，漸因粘液質分泌而成粘漿，一宿後，再視之，全液變爲濃稠，即用力搖之，亦不易動，乃用粗布絞榨，除淨污物，遂得透明帶白色之粘液，於此欲分取純粹之粘液質，須多加酒精，而取其沈澱之粘液分，再反覆加濃酒精，搓捏洗淨，置生石灰上乾之，則得灰白色之

粘液、此灰白色之粘液、加硝酸而溫之、俄即發生紅褐色之氣體、約三四時、幾全溶解、止餘灰白色之絮狀物質而已、迨紅褐色之氣體、發生終止、仍煮沸片刻、濾過放置、俟冷、便可析出巨大之針狀結晶、與細小之白色結晶性粉末、於此一面分取、一面使再三結晶、最後檢視該結晶之本質、大都不外萜酸、其隨萜酸而發生之白粉物質、檢其熔點等、純然為粘液酸、據此性質考之、是該粘液乃真正粘液、與亞爾答亞根所含者無異、亞爾答亞根之功效、在於粘液、則黃蜀葵根可以代用、決然無疑、且黃蜀葵、日本隨在皆有、其粘液既多、是功效益可信其確實也、

杜松子 *Tructus juniperi* (拉) *Juniper berries* (英) *Wacholderbeeren* (德)

異名 杜松實

基本 係屬松柏科杜松 *Juniperus rigida*, S. et Z. 之果實、

杜松生於暖地深山、或植於庭園、為常綠喬木、幹高丈餘、大者有高至六丈、周五尺者、枝作鍼狀三角形、多結節、各節輪生鍼狀三葉、葉長六分至一寸、上面作白色凹溝、下部中央隆起、夏月開雌雄兩花、後結肉質球果、大如拇指頭、初綠色、熟則變黑色、中有卵圓形種子、味初甘而後苦、此樹有芳香性、故日本謂之和白檀、

第四版改正日本藥局方曰、杜松實係採集杜松 (*Juniperus Communis*, L.) 果實曬乾者、本品作球圓形、

直徑達九密米，呈黑褐色，間帶藍色粉霜，基部有一個至六個之三節性葉座，尖端有三縫痕，果肉為淡褐色，內有三堅硬種子，本品味甘，有強芳香性。

成分 含有揮發油、樹脂、膠質、糖質、蠟質。

效能 用作利尿藥。

荷蘭藥鏡曰：排泄表發蒸氣，治胃寒諸症，疏豁胸中粘液，祛痰效等。○用於痛風、傷冷、毒流走痛，能驅逐其毒而愈，但不適於熱症、痲衝性病。○有破氣驅風之效，治風痛、氣鬱、滿蓄寒粘液、疝痛。○有健胃功效，治胃腸虛弱諸症，驅除粘液及積食不消，用於寒粘液質症最佳。○含松節油狀之油，利小便，故用於水腫，甚有效。○全身水腫、腳腫，用左方極效。

(杜松驅水散) 杜松實(炙者一盞斯) 地榆根(六錢) 睭篤倫安質沒紐(四錢)

右各別為細末，調和為散劑，服一錢至半錢，日服三四次。○水腫、小便不利、腹水、胸水、或飲酒太過發水腫者，後方奇效。

(杜松海葱酒) 海葱(一錢) 杜松實(一盞斯) 益智(半錢) 葡萄酒(或燒酒一磅)

右剉入玻璃瓶內固封，置煖處三日，去滓，用一匙，日三次，漸次增加服量。

調製法 用未熟之杜松實，與水同蒸餾，則得揮發油，謂之杜松油，Oil of juniper.

杜松油爲無色或帶黃色之液體，比重○·八六至○·八七三，於一四〇度至一五〇度沸騰，置空氣中，則凝爲樹脂，稍溶於酒精，善溶於伊打，硫化炭，有消毒及利尿功效。

用量 三分至一錢

冬葵子

異名 葵子 滑葵子 滑菜子 奇菜子 藤菜子 露葵子 阿郁子 向日葵子

其本 係屬錦葵科冬葵 *Mala pulchella*, Berh. 之子實

冬葵爲生於海濱之宿根草，莖高二三尺，葉作掌狀淺裂，有茸毛及長葉柄，春季於葉腋開黃白色或青白色花，大三分許，後結實，子爲灰黑色扁圓形。

效能 治霍亂水腫，又用作孕婦分娩催進藥。

【能】 甘寒淡滑，潤燥，利竅，通榮衛，滋氣脈，行津液，利二便，消水腫，通關格，下乳滑胎。○冬葵之根、苗、葉、子實，俱有同效。

【單方】 中山椒毒，掘取冬葵根，洗淨嚼之，佳。●大便不通，用葵子和乳汁等分服之。●孕婦水腫，用葵子、茯苓爲糝，服方寸匙，日三服。●便毒初發，用葵子爲末，酒服二錢。●乳痛用葵子、縮砂仁各半爲末，溫酒服二錢。

用法 稍炒用、

瞿麥子

異名 地麵 龍鬚 蓬麥 大菊子 大蘭子 四時美 巨句麥 杜老草子 聖龍草子 南天竺草子

其本 係屬石竹科瞿麥 *Dianthus superbus, L.* 之種子、

瞿麥為宿根草、山野河碛、往往自生、莖高一二尺、葉作長披針形、擁節對生、夏季於梢上開淡紅色花、常二朵集生、花瓣五裂、邊緣復有複雜之深裂、結小圓形長角實、熟則角頂自綻、散落黑色扁平、類胡麻子之種子、謂之瞿麥子、日用藥品考曰 日本藥舖所售、皆本國產、古來瞿麥一名石竹子、故方書所記石竹子、皆為瞿麥子、但近世或分之為二、效用完全相同、可通用、

效能 用作利尿通經藥、

【能】 苦寒、降心火、利小腸、逐膀胱邪熱、為治淋要藥、破血、利尿、斂、消腫、明目、去翳、通經、墮胎、性利善下、虛者慎用、

處方 配合瞿麥子之處方如左、

○栝樓瞿麥丸 主水腫、小便不利、

瞿麥(二錢半) 栝樓根(二兩) 大雞子(一個) 茯苓 山芋(各三兩)

右爲末蜜丸、梧子大、每服三丸、日三次、

用法 去殼、即可用、(牡丹皮爲使、惡蜈蚣、伏丹砂、)

用量 五分至一錢五分、

燈心草 Rush (英)

别名 燈草 席草 虎鬚 赤鬚 碧玉草 古乙心

基本 卽屬燈心草科之燈心草、

燈心草爲多年生草、或自生於濕地、或栽植於水田、莖圓、作綠色細線狀、高達四五尺、中有白瓢、葉在莖之基部、作鱗狀、夏月、於莖之上部、生多數花梗、開黃綠色小花、

燈心草用以織蓆、莖中白瓢、入藥、又作燈心、故名燈心草、

效能 專作利尿劑、

【能】 甘淡而降心火、(心能入心) 清肺熱、利小腸、通氣、止血、治五淋、水腫、

【單方】 淋病、用水三合、入雞卵一枚、燈心三把、煎一合五勺服之、●並無何事而失眠者、用燈心煎湯飲之、●喉痺、燒灰吹入、●小兒夜啼、燒灰塗乳房使飲、

處方 配合燈心草之處方如左、

○治淋疾

燈心草(二錢) 龜板(五分) 辰砂(醋炙五分)

右爲細末、白湯用、

用法 燈心草難以研成細末、可先用水捏麩米粉附燈心晒乾、次研磨入水、則麩米下沉、燈心上浮、再取之晒乾、備用、

用量 五分至一錢五分、

白茅根

異名 茹根 蘭根 地筋根 野管根

其本 係屬禾本科白茅 *Imperata arundinacea*, Cyr. var *Koenigii*, Hack. 之根、

白茅爲宿根草、生於原野路傍、春日生芽、高一二尺、葉叢生、類稻葉、未生葉之前、莖上密生白毛穗、俗呼茅花、其根入藥、花亦可供藥用、

玉川茅根 品質極佳、供藥用、此係生於日本武藏國多摩川上流石原驛川邊白茅之根、每年三月間、白茅發芽、

至七月而成長，嚴冬取其莖嚼之，有甘味。此時採取其根最佳，根長三四尺，作竹鞭狀，用水洗淨，天晴曬乾，再削粗皮，晒三四日，又去薄皮，晒三日，至七日，然後束之成把，售於藥舖。

效能 用作利尿、止血及發汗藥。

【能】 甘寒，入手陰心、足太陰陽明、補中、益氣、除伏熱、消瘀血、利小便、解酒毒、治吐血諸血、
通瘀血、止月經淋瀝、止吐衄、下血、治便血、治婦女月經不調、補中益氣、利小便、
和漢三才圖會以採取部分之不同，分白茅功效為左列三種、

○茅根（甘寒）服食斷穀甚良，除伏熱、利小便、止諸血、噦逆、喘急、消渴、治黃疸、水腫、乃良物也、

○茅針（甘平）即初生苗也，通小腸、下水、治消渴、破血、治衄血及暴下血（水煮用之）惡瘡軟癰未潰者（以酒煮服）一針一孔、二針二孔、傅金瘡（生按之）止血、

○茅花（甘溫）止吐血、衄血（煎飲）傅灸瘡不合、刀箭金瘡、止血並痛、

【單方】 衄血、煎茅花多服、出血眩暈時、燒茅根、注醋於煙中、使病人聞其氣味、並用冷水噴於病人之面、使之驚醒、傷肺吐血、用茅根搗篩為散服之、

用法 洗淨粘附之土質、去毛根及皮、剉用、

注意 忌鐵、

附錄 藥學書有將禾本科植物之 *Tridicum repens*, L. 譯作茅根、記述其形態及效能等者、惟與本品實為二種、

豬苓 Pigs tuber. (英)

異名 苓 茯苓 朱苓 豕粟 豬苓 豬苓 豬零 猥豬屎 地烏桃 導河椽

集解 集解載、此係生於楓樹根部之一種茸類、但他樹根部亦生之、

本草綱目曰 豬苓生山谷、是木之餘氣所結、如松之餘氣結茯苓之義、他木皆有、楓木為多耳、其皮黑色、肉白而實者佳、以其黑似豬屎、故名、肉赤黑者、不可用、

形態 為不正圓塊、狀類豬屎、質輕、外皮黑色或深褐色、內部白色、

效能 專用作利尿藥、

【能】 苦、泄滯痰、利尿、甘助陽、入膀胱腎經、升而能開腠、發汗、利濕、行水、與茯苓同而不補、治傷寒、瀉疫、大熱、消渴、腫脹、淋濁、瀉痢、痰瘧、

小兒祕結、用豬苓末并雞子白、入水少許、煮凝使食、則能通利、孕婦腫滿、小便不通、微渴、用豬苓末、服方寸匙、白湯送下、日三服、

處方 配合猪苓之處方如左、

○猪苓散 治煩渴欲飲水、嘔吐、

白朮(二錢) 茯苓(二錢) 猪苓(三錢)

右水煎服、

○猪苓湯 治熱渴欲飲水、小便不利、脈浮者、

猪苓 澤瀉 滑石 阿膠 茯苓(各一兩)

右水煎服、

○治水腫方、

猪苓 澤瀉 神麩(細炒) 麥芽(炒至黑) 赤小豆(炒至黑)

右水煎服、或爲細末、白湯服下、此藥嚴忌一切海魚、溪魚、及鹹物、油氣類、

用法 用銅刀削去粗皮、浸米泔中使柔、剉晒乾用、

禁忌 忌火及鐵氣、

用量 八分至三錢、

茯苓

異名

伏靈 更生 松腹 雪腹 金翁 雲苓 兔絲 彤絲 不死麵 不死麵 萬年精 絳晨伏胎

產地

中國及日本之大和、和泉、紀伊、美濃、信濃等地方多產之。

基本

松樹截斷後、約經五六年、土中之松根、生出一種如菌蕈之物、即謂之茯苓、生於黑松之地者、名白茯苓、生於赤松之地者、名赤茯苓、其抱松根而生者、則名茯神、抱蕨根而生者、名蕨茯苓、

採收茯苓、自七月下旬、至來年三月止、山民用茯苓突、刺入截斷松樹近旁之土中、以探索茯苓、若覺有如芋塊之物、或出茯苓突、嗅之、覺帶有茯苓之臭氣者、依之發掘、每得茯苓、百不失一、茯苓突者、乃比鐵火箸稍粗之鐵棒也、

一端裝柄、作丁字式、茯苓掘出之後、先浸水中一宿、以小刀削去外皮、切成小片、陰乾、約六七日、包裹收貯。

形態 為大小不同之塊、大如兒頭、表皮極厚、擁腫如疣、乾則現黑褐色、而生細皺、內部為肉質粒狀、色白或淡紅、白者質堅實、名白茯苓、上品也、淡紅者質輕虛、名赤茯苓、品下矣、

成分 未經細加試驗、但其主要成分、則為匹克聖、

王煥文、依長井博士之指導、曾研究茯苓之成分、稱係含水炭素、並將其基本形態、舊時之學說、顯微鏡及化學上之檢查、報告學會、且刊入藥學雜誌第三百二十七號、

效能

中醫每與他種利尿藥配和，以治水腫、淋疾。

【能】 茯苓 甘溫，益脾，助陽，淡滲，利竅，除濕，色白入肺，瀉熱而下通膀胱，寧心，益氣，調榮理衛，定魄，安魂，治憂恚驚悸，心下結痛，寒熱煩滿，口舌乾燥，咳逆，嘔噦，膈中痰水，水腫淋瀝，泄瀉遺精，小便結者能通，多者能止，生津止渴，退熱，安胎，松根靈氣結成，以大如斗，色白堅實者良，去皮，乳拌蒸，白者入肺，膀胱，赤者入心，小腸，氣分，補心脾，白勝於赤，利濕熱，赤勝於白，惡白斂，畏地榆，秦艽，龜甲，雄黃，忌醋皮（物類相感志曰：服茯苓，勿食醋）專能行水，治水腫，膚脹。

伏神 主治略同茯苓，但茯苓入脾胃之用多，伏神入心之用多，開心益智，安魂養神，療風眩，心虛，多恚，健忘，即茯苓抱根生者，去皮及中木用，茯神心木，名黃松節，療諸筋攣縮，偏風，嗚邪，心掣，健忘。

關白茯苓入手太陰肺，足太陽膀胱二經，為氣分之藥，行水，益心脾，利小便，開腠理，生津液，除虛熱，濕勝則小便不利，此藥溫平而利竅，逐水去濕，其功甚大，關肺氣壯者，實熱也，脈強氣實，以茯苓滲其熱，故小便頻數自止，肺心虛而有心包之病者，虛熱也，其人必上熱下冷，脈虛而弱，以外陽之藥降火升水，亦得愈，小便頻數之症，下焦虛而熱，傳膀胱，火入水中而水不收，陽氣虛脫，肢冷脈遲，以溫熱之藥峻補下元，使兩腎水火相和，茯苓為淡滲之藥，陰虛者不可用。■此藥得甘草，防風，芍藥，麥門冬，療五臟，配車前子，白朮，治泄瀉，此通小便，堅大便之理也，與四君子湯，生中氣，心虛而怔忡者，用之最良。■入二陳湯，能去痰，熱自小便泄出，故濕氣皆用之。

■茯苓 氣味功能、大抵同茯苓、惟調補神氣之力、大於茯苓、驚恐健忘、皆心氣不足之故、茯苓治之、安神散妙香散之均用茯苓、卽此意也、■開心益智、養精神、安魂魄、■心下急痛、堅滿、兼小便不利者、用之有良效、■風證、眩暈、心虛怔忡者、此爲必需之藥、奏效如神、中風口噤亦用之、■茯苓亦利小便、心虛驚悸、兼有濕痰、寒心驚者、用之亦佳、惟津液燥者忌用、■自汗、尿數、目生翳者亦勿用、

【單方】 面生雀斑、白茯苓粉、蜜調、臨臥塗之、明晨洗去、兩星期雀斑自除、●夢遺、白茯苓末二錢、粥湯調服、●健忘、茯苓、遠志（甘草水浸）、石菖蒲等分、同研細末、服用、

處方 配合茯苓及茯苓之處方如左、

○茯苓湯 治痢後偏身浮腫、

茯苓 白朮 澤漆（各一兩） 防己 黃芩 射干 澤瀉 桑白皮（各三兩）

右每用五錢匕、先以水三盞、煮大豆一合、取二盞、去滓入藥、煎取一盞、分二服、

○茯苓湯 治痰飲、手足麻痺、多睡眩冒、

半夏 茯苓 橘皮（各一兩） 枳實 桔梗 甘草（各五錢）

右生薑七片、水煎服、

○茯苓圓 療心疾良驗、

辰砂 石菖蒲 人參 遠志 茯苓 真鐵粉 天南星 半夏麴(各等分)

右爲末、生薑汁和水煮糊、圓梧子大、別用朱砂爲衣乾之、每服十粒、加至三十粒、夜臥、生薑湯下、

○茯苓丸 嬰兒初出、惡穢入腹、腹滿氣短、不能飲乳、宜服之、

赤茯苓 川黃連 枳殼(各等分)

右爲末、煉圓梧子大、每一丸、乳汁調灌下、

○茯神散 治膽虛不得睡、神志不足、

茯神 柏子仁 酸棗仁 黃芪 人參(各一兩) 熟地黃 遠志 五味子(各五錢)

右水煎服、

○伏梁丸 治心積起於臍上、上至心、大如臂、或環臍而痛、

茯苓 厚朴 人參 枳殼 白朮 半夏 三稜(各等分)

右爲末、麵糊丸、

○赤茯苓飲 治小兒痰實壅悶、時復嘔吐、不欲乳食、

赤茯苓 朴消(各五錢) 甘草 陳皮 旋覆花(各一分) 生薑(蓮子大)

右水煎服、

○玄菟丹 治思慮太過、心腎虛損、真元不固、便溺餘瀝、白物夢遺、

茯苓(三兩) 兔絲子(五兩) 蓮肉(二兩) 五味子(二兩)

右酒糊丸、如梧子大、每服三十九丸、溫酒下、鹽湯亦可、

○五淋散 治膀胱有熱、水道不通、淋瀝不宣、出少起多、

茯苓(六兩) 當歸 甘草(各五兩) 芍藥 梔子(各二兩)

右水煎服、

○交感丹 治健忘、心竅鬱塞、

香附子(四兩) 茯苓(一兩) 乾薑(八錢)

右煉蜜製之、

○朱雀丸 治心神不定、事多健忘、心火不降、腎水不升、

茯神(一兩) 沈香(半兩)

右為末、煉蜜丸、

用法 有外皮者、剝淨細剉用、

用量 一錢至三錢、

滑石 Talcum. (拉) Talc. (英) Talk. (德)

異名 久冷 白滑 石液 石綾 利斂 冷石 (寒水石亦一名冷石) 其石 活石 斑石 液石 脫石

礮石 番石 白玉粉 白仲寧 立制石 (膽礮及礮石亦一名立制石) 雷河督子 畫石

產地 日本之石見、越前、越中、阿波、備前、伯耆、上野等處產此。

形態 多數為纖維狀、塊狀、粒狀、或葉狀、間有為斜方柱狀結晶體者、無色者少、多為青白、黃白、灰綠、或銀灰諸色、有脂肪狀或真珠狀光澤、質柔軟、硬度一〇、為岩石中硬度之最低者、比重為二・六至二・八、其面光滑如油、故名滑石。

滑石種類頗多、由其色澤、形狀、及品質等、而別為蠟石、溫石、凍石、石鹼石等、

第四版改正日本藥局方曰、滑石為微細粉碎之珪酸鎂、於指間捻之、覺如脂肪、不溶於水及酒精、

成分 主成分為含水珪酸鎂、此外含有少許雜物、

效能 中醫用作淋疾要藥、或治黃疸、水腫、吐血、衄血、金瘡等、

【能】 滑、利竅、淡濕、甘益氣、補脾胃、寒瀉熱、降心火、色白入肺、上開腠理而發表、下走膀胱而行水、通六府九竅、津液、為足太陽經本藥、治中暑、積熱、嘔吐、煩渴、黃疸、水腫、脚氣、淋閉、吐衄、諸瘡腫毒、

【單方】 淋疾用滑石、甘草爲末、白湯服下、●瘡瘡用滑石五分、綠豆四錢、調水貼之佳、●孕婦大小便不通、用滑石、水調化、塗於臍臍二寸下、

處方

配合滑石之處方如左、

○六一散 治傷寒中暑、表裏俱熱、煩躁口渴、小便不通、瀉利熱痞、霍亂吐瀉、下乳滑胎、解酒食毒、主石淋、

滑石（六兩） 甘草（一兩）

右爲末、冷水或燈心湯調下、

○滑石散 治女勞疽、又治濕疽、

滑石（二兩半） 白礬（一兩）

右爲末、每服二錢、用大麥粥飲調下、

○天水散 治痘乾燥而痛、

白滑石（四兩） 甘草（一兩）

右爲細末、白湯調服、或用塗痘子甚佳、以蜜水調刷之、

用法

碎爲粉、入牡丹皮、袞熱一晝夜、次水飛用、或卽水飛用、（以葶石爲使、）

用量

一錢至四錢、

防己

異名 解離 石解 房苑 房慈 載君行

基本 防己有二種、一爲漢防己、一爲木防己、藥舖所售者、多以防己科植物木防己 *Cocculus Thunbergii* D. C. 之根名漢防己、其蔓莖則名木防己、一說木防己即用木防己蔓莖、漢防己則用防己科條防己 *Menispermum diversifolium*, miq. 之根云。

木防己爲山野自生之蔓草、蔓莖細小而頗長、呈綠色、稍作木質狀、葉互生、作心臟形、夏月於葉腋叢生淡綠色小花、雌雄異株、後結圓形實、作青黑色、大三分許、

漢防己（瓜防己）日本不產、

防己之名、喻世之勇健者、幸災樂禍、好亂成性、但善用之、則可防敵、故名、

形態 漢防己爲粗根、處處有肉塊、外部白色、內部黃色、類桔梗根、皮部在直徑六分之一處、內有黑紋、以白色輕虛者爲良品、木防己爲蔓莖、外皮灰褐色、內部污白色、有氣孔、吹其一端、則氣從他端出、如木通、

效能 防己二種俱有利尿功效、用於水腫及淋疾等、

【能】 大辛苦寒、太陽經藥、（膀胱）能行十二經、通腠理、利九竅、瀉下焦血中濕熱、爲療風水之要藥、凡使酒洗、

惡細辛、畏葶藶、

處方 配合防己之處方如左、

○防己湯 治風濕多汗、

防己 黃耆 白朮 生薑(各四錢) 人參 甘草(各一錢)
右水煎溫服、

○防己散 治妊孕腫滿、喘咳、小便不利、

防己(一錢) 桑白皮 茯苓 紫蘇(各二錢) 木香(五分)
右水煎溫服、

○防己飲 治脾虛、遍身浮腫、

防己(大) 桑白皮 紫蘇 芍藥(各中) 木香(小)
右水煎溫服、

○防己茯苓湯 治四肢浮腫、水氣在皮膚、

防己(二錢) 黃耆 桂皮(各三兩) 甘草(二兩) 茯苓(六兩)
右水煎溫服、

用法 防已於舊曆二八月採取浸米泔中、或浸酒中、去皮、剉細用、

禁忌 解雄黃毒、惡細辛、畏草薢、女苑、

用口量 五分至一錢五分、

木通

異名 附支 通草 倚商 蒿藤 丁午藤 附通子 萬年藤 出樣珊瑚

基本 屬木通科、此其蔓莖也、


木通爲落葉蔓性灌木、自生山野、枝梢延長、纏絡他樹而繁茂、葉爲掌狀複葉、由小葉五片而成、皆互生、小葉有柄、全緣爲橢圓形、花皆單性、四五月間、新葉初生、並抽花梗、雄花十餘朵、如穗而下垂、花被三片、形亦橢圓、末端帶尖、邊緣微向內卷、作淡紫色、雌花之花梗尤長、簇生二三朵、其大倍於雄花、花被亦較雄花爲厚、內凹而微有皺襞、作深紫色、果實爲漿果、作長橢圓形、長二三寸、熟則變淡紫色、縱裂而現白瓢、味甘美、小兒喜生啖之、種子色黑、細小如球、

三葉木通、亦爲落葉蔓性灌木、自生於山野之間、葉爲掌狀複葉、由小葉三片而成、小葉形卵圓、或廣卵圓、邊緣多粗鋸齒、花與木通相似、雄花花被三片、形橢圓、末端尖、邊稍內卷、色深紫、雌花大於雄花、殆及四倍、果實爲漿果、作

長橢圓形，長可三寸，熟則變紫紅色，果皮頗厚，縱裂而現白瓢，種子色黑，形卵圓。

野木通爲常綠蔓性灌木，多自生山中，庭園亦栽種之，以供賞玩，葉爲掌狀複葉，小葉嫩時，祇有三葉，漸長漸多，而五葉，而七葉，故又有七五三蔓草之名，小葉質似革，形橢圓，而平滑，背現淡色，有網紋，殊美觀，花亦爲單性，雌雄兩花，色白或淡紅，形狀大小俱相同，果實爲漿果，形長圓，長二三寸，熟則變深紫色，果皮厚，縱裂現白瓢，種子色黑，形圓，有光澤。

本草綱目啓蒙曰：通草，山野多有之，葉作長橢圓形，往往五葉一處攢集，其五葉中，大者四五寸，小者以次遞減，大抵舊蔓葉大，新蔓葉小，皆互生，四月，嫩葉間生細枝，更分小枝，花開其間，花大四五分，有淡紫碧色與白色二種，其花朵皆下垂，花瓣三片，間雜生大花，亦三瓣，作深紫碧色，後結實，形似瓜，徑一寸，長二寸餘，藥舖呼爲肉袋子，惟此非老不結實，實皮厚肉白，核深黑，有光，採此蔓莖入藥用，卽名木通，切之成片，有車輻紋，取蔓莖一段，自此端吹之，氣透彼端者，真品也，外來者多攙入葡萄根，物理小識曰：淮木通，能行氣，色似沈香，有車輻紋，川木通，色白，止通小便，僞者乃葡萄藤也。○三葉木通，葉如大豆葉，別一種，有粗鋸齒，更有似五葉木通而大，經久不凋，救荒本草所謂野木瓜是也。

爲似樺之藤，外皮作灰褐色，中有無數細孔管，故吸此一端，外氣卽自彼端吸入，橫切而視其斷面，則見有車輻狀之紋理，味苦，藥用以肥大堅實白色者爲良。

古方藥品考曰 通草卽今木通、有兩種、外來之一種、皮粗而厚、色黃褐、徑寸許、細者似黃芪、入藥須選肉黃白、有車輻紋、味苦者爲佳、本國產者、形如防己、皮灰色、截之作菊花紋、肉褐色、味微苦、可用、後世方書中所稱通草、乃通脫木也。

效能 用爲利水藥

古方藥品考曰 通草開竅、通利水道、○本經曰、通草味辛平、主除脾胃寒熱、通利九竅、血脈、關節、○按其莖有細孔、能通水氣、其味苦降、故能開九竅、通利尿道、以治淋瀝、及小便不利等。

【能】 甘淡輕虛、上通心包、降心火、清肺熱、（心火降則肺熱清、）化津液、（肺爲水源、肺熱清則津液化、水道通、）下通大小腸、膀胱、導諸濕熱由小便出、（故導赤散用之、凡利小便者、多不利大便、以小便愈通、大便愈燥也、木通能入大腸、亦利大便、）通利九竅、血脈、關節、治胸中煩熱、遍身拘痛、（楊仁齋云、遍身隱熱、疼痛拘急、足冷、皆伏熱傷血、血屬於心、宜木通、以通心竅、則經絡流行也、）大渴引飲、（中焦火、）淋瀝不通、（下焦火、心與小腸相表裏、心移熱小腸、則淋祕、）耳聾、（漏腎火、通竅、）目眩、口燥、舌乾、（舌爲心苗、）喉痺、咽痛、（俱上焦火、）鼻淵、（音甕、鼻塞也、熱擁清風、則氣不宣通、）失音、（能清肺金、）脾疰、好眠、（脾主四肢、倦則好眠、心爲脾母、心熱清則脾熱亦除、）除煩、退熱、排膿、止痛、行經、下乳、（火不亢於內、氣順血行、故經調有準、乳汁循常、）通竅、催生、汗多者禁用、（丹溪曰、肺受熱邪、津液氣化之源絕、則寒水斷流、膀胱受濕熱、癰閉約束、則小便不通、宜此治之、膀胱爲太

陽寒水、朱二允曰、火在上則口燥眼赤鼻乾、在中則心煩嘔噦浮腫、在下則淋閉足腫、必藉此甘平之性、瀉諸經之火、火退則小便自利、便利則諸經火邪、皆從小便而下降矣、○君火宜木通、相火宜澤瀉、利水雖同、所用各別、○藤有細孔、兩頭皆通、

■利小便、治五淋、瀉肺、退熱、下乳、催生、色白、氣寒味淡而輕浮、入太陰肺經、引熱下降、利小便、又入陽明胃經、通氣上達、下乳汁、

處方 配合木通之處方如左、

○木通散 治妊娠四肢浮腫、或遍身面目俱浮、謂之子腫、

白朮 木香 檳榔 紫蘇 枳殼 茯苓(各五分) 木通 黃芩(各八分)

右生薑二片、水煎服、

○木通散 治脅肋苦痛、并小腹牽引痛者、皆主之、

木通 青皮 川棟子(去皮核各一兩)

以上三味、用巴豆半兩炒黃、去巴豆不用、

茴香(炒三兩) 蘿蔔子(炒一兩) 莪朮 木香 滑石(各五錢)

右爲末、葱白煎湯、調下三錢、一服愈、甚者不過再服、

○木通散 治小便不通、小腹痛不可忍、

木通 滑石(各一兩) 黑牽牛(頭末五錢)

右燈芯十莖、葱白一個、水煎服、

○萬全木通散 治膀胱有熱、小便難而黃、

滑石(二錢) 木通 茯苓 車前子 瞿麥(各一錢)

右水煎服、

○通苓散 治腫滿、口燥咽乾、小便絕少、又分利水穀、解煩熱、止泄瀉、

豬苓 白朮 澤瀉 茯苓 車前 木通 茵陳 瞿麥

右燈心、麥冬、水煎服、

用法 去粗皮並節、剉焙用、

用量 七分至二錢、

地膚子 Broom seed. (英)

異名 地葵 地麥 落蒂 獨蒂 王蒂 掃蒂 王簪 唐攝 益明(菟蔚亦一名益明) 千頭草 漑衣草

鴨舌草 白地芎 掃帚菜 千心子 妓女子 千心妓女 鉄掃帚子 略本草子 白地草子 落帚莓

其本 係屬藜科地膚 *Kochia scoporia, schrad.* 之子實、陰曆十月採取晒乾、

地膚為一年生草、或自生、或栽植、莖高四五尺、分枝多枝、葉互生、作深綠色披針形、有毛茸、夏月於葉腋開小黃白色花、後結青白色之實、形如蠶砂、味甘苦、

效能 用作利尿藥、

【能】 甘苦、氣寒、強陰益精、入膀胱、除虛熱、利小便而通淋、洗眼、除雀盲澀痛、

【單方】 雀盲、煎地膚子洗之、●淋疾、搗葉服其汁、或取一把、水煎服亦可、●有利尿之效、故亦用於腳氣症、

處方 配合地膚子之處方如左、

○快行散 治淋疾、

地膚子 紅花 木通 蠶沙(各等分)

右水煎、

用法 水洗去砂、浸酒焙、

用量 五分至一錢五分、

蝸牛 Snail (英) Schnecke (德)

形

山蝸 瓜牛 寄居 海羊 書梁 蚶贏 保果 蝸蟲 蝸舍 蝸贏 蟻蝸 篆壁 蝨牛 土牛兒
水蜒蚰 草螺子 野螺蚶 都馬蛇 篆愁君

其

係屬腹足類之蝸牛, *Helix peliomphala, Pfeif.*

蝸牛為軟體動物、種類頗多、冬季蟄伏石間或土中、以避寒氣、性好陰地、春暖降雨、則匍匐而出、昇草木、食新葉、天晴、則隱於葉下、狀如扁螺、其螺旋狀介殼呈淡褐色、薄而易碎、體類蛞蝓、雌雄同體、腹面作扁平灰褐色、能分泌粘液、有四觸角、其中二個頗長、尖頭有眼、口作半月形、行時出殼而負殼、為物所驚、則首尾俱藏殼中、

效

治小便不通、及痔漏、脫肛等、

【能】 治小便不通者、搗之貼臍下、以手磨之、(加麝香少許更妙) 又治脫肛、(虛冷每因大便脫肛) 用蝸牛燒灰、豬油和敷、立縮、

【單方】 痔疾脫肛、疼痛甚烈、用蝸牛搗爛貼之、痛即止、●疔瘡、以針刺孔、用蝸牛連殼同搗爛、如泥貼之、佳、●小便頓閉不通、小腹堅滿、亂取蝸牛搗爛、攤紙上、貼臍下、用手徐徐按摩向下、●蜈蚣咬傷、取蝸牛汁塗咬處、

處

配合蝸牛之處方如左、

○蝸牛膏 治痔漏、敷痔上、痛止腫消、

蝸牛(一錢) 片腦 麝香(各少許)

右搗爛取汁、

海金砂

異名 竹園葵

基木 即屬海金砂科、此用其葉背之孢子、

海金砂生於山野、為多年生羊齒類、春日從宿根生苗、及長則成莖莖、質硬而有光澤、纏繞他物、長達數尺、葉為分裂之複葉、梢頭小葉類葱、葉背之邊緣、皆皺作卷狀、中並列子囊、一端稍作帽狀、孢子為可動性輕粉末、呈黃褐色、逢火則燃燒如石松子、秋季取梢葉、於紙上晒乾、則子囊落集其上、謂之海金砂、供藥用、

效能 用作鎮靜及利尿藥、其功效與石松子相同、

【能】 甘寒淡滲、除小腸膀胱血分濕熱、腫滿、五淋、莖痛、又治傷寒、熱狂、通小便、

【處方】 配合海金砂之處方如左、

○三神散 治諸淋急痛、

海金砂（一錢半） 滑石（二錢）

右末、每服二錢半、多用燈心、木通、麥門冬、新水煎、入蜜調服、

○海金砂散 治諸淋澀痛、

海金砂 桂皮 甘草（各二錢） 茯苓 猪苓 白朮 芍藥（各三錢） 滑石（七錢） 石葦（一錢） 澤

瀉（五錢） 燈心（三十莖）

右水煎服、

用量 八分至二錢、

榆白皮

基本

屬於榆科之春榆、於陰曆二月中、剝其老幹及嫩枝之樹皮、將內皮晒乾、以供藥用、

春榆爲落葉喬木、多生於寒濕之地、老樹幹高十丈、周圍可一丈五尺、小樹之分枝向上、大樹則下垂、葉互生、作橢圓或倒卵圓形、末端尖、底部狹窄如楔、邊緣有重鋸齒、大葉長三寸半、闊二寸半、面深綠、背淡綠、脈上有細軟毛、花先新葉而開、大約三四月間、已簇生暗紫綠色之小花、花冠作鐘形、邊緣有四裂至八裂、單性花及兩性花俱有之、果實扁圓、大三四分、有似膜之翅、中藏扁平之種子、

形態 榆樹之內皮、色白、作扁平之長片、味帶收斂性、

效能 中醫用爲利水及祛痰藥、

【能】 甘滑下降、入大小腸膀胱經、通二便、利諸竅、行經脈、滲濕熱、滑胎、產下有形留著之物、治五淋、腫滿、喘嗽、失眠、（嵇康養生論榆令人瞑、）消赤腫、妬乳、（和陳醋滓調、日六七易效、）十劑曰、滑可去著、冬麥子、榆白皮之屬是也、○有赤白二種、采皮爲麵、荒年可作糧食、香劑以之調和、粘滑勝于膠漆、去粗皮、取白用、

■入手足太陽、（小腸膀胱）手陽明（大腸）三經、其性滑利下行、通小便、滲濕熱、五淋、腫滿、喘嗽不臥、產前產後諸症、俱良、■氣旺而寒者、善利竅開滯、惟胃寒虛症、用之則洩元氣、

用法 去粗皮、剉焙用、

用量 五分至錢半、

備考 荷蘭藥鏡云、春日採榆樹細枝、去外面之粗皮、用裏面之白皮、惟過於細嫩之梢枝無效、藥舖清雅云、進口貨之榆白皮、非純白皮、乃連外皮售之、【功效】皮性收澇、爲愈瘡、發汗之良藥、凡疥癬、乾癬等不甚經久之症、並一切皮膚病、用之極有神效、或異常頑惡險重之疥癬、雖用水銀劑及吐涎法而不治者、用此則愈、方用榆皮八益斯、水四磅、煎至減半、去滓、每日早晚服八益斯、連服數日、煎時須慢火久熬、令不甚稠粘、名榆皮排毒煎、某醫云、患乾癬、頑癬、禿瘡、惡毒頭瘡、雁瘡等經久之頑固皮膚病、用對症之藥劑不驗、施水銀吐涎法不治者、改用此藥、無不有效、已治愈

者、難便指算、予用此方、略有加減、方用榆白皮四盎斯、水四磅、煎至減半、令服、但服後往往大便祕結、故時時兼用緩下劑、又此藥煎濃、則藥汁稠粘、味惡難服、須如前述、則稍帶收斂之味已耳、若製成越幾斯劑、收瀉極甚、○服此藥而奏效者、初時瘡反加甚、須久服乃逐漸乾愈、世人每求速效、故旋服旋輟、果能持之以恆、耐心守候、則無不應驗、如神、惟受毒已深者、即幸而治愈、終恐復發、防遏之法、宜每逢春秋、連服前方數日、庶其毒可除淨也、

王瓜 *Snake-gourd.* (英)

異名 土瓜 玉章 釣瓢 公公鬚 赤菴子 馬兜子 老鴉瓜 (鴉喜吃王瓜因名老鴉瓜) 野甜瓜 新

羅葛 黃 師古草

基本 係屬葫蘆科王瓜 *Trichosanthes cucureroidea, maxim.* 之根、

王瓜爲平野自生之宿根草、春日從宿根發芽、葉互生、作心臟形、有三五淺裂、邊緣有鋸齒、面粗糙、有毛刺、每葉間有卷鬚、攀登他物而生、夏月於葉腋開白色單性花、雌雄異株、花冠白色、下部作筒狀、上部五裂、其邊緣分裂、如白髮之散亂、花後結長二寸許之橢圓形實、初綠色、霜後變成美麗之紅色、其根附有長塊根、

效能 根治婦人血道諸症、(子宮及陰戶粘膜炎等) 又時時小便者、服少許、實搗爲末、入糖袋、用洗皮膚、

【能】 苦寒小毒、治消渴、瘀血、月閉、帶下、乳汁不下、小便數不禁、又能利大小便、

用量 七分至二錢、

石韋

異名 石皮 石櫛 石蘭

基本 此即屬於石韋科、秋間採其葉、莖、陰乾入藥、

石韋為多年生常綠之羊齒植物、自生於山中之石上、及陰濕之地、亦有因賞玩而種之者、莖間密生茶褐色之鱗片、依次匍匐、葉柄長三四寸至七八寸、葉作長橢圓形、或廣披針形、長五六寸至尺許、質厚如革、故有石韋之名、面色深綠、背淡褐、或深褐、密布似粒之小囊羣、

效能 用為利尿藥、

古方藥品考曰 石韋熱消、通利尿道、○本經曰、石韋味苦平、主勞熱邪氣、五癰閉不通、利小便水道、（癰音隆、小便不利也、）○按其性生幽谷石上、味淡澁下降、故用此則邪熱消散、能通利水道、

【能】 苦甘微寒、清肺金以滋化源、（凡行水之藥、必皆能先清肺火、）通膀胱而利水道、益精氣、補五勞、（利濕清熱之功、）治勞熱、淋閉、崩漏、癰疽、（炒末、冷酒調服、）○生石陰處、柔韌如皮、背有黃毛、去淨毛、微炙用、杏仁、滑石、射干為使、得菖蒲良、

■通利小便、五淋用之、■下氣、止崩漏、■與滑石等分爲末、善治小便之淋痛、■與車前子等分、食前煎服、治轉胞、
■崩漏、爲末三錢、溫酒服、有奇效、■與檳榔等分爲末、生薑湯下、止氣熱咳嗽、■炒末、冷酒服、治發背、

處方

配合石韋之處方如左、

○石韋散 治腎氣不足、膀胱有熱、水道不通、淋瀝不宜、臍腹急痛、蓄作有時、勞倦即發、或尿如豆汁、或便出砂石、並皆治之、

木通(剉) 石韋(去毛各二兩) 滑石 白朮 瞿麥 芍藥 葵子(各三兩) 當歸(去蘆) 甘草(炙)

王不留行(各一兩)

右爲細末、每服二錢、小麥湯調下、食前、日二三服、

用法

去葉背子囊、微炙用、

用量

五分至錢半、

堇花

異名

黃堇花

基本

堇花屬瑞香科、入藥用其花、摘下陰乾、備用、

蕤花爲落葉小灌木、山地自生之植物也、高三四尺、其樹皮爲製紙之原料、故暖地亦栽種之、春季發芽、葉爲橢圓形、末端尖銳、長五六分至寸許、枝葉皆對生、入秋、枝梢與葉腋之間、俱抽花梗、開黃色四瓣之花、其狀如筒、長二分許、

效能 用爲水腫及祛痰藥、

古方藥品考曰 蕤花利水、與芫花無異、○本經曰、蕤花味苦辛寒、主傷寒、溫瘧、下十二水、破積聚、瀉滌腸胃中溜癖、○按其味甘辛、利水之功、一如芫花、○蕤花形如芫花而小、色黃者是、又有白花者、藥舖無此、可以芫花代用、

【能】 辛散結、苦洩熱、行水捷藥、主治略同芫花、

用量 五分至錢半、

枳椇

異名 木蜜 木錫 石李 白寶 棋子 枳椇 枸子 枳棗 枳棋 兼句 棘狗 爛瓜 爛構 木屈律

木珊瑚 白石木 白石梨 交加枝 曲枝果 枝矩子 金鈞子 金鈞梨 金雞爪 皆棋子 梨棗樹

曹公爪 結留子 蜜屈立 雞爪子 雞杓子 雞距子 雞橘子 癩漢指頭

其木 此樹屬鼠李科、入藥用其果實、

枳椇爲山野自生之落葉喬木、老樹幹高二三丈、周圍六尺餘、樹皮粗糙如鱗、春日發生新葉、爲廣卵圓形、長三四寸許、邊緣有鋸齒、作暗綠色、自其基部出三大脈、有柄互生、夏月、枝梢開五瓣白花、花梗肥大屈曲、花皆簇生、果實形圓、秋則成熟、爲紫褐色、果梗變成肉狀、亦作紫褐色、味甘可食、

形態 果梗似雞爪、振轉成肉質狀、色紫褐、味甘、氣如梨子、其上端結實、形圓、大如豆、色紫褐、有光澤、中藏子三粒、子圓或廣橢圓、成於革質、胚乳爲肉質、子葉圓、幼根短、

效能 用爲利尿藥、

【能】 甘平、止渴、除煩、去膈上熱、潤五臟、利大小便、功用同蜂蜜、能解酒毒、

【單方】 酒醉不醒、枳椇煎汁服、立解、

用品 五分至錢半、

馬蘭子

異名 馬棟 蠶寶 劇草 豕首 旱蒲 荔實 三堅 馬帚 馬雍 鐵掃帚

基本 係屬薔尾科馬蘭 *Iris ensata*, Thunb, var. *chinensis*, Maxim. 之種子、

馬蘭爲山野自生之宿根草、園圃亦栽植之、春末自宿根叢生數十葉、高二三尺、葉細厚旋捲、類溪蓀葉、故有捲溪

效能 蓀之名、四五月間抽莖、梢上開紫碧色、類似溪蓀之六瓣花、後結莢實、中有帶赤色小扁子、謂之馬蘭子、供藥用、
本草綱目曰、能治寒疝諸疾、皮膚寒熱、利大小便、金瘡、產後血運良、消一切瘡癤、止吐衄、消酒毒、

澤蘭

異名 水香 風藥 虎蒲 虎蘭 龍棗 九晚菜

基本 係屬菊科澤蘭 *Eupatorium Kirilowii, Turcz* 之莖莖、

澤蘭為草本植物、生於溪澗或濕地、春季抽方莖、高二三尺、呈紫赤色、葉類薄荷葉、枝節對生四葉、秋季開白色或淡紫色花、根（地筍）為紫黑色、

效能 中醫用為婦人藥、又用於水腫、

【能】 苦泄熱、甘和血、辛散鬱、香舒脾、入足太陰厥陰經、調月經、散水腫、

用法 陰曆三月採葉莖陰乾、剉用、

澤漆

異名 五鳳草 漆莖 綠葉綠花草

基本 係屬大戟科澤漆 *Euphorbia helioscopia* L. 之莖莖、

澤漆爲草本植物、路旁濕地、往往自生、莖高尺許、有白汁、葉互生、作倒卵圓形、類馬齒莧、五月間、於莖端對生五葉、分五枝、開淡綠色四瓣小花、狀類燭臺、故俗呼爲燈臺草、（有毒植物）

效能 用作水腫藥、其莖汁有除疣功效云、

【能】 辛苦微寒、消痰、退熱、止嗽、殺蟲、利大小腸、治大腸水腫、益丈夫陰氣、

用量 三分至一錢、

淡竹葉

基本 係屬禾本科淡竹 *Lophatherum elatum* Zoll. 之葉、又有用根（碎骨子）者、

古方書所載之淡竹葉、係 *Walghee* 之葉、

淡竹爲生於山野路傍之草本植物、春月從宿根生苗、初時類竹、莖高達二三尺、葉互生、似竹葉、作廣披針形、前端尖、闊一寸許、長六七寸、花爲粗大穗狀花、開於梢上、根爲纖維狀、附生如麥門冬之堅球根、

效能 用作利水藥、

【能】 苦寒、去煩熱、利小便、清心根、墮胎、催生、

用量 一錢至三錢、

大腹皮

Cortex semen arecae. (拉) Areca
nut bare. (英) Arekanusseschale. (德)

異名 腹皮 草東床

基本 係屬棕櫚科檳榔類 Areca Dicksonii, Roxb, Pinanga Dicsonii, Bl. 之子皮、

子實謂之大腹子、(大伏子、豬檳榔) 與子皮同供藥用、

形態 子實酷類檳榔子、但扁圓而大、子皮外部呈褐黑色、內部有筋絲網羅、其狀類椰子皮、

效能 中醫用於霍亂、中暑、又治水腫、

【能】 辛微溫無毒、主治和脾、下氣、行水、通大小腸、治水腫、脚氣、痞張痰痛、瘰癧、霍亂、○氣虛者忌用、

用法 先浸醇酒、洗淨、次浸黑豆煎汁、洗淨晒乾、剉用、

禁忌 忌火、

用量 五分至一錢五分、

烏臼

異名 烏柏 鷓舅

基本 係屬大戟科烏曰 *Sapium sebiferum*, Roxb. 之根皮、

烏曰為暖地所產之落葉喬木、高一丈至三丈餘、葉互生、作廣卵圓形、前端尖、夏月於梢上生花穗、綴黃色單性小花、秋末、結長三四寸黑褐色扁圓形之實、表面被有白粉、中藏三子、如豆大、皮部含有多量脂肪、採其根皮供藥用、
柏油、為榨種子所得之脂肪油、氣味甘涼無毒、塗髮變白為黑、服一合、令人下痢、去陰、下水氣、炒子作湯亦可、療一切腫毒瘡疥、

烏曰實、可採蠟、

效能 用作利水劑、

【能】 苦涼、性沈而降、利水道、功勝大戟、解砒石毒、

用量 五分至一錢五分、

螻蛄 *Mole cricket*. (英)

異名 螻蛄 蟪蛄 梧鼠 石鼠 仙蛄 砧鼠 土駒 土狗蟪

基本 即屬直翅類中蟋蟀科之螻蛄、*Gryllotalpa*. Sp.

螻蛄爲有害植物之昆蟲、作巢於枯死植物之根間、全身黑褐色、長一寸許、形似螻、首圓而長、其翅雄長雌短、不能高飛、雄者喜撲燈火、雌者則否、夏秋善鳴、入冬棲息土中、掘土而行、頗爲捷速、此蟲於七月上旬產卵土中、多至二百顆、同月中旬孵化、至翌年四五五月間、已全長成、

效能

有利尿功效、又竹木刺入肉體、日本民間恆取螻蛄搗敷患處、

【能】 鹹寒有毒、利大小便、通石淋、除水腫、甚效、但其性急、虛人戒之、

貝甲

異名

貝香

基本

部屬腹脚類田螺 *Paludina japonica, mart.* 之殼、

田螺產於水田池沼、可供食品、狀類陀螺、長一寸許、殼薄、呈青黑色、頭黑身白、殼口有黃褐色圓形薄片、即鑿、謂之

貝甲、

效能

有利尿作用、又將貝甲投火中、則發出一種芳香、故亦用於配合香藥、

【單方】 田螺（甘大寒）煮食、通大小便、治浮腫、搗爛貼臍亦佳、取汁捺痔瘡、腋臭、燒研治癩癬癩瘡、●長途行

人、田螺煮乾貯之、每食一個、則令不中異鄉水毒、●田螺搗爛、用作眼疾點劑、

旋花

異名

美草 筋根 天劍草 打碗花 狗兒釋 掩腸草 掛金燈 續筋根 鼓子花（花形似中國古代軍

用之鼓故名） 牽枝牡丹

基本

此即屬旋花科，以其莖葉花根，作藥材用。

旋花為多年生蔓性草本，多自生於原野道旁，莖細長，左旋纏繞他物而成長，葉為箭狀，又似戟，長二三寸，中片特長，末端稍凸而尖，其側片則極短，具長葉柄，皆互生，盛夏葉腋開合瓣花，色淡紅，狀似喇叭，類牽牛花而小，朝開暮謝，果實為扁平之蒴果，內分三室，室藏種子數粒，根色白，細如筋，雖寸寸切斷，仍能生長為一體，其繁殖力頗強也。

效能

用為利尿藥。

【能】甘滑微苦，益氣，利小便，久服續筋骨，合金瘡。

用量

五分至錢半。

羅漢柏

基本

係屬松杉科羅漢柏 *Trochodendron dolabata*, S. et Z. 之葉。

羅漢柏為常綠樹、生於深山陰濕之地、幹高達十丈餘、徑達二尺餘、葉類檜葉、作鱗片狀、但粗大、表面呈深綠色、裏面類白色、花為單性花、果實作球形、

效能 為民間藥、用於黃疸有效云、

用法 採葉曬乾、作煎藥用、

用量 二錢至四錢、

山扁豆

基本 此為屬於荳科山扁豆之葉莖、

山扁豆為一年生草本、常自生於田畔路旁、莖高一二尺、葉互生、由多數小葉而成偶數之羽狀複葉、夏秋之間、腋有梗、開黃色五瓣之假蝶形花、果實為莢果、長寸許、形扁平、中藏多數褐色之種子、別有名合萌者、與前種頗相似、惟莖中空、稍柔軟、莢實中所藏之子、粒粒隆起、而且有節、此其異耳、

效能 有利尿之效、單方多用以治脚氣、脹滿、水腫、及消化不良等症、

用法 採葉莖、烘焙如茶用、

用量 藥五錢、入水二合、煎至一合、一日分兩三次服、

芭蕉

異名 芭苴 天苴 板蕉 甘蕉 牙蕉 膽瓶蕉 無耳聞雪

基本 係屬芭蕉科芭蕉 *Musa Basjoo*, Sieb. 之葉莖及根、

芭蕉爲多年生草、熱帶地方、最爲繁衍、莖軟虛如芋莖、高至五六尺、葉作長橢圓形、長丈餘、闊一二尺、中肋兩側有並行脈、受風輒裂、花蕾類蓮華、呈黃白色、以長莖下垂、果實爲肉質、作五稜、熟時味類葡萄、可供食、每開花後、葉莖俱枯死、傍生小苗、根形似芋魁、類青色、芭蕉隔數年而開花、故有優曇華之名、

效能 用作水腫藥、

【能】 葉、主治腫毒初發、研末和生薑汁塗之、

第五章 收斂藥

五倍子 *Gallae japonicus*. (拉) *Japanese Natgalls*. (英)
japonische Gallaeapfel. (德)

異名 文蛤 法釀 川文蛤 五去風 五倍子 五構子 百蟲倉

基本 屬於漆樹科之鹽膚木，其葉柄或嫩葉，為一種昆蟲所刺傷，因之該部逐漸膨大而成蟲癭，此即五倍子也。

鹽膚木為落葉喬木，產於溫帶及輕寒地方，山野自生之，經五十年者，樹幹高至二丈餘，圍三尺，老樹高三丈餘，圍四尺，樹皮色淡褐，平滑而有光澤，葉為奇數之羽狀複葉，長尺許，有葉柄，每柄生小葉四對至九對，小葉無柄，形卵圓，長二三寸，葉端尖，邊緣有鋸齒，面色綠，有微毛，背淡綠，短毛密生，至秋則變淡紅色，甚美觀，七八月間，開白色五瓣小花，綴成複總狀之花序，穗長可尺許，果實為扁圓形之核果，長二分許，成熟則現淡紫色，外被白粉，其味鹹，村童因呼為鹹果，（鹽膚木，一名鹽麵木，又名白膠木，亦稱將軍木，其五倍子一名鹽膚子，因其子實之外面，生有白粉一層，有鹽味，故名，亦有略去鹽字，但稱膚子者，與外國產沒食子，似頗相類。）

昆蟲刺傷鹽膚木之葉柄或嫩枝，漸次起瘤而生五倍子，此五倍子中有蟲，蟲出則五倍子自然枯死，其效力即有減損之虞，以此欲採收者，必須在蟲未出之前，其時期隨地氣而異，大約在九十月間，若在日本之秩父地方，可採至二百十日，此瘦瘤採集之後，即投熱水中，殺其蟲，俟蟲盡死，取出，連晒三四日，令乾，收貯備用，或蒸熱殺蟲，晒乾，然據理學博士白井光太郎云，嚮來我國將五倍子蒸殺，及熱湯浸殺之法，均不免減損有效成分，不如用火焙殺蟲之法，較為有利無弊，讀中國甯鄉縣志，有云五倍子，即五倍子之義，知中國亦以火製之也，醫藥家苟能確實試驗，以比較其優劣，則利益之溥，可斷言矣。

形態 五倍子之形狀、爲不整齊之瘦塊、或似菱、或分歧作裂瓣、色灰褐、小者祇四分、大者可二寸、皮厚三釐至半分、堅脆如角質、破碎而光澤者玻璃、外有灰白如絲之毛被、且有穴孔、爲蟲脫出之口、中係空洞、藏有灰白色之粉質、與已死之蟲、具一種特異之臭、味澀、收斂性極強、

歐美各國所用含單寧之生藥、爲沒食子、*Galae*。日本因產生含有單寧極多之五倍子、故日本藥局方素採用五倍子、而不用沒食子、錄其大略如左、

五倍子 *Galae* 因蚜蟲 (*Schlechtendalia chinensis*, J. Bell.) 刺傷鹽膚木 (*Rhus javanica*, L.) 之葉、而生囊狀之贅瘤也、人乃採收而利用之、此藥爲不整齊之瘦瘤塊、往往分歧而成裂瓣、粗一仙米至六仙米、皮堅脆似角質、帶灰褐色、覆以帶灰白色之毛被、光若絹絲、中空、藏灰白色之粉質、及蚜蟲、味極有收斂性、

品類 市上販賣者、有耳膚子與花膚子二種、耳膚子又稱團子膚子、爲總葉柄之兩側、與小葉間所生之瘦瘤、狀如菱殼、往往三分五裂、粗大者爲多、皮厚質重、含單寧極多、花膚子乃生於枝間及小葉上、非生於葉柄上、薄而瘠、如花瓣分裂、有若海藻、皮薄質輕、含單寧頗少、故價值低廉、但依白井博士之說、則謂此藥之貴賤、不在外形而在蚜蟲、以蚜蟲有不同耳、

成分 百分中含有單甯酸六十至七十七分之多、餘則爲樹脂、脂肪、糖分、護謨、越幾斯質等、

效能 用以止血、收斂、庇覆及制酵、

【能】 酸鹹、其性瀉、能斂肺、其氣寒、能降火、生津化痰、止咳、止血、斂汗、解酒、療泄痢、五痔、下血、脫肛、膿水濕爛、子腸墜下、散熱毒、消目腫、（煎水洗之）、斂瘡口、（熱毒散則瘡自斂）、其色黑、能染鬚、（丹溪曰、倍子屬金與水、喻之善收頑痰、解熱毒、黃昏咳嗽、乃火浮入肺中、不宜用涼藥、宜五倍、五味斂而降之、）

■解熱毒、收痰、加他藥用良、■日暮咳嗽、是火氣浮入肺中、不宜用涼藥、宜用五倍子、五味子、收其火而降之、■止血、解渴、收汗、其味酸、故使肺收斂、■心腹疼痛、五倍子炙一錢、酒服、■口涎調五倍子末、納入臍中、一切自汗、盜汗、自止、■暑月水瀉、以此藥末九梧子大、每服二十九、荷葉湯下、炒熱瀉、下痢、腸風、下血、五倍子一兩、枯礬半兩、蔓荊子一兩半、同研末、每以二錢、入水二盞煎、乘熱洗眼、名驅風散、■咽中懸癭、舌腫塞痛、五倍子、白殭蠶、甘草末等分、白梅肉搗和、丸彈子大、喻化、癰自潰破、愈、走馬牙疳、肉腐齒落、五倍子一兩、滑石、黃柏（蜜炙）各半兩、漱後搽之、奇妙、一方、五倍子、青黛、枯礬、黃柏等分、爲末、搽、神效、■五倍子、白礬等分、新汲水下、解河豚毒、見事林廣記、

【單方】 聾耳出膿、五倍子末、頻吹耳中、●耳腫痛、五倍子末、冷水化塗、如濕腫、即搽末、●衄血不止、五倍子末、吹入鼻中、●口中舌爛、五倍子末、時時敷、口中一切瘡腫、五倍子末、搽之、●雞骨哽喉、服五倍子、●跌打損傷、五倍子末、醋調、傅、立愈、●齒齦出血、五倍子焙、研末、塗敷、●癩病濕爛、五倍子末、唾調塗、●金創出血不止、五倍子末、搽之、●瘰癧、五倍子末、醋調塗、已破者、蜜調塗、●膿瘡水出、五倍子末、搽之、●前陰潰爛或生瘡、五倍子焙、研末、敷、●交媾後、女陰出血者、五倍子末、敷之、●痔瘡作痛、五倍子煎水洗、●陰囊奇癢、五倍子末、搽之、●脫肛疝其、五倍子

末、百草霜等分、醋調和、烏羽醮塗痛處、脫肛不收、五倍子、明礬等分、煎湯洗、再以細絹徐徐托入、●草鞋傷肌、五倍子末、和漿敷之、●髮白令黑、五倍子煎水洗、●便毒腫痛、五倍子入土鍋、多加醋、文火熬成泥狀、攤細布或棉花上、貼患處、乾即換、妙、●消渴飲水、五倍子末一錢、水送服、●心腹卒痛（痰痛）五倍子炒焦、溫酒服、●大便秘、五倍子生五分、焙五分、合一錢、水丸服、赤痢、溫酒服、白痢、水酒各半合服、水瀉、米湯服、●夏日水瀉、五倍子末、白湯送服、●春秋冬時、無故汗出、五倍子末、口涎調如泥、納臍中、約一杯許、上以紙蓋之、●小兒夜啼、五倍子末、口涎調捏臍中、自不哭、

製法 阿仙藥、一稱百藥煎、醫日阿仙藥、係用五倍子製之、故無論阿仙藥與五倍子製劑、均可通稱百藥煎、中醫方書中所載之百藥煎、果為阿仙藥歟、抑為五倍子製劑歟、至今不詳、惟兩種所含之單甯、其效力相同耳、摘錄本草綱目所記如左、

百藥煎 本草綱目曰、造法、用五倍子為粗末、每一斤、以真茶一兩、煎濃汁、入醇糟四兩、搗爛拌和、器盛、置糠缸中、窖之、待發酵如發麵狀即成、捏作餅丸、晒乾用、○氣味酸鹹、微甘、其功與五倍子無異、治上焦心肺、痰咳、熱渴、

處方 配合五倍子之處方如左、

○文蛤散 治熱壅舌上、出血如注、

五倍子（洗） 白膠香 牡蠣粉（各等分）

右爲末、每用少許、搽病處、或燒鐵篋、熱烙孔上、

○甘露湯 治煩渴口乾、

百藥煎 白乾葛(各三錢) 烏梅 五味子 花粉(各二錢) 甘草(五分)

右咀嚼、水煎服、

○洗陰散 治產後陰門腫痛、

五倍子 明礬 芒硝 小麥 葱白(各等分)

右五味、水煎、屢洗陰門、

○治聲音不出、

蘇子 百藥煎(各二分) 訶子(三個) 杏仁(三十個)

右爲末、每服二三錢、熱酒調下、

用法 多選用之、或去枝莖與蟲用之、亦有炒焦始入藥者、

禁忌 忌鐵、

用量 五分至一錢、

備考 五倍子含單寧酸極多、故用爲製造單寧酸之原料、爲運銷外洋之生藥、理學博士白井光太郎研究鹽膚樹

之蟲癭、嘗分條詳述、一曰五倍子之種類、二曰耳膚子之形狀、三曰耳膚子之癭蟲、四曰花膚子之形狀、五曰花膚子之癭蟲、六曰癭蟲隔年之狀態、七曰人工增殖五倍子法、八曰五倍子之製法、九曰鹽膚樹之名義、刊入明治二十八年植物學雜誌第九卷第九十五號、欲參考者、誠不可不讀之書也、

澁齒料 澁齒者、以五倍子與鐵漿、將齒牙染黑之謂也、此風起於烏羽天皇御宇之際、當時習尚、男女並重玄服、自臣僚至婦人、不論貴賤、皆崇澁齒之儀式、各自染黑其齒、婦人嫁者、必澁齒以別之、泊明治元年、始稍稍許通融、六年、下令廢止、此風遂革、(下略)

阿仙藥 Catechu. (拉英) Katechu. (德)

阿仙藥產於東印度諸島、凡屬於荳科、茜草科、棕櫚科等之植物、其樹心、樹皮、樹葉、果實等、皆含有單寧酸極多、種植家擇其含量最多之處收採之、造成水製越幾斯、以供應用、其需用最多者、莫如韋皮、爲印度貿易品之大宗、入藥者須精選佳品、始堪收用、

異名 兒茶 孩兒茶 百藥煎

其本 入充藥用者、須取屬荳科之 *Acacia catechu*, Will. 及 *Acacia Suma*, Kurz. 之木心、入水煎熬、凝結而成水製越幾斯、或採摘屬茜草科之 *Uncaria Gambir*, Roxb. 葉與葉梢、入水煎熬、凝結製之、或搾取屬棕櫚科

檳榔之汁、乾而入水煎熬、凝結製之、

Acacia Catechu, Will. 常綠樹也、產於前印度及後印度、老樹莖幹高至四丈、葉皆對生、爲雙套之羽狀複葉、有小葉四十至五十對、具有軟毛、花色黃、作穗狀、果實爲莢果、中藏種子五六枚、此樹木材堅緻、木色暗褐或黑褐、土人取此樹心、劈作碎片、納破罐中、入水煎熬、乾而凝結、此種專行銷培克市面、故稱培克阿仙藥、又名孟買阿仙藥、俗呼榜葛刺阿仙藥、中國人所謂兒茶、或百藥煎者、蓋即屬此種也、

Uncaria Gambier, Roxb. 爲蔓生常綠灌木、產於蘇門答臘、新嘉坡等處、高達丈許、葉對生、爲長卵圓形、具有如鈎之棘、花小朵、色粉紅、相集如繡球、採其葉與葉梢、入水煎熬、可製乾燥越幾斯、此種稱幹壁爾阿仙藥、亦名檳榔膏、從前來自中國之阿仙藥、大半屬此、

檳榔樹之果實、味有收斂性、壓搾而絞取其汁、彙集晒乾、或以水煎熬、乾而凝結、此種稱古倫撲阿仙藥、中國人謂之藥葉膏、

形態 阿仙藥之種類不同、故形態亦不一、培克阿仙藥、爲暗褐色不整之硬塊、有時或作扁平狀、裹以木葉、外面無光澤、破碎面爲貝殼狀、色黑褐、光澤似蠟、酒精、醋、溫湯幾全溶解、冷水祇能溶解其一半、燒之初但膨脹、不熔融、繼即被燃而餘白灰、無香臭、味收澇而帶甘苦、幹壁爾阿仙藥、爲骰子形或稜柱狀之小片、外現淡褐或暗褐色、破碎面作灰黃色、無光澤、味苦澁微甘、古倫撲阿仙藥、爲板片狀之硬塊、寬五至八仙米、厚三仙米、色黑褐、有光澤、其餘性質、略

似塔克阿仙藥、

日本藥局方中、初僅採用幹壁爾阿仙藥、至後乃加入塔克阿仙藥、略舉如左、

(甲) 幹壁爾阿仙藥 乃以植物葉及嫩梢煎熬、製成乾燥越幾斯、雖成塊、極易破碎、色類褐、內色淡、

(乙) 塔克阿仙藥 此係取兩種植物之木心、入水煎熬、製成乾燥越幾斯、其塊內外均作暗褐色、時有穴孔、破碎面作大貝殼狀、上述之阿仙藥、味皆爲收斂性、始稍苦、後微甘、以稀薄之酒精溶解之後、再於該溶液中加過綠化鐵液、則現綠色、以此藥一分、入水十分煮沸、則生酸性之濁濁液、帶褐色、將其不溶物撇去、但留澄清之液、冷後、又起極多之褐色沈渣、如將前不溶物洗以熱湯、熱以百度之溫度、則百分祇餘十五分、又以此藥加熱酒精、充分浸之、繼將餘剩之物質、熱以百度之溫度、則百分祇餘三十分、以此藥燒令成灰、百分中祇餘六分以上之硬性物、

品類

阿仙藥之品類極多、歷來依其形態、色澤等、定品位之高下、此種習慣、今市上尙盛行之、

藥用之阿仙藥、專取骰子形者爲貴、如質輕、色淡、收斂性不甚者、上品也、反此爲下品、其收藏愈久、物品愈陳者、價值亦愈貴、若依其形狀分之、則有角樣(骰子形)算木樣(稜柱狀)錢樣(圓片形)盤樣(不整形)等各種名稱、

阿仙藥之品位、全在所含單甯酸之多寡、收斂甚而色深者、悉以供鞣皮染色之用、必收斂味少而色淡者、始堪供醫藥用、從前日本藥商、製造丸劑、錠劑、向以阿仙藥作賦形藥、邇來漸知進步、作賦形藥用者、亦選收斂味少而色

淡之阿仙藥、

往年進口之阿仙藥、隨其形態、色澤而定品位之高下、至日本自製之阿仙藥、詳見荷蘭藥鏡（文政十一年刊行）第十六卷百藥煎條、當時有四郎兵衛者、於大阪屋開設藥舖、頗研究各種藥物、嘗論述阿仙藥之品類、特轉錄之、以備參考、

日本自製並中國所稱之百藥煎、乃以五倍子製之、如本草綱目時珍所云、其來自外國及中國者、恐均非五倍子所製、藥商樂只亭清雅云、阿仙藥有五種、縮樣、圓樣、小圓樣、角樣、麻刺拔爾是也、縮樣最佳、形扁而有皺紋、來自中國者皆此品、圓樣亦中國貨、中品也、其形圓、外有糞稭、或糞糠粘之、粘糞稭者次、小圓樣、乃別一種、非圓樣之小者、品最下、澁味甚、外灰而內白、形小、大如李、文化八年冬、始自中國來、角樣大半下品、大一寸見方、有布紋、亦中國來、別一種呼小角樣者、大祇半寸許、寬政二年來、麻刺拔爾為大小不等之塊、大者長一尺、寬六七寸、重三十二三兩、小者亦二兩四五錢、形橢圓、文政四年、始自西洋來、藥肆收買後、輒碎而分售之、○日本自製之品、始創於菊屋之某藥商、今則清兵衛等兩家繼續製此、其以五倍子和好茶末、而用厥粉煉製者、實阿仙藥之贗品、不堪入藥用也、

和漢三才圖會曰、阿仙藥來自歐洲、氣味微甘瀟、功似百藥煎、邊境人視為頭腹痛及解毒等要藥、兼為製萬金丹、透頂香等所必需、此藥凡三種、色皆淺黑而微帶紅、一種形如芋魁、名圓猿胞、一種如燧石、名平猿胞、一種小而

嫩、破之色微紅、頗潤澤、名縮猿胞、推爲上品、尙有一種、係本國產、出於泉州堺、形扁圓、廣尺許、厚七八分、色純黑、印牌號發賣、名斧破猿胞、製透頂香（卽外郎藥）者多用之、

大和本草曰 孩兒茶、倭俗呼阿仙藥、以五倍子煉製之、藥商云、孩兒茶與百藥煎有別、塊形圓、色紅白、味不甘、是百藥煎也、須選紫色而雜白點者用之、塊扁平、色黑、味淡、藥商稱阿仙藥、此孩兒茶也、

成分

阿仙藥中所含之單甯酸、多至六十至六十五%、此外尙有加台品 Catechin, $C_{12}H_{10}O_5$, $5H_2O$ 等、

效能

專用以止血、收斂、

【能】 酸鹹甘平、清肺、化痰、解熱、治久痢、脫肛、

■清肺、化痰、止嗽、解熱、去濕、止渴、治下血、久痢、及口舌生瘡、均有效、■清肺、止嗽、百藥煎、訶梨勒、荊芥穗等分爲末、薑汁和蜜丸、芡實大、每嚙一九、■腸癰內痛、大棗去核、與核同焙、百藥煎等分爲末、每服一錢、溫酒下、神效、■臙瘡、初起如粟粒大、頻作癢、漸至脚、出黃水、久不愈者、百藥煎末、唾調敷瘡外、漸塗向內、並以貫衆煎湯、日洗一度、洗後敷藥、■男婦血淋、百藥煎、車前子、炒黃連各三錢、半、木香二錢、滑石一錢、共爲末、空心燈草湯服二錢、立愈、妙甚、以此藥治血痢、泄瀉、亦著奇效、

荷蘭藥鏡曰 此爲最效之收斂藥、兼有拔爾撒謨之功用、凡諸管纖維弛緩之各病、並脫泄、失血等、俱能治之、故以治胃腸虛弱之經、久下痢、努責下利、赤痢、婦人崩漏、尿道弛虛之久淋、白帶下、小便淋瀝、小便不利、尿管諸症、又

治虛症之失血、如吐血、嘔血、血尿等、因胃寒傷冷毒而起之肺虛欬嗽、聲啞等、以此藥與阿拉伯樹膠等分、加砂糖四倍研和爲錠、噙化佳、○經久下利、赤痢、以此藥半錢、和稠粥湯服效、無粥湯、米湯亦得、老人赤痢甚者、用此良、○粘液性之咽喉焮腫、多年不治者、以此藥含漱、經久無毒之淋疾、白帶下、以此藥溶爲適宜之液、用水唧注入尿道、有速效、○服量、細末、每服一分半至一錢、泡劑、藥二錢、沸湯六兩泡透服、或加煎劑用、○此藥能止血、愈口舌潰爛、消疼痛、○因過服水銀而吐涎甚者、及粘液性之咽喉焮腫、多年不治者、以此藥外敷、或加水、葡萄酒、燒酒等稀釋、浸透、頻頻含漱、○潰瘍弛弱難愈、及易出血之症、以此末摻之、或用此爲洗藥、注入劑、即可阻其腐壞、並祛水棉狀之腐肉、

【單方】 刀傷、腫瘍、以阿仙藥一分、沈香一分、丁子一分、爲細末摻之、●脫肛不收、阿仙藥末、煉蜜塗上、

處方 配合阿仙藥之處方、可參看五倍子處方條、

○解酒毒方

阿仙藥

右一味爲末、白湯送下、

○治陰莖斷毛方

阿仙藥

右一味、研極細末、摻之妙、

用法 研爲粉末用之、

用量 五分至一錢、

明礬 Alumen. (拉) Alum. (英) Alaun. (德)

本草綱目曰 明礬處處山中有之、初生皆石、采得之、燒碎煎煉、乃成礬、入藥及染人所用爲多、今人煨乾用之、謂之枯礬、白礬之潔白者爲雪礬、光明者爲明礬、文如束針、狀如粉撲者、爲波斯白礬、又煉白礬時、候其極沸、盤心有濺溢物如飛出、以鐵匕接之、作蟲形者、名礬蝴蝶、但成塊、光瑩如水精者、名礬精、煎煉之後、輕虛如棉絮者、名柳絮礬、其汁燒至盡、色白如雪者、名巴石、是皆白礬也、黃黑者名雞屎礬、不堪入藥、塗鐵皆作銅色、外雖銅色、內質不變、

異名 明石 涅石 悶石 白礬 羽涅 羽澤 鎮風石

產地 各國俱有之、產於山石中、

天產明礬、爲八面形之結晶塊、色白、間或如絲、附池石面而生、其量甚少、故須恃人工製造、以供需用、

製法 明礬之製法有數種、其原料、用明礬石及粘土、

(一) 碎明礬石燒之、至瓦斯發生而止、乃以水溶解、濾過、蒸發濾液、使成結晶、再精製之、

(二) 明礬石燒後，加硫酸，製成明礬，與第一法同。

(三) 粘土中加硫酸，使成硫酸礬土，再加硫酸加里，製成明礬，與第一法同。

(四) 在有溫泉地方，盛粘土於亞硫酸瓦斯發生之孔，復灌以水，覆以蘆薦，使化生硫酸礬土，乃以水溶解，濾過，加木灰汁，又濾過，蒸發濾液，使成結晶，再精製之，日本製造明礬，即此法也。

和漢三才圖會曰：凡溫泉焰氣所發之山皆有之，山中地熱，而焰氣未發，人爬取其土，復撒置地上，略注水，覆蘆薦，則相蒸，蠶蟲上殖如麴花，是乃礬也。此時最忌雨水，故須候晴天作之，又爬得其土，盛器，水攪洗之，濾過，如此數時，其滓仍撒置地上，以其濾出之水和木灰汁，煎兩三時，盛入大桶，冷定成礬，然未精，復以笊籬濾取之，則如粉，又熬之如膏，桶盛冷定，則潔白堅硬如厚冰，是乃明礬也。

形態 為無色透明八面形之大結晶，或結晶塊，往往被以白粉，味甘而澁，水能溶解，其水溶液，有使蛋白質及膠質凝結之性，熱則熔化，受大熱則結晶失其水分而膨脹，成輕虛似海綿之塊，是為枯礬，亦稱燒明礬。

第四版改正日本藥局方云：明礬為整齊之八面晶，或結晶性粉末，無色，質堅硬透映，外面每帶有白粉霜，味微甘，有收斂性，溶解於十一分之一之水，現酸性反應，酒精幾不能溶解，熱則漸溶，甚者膨起，成白色疎鬆之塊。

成分 化學上謂之硫酸亞爾密紐加偲謨， $Al_2(SO_4)_3 \cdot K_2SO_4 \cdot 24H_2O$ 名加里明礬。

效能 用為止血收斂藥。

古方藥品考曰 礬石固洩燥濕解熱○本經曰礬石味酸寒主寒熱洩痢白沃陰蝕惡瘡目痛堅骨齒○按其味酸澁性收斂故能固洩利及虛脫專燥濕淫解煩熱可以洗陰癢毒瘡眼疾多淚者

【能】 酸鹹而寒性瀟而收燥濕追涎化痰墮濁解毒生津除風殺蟲止血定痛通大小便蝕惡肉生好肉除錮熱在骨髓治驚癩黃疸血痛喉痺齒痛風眼鼻中瘻肉崩痢脫肛陰蝕陰挺癰疽疔腫癩癬疥癬虎犬蚊蟲咬傷多服損心傷骨

■以甘草爲使惡牡蠣畏麻黃■明礬之用有四其一味酸苦而涌泄故用以吐利風痰其二味酸澁故用以治諸種血痛脫肛陰瘡瘍核而收斂之其三酸而收斂能燥濕故用以治痰飲痢泄崩漏帶下風眩其四解毒故用以治喉痺癰疽蠱毒蟲蛇螫傷■中風痰塞手足搖擗者白礬一兩皂莢五錢爲末取一錢溫水下吐痰卽安■風痰癰症用化痰丸方用白礬一兩細茶五錢爲末煉蜜丸梧子大每服五十九茶湯下久服痰自從大便下病根可斷■喉癰乳蛾以礬石三錢溶土器中巴豆三粒去殼投入水煎乾去巴豆將礬研末入喉立愈妙甚■懸壺長成寒咽白礬燒灰曬花等分爲末箸頭蘸點之作■牙齒腫痛白礬一兩燒灰大露蜂房微炙一兩爲末每服二錢水煎含漱吐去涎■癰疽發背不論老少臍腑不動用蠟礬丸未破止痛內消已破速愈遍身生瘡用蠟礬丸內可防毒氣之攻外可免肉膜之滑止瀉定痛化膿長肉奇方也白礬生一兩黃蠟七錢熔化入白礬末丸梧子大每服十九至二十九白湯下■婦人黃疸經水不調犯房事每服黃蠟丸五十九調經湯下■男婦遺尿白礬牡蠣粉等分爲末

溫酒服方寸匕、日三服。赤白痢、泄瀉、瘧疾、寒熱諸症、枯礬爲末、醋打飛羅麵爲糊、丸梧子大、每服二三十丸、赤痢、甘草湯下、白痢、乾薑湯下、泄瀉、木瓜湯下、瘧疾、東南桃枝煎湯下、名白龍丹。蛇、蛛、壁、錢、毒蟲咬螫、鐵鋤燒紅、置白礬其上、汁出、滴塗傷口、痛立止、神妙不可思議。疔腫、惡瘡、先以三稜針刺破其頂、血出後、以黃丹、生礬等分、爲末敷之、不及三次、卽愈。反胃、嘔吐、白礬、硫黃各二兩、打碎、入鍋煨過、加朱砂一分、爲末、麵糊丸、如小豆大、生薑湯服十五丸。多服能損心肺、傷骨、毀齒、以能攝水故也。驟犯諸病、不可早用、早用則病之毒氣、因收斂之故、反被束縛於內、慎之。

【單方】 腋臭、枯礬末加龍腦少許擦之、或取白礬末、每晨擦之。鼻下潰爛、搽明礬末。癩補、明礬一錢、茶五分煎茶飲。急喉痺、枯礬末、雞子白調勻、灌入喉中。心腹卒痛、痰痛、明礬醋煎服。蛇咬傷、明礬火上焙化、滴咬處、忍熱痛、立愈。蟲刺傷、薑汁洗傷處、再調明礬、雄黃末塗之。食河豚中毒、明礬末、水調服。白癩風、明礬、硫黃醋化開敷上。癩風、茗荷、(劉)硫黃(少)丹、明礬四味、布包擦之。

處方 配合明礬之處方如左、

○蠟礬丸 治一切瘡癰惡毒、或爲毒蟲蛇犬所傷、並宜服之、

黃蠟(二兩) 白礬(一兩)

右先將蠟燭化、候少冷、入礬和勻、爲丸、酒下、

○礬石丸 始婦人經水不利、藏堅癖不止、有乾血、下白物、

礬石(三分燒) 杏仁(二分)

右蜜丸如棗核大、內藏中、劇、再內之、

○赤白丸 治瘰癧未破、

白礬(二兩) 朱砂(九錢)

右爲細末、酒糊丸、每服、清茶送下、

○絳雪散 療諸心氣痛不可忍、

朱砂(一錢) 明礬(枯一兩) 金箔(三錢)

右爲細末、每服一錢半、輕者一錢、空心白湯送下、神效、

○療蛇咬傷方

明礬 甘草(各一兩)

右爲散、如蛇咬傷之時、心頭躁熱、眼前黑暗、急用新汲水服一錢、卽止、

○療誤食毒菌方 胸脹心疼、腹痛、腸瀉垂死者、

白礬(五錢) 瓜蒂(七枚)

右水煎服、非吐即瀉而愈、

○療白癩風方

礬石 硫黃（各等分）

右二味研末、醋和傅、

○療食羶中毒幾死方

礬石 茶末（各等分）

右二味、水煎服、須臾、腹痛大瀉、明日復常、

○療腋臭方

燒好礬石、一味爲末、絹囊盛之、常以撲腋下、不過十度、止、

用法

取潔白光礬者、火煨用、又法、以火煨地、灑水於上、取礬布地、以盤覆之、是爲礬精、未盡者更如前法、再以陳酒化之、是爲礬華、七日可用、百日彌佳、

禁忌

甘草爲使、畏麻黃、惡牡蠣、

用量

一分至三分、

禹餘糧

異名 白餘糧 自然穀

產地 日本之大和、越中、信濃、美濃、長門、讚岐、土佐、伊勢等處產之、

形態 爲黃褐色作不正形之固塊礦物、大一寸至三寸許、外殼厚一二分、質堅硬、碎之、內部有赭褐色細末、供藥用、

成分 爲礦物學上之褐鐵礦、成分爲養化鐵、

效能 專用作止血藥、亦用於貧血、萎黃病等、

【能】 甘寒、手足陽明血分重劑也、性瀯、故主下焦前後諸病、久服耐寒暑、輕身延年不老、

處方 配合禹餘糧之處方如左、

○禹餘糧圓 治腸胃虛寒、滑泄不禁、

禹餘糧 赤石脂 龍骨 肉苳蔻 蓴撥 乾薑 訶子 附子

右爲末、醋糊丸、

用量 三分至一錢、

雜纂 關於禹餘糧之記載頗多、茲摘錄各書所載者如左、

本草綱目曰 禹餘糧多出會稽山中、昔禹王於此棄其所餘食於江中而爲藥、則名禹餘糧、生池澤及山島石中、細粉如麵、黃色如蒲黃、其堅凝如石者名石中黃、其未凝之黃濁水、名石中黃水、三者一物、○太一餘糧（又名石腦禹良）生太山山谷、其石狀片片層疊、深紫色中有黃土也、其性最熱、冬月有餘糧處、其雪先消、

和漢三才圖會曰 禹餘糧、卽石中黃麵、其未凝者、名石中黃水、本邦石中亦稀有之、然係祕藥不常用、故識者亦鮮焉、以爲禹王食餘者、浮說也、

手板發蒙曰 禹餘糧、日本諸州皆產之、惟以中國產爲上、○太一餘糧（石腦禹良）係中國所產、日本者多產和州生駒山、禹餘糧、太一餘糧、其初俱爲石中水、後凝爲粉、

日用藥品考曰 禹餘糧（藥用用殼中粉、所謂糧也、禹餘糧太一餘糧二品、祇其質有精粗、性味效用皆同、時珍亦言可通用、）以中國運來者爲真、日本產亦多、惟今藥舖有以土般孽搗碎者、宜審用、

●禹餘糧一呼鳴石、產大和國奈良郡三笠山、該處呼爲饅頭石、據云止血有奇效、又日本信州北部出產亦多、相傳此石係昔時親鸞上人巡遊該地時所遺、上人之法力、寄於此石、頭痛及其他種種病症、用之立效、（摘錄地學會雜誌第一集第五號、）

●安東伊三次郎氏著「鑛物界之現象」一書、其中對於鳴石與禹餘糧、分別記載、記鳴石之成因云、「鳴石初於沼澤內、以土塊爲中心、其周圍有泥鐵鑛 Clay iron ore 沉澱固結、成爲皮殼、經滄桑之變、由水而陸、及漸乾

燥、其內部之粘土、漸失水氣、減小容積、變成小塊、即爲鳴石、其泥鐵礦多一部或全部變成褐鐵礦、(原書一百九十頁)又記禹餘糧云、禹餘糧爲大小不一之圓石片及砂粒、由褐鐵礦膠粘成爲皮殼、內有空房、含有粘土者、卽蠻岩之一種、其成因與上述鳴石相似、所含之粘土、昔時卽用作傷藥、爲人所重、蓋此粘土、其實細淨、用作止血劑、頗有效也、(原書一百九十二頁)

蝟皮 Hedge-hog skin. (英)

異名 豚皮 彘皮 猬皮 毛刺皮 蝟鼠皮 虎鼠皮 刺蝟皮 山枳鼠皮

產地 概產於非洲北部及亞洲西北部、台灣亦產之、

基本 係屬食蟲類刺蝟 *Erinacei auritis*, Gm. 之皮、剝下攤平晒乾者、

蝟體矮而肥、大白五寸至一尺、足尾俱短、全體叢生刺毛、惟腹部則非刺毛、刺毛作褐色、尖端作白色、腹毛爲白色、體能自由伸縮、若遇猛獸、立蜷縮如栗毬、喜食鼠、蚯蚓、及昆蟲、

形態 爲表面叢生褐色刺毛之皮、內作白色、質堅易破、刺毛長三四分、尖端爲白色或黑色、

效能 專用作治痔漏藥、又治婦人癆瘵病、

【能】 苦平、治腸風、瀉血、五痔、又滴耳中治聾、

處方 蝟皮用於痔疾藥、其處方如左、

○胡連追毒丸 治痔漏、不拘新舊、有漏通腸、污從孔出、先用此丸追盡膿毒、

胡黃連（一兩切薑汁炒） 刺蝟皮（一兩次切再炒脆） 麝香（三分）

右爲末、陳米爛飯爲丸、麻子大、每服一錢、食前溫酒下、服後如膿水反多、是藥力到也、勿懼、候膿水將盡、服黃連閉管丸、

【黃連閉管丸】 胡黃連（淨末五錢） 穿山甲（麻油內煮黃色） 石決明（煨） 槐花（微炒各五錢）

爲末、煉白蜜丸、麻子大、每服一錢、

○喚痔散 治內痔不出、

草烏頭（生用一錢） 刺蝟皮（燒存性一錢） 枯礬（五錢） 食鹽（炒三錢） 麝香（五分） 冰片（三分）

爲散、先用溫湯洗淨、隨用涎液調藥三錢填入肛門、片時即出、去藥、上護痔膏、

【護痔膏】 白芨 石膏 黃連（各三錢） 冰片 麝香（各三分）

爲末、雞子清入白蜜少許、調成膏、

○香穀丸 治濕熱內甚、因而飽食、腸癖爲痔、

木香 黃蘗（各三錢） 枳殼 厚朴（各半兩） 黃連（一兩） 蝟皮（一個） 當歸（四錢） 荊芥（穗三

錢)

右爲末、麵糊丸、

○蟬皮散 治用力太過、肛門脫出不收、

蟬皮(一個燒存性) 磁石 桂心(各半兩)

右爲末、每服二錢、米飲下、

用法 炒至稍變黑、研爲粉末用之、

用量 四分至一錢、

白梅 Saltd and dried plums(英)

異名 醃梅 干梅 霜梅 鹽梅 梅脯

基本 卽薔薇科梅樹 *Prunus Mume* S. et Z. 之實、於梅雨時節採取醃藏者、

梅爲落葉喬木、高達二三丈、葉互生、作長卵圓形、邊緣有鋸齒、在未長葉前、先衆樹而開單瓣或重瓣之圓形花、有香氣、色有紅、白、淡紅等、實作球圓形、於梅雨時節成熟、

梅之種類頗多、其主要者有鶴頂梅、重葉梅、野梅、鴛鴦梅、早梅、綠萼梅、杏梅、六瓣梅、照水梅、紅梅等、

製法 梅之醃藏法甚多、今舉一例、用梅實一升、加食鹽三升、漬桶中壓之、約經十日、而翻轉再醃、經三十日、攤布簣上、晒一星期、用紫蘇葉浸漬梅漿共淹、再曝數日、露二夜、則酸味大減、另生佳味。

效能 本草綱目曰、和藥點痣、蝕惡肉、刺在肉中、嚼傅之即出、治刀箭傷、止血、研爛傅之、乳癰腫毒、杵爛貼之佳、除痰、治中風、驚癇、喉痺、痰厥、僵仆、牙關緊閉者、取梅肉、揩擦牙齦、涎出即開、又治瀉痢、煩渴、霍亂、吐下、下血、血崩。

【能】 鹽汁漬者、功用略同烏梅、清熱、解毒、生津、止渴、醒酒、殺蟲。

【單方】 刺在肉中、用梅乾搗碎、攤紙上貼之、●嵌甲疽、搗梅乾肉敷之佳、●痢疾用梅乾一個去核、與上茶一錢捏和、用醋與白湯各半混和服下、●感冒用梅乾一個燒焦、用白湯服下。

烏賊骨 Cuttle bone. (英)

異名 白龍 明鯨 柔骨 烏賊甲 烏魷骨 海蝶蛸 墨魚骨 纜魚骨 墨烏骨 海若白事小吏

基本 係棲息鹹水近海烏賊魚之骨質。

烏賊種類頗多、日本產者有真烏賊 *Sepia fermiss Hassel.*、刺烏賊 *Sepia aculeata.* 槍烏賊 *Loligo vulgaris*, Lam. 花枝 *Spiole. th. lessoniana*, Fer. et Orb. 耳烏賊 *Sopioia japonica* Fer. et Orb. 鰓烏賊 *Ornma strephes pacificus*, Appel. 六種、採取骨質供藥用者、為真烏賊及刺烏賊二種、其他質柔薄、不適藥用。

烏賊體作囊狀、呈灰色、下部叢集八短脚、另有一對頗長之鬚狀觸脚、各脚具有吸盤四列、體囊側緣有扁平擴展作鱗狀者、口生於體與脚之間、眼生於口上、體肉白色、囊中貯有墨汁、逢敵即吐、而自晦其蹤跡、

形態 爲雪白色長橢圓形之骨質、表面作革質狀、一面稍凹、一面隆凸、由石灰鹽類之結晶針組成、質脆弱、逢酸類即溶解、遺留膜狀物質、

成分 由磷酸鈣、碳酸鈣、膠質等而成、

效能 用作斬傷止血藥、或配合眼藥、其他用作牙粉原料、

【能】 鹹走血、溫和血、入肝腎血分、通血脈、祛寒濕、治血枯、厥陰少陰經病、

【單方】 創傷、用烏賊骨研末、搽傷處佳、●擦傷皮肉、用烏賊骨研末、調雞卵黃塗之、

【處方】 配合烏賊骨之處方如左、

○續骨丸 治打撲身痛、

海螵蛸(三年以上者可用) 石灰 葛粉

右爲細末、糯糊丸、如大豆大、溫酒下、

○治湯火傷方

烏賊骨 葛粉 五倍子 柿核 黃蘗末(各等分)

右相勻麻油解傳、

○解鯉魚毒方

烏賊骨

右一味、水煎服之、

用法 炙成黃色、次水飛、晒乾用、

用量 五分至一錢五分、

蒲黃

異名 甘蒲 醮石 中央粉

基本 係屬香蒲科蒲草 *Typha japonica, miq.* 之花粉、

蒲為生於池沼之宿根草、葉叢生、長四尺至五尺、闊九分許、厚而柔軟、有平行脈、秋季取之為蒲席、夏季抽圓莖、於頂上開花、成長穗、狀如蠟燭、謂之蒲槌、花粉作黃褐色、

效能 用作止血藥、

【能】 甘平、厥陰血分藥、（心包肝）生用性滑、主行血、消瘀、通經脈、利小便、祛心腹膀胱之熱、療撲打損傷、瘡癰

諸腫、炒黑性瀟、主止血、治一切血病、崩帶、洩精、

【單方】 婦人經痛、用蒲黃、五靈脂等分、白湯服下、●齒齲出血、用蒲黃炒焦爲末敷之、●一切傷癥、敷蒲黃佳、●舌卒腫大、可塗蒲黃、加乾薑末少許最佳、●胎漏、（妊娠婦人、卒從產門下血、）用蒲黃一錢、白湯服下、●崩漏、（卒從陰門下血甚多、）用蒲黃二兩、水煎服、●催生藥、用蒲黃、地龍、（洗焙爲末、）陳皮等分爲末一錢、新汲水服、●兒枕痛有血癥者、用米飯服三錢、

處方 配合蒲黃之處方如左、

○失笑散 治產後虛羸、痛欲死者、

蒲黃 五靈脂（各等分）

右爲末、先用好醋調二錢、熬成膏、入水一盞、煎七分、食前熱服、

○蒲黃散 療卒下血、

蒲黃（三合） 當歸（一兩） 鹿茸（一枚）

右擣篩爲散、

○秋連散 治吐血、衄血、咯血、嘔血、

蒲黃 敗荷葉（熬乾各一兩）

右爲末、桑白皮湯下、

○療積年漏下不已方

蒲黃

右一味爲散、每服一錢、日三、白湯送下、

用法

止血炒至著色、破血則生用、

用量

一錢至三錢、

石灰 Lime.(英) Kalk.(德)

本草綱目曰 石灰、近山處皆有之、其石青白色、今人作窰燒之、下層爲柴薪或煤炭、上累青石、自下發火、層層自焚而解、有風化、水化二種、風化者、取煨過石置風中、自解、此爲有力、水化者、以水沃之、熱蒸而解、其力差遜、古今多以石灰造墳、或掉水辟蟲、故古塚中石灰、水洗諸瘡、即皆瘥、止血神品也、但不可著水、著水即爛肉、和漢三才圖會曰 石灰、日本處處出之、皆知燒用、風化者、經三旬、則自散碎成粉、未經旬者、如逢水、則自出火、夏月、負新石灰、放馬行道、暴雨至、浸濕、時自出火、至將馬燒斃、用石灰者不可不知也、

異名

白虎 希灰 劫灰 聖石 聖灰 礦灰 煨石 鐵炭

製法 以石灰封窖中、焚燒而製之、

石灰石、地球上處處皆產、日本有全山係一巨塊所成者、其大可知、色白或鼠色、質緻密、或爲粒狀、製造石灰、須選鼠色而緻密者、其白色緻密者、多供建築裝飾材料、粒狀者、即燒灼之、其炭酸瓦斯亦不逃散、

形態 純粹之石灰、爲純白色之粉末、或成塊、受大熱、亦不溶解、但發猛烈之白光、露置空氣中、則次第風化、注水於塊、則發熱消化而崩壞、

第四版改正日本藥局方所載之石灰如左、

煨製石灰、爲帶白色堅實之塊、注水一半、立即發熱、漸崩壞而變白色之粉末、再加水三分至四分、則成通體均勻之稠粥狀、注以硝酸、不起泡沸、幾全溶解、以此溶液加水稀釋之、再入過剩之醋酸鈉、又注碳酸安母尼亞溶液、則生白堊、

品類 石灰之種類、大約可分生石灰、風化石灰、水石灰三種、生石灰者、燒石灰石而成石灰、其塊既不使觸受空氣、亦不注以水、乃有強甚之亞兒加里質者、風化石灰、以生石灰露置、使飽受空氣、自然吸收水分及炭酸瓦斯、而爲白色之碎粉、水石灰者、以生石灰注水、使成碎粉、一名消石灰、此種之亞兒加里性、視前二者爲弱、此外尚有所謂肥石灰及瘦石灰者、凡石灰中夾雜他物極少者、謂之肥石灰、夾雜他物至百分之十者、謂之瘦石灰、夾雜他物至百分之二十者、無石灰之價值矣、

成分

石灰爲酸化加爾叟謨、 CaO 消石灰爲水酸化加爾叟謨、 Ca(OH)_2

飯島藥劑官、嘗將坊間販賣之石灰三種、分析所得之成績、公布官報第二千一百五十一號、茲錄之如左、

種	類	色	澤	酸化加爾叟謨	炭酸加爾叟謨	其他	夾雜物
煨性石灰	袋裝石灰	帶白色緻密塊		九六・三二	—	—	三・六八
貝	灰	帶白色粉末		五六・三二	二一・七五	—	二一・九三
		灰白色粉末		七九・三二	一九・四三	—	一・二九

效能

用爲腐蝕及止血藥、又爲制酸藥、

【能】 辛溫性烈、能墜物、散血、定痛、生肌、止金瘡血、（臘月用牛黃膽汁和、納膽中、陰乾用、）殺瘡蟲、蝕惡肉、滅癬疵、（和藥貼瘡、）解酒酸、（酒家多用之、然有灰之酒傷人、）內用治瀉痢、崩帶、收陰挺、（陰肉挺出、亦名陰菌、）脫肛、消積聚、結核、○風化者良、鑛灰火毒已出、主頑瘡、膿水淋漓、斂瘡口尤妙、○氣味辛溫有毒、治白癩、黑子、癩贅、疣痣、止金瘡血甚良、生肌長肉、收脫肛、陰挺、黑鬚髮、

【單方】 疣痣、石灰酒浸五日、晒乾、再以酒化開、塗敷、●割傷、出血不止、石灰敷之、●一切創傷、石灰末敷之、●螻蛄咬傷、石灰醋化塗、●中風口喎、石灰醋炒如泥、塗頰上、右喎塗左、左喎塗右、●腹痛、不吐不瀉者、石灰五分、醋調飲、●產後、產門哆開不閉、石灰六錢熬黃、仍煎湯蒸之、●惡瘡經久不愈、石灰入雞子清、攪如粉、生薑絞汁和傳、●

湯火傷、石灰水化、塗之、●一切打傷、胡麻油化石灰敷、●脫肛、石灰燒熱、棉包坐之、冷即換、

用量 二分至一錢、

臙脂 Carthaminum. (拉) Garthamin. (英) (德)

異名 臙脂 經赤 經粉

基本 屬於菊科之紅花、其花瓣中含有之紅色素、卽以之製成臙脂也、

製法 摘取紅花之花瓣、陰乾、浸以適宜之水、使之發酵、造成餅紅、再浸水中、除去可溶性之黃色素、以絞搾者入木灰水中、使紅色素得以溶出、乃於此溶出之液中、注入稀薄之有機酸液、則紅色素自然沈澱、遂採集而製成臙脂、茲更詳述如左、

餅紅花之製法 欲以紅花製成餅塊、須將乾紅花入桶、灌水、兩足踏出黃汁、傾去、約四五次、此黃汁爲花蕊與花瓣中所含之液、煎之可爲黃色染料、黃汁去後、卽以竹笊入流水中振動、且置日中晒之、候紅花半乾時、捏成徑一寸許、厚二分餘之堅塊、置於闊三寸、長六尺之框中、框底須先墊濕水之席、然後累疊餅紅、約四五寸厚、蓋濕席一層、兩足在面上均勻踏緊、席上再疊餅紅、蓋席、足踏如前、至重疊覆席五層而止、每晨灌水少許、約三四日、聽其放置、候餅紅之花瓣變軟、手指捫之、覺現黑色、乃將上面覆蓋之濕席、與下墊之濕席替換、下墊之濕席、撤去不用、上

蓋則易以乾蓆、既而併乾蓆亦撤之、餅紅曬乾收藏、如在陰雨之天、則載以闊三尺、長六尺之竹簍或筐、置火上烘乾、亦有不用框而用木架、一面堆置、一面可流去黃汁、其木架亦可疊至五六層、其法大略相同、

臙脂製造法 以餅紅花置水中浸一宿、翌日、搾以轆轤、以後再浸再搾、凡五六次、至黃汁去盡、再浸以木灰汁、則臙脂悉因木灰而游離、然後入米醋、使與灰汁親和、更以苧麻入水中、將臙脂盡行吸收、是爲第一期、此吸收臙脂之苧麻、復浸以木灰汁、(製下等之物、則用稻藁灰汁、)而搾以轆轤、則苧麻之臙脂亦盡分離、苧麻仍復其原有之白色、是爲第二期、既而將此臙脂水傾入甕內、加入乾梅之醋、大約臙脂水一升、入乾梅醋一茶碗、隨工人之巧拙而自爲加減、約二時後、臙脂悉數沈澱、乃徐徐撇淨上面之水、包以絹紗兩層、再徐徐搾去其水、是爲第三期、至此臙脂始完成矣、其搾滓可爲熏蚊之香、至臙脂所得之分量、須視紅花之好否、與土地之若何而異、大抵餅紅花百分、可得臙脂七分至十分、最佳者得十五分云、

形態 爲血紅色之糊狀、或有光輝之塊、無臭味、水不溶解、但以水少許、十分混和、則現紅色、受空氣及日光溫熱、則次第分解、

品類 臙脂以臘月製者爲佳、稱爲寒紅、今日販賣之品類、約如下述、沈降餅紅而得之臙脂、(已除去水分者、)謂之艷紅、乾燥之臙脂、謂之乾紅、磁酒杯中投一定之量、周圍抹刷、發綠色之光輝、專供婦人裝飾用者、謂之刷紅、臙脂加葛粉、調成糊狀、自來作糕餅類及錦繪等著色用者、謂之細工紅、又名食料紅、

效能 中醫用爲活血及止血藥、

【能】 活血行血、外科用以生肌化血、油胭脂治痘瘡毒、亦取其活血也、

■胭脂味甘平、無毒、乳頭破裂作痛、海蛤粉爲末、與胭脂調塗、奇妙、■痘瘡入目、胭脂點眼四角、■小兒舌瘡、乳汁化胭脂塗、一宿即愈、

【單方】 鵝口瘡、舌上塗胭脂、●小兒肌爛、胭脂水調塗、

處方 配合胭脂之處方如左、

○紅棉散 治聾耳出膿水、

白礬（一錢） 胭脂（一字） 麝香（少許）

右入胭脂一字、研勻、用棉杖子纏、去耳膿水盡、即用別棉杖子送藥耳中、

○治繡毯風方

大黃 浮石 胭脂 定粉

右四味、爲細末、別以膩粉爲色、米糊煉和、薄塗、

貯法 須貯於不受日光、不觸空氣之處、故以密藏黑漆小箱、或黑漆壺中爲宜、

雜纂 明治四十年間、宮城人山啓內者、提倡一種治病之法、謂之紅療法、以胭脂與拉納林調和、製成軟膏、據云以

之塗擦全身皮膚、能治百病、當時認為效驗極著、其明年、且著紅療法講演錄一卷、歷述胭脂之效、謂以胭脂塗擦皮膚、則血液或組織所吸收之酸素、悉被分解而放出、且從而調整全身之營養機能、或奮起其能力、胭脂既有如此之功效、故祇須診查病之起因所在、並關聯之神經系等、即塗擦之、該病即可治愈、乃此紅療法、不久即闕焉無聞、殆其效仍歸於泡影歟、

白及

異名

白芨 白根 白給 甘根 白根 竹粟膠 雪如來 連及草 紫蕙根 紫蘭根

基本

白及屬於蘭科、以其根入藥用、

白及為多年生草本、庭園多種之、高尺餘、葉為廣披針形、葉面有並行脈、多縱皺、皆互生、夏日抽花梗、高一二尺、梢頭開花、有不整齊之花被、色紅紫或白、往往數朵連綴而生、根黃白色、狀如扁螺、中含粘液頗多、

一本堂藥選曰 白及掘取生者、水洗去土、即剉入藥、尤良、若無生者、則晒乾者亦可、但不若生白及之效為著、微

火焙、大則不宜、葉似藜蘆、中心抽長莖、開花紫紅色、甚可愛、亦有白花者、紫花易繁茂、白花易消失、入藥在所不拘、日俗呼為紫蘭、

大和本草曰 紫蘭多植園中、葉似海老根、四月開紫花、其根名白及、來自中國、花有紫白二色、均堪供賞玩、以紫

白同種一處、則白者枯、別一種葉短、花尤好、亦有紫白二種、花園多有之、更有開黃花者、葉廣闊、蒙峯云、敷於山根、則止衄、山根、兩眼之間也、治疥癬、則殺蟲、○丹溪曰、凡吐血不止、宜加白及、

效能

中醫用治吐血、又用爲治瘡藥、

【能】味苦而辛、性瀦而收、得秋金之令、入肺、止吐血、（摘玄云、試血法、吐水內浮者、肺血也、沈者、肝血也、半浮沈者、心血也、各隨所見、以羊肺、肝、心、蘸白及末、日日服之、佳、）肺損者、能復生之、（以有形生有形也、人之五臟、惟肺葉壞爛者、可以復生、臺州獄吏、憫一重囚、囚感之、云、吾七犯死罪、遭刑拷、肺皆損傷、得一方、用白及末、米飲日服、其效如神、後囚凌遲、剖其胸、見肺間竅穴數十、皆白及填補、色猶未變也、）治癰腫、惡瘡、敗疽、死肌、蓋去腐逐瘀、以生新之藥也、又除面上好皰、（好音干、去聲、面黑氣、皰音砲、面瘡也、）塗手足皴裂、令人肥滑、○紫石英爲使、畏杏仁、反烏頭、

■紫石英爲使、惡理石、畏李核、杏仁、反烏頭、陽中之陰也、■治癰腫、惡瘡、敗疽、療風痺、赤眼、癥結、吐血不止、用白及良、■心氣疼痛、白及石榴皮各二錢、爲末、煉蜜丸、黃豆大、每服三九、芥醋湯下、■刀斧損傷、白及石膏煨、等分爲末、摻之、兼能收口、■湯火傷、白及末、油調敷良、■白及性瀦而收、得秋金之令、故能入肺止血、生肌、愈傷、治骨折、○鼻衄不止、唾津調白及末、塗山根（解見前）上、仍以水服一錢、立止、○跌打骨折、酒調白及、服二錢、其功不減、自然銅及古銖錢、○輝裂、白及末水調塗、○勿犯水、

處方 配合白及之處方如左、

○內消散 治癰疽發背、對口疔瘡、乳花、百種無名腫毒、一切反瘡、此藥能令內消、化毒爲黑水、從小便而出、

金銀花 知母 貝母 天花粉 白及 半夏 穿山甲 皂角刺 乳香(各一錢)

右水酒各半煎服、

○獨聖散 治多年咳嗽、肺痿、咯血紅痰、

白芨

右一味爲末、臨臥、糯米湯下、

○主諸血後虛怯方 治吐衄、咳嗽等證、失血既多、虛羸昏倦、精神怯弱未盡、

人參(一錢) 黃芪(蜜炒一錢) 炙甘草(五分) 白及 百合(各一錢) 熟地黃 生地黃(各二錢)

當歸(錢半) 牡丹皮(一錢) 阿膠(蛤粉炒成珠一錢) 鹿角(一錢)

右十一味作一劑、用藕節五個、水煎、臨臥時、入童便一盞、藕汁二杯、俟溫、徐徐緩服、

○治肺痿、肺癰、咳嗽、吐血、

茯苓 百合 米仁(各一兩) 白及(五錢) 貝母(八錢)

右共爲末、每服三錢、不拘時、白湯調下、

用法 生根水洗、剉用、

禁忌 忌烏頭、

用量 五分至錢半、

伏龍肝

異名 竈心土、竈中黃土、釜月下土

基本 竈底中心土、或竈額土、爲火氣熏燒多年而成、

合類靈寶能毒大成曰 雷斅註云、釜額之內、久受火氣、結成赤石、有八稜者是、陶隱居云、卽釜月下之黃土也、釜

月下深一尺處掘得之土、經十年以上者、色紫赤、取得後、水飛用、

本草備要曰 伏龍肝、乃釜心多年黃土、因竈額內火氣積久、結成如石之土、外赤中黃、研細、水飛用、

日用藥品考曰 伏龍肝名義不一、砌竈時、納豬肝一具於土、候日久、與土併用之、或以爲竈有神、故號伏龍肝云、

效能 中醫專用爲產科藥、

【能】 辛溫、調中止血、去濕消腫、治咳逆、反胃、吐衄、崩帶、尿血、遺精、腸風、癰腫、(醋調塗)催生、下胎、

■婦人崩漏、帶下、吐血、效血、俱治之、■能催生、下胞衣、■治反胃、中惡、■小兒重舌、研末、醋調塗、■反胃、米湯送服

三錢、妙、產後惡血攻心作痛者、酒服二錢、下惡物如神、子死腹中、母垂危者、水服三錢、橫生、逆產、酒服一錢、亦佳、小兒腋臭、臍瘡、以此末頻擦之、

【單方】火傷、伏龍肝末、水調傅、蟲螫、塗伏龍肝水、即解毒而愈、中一切魚毒、水送服伏龍肝一錢、隔病驟發、食物不通、伏龍肝末一錢、飯湯送下、頻頻飲服、吐血不止、伏龍肝末一錢、水飲服、中風口噤、精神恍惚、或腹中痛、伏龍肝末一錢、水一杯半、煎至一杯服、聾耳水出、伏龍肝棉包入耳、日三次、懷孕受風、伏龍肝末一錢、白湯送服、衄血不止、伏龍肝末、新汲水飲、舌下生舌、伏龍肝末、酒化塗之、

處方

配和伏龍肝之處方如左、

○獨龍散 治惡阻嘔逆不已者、產後嘔逆、此方亦佳也、

伏龍肝

右一味爲散、白湯送下、

○加減雞蘇散 治婦人吐血、心煩昏悶、

薄荷 阿膠 地黃 柴胡(上) 羚羊角 黃耆 甘草 茜根(中) 黃芩 麥門冬 當歸 伏龍肝(下)

右水一盞、薑三片、竹茹半雞子大、藥四錢、煎至六分、溫服、

○治惡阻嘔吐不止者、

伏龍肝(五錢) 白朮 猪苓(二錢半)

右三味爲末、每服三分至五分、日三次、白湯送下、

○治口吻瘡方

伏龍肝末 輕粉(各等分)

右二味、調傅患處、

用法 研爲粉末、水飛用、

用量 一錢至三錢、

備考 伏龍肝爲止吐藥、以治惡阻、既如上述之處方矣、而陸軍藥劑官相模嘉作氏亦定爲妊娠嘔吐之良藥、著有

伏龍肝煎實驗談一篇、刊入河北新報、特附錄之、以備參考、

中國方藥、目下甚爲人所重視、緣其著有卓效者、勝於西洋新藥遠甚、卽如今人所用妊娠嘔吐之藥劑、盡西洋各種新藥、如亞柯尼欵、鹽酸秘魯培林、蔞酸攝留謨、鹽酸吉加因、雙養汽水、沃度、幾阿蘇、番木鱉酒之類、其奏效均不如中藥之確實、中藥維何、伏龍肝煎是已、按伏龍肝煎、本中醫發明之藥、日本無此土、則以土製煨爐、(卽赤土製之七輪)或焙焙燈明皿等代之、亦如伏龍肝之愈久者爲佳、茲但述土製煨爐、此爐以黃土燒製而成、黃土係尋

常陶土之一種、其主成分如珪酸礬土與水、此外尚略含酸化鐵、水酸化鐵、加里鹽類、加爾叟謨、苦土鹽等、愛知縣出品為最良、入藥用者、鐵鎚擊碎其塊、使成極細、投炭火中燒之、俟碎片熾紅透徹、巨鉢盛井水約九分滿、取碎片盡滓水中、經二三分鐘取出、再燒再滓、反覆至數十次乃止、棄碎片不用、而專用此滓碎片之水、將水濾淨、使成無色無臭無味之澄清液、收貯備用、用量每取二合、作一頓服、服後至遲不過一二時、氣分即見恢復、食慾催進、曾實驗多次、治愈數人、無不立奏奇效、故余每勸人服用、毋貽後悔、暇時尚當研究其有效成分、貢之於世、

益母草

異名 菴 大札 益明 貞蔚 猪麻 負擔 小胡麻 千層塔 天芝麻 反魂丹 臭鬱草 透骨草

鬱臭苗 目比也吐

基本 屬唇形科、為夏枯草（此草至夏枯死、故名夏枯草）之葉莖、陰曆三四月間、採集陰乾、

夏枯草、乃雜草也、多生原野間、春日抽莖、入夏莖高三四尺、莖作方形、有縱溝、每節對生有長柄之葉、葉作深裂三、各片更有深缺刻、似烏頭葉、其莖頂之葉、則似艾葉、裏面色綠、夏中、葉間輪生淡紫色之小唇形花、一花常結四子、是名茺蔚子、亦入藥用、

效能 用作通經收斂藥、

【龍】 辛微苦寒、入手足厥陰、消水行血、去瘀生新、調經解毒、治血風、血暈、血痛、血淋、胎漏、難產、崩中、帶下、乃胎產良藥、更消疔腫、乳癰、通大小便、（中醫治產前產後及一切血氣之病、均以此爲要藥、故有益母草之名）

■根莖及藥、並治乳癰、丹毒、以作面藥、使面容光澤、■產後胞衣不下、以及血暈、血風、血痛、尿血、瀉血、瘀血、大小便不通利者、用之俱效、■濟陰反魂丹、治婦人胎前產後諸病、其效如神、法於五月五日六月六日、紫花開時、連根採下、陰乾、去莖、用花與實並葉、磁器碾爲細末、（忌鐵）煉蜜爲丸、彈子大、依證用、■以枝焙乾、名黑神散、或丸梧子大、任取多少、與酒同服、至病愈爲度、■反魂丹、又治產前臍腹痛、米飲下、■胎動下血、當歸湯下、■產後、童便下一丸、能定魂魄、調和血氣、諸病不生、■胞衣不下、橫產、或胎死不出、心悶、肚腹脹痛、炒鹽湯下、■產後血暈、眼紅、口渴、心悶、狂言、人事不省、童便和酒、微溫下、反魂丹、■產後血塊、臍腹痛、寒熱、冷汗、五心潮熱、童便和酒下、■產後物下不止、腹痛、心悶、童便和酒下、■產後瀉血水、棗湯下、■產後痢疾、米飲下、■產後卒血崩、糯米湯下、■產後赤白帶下、阿膠、艾葉等分、煎湯下、■月水不調、溫酒下、■產後中風、半身不遂、童便和酒下、■產後氣喘、咳嗽、惡心、吐酸、面目浮腫、兩脅疼痛、溫酒下、■產後自汗、咳嗽、發熱不止、變成骨蒸、童便和酒下、■產後大小便不通、口苦、煩渴、薄荷湯下、■婦人不孕、溫酒空心下、■赤白帶下、益母花開時採下、搗末、每服二錢、食前溫湯下、■痢疾、益母草末、陳鹽梅炭等分調和、白痢、乾薑湯下、赤痢、甘草湯下、名二靈散、■馬咬傷、益母末、醋攪拌炒熱、塗之妙、■益母止血之功、堪稱第一、然於發熱之實證、如早用之、則有腹痛、腫氣之弊、不可不知、又月經久不止者、用之立止、效甚、

【單方】 疔瘡、搗益母草葉塗敷。⊙小便混鮮血者、益母草搗汁、取一合許服、

處方 益母草之處方如左、

○益母丸 治婦人胎前產後、或難產胎胞不下、血暈不醒、或惡露不盡、

五月五日午時、取益母草陰乾、搗為細末、煉蜜丸、每服一九、童便好酒各半研化服之、如不飲酒、薑湯化服、

○治婦人經前經後、感冒頭痛、發熱譫語、妄見煩躁、類似傷寒、此熱入血室也、

益母草 柴胡 半夏 當歸 牡丹皮 黃芩

右水煎服、

忌忌 忌火並銅鐵器、

用量 七分至二錢、

附錄 荷蘭藥鏡云、益母草、又名充蔚、有稀釋鑽透鎮痙強壯之效、於子宮諸病、心腹痛、心下牽脹、心悸、或粘液壅滯、

妨礙胃之消化運動、致發孿急痛者、或肢節牽引拘攣者、以此作泡劑服飲、俱有效、洵良藥也、

三七

異名 山漆 不換金

基本

此爲屬於菊科三七草之根、採掘後、晒乾應用、

三七草爲多年生草本、恆山野自生、庭園亦栽植之、莖高一二尺至三四尺、葉大、分裂若羽、似薊葉、無茸毛、柔軟平滑、面綠色、背帶紫、秋間開花於梢頭、其色黃、狀如筒、排列爲頭狀花序、類似薊花、

藥用三七、皆中國產、根作團塊、日本產、根長、名土三七、未知堪入藥否、

本草綱目曰 三七春生苗、夏高三四尺、葉似菊艾而勁厚、有歧尖、莖有赤稜、夏秋開黃花、蕊如金絲盤紐、可愛而不香、花乾則吐絮、根葉味甘、云是三七、而根大如牛蒡根、與南中來者不類、恐是劉寄奴之屬、甚易繁衍、又其根有黃黑色團結者、狀略似白芨根、長者如老乾地黃、有節、頗似人參之味、或云、試以末摻豬血中、血化爲水者、乃真也、用之合金瘡、如漆粘物、故名山漆、又云、其葉左三右四、故名三七、恐不盡然、

效能

中醫用爲血病之藥、

【能】 甘、微苦、溫、散血定痛、治吐血、衄血、血崩、血痢、紅眼、癰腫、（醋摩塗即散、已破者爲末摻之、）爲金瘡杖瘡要藥、（杖時先服一二錢、血不衝心、杖後傅之、去瘀消腫、易愈、）此藥近時始出、陣中恃之、從廣西山洞來者、略似白芨及地黃、有節、味微甘、頗似人參、以末摻豬血中、血化爲水者、眞和漢三才圖會曰 三七爲血分之藥、人所知也、又養金魚如將死時、採山漆葉、入汁於魚口、即活、故魚池旁必種之、無名瘡癩、按葉敷之、

■此藥氣溫、味甘、微苦、爲陽明厥陰血分之藥、故能治諸般血病、■止血、散血、定痛、■刀箭傷、跌撲、杖瘡、血出不止、三七嚼爛塗上、或搽末、血立止、■主治吐血、衄血、下血、血痢、崩中、產後惡露不止、血暈、血痛、紅眼、癰腫、虎咬蛇傷諸症、■吐血、衄血、山漆一錢、白嚼爛、米湯送下、或以五分加八珍湯服、赤痢、血痢、三七三錢、研末、米泔水調服、即愈、■產後血多、山漆研末、米湯調服一錢、男婦紅眼、十分重者、山漆根研汁、塗四圍、甚妙、無名腫毒、疼痛不止、山漆磨細、米醋調塗、即散、已破、研末乾搽、■三七爲金瘡之要藥、凡杖撲傷損、汚血淋漓者、速取三七根自行嚼爛、卷上即止、有毒腫者、亦即消散、若受杖時、預服一二錢、則血不衝心、杖後尤宜頻服、

【單方】 ●吐血、衄血、山漆根一錢、米湯送下、●赤痢、血痢、山漆三錢、研末、米泔水調服、即愈、●大腸下血、婦人血崩、三七研末、調淡酒一二錢服、或加入四物湯中亦可也、●男婦紅眼、十分重者、以山漆磨汁塗四圍、甚妙、●無名腫毒、三七研磨、米醋調塗、即散、●毒蟲螫傷、揉三七葉、取其汁塗、●打撲、三七根葉搗爛、和小麥粉、貼痛處、

用法 曬乾、剉用、

用量 一錢至三錢、

來歷 日本之有三七草、在慶長年間、蓋自中國來也、

雜纂 昔者日本當德川時、有養大關及東錦之金魚者、金魚忽奄奄垂斃、百計罔效、聞蕃椒水能令魚復生、試之亦失望、偶有攜此草來者、置東錦金魚水缸邊、爲風吹仆、葉浸水內、人無知之者、無何、客去、忘攜草歸、主人心念金魚復

趨視之時夕陽已下、見草葉沒于水、金魚潛身葉下、似頗有活潑態、怪甚、諦視其草、則三七也、主人於中藥、固夙有心得者、姑摘葉數片、按而絞其汁、遍投諸金魚缸、詰朝視之、昔之萎弱者、今皆鼓鬣而上下泳、更以試他魚、悉驗、由是主人遂得飼養金魚之祕法、而以三七草為救命丹、凡魚池旁、輒遍種之、以備急需云、

密陀僧 Lithargyrum. (拉) Litharge. (英) Blighlatte. (德)

本草綱目曰 密陀僧出波斯國、今嶺南、閩中銀銅冶處亦有之、是銀鉛脚也、其初采礦時、銀銅相雜、先以鉛同煎煉、銀隨鉛出、又采山木葉燒灰、開地作爐、填灰其中、謂之灰池、置銀鉛於灰上、更加火鍛、鉛滲灰下、住灰上、罷火、候冷出銀、其灰池感鉛銀氣、積久成此物、蓋銀冶所出最良、今既難得、造黃丹者、以脚滓鍊成密陀僧、和漢三才圖會曰 灰吹之滓也、有金密陀僧、銀密陀僧二種、以黃白色別之、用煎湯藥者少、膏藥或桐油漆中始用之、

異名 灰坯 陀僧 爐底 理文石 沒多滑 甜陀淳子 甜面淳子

製法 精鍊銀鑛之際、熱鑛石末、加入鐵屑、除去硫黃、加鉛熔合、再使鉛酸化、令吸收於木灰中、依精鍊之灰吹法、而造出副產物、是為密陀僧、或祇將鉛鎔化、使觸空氣酸化而製之、

形態 為粉末或鱗片狀之塊、色黃或紅黃、無臭無味、水不能溶解、稀硝酸能溶解之、又浸於稀硫酸中、則夾雜其間

之銅鐵、均可除去、

第四版改正日本藥局方云、酸化鉛、卽密陀僧、爲性重之粉末、或狀如小葉之結晶塊、色帶黃、或似紅黃、熱則熔融、現暗色、水及酒精俱不溶解、稀硝酸能溶解之、

品類 帶灰色者、謂之銀密陀僧、現黃色者、謂之金密陀僧、品質相同、不過因色彩而區分耳、

成分 化學上謂之酸化鉛、 PbO

效能 配合膏藥、用以治瘡、

【能】 辛鹹、小毒、感銀鉛之氣、凝結而成、墜痰、鎮驚、止血、散腫、消積、殺蟲、療腫毒、愈凍瘡、（熟桐油調敷、）解狐臭、（油調搽腋下、或以饅頭蒸熟、劈開摻末、夾腋下、亦佳、）染髭鬚、

處方 配合密陀僧之處方如左、

○黃花散 治口舌生瘡、

密陀僧 青黛 黃連 黃蘗 玄胡索

右爲末、每用傅貼瘡上、有津吐去、

○安保須膏

麻油（一斤十二兩） 黃蠟 松脂（各十二兩半） 綠青 乳香（各三兩二錢） 密陀僧（一兩半） 杉脂

(一兩) 沒藥(四錢)

右煉合為膏、

○治面鼻赤皰

密陀僧一味、不拘多少、為末、臨臥、乳汁調敷面上、次日洗去、不過三五次、即愈、

用法

磨研細粉、水煮一日、晒乾用、

弟切草

異名

乙切草 小連翹

基本

係屬金絲桃科小連翹 *Hypericum erectum*, Thunb. 之葉莖、

小連翹為山野自生之多年生草、莖高二尺餘、葉皆對生、作長卵圓形、無葉柄、夏秋之間、於梢上及葉腋抽枝、叢生黃色五瓣花、葉面及花瓣俱有黑點、秋季結三稜莢、中有黑色細子、

弟切草有突拔弟切草、汗弟切草、姬弟切草、苦弟切草等數種、

效能

揉葉莖、貼金瘡、斬傷、及無名腫、有效、

荷蘭藥鏡曰 用花穗、溫煖疎解、含有香脂 (Balsam) 狀油、能收斂、散凝血、○緩解醱腐液、為和胸良藥、治欬嗽、

聲、嘔、肺傷、勞、效、又治吐血、下血等諸脫泄、浸葡萄酒服尤佳、○散解內臟壅塞、神思鬱憂病、及子宮衝逆等、又治由此而起之神經錯亂、○小兒瘡、搗、用花末自十克冷至十五克冷、每日兩次、用乳汁等服下效、○殺胃腸蚊蟲、用此藥煎湯服、或搗爛貼腹部、○稀釋乳汁凝結、消婦人乳房結核、○有利尿之效、故亦用於黃疸水腫、○癆瘵狀咳嗽及肺癆、用後方間有奇效、

〔淨污清肺飲〕 乙切草（穗） 黽矢刺獲 山蘿蔔（各一握） 甘草（一盞斯）
右爲泡劑、隨意服之、

乙切草油、採花穗陰乾製之、法與加密列煎油同、此油血紅色、用以外敷、爲最良之愈創藥、有香脂（Balsam）狀功效、能愈創傷、潰瘍、排膿、生肉、又散凝血、治打撲傷、（尤以神經傷最有效、）肢節震顫、或擦風痛、脚痛等、

〔雜考〕 和漢三才圖會曰、相傳花山院朝、有飼鷹者名晴賴、精其業、鷹被傷、按草傳之即愈、人乞問草名、祕之不言、然家有弟、密露洩之、晴賴大怒、刃傷之、自此知鷹之良藥、名弟切草、（即斬弟草）

側柏葉 Leaf of *Arbor-vitae*. (英)

〔異名〕 叢柏葉

〔基本〕 係屬松杉科側柏 *Thuja orientalis* L. 之葉、側柏爲常綠樹、人家庭園多植之、（參照柏子仁條）

效能 中醫用治吐衄痢及赤白崩血、

【能】 苦澆、微寒、養陰滋肺而燥土、最清血分、爲補陰要藥、止吐衄崩痢一切血症、去冷濕痺、歷節、風痛、

【單方】 火傷用側柏葉搗爛貼、●去頭上白屑、用側柏葉三片、胡桃七枚、好梨一枚、訶子十五個、細搗、浸清水片時、塗頭、或用櫛釀梳之、●梳髮防髮落、用側柏葉（大小二葉）樞實（三個去皮）胡桃（二個去皮）三品、浸雪水三日、用櫛釀此水梳之、

處方 配合側柏葉之處方如左、

○治婦人月水不絕

側柏葉（炙） 芍藥（各等分）

右每用三錢、酒水煎服、

○治室女月水不止

側柏葉 木賊（炒微焦各等分）

右爲細末、每用二錢、米飲送下、

用法 浸粳米泔、或浸酒、焙乾用、

禁忌 畏菊花、諸石、忌麪、

用量 二錢至四錢、

鬱金 *Curcuma* (拉) *Turmeric* (英) *Kurkuma* (德)

異名 乙金 玉金 深黃 馬遂 蔚金 鬱皂 金母蛻

產地 產東印度、中國、臺灣、琉球、日本九州地方、

基本 係屬薑科鬱金 *Curcuma longa*, L. var. *macrophylla*, miq. 之地下莖、

鬱金為多年生宿根草、高二三尺、葉類曇華、花稍似茗荷而大、多小苞、作鱗狀、其間有三四黃蕊、鬱金入香料、能使其香及遠、

形態 為芋狀主根、長五分至一寸五分許、葉痕作輪狀、環繞周圍、外面灰褐色、內部暗褐色或黃色、作角質狀、有一種芳香、稍有苦味、

成分 為黃色素 Curcumin , $\text{C}_{22}\text{H}_{16}\text{O}_5$ 揮發油、澱粉等、

效能 用治血癰、金瘡等、

【能】 辛苦、氣寒、純陰之品、其性輕揚、上行入心及包絡、兼入肺經、涼心、散肝鬱、下氣、破血、治婦人經脈逆行、血氣心腹諸痛、

【單方】小便混鮮血、用鬱金末一錢、葱白二莖、水二杯、煎一杯半服、●中砒霜毒、用鬱金末、加蜜少許、和水服、●產後下惡露甚少、血逆昏暈、用鬱金末炒黑醋服、

處方 配合鬱金之處方如左、

○白金丸 治癲狂失心、

白礬(三兩) 鬱金(七兩)

右薄荷糊丸、

○鬱金散 療小兒生下、身如丹塗者、

鬱金 桔梗 甘草 天花粉 葛根(各等分)

右爲細末、薄荷煎湯、入蜜調服五分後、藍葉、浮萍、水苔同研、絞汁、調朴硝、土硃、塗赤處、

用法 去鬚根、剉用、

用量 三分至一錢、

貝子 Species of cowry.(英)

- 異名 貽 朋 玄 委貝 白貝 浮貝 惠貝 濯貝 碧貝 貝齒 餘泉 螺巴 壓驚 壓驚螺 海巴

子 白海肥 管貝齒

產地 產熱帶之海中、日本之琉球、薩摩、紀伊、八丈島、小笠原島等處、亦多產之、多在海底淺岩礁上、

基本 貝屬腹脚類、其殼入藥、

形態 種類頗多、小者如豆、大者至三四寸、兩頭狹、一面作球形、一面稍扁平、自左右卷向內方、有一長孔、其左右邊緣、縷刻如齒、外面滑澤、色有白、紫、黑、黃、褐等、有美麗白斑、殼質極堅硬、

效能 與牡蠣等同、

用法 燒研爲細末用之、

竹筴

異名 淡竹筴

基本 係將禾本科淡竹之幹莖、(即地上莖)削去青綠色之表皮、刮取內皮白層、供藥用、

淡竹爲竹之一種、產於燥地、爲常綠多年生植物、高有至三四丈者、地上莖中空、有顯明二條環狀突節、節較苦竹爲短、被有白粉、葉作披針形、有平行脈、花如稻麥穎花、惟不常開、

效能 用治吐血、肺痿、衄血等、

【能】 甘而微寒、開胃土之鬱、清肺金之燥、涼血除熱、治上焦煩熱、

【單方】 呃逆不止、用竹筴白湯煎服、●血淋、用竹筴五錢、水二碗、煎一碗、空心服、●白赤帶下、取竹筴用火稍炙成粉、每次一錢、白湯服下、●飲酒頭痛、用竹筴五錢、雞卵一枚煎服、●月水不斷、用竹筴微炙爲末、每服三錢、用水一盞煎服、

【處方】 配合竹筴之處方如左、

○竹筴湯 治胃熱嘔吐、手足心皆熱者、

半夏 葛根 竹筴 甘草(生) 生薑 大棗 或加藟胡
右水煎、

○竹筴溫膽湯 治傷寒日數過多、其熱不退、多燥多痰、失眠、

柴胡(二錢) 香附子(八分) 人參(五分) 連翹(一錢半) 甘草(三分) 桔梗 陳皮 半夏 竹筴
茯苓 枳殼(各一錢)

右加生薑大棗、水煎溫服、

用量 二錢至五錢、

鹿蹄草

異名 鹿飽草 秦王試劍草

基本 係屬鹿蹄草科一藥草 *Pirola rotundifolia*, L. var. *albiflora*, maxim. 之葉莖、

一藥草為多年生常綠草、自生於山野、葉有長葉柄、自地上叢生、作深綠色之橢圓形、大四寸許、脈絡頗深、經冬不凋、夏月抽長七八寸之花莖、於上部開白色或紫色之六瓣總狀花、多下向、

效能 用作止血收斂藥、

【單方】 揉生葉貼創口、可止血、●毒蟲螫傷、毒蛇咬傷痛甚者、貼之即止痛、

備考 屬鹿蹄草科之冬青 *Chinaphila umbellata*, Nutt. 有譯作鹿蹄草者、但與一藥草實非同物、

冬青、英名為 *Winter green*. 或 *Pipsissewa* 為常綠草、葉作尖卵圓形、大二寸許、邊緣有鋸齒、表面作深綠色、裏面稍作青白色、揉碎新葉、有一種臭氣、中含苦味越幾斯 (*Chinaphilin*) 單寧等、此物在歐美、用作強壯收斂藥、治腺病、癩麻質斯等、

由此葉採取之揮發油、謂之冬青油 (*Winter green oil*) 無色、或帶紅色、有芳香、味甘、觸舌有溫感、比重為一·一七至一·一八、沸點為百度、專用於香料、

童便

異名 輪回酒 還元湯 還魂酒

基本 用十二歲以下童男之便，本草備要曰，十二歲以下童子不食葷腥酸鹹者佳。

效能 氣味鹹寒，蓋性溫不寒（十二歲以下童男最良）主治久嗽失聲吐衄難產胎衣不下產後血熱一切血病，（入薑汁徐徐服之，寒天則重湯溫服。）

處方 童便之處方如左。

○還元水 治咳血吐血及產後血運陰虛久嗽。

童便

取十一二歲無病童子不茹葷辛清徹如水者熱飲，冬則用湯溫之，或加藕汁阿膠和服，有痰加薑汁。

荷葉 *Leaves of lotus.* (英)

異名 藕荷 芰荷

基本 卽屬睡蓮科蓮 *Nelumbo nucifera*, Gaertn. 之葉。

蓮爲生於池沼之多年生草、春季從宿根生新葉、初小謂之錢葉、(荷錢)稍大、浮水上、謂之水葉、地下莖肥大、有節、內有作縱行管狀之多數空隙、此卽藕也、供食用、葉初爲卷葉、後舒張作圓形楯狀、高抽水、表面滑澤、下面中央有葉柄、初夏開美麗白色或淡紅色大花、子實包藏於倒圓錐形之花托(蓮房)中、狀類椎實、

效能 用於止血及解毒等、

【能】 苦平、其色青、其形仰、其中空、其象震、感少陽田膽之氣、燒飯合藥、痘瘡倒靨者、用之能散瘀血、留好血、治吐衄一切血症、

【單方】 中菌草類毒、用荷葉搗爛和水服、乾葉可煎服、●乳痛、用蓮葉燒焦、白湯服下、●崩漏下血、用蒲黃、黃芩一兩、合荷葉燒半兩、空心酒服、

用量 一錢至三錢、

髮灰 *Burnt hair.* (英)

異名 人退 血餘 亂髮霜

製法 將人梳下之髮、用皂莢煎湯洗淨、晒乾、入礮燒焦、尤以年久落髮爲最佳、又男子二十歲以上、顏色紅白無病者、取頂心剃髮、先用苦參浸水中一夜、乃將髮置入其中、燒赤後、研磨入藥云、

效能 治淋疾及大小便不通、又用作止血藥、

【能】 吹鼻止衄、合雞子黃煎爲水、療小兒驚熱、合諸藥熬膏、涼血、去瘀、長肉、

【單方】 誤吞頭髮、纏繞不出時、取亂髮霜用水服下、●齒齦出血、用亂髮霜一錢許、調醋服、並塗敷佳、●赤帶下、取髮灰用白湯服下、●小便混有鮮血、用髮灰二錢、白湯入醋少許送下、●小兒驚啼、用乳汁或酒服下髮灰少許、●小便不通、取髮灰用冷水飲下、●崩漏、取髮灰百藥霜各一錢、燒爲末、用溫酒或白湯服下、

馬勃 *Puffball*(英)

異名 灰包 馬包 馬胞 灰菰 馬尼菌 馬屁勃 牛屎菰 馬天乙茸

基本 係夏季生於山林陰地之馬勃、*Lycoperdon borista* (*L. gemmatum*, *Balsch.*) 爲菌類之一種、

形態 初生作白色球狀、如馬糞、及長大外面作暗褐色、質輕如綿、中含無數孢子、其熟者、觸之發塵煙、

效能 專用作止血藥、

【能】 辛平輕虛、上焦肺經藥、清肺、解熱、散血、止嗽、治喉痺、咽痛、鼻衄、失音、

【單方】 止金瘡一切血、用馬勃搽之、●吐血口渴、好飲水、用馬勃爲末、砂糖爲丸、如枇杷核大、冷水溶化、服下、

烏樟

異名 枕 豫 檜 釣樟

基本 係屬樟科烏樟 *Lindera sericea*, Bl. 之根皮。

烏樟產暖地山中、日本之四國、安房、伊豆等處、亦頗產此、爲落葉灌木、幹高自七八尺至一丈、葉爲長橢圓形或披針形、前端尖、三五葉簇生、初夏於生新葉之前、枝梢先開黃色小花、作繖狀、實黑色圓形、大二三分、藥用用其根皮、

成分 根皮成分未詳、木部、葉、實、皮部、俱含有揮發油、採收之、名爲烏樟油或釣樟油、

藥學士相川銀次郎氏有「烏樟油一名黑紋字油」一文、載於藥學雜誌第二百二十三號、報告其實驗、可參閱、烏樟油爲日本輸出海外之重要香料、工業化學會雜誌第十一編一百三十號、載有工學士柴田忠氏「黑文字油」一文、對於黑文字油之性質及成分之實驗、黑文字油之製品、均詳細論述、

效能 用作止血藥、

【能】 根似烏藥香、以根皮刮屑、止金瘡血甚驗、

無名異 *Limonite*. (拉英)

異名 土子

產地 產中國河南、陝西、廣東諸省、日本遠江、石見、隱岐、伊豆、土佐等處亦產之、

形態 係附著石上有光澤黑褐色之球圓形塊、其大小不一、大者亦僅一分餘、小者如黍粟粒、磨成粉末、則作茶褐色、

成分 含水養化鐵、

效能 用以止血、又用於食傷等、

【能】 鹹寒、治金瘡折傷、止痛、生肌肉、（爲末酒服）消癰疽腫毒、醋磨傅之、

用法 細加水飛用、

用量 三分至一錢、

大薊

異名 地疔 地丁香 地丁草 地下草 大居寒 牛溺刺

基本 係屬菊科大薊 *Cirsium spicatum*, Maxim. 之地下莖及葉、

大薊（山薊）爲山野自生之宿根草、地下莖作白色紡錘狀、分歧多而有鬚根、莖作五稜、高三四尺、葉多刺而互

生、作灰綠色長披針形、有羽狀深裂、皺縮而生毛茸、花為淡紫色筒狀花、

效能 用作止血及水腫藥、

【能】 氣味甘溫、能止吐血、衄血、崩中、下血、但大薊兼療癰腫、小薊專主血、而不能消腫也、

【單方】 大薊葉陰乾、用治吐血、衄血、下血、●揉碎葉莖、用治腫瘍、●崩漏、用大薊根、搗取汁、溫服、

用量 七分至二錢、

血竭 Sanguis, draconis, Resina Draconis. (拉) Drachenblut, (德)

Dragons-blood. (英)

異名 血結 血虱 渴臬 麒麟血 麒麟竭 海腊石 爪兒血

產地 產亞非兩洲、及美洲之熱帶地方、

基本 此實一種樹脂也、其樹即名麒麟血樹、樹上所結之果實、自然滴出樹脂、謂之血竭、或鑽刻樹幹、亦有樹脂滲出、凝乾用之、

可得血竭之麒麟血樹、有數種、多生於東印度地方、屬棕櫚科、名 Calamus Rotang, I. 為蔓莖植物、幹粗二寸、覆以葉鞘、性柔撓、遍生尖刺、其幹纏絡他樹、葉為羽狀複葉、其小葉則作披針形、周緣有硬毛、花為黃白色之冠狀花、實圓如球、質硬、帶黃褐色之鱗片、其下滲出血紅色之樹脂、即血竭也、又有一種、屬百合科、名 Dracaena Dra

261. 多產於非洲之坎那利島，是爲喬木，樹頂分歧八九枝，各枝又一一分歧，狀若華蓋，葉生於各枝之梢端，作長披針形，葉脊突隆，遍生硬刺，花則開於枝端，其瓣有六，結實淡黃，大如櫻實，攢簇若葡萄，試鑽刻此樹之皮，卽有樹脂滲出，所謂血竭是也，更有一種，爲荳科植物，名 *Pterocarpus Draco*，L. 產於美洲及西印度，則皆自其實中滴出血紅色之樹脂，亦名血竭，採得後，彙而售諸藥肆。

製法

各地土人，採得此等血竭，更加以人工，使產量增多。

採收血竭有數法，其得自實中者，破皿中注水一半，皿中蓋銅鐵絲網，實置網上，架皿火上，熱以水蒸氣，則血紅色之樹脂，自然續續滲出，成小圓塊，卽取該樹葉包裹，候其自乾，一法，取子搗爛，納布袋榨之，脂亦流出，爲小圓塊，或投實水中同煮，俟樹脂溶出，卽放冷成塊，或爲餅狀，亦以葉包裹，使凝結更堅，其得自樹幹者，或夏日採收自然瀝出之樹脂，或鑽刻樹皮，候樹脂滲出，亦皆以葉包裹，尤爲簡易。

品類

血竭因植物之不同，與各地採收之相異，種類遂有分別。

一 淚痕麒麟血 爲小如豌豆，大若胡桃之圓塊。

二 桿狀麒麟血 作桿棒狀，長三特西米突，至五特西米突，皆包以樹葉。

三 餅狀麒麟血 作糕餅狀，長三四特西米突，廣一。五特西米突，亦包以樹葉。

四 板狀麒麟血 爲方形或細小之板狀。

往時藥肆分別血竭之品類、其小圓塊呼小棕樣、其粘有污物而如餅之大塊、則呼椀樣、定爲下品、今將手板發蒙、日用藥品考及本草紀開所載血竭之品類、摘錄如下、棕樣有大小二種、皆包以棕櫚樣之葉、大棕長一尺、寬寸許、小棕長一寸、寬六七分許、俱黑色、有光澤、爲未則作深紅色、此上品也、別有呼長棕者、血竭既包樹葉、葉外更纏以藤、此中品也、並無樹葉包裹、但作二寸見方之餅塊者、呼曰盤樣、從前輸入者皆下品、近今輸入者爲上品、

形態 上品爲正圓形或長圓形之塊、大如榛子或胡桃、比重約一・二、外現暗紅褐色、有光澤、質鬆脆、破碎面呈不透明之紅色、研爲末、色如硃砂、無臭味、投入火中、則熔煙上騰而燃燒、放松枝之臭、水不溶解、酒精及亞兒加里液、能溶解之、

效能 爲收斂及止血藥、用於下痢、或衰弱性盜汗等、他如製造牙粉、硬膏等、則加入少許、令作紅色、以求美觀、

【能】 甘鹹、色赤、入血分、補心包肝血不足、專除血痛、散瘀生新、爲和血之聖藥、治內傷血聚、金瘡、跌損、瘡口不合、止痛生肌、但不可性急、使多則轉引膿也、

■爲手足厥陰（心包絡）肝經之藥、心包絡與肝、皆以血爲主、故凡因血結而發之各種病痛、此皆治之、乃和血之聖藥也、乳香、沒藥、雖治血病、兼入氣分、故氣實而有餘者、轉使不安、若血竭則專走血分、■治心腹血痛、■治因跌打損傷而發之疼痛、兼治內傷血積、能補虛、■金瘡出血不止、以末傅之、■產後血冒、喘滿、命在垂危、血竭、沒藥

各一錢、爲末、童便加酒服、**血塊**、**血竭**、沒藥各一兩、滑石、牡丹皮同煮過各一兩、爲末、醋糊丸、梧子、大空心白湯下、**【竇方】**一切傷癥、以血竭研極細末、搽之、卽愈、●產後惡露不下、血逆昏暈、麒麟血沒藥各一錢、爲末、童便酒各半混和、溫服末藥、●婦人卒然血崩不止、名曰崩漏、血竭燒黑、溫水送服、如元氣虛乏、用獨參湯、

荷蘭藥鏡曰 性收瀉乾燥、爲止血之峻藥、內服治劇烈脫血、下血、吐血、及虛脫下瀉等、○加枯礬、卽爲收瀉之峻劑、能使稀涼之血液、堅凝而變稠粘、以治諸脫泄過多及婦人崩漏下血等、俱有速效、但亦祇可用於亡血過多虛脫之症、若在壯實多血者、則當先行刺絡、或投下劑、無效而後用之、然終不如用下方之尤妙、方係血竭末一錢、枯礬末三錢、糖漿適宜調和、以二分製一丸、早晚共服五丸、劇症、半時服一丸至二丸、是名收斂攝血丸、○血竭收瀉之效、雖甚偉大、然晚近醫家、多不用血竭、而以阿仙藥與吉納樹膠等代之、尤爲佳良、○外敷、能使創傷潰瘍等、結痂治愈、入牙粉刷齒、能令齒牙堅固不搖、

【虛方】

配合血竭之處方如左、

○麒麟竭散 治寒濕搏於經絡、痛不可忍、

血竭 乳香 沒藥 白芍藥 當歸 水蛭(炒) 虎脛骨(炙黃各五分) 麝香(二錢)

右爲末、每服三錢、溫酒調下、

○麒麟竭散 治產後惡血衝心、痛氣欲絕、

麒麟竭(二兩) 沒藥 木香(各一兩) 代赭石 麝香(各半兩)

右爲散、當歸酒調下二錢、如行五六里再服、當下惡血、神效、

○麒麟血散 治產後血邪攻心、恍惚如狂、

麒麟血(一分) 蒲黃(三分)

右研極細、和勻、溫酒調下二錢、

○二神散 治產後血暈、血入心經、語言顛倒、健忘失念、

血竭 沒藥(各等分)

右研細爲末、纔產下、卽用童便細酒各半盞、煎一兩沸、調下二錢、良久再服、其惡血自循下行、更不上衝、免生百病、

白湯調下亦可、

○血竭散 治痔漏痛不可忍、

血竭

右一味爲細末、自用津唾調塗、

○麒麟膏 金瘡止痛、結痂、

蜜蠟(九錢) 保留登瓦兒油(二兩) 松脂(八錢) 血竭末(八錢) 沒藥 乳香(各一兩)

右蠟油脂三味、慢火煎熬、候熔化去滓、再下後三味、和勻、

用法 須研成極細之粉末、方爲合用、

用量 內服○・三至・○五、

沒藥

沒藥之總彙集處、在印度之孟買、品類之分別、卽出於該處之商人、其最上品、運銷英國、最劣者、運至中國、日本藥局方、屏棄其舊稱之沒藥、而採密兒拉之原名、選用其佳者、

異名 末藥

產地 產於阿拉伯之南部、及亞比西尼亞之北部、日本不產此物、

基本 屬於橄欖科之密兒拉、鑽刻其樹、卽有一種樹脂滲出、乾則成塊、卽沒藥也、

採取密兒拉之基本植物、日本藥局方註釋甚詳、錄之如左、

自古作熏香及香料之沒藥、(卽密兒拉)其基本植物、爲一種小樹、產非洲東部之蘇瑪利海岸之阿爾山、及賽勒脫山、阿拉伯海岸亦有之、枝條交互開展、帶有尖棘、其葉凡三、並帶側葉二、但甚小、同爲倒卵圓形、末端反鈍、邊緣毫無缺裂、間或微有齒裂之痕、其葉皆短、叢生枝上、花多雌性、極小、有短梗、作叢束狀、萼如杯、又似水盞、四瓣分

歧而不散落、花冠亦四瓣、作長橢圓形、儼如直立萼上、雄蕊八、短而如杯、生於花牀之邊緣、亦直立不倚、實礎分二三房、房各藏胚子二、雌蕊柱極短而粗、有自成三瓣鈍端之柱頭、果實爲石果、中有石核一枚至三枚、形卵圓、作褐色、尖端滑澤、分裂爲兩引至四引、種子有似膜之子衣覆之、此樹之外皮及髓中、俱存有腺體、與骨湃波樹及祕魯脂樹甚相似、

形態 爲形圓不整之塊、小者僅如穀粒、大者有若雞卵、外面色似黃或紅褐、表面蒙塵粉、破碎面或粗糙、或有似蠟之光澤、往往雜有特異之白斑、比重一·一二至一·一八、不易成爲粉末、必與水同研磨、始爲帶白似乳之汁、遇酒精、僅溶解少許、餘留之護膜、與夾雜物、則依然如故、暖之則柔軟、發清香、投火中不熔、但放淡焰而燃燒、香氣甚烈、味苦辛、遇硝酸或鹽酸、立變紫色、

第四版改正日本藥局方所載密兒拉如左、

密兒拉、乃一種樹脂、或爲顆粒、或爲不整之塊片、色帶黃、或帶紅、或褐、內部處處現帶白色、破碎之小片、可透映、香氣甚烈、味苦而辛辣、咀嚼之、則粘齒、以水研磨、則成黃色之乳劑、又以沒藥之粉末一瓦、加伊打三立方仙米搖蕩、濾過、則得黃色之液、使其揮散、以其餘渣與發烟硝酸之蒸氣相接觸、則現紅紫色、又於沒藥中加熱酒精、令十分浸出、其餘渣、百分中尙留七十分、更以之化爲灰、百分中僅留六分以上之固性物、

品質 從前藥舖、尙有煉沒藥、花沒藥二種、煉沒藥卽上述之沒藥、花沒藥如粒如片、色深紅或黃、質堅脆透映、香氣

及苦味俱少、嚼之則唾津變紅、產於暹羅、錫蘭、名曰紫梗、

成分 含樹脂三十至四十%、護膜四十至六十%、揮發油二至四%、

效能 消化機能弛緩者、可以此強健之、此外又用爲防腐、止血藥、

〔能〕 苦平、(經疏云、應兼辛)入十二經、散結氣、通滯血、消腫、定痛、生肌、(血滯則氣壅、氣壅則經絡滿急、故腫且痛、)補心膽虛、肝血不足、(推陳致新、能生好血、)治金瘡、杖瘡、(血肉受傷、故瘀而發熱作痛、)惡瘡、痔漏、翳、暈目赤、(肝經血熱、)產後血氣痛、墮胎、(乳香活血、沒藥散血、皆能消腫、止痛、生肌、故每兼用、瘡疽已潰者、咸忌、膿多者勿敷、)○色赤、類琥珀者良、治同乳香、

■破血、止痛、故用於金瘡、諸惡瘡、痔漏、下血、消瘀血、治腫痛、故用於產後心腹血氣痛、■金瘡、或打傷、墜馬傷、致筋骨痛、心腹有瘀血者、沒藥爲末、熱酒調服、■此藥善通滯血、故有上述諸效、■乳香活血、沒藥散血、並止痛、消腫、生肌肉、故乳香、沒藥、往往合用、■通月水、血塊用之、卽以其破血故也、■筋骨損傷作痛、米粉四兩炒黃、乳香、沒藥各五錢、酒調作膏藥傅、妙甚、■婦人心腹刺痛、或血氣心痛、沒藥末、白湯或酒服、■血少而瘦之婦人、月經不來者、忌冷症、四物湯加延胡索、治腹痛、沒藥用於熱症、

處方 配合沒藥之處方如左、

○沒藥散 治一切心腹疼痛、不可忍者、

沒藥 乳香(各一錢) 穿山甲(五錢) 木鼈子(四錢)

右爲細末、每服半錢或一錢、酒大半盞、煎三五沸服、

○沒藥散 治墜馬跌損、內有敗血、疼痛不可忍、

沒藥(末) 麒麟竭(末) 黃丹(微炒) 白礬(燒灰各一分)

右爲散、不計時候、溫酒服、

○沒乳丸 治療血痢、

沒藥 乳香 桃仁 滑石

右爲末、蒸餅丸、磨木香、檳榔二味、同蘇木湯下、

○小調經散 治產後浮腫、

當歸(二兩) 桂心 芍藥(各五分) 沒藥 琥珀 甘草(各二分) 細辛 麝香(各一分)

右爲末、每一錢、溫酒入薑汁調服、

○如神錠 治下痢裏急後重、

沒藥 阿膠(各一兩) 大黃(三錢)

右三味爲末、糊爲錠、如梧子大、隨症一片或二片、白湯送下、

○六一膏 治癰疽、疔瘡、便毒、風毒、脚氣、及跌打、瘀血、筋骨疼痛等症、

香油(二兩半) 蜜蠟(一兩二錢) 松脂(八錢) 松脂油 牛油 椰子油 沒藥(以下三味細末) 雲

母 乳香(各四錢)

右油蠟六味、入瓦鍋、以慢火熬蠟肪溶化、去滓、俟涼、下三藥末、和勻、

用法 與乳香同、又酒磨用、或作丹藥、微炒用、

用量 五分至錢半、

訶子 Myrobalan.(英)

異名 苛子 呵子 柯子(椎實亦一名柯子) 澁翁 訶梨勒

基本 係產印度地方屬使君子科訶梨勒 Terminalia chebula, Retz. 之實、

本草綱目曰 訶子生西域、今嶺南皆有、而廣州最盛、樹似木槿而花白、子形似梔子、橄欖青黃色、皮肉相著、七八月實熟時收之、以六路者為佳、六路者即六稜也、(或多或少者、是雜路勒也、)皆圓而露文、(或八路至十三路者、號椰精勒、味濇、不堪用也、)未熟時風飄墮者、謂之隨風子、

形態 為褐色卵圓形之石實、類榧實、縱有六稜、皮厚而有皺紋及光澤、內部堅實、帶黃色、味苦、

成分 含有沒食子酸及沒食子鞣酸、故印度地方用於染色及鞣皮術等、

效能 用作收斂藥、止泄瀉、赤白痢等、

【能】 苦酸溫、止腸癖、久泄、赤白痢、消痰、下氣、化食、實大腸、但同烏梅、五倍子用、則收斂、同橘皮、厚朴用、則下氣、同人參用、則能補肺、治咳嗽、

處方 配合訶子之處方如左、

○養藏湯 治泄痢膿血、有如魚腦、後重脫肛、臍腹疼痛、

人參 白朮(炒焦各錢半) 肉桂 訶子 木香 肉豆蔻 罌粟殼(蜜炙五分)

右七味水煎、分二次、忌生冷、魚腥、濕麵、油膩等物、夜起不寤者、加附子五分、不應加一錢、

用法 包紙中、埋炭火灰中煨、去核、剉為末、後炒、入丹藥、炒焦用、或包麵粉中煨、去稜及核、剉炒用、

用量 一枚至三枚、

五靈脂

異名 丹芝 白芝 龍芝 藥本 生常山 生泰山 生霍山 五靈芝 獨春屎 鷓鴣屎

基本 日本無此物、昔自中國之廣東運來、乃禽鳥糞也、此鳥名鷓鴣、一稱寒號蟲、

本草綱目曰 五靈脂、鴟鴞屎也、如凝脂而受五行之靈氣、故名、其屎恆集一處、氣甚臊惡、粒大如豆、采之有如糊者、有成塊如饅者、人亦以沙石雜而貨之、凡用以餽心潤澤者爲眞、味甘溫、本草備要曰 北地烏名寒號蟲矢也、(卽曷旦鳥、夜鳴求旦、夏月毛采五色、鳴曰、鳳凰不如我、冬月毛落、忍寒而號、曰得過且過、)色黑、氣甚臊惡、餽心潤澤者眞、

五靈脂之大如豆粒、狀似糞屎者、謂之鼠糞、色黑而有光澤、成樹脂狀之粘塊者、謂之鐵糞、

效能 用於胎前產後之血症、

【能】 甘溫、純陰、氣味俱厚、入肝經血分、通利血脈、散血和血、血閉能通、(生用、)經多能止、(炒用、)治血痺、血積、血脹、血痢、腸風、崩中諸血病、止心腹血氣一切諸痛、除風化痰、殺蟲消積、(諸痛皆屬于木、諸蟲皆生于風、)治驚疳、瘡、疔、蛇蝎蜈蚣傷、血虛無瘀者忌用、(五靈脂一兩、雄黃五錢、酒調服、)萍傳患處、治毒蛇咬傷、李仲南曰、五靈脂治崩中、非正治之藥、乃去風之劑、衝任經虛、被風襲傷營血、以致崩中暴下、與荊芥防風治崩義同、方悟古人識見深遠如此、時珍曰、此亦一說、但未及肝血虛滯、亦自生風之意義、汪昂按衝爲血海、任主胞胎、任脈通、衝脈盛、則月事以時下、無崩漏之患、且易有子、

爲足厥陰肝經之藥、散血和血、止諸痛、治驚癩、除癩痢、消積化痰、療疳殺蟲、治血眼、男女老少一切心腹痛、脅肋少腹痛、疝氣、并胎前產後血氣痛、及血崩、百藥不效者、用失笑散、奏效如神、方用五靈脂、蒲黃等分爲末、先以醋

二杯調藥末煎，又入水一盞，煎七分，乘熱服，不止再服，必效。一云，醋糊丸，童便和酒等分，溫服。一方，五靈脂一兩，炒，研末，米醋調，慢火煎熬，再入蒲黃等分，丸龍眼大，每服一九，童便水各半盞，煎七分，溫服。婦人產後，惡露不下，腰痛，少腹痛，寒熱頭痛，不食，用此方，少頃，惡露即下。婦人經閉，酒磨五靈脂服，功效同失笑散。產後患兒枕痛，五靈脂炒過，研末，酒服二錢妙。產後血暈，人事不知，以五靈脂半生半炒末一錢，白湯下，咬牙者灌之，咽下即活。胞衣不下，溫酒服二錢。久瘡踰期，五靈脂頭垢各一錢，古城石灰二錢，同爲末，丸皂子大，每服一九，五更無根水下，有奇效。惡血齒痛，重舌腫痛，以米醋煎五靈脂一兩，含咽。血痣忽破，出血不止，勢欲垂斃者，五靈脂末搽之，即止。毒蛇咬傷，疼痛昏倒，以及中蜈蚣蜘蛛，并一切毒蟲之毒者，五靈脂一兩，雄黃半兩爲末，服二錢，并於咬處塗傅，片晌，再服二錢，即愈。

【單方】 產後腹痛，五靈脂末，童便或白湯服。●心腹卒痛（蟲痛）五靈脂、檳榔子等分爲末，白湯送下。●心腹卒痛（瘀血痛）五靈脂末，酒或醋送服。●蝮蛇咬傷，五靈脂、雄黃等分爲末，溫湯或酒送服。

○獨得散 療產後血暈，昏迷不醒，衝心悶絕。

五靈脂（二兩半炒半生）

右爲細末，每服二錢，溫酒調下，口噤者，撬開灌之，入喉即愈。

○抽刀散 治瘀血衝心而暈者、

五靈脂（一錢）

右爲末、白湯調下、

○靈礬散 治小兒蟲咬、心痛欲絕者、

五靈脂（二錢） 白礬（五分）

右爲末、每服二錢、

○愈痛散 治心痛胃痛、

五靈脂 玄胡索 莪朮 當歸 良薑（各等分）

右爲末、每服二錢、

○失笑散 治產後心腹痛欲死、百藥不效、服此頓愈、

蒲黃（炒香） 五靈脂（等分爲末）

右先用礬醋調二錢、熬成膏、入水一盞、煎七分、食前熱服、○良方、五靈脂末二錢、溫酒下、名立效散、治兒枕痛、又五

靈脂爲膏、以蒲黃捏和爲丸、名紫金圓、

○治心痛徹背縮脊、聲不出者方、

五靈脂(一錢) 乾薑(五分)

右二味、以水一合半煎、取一合、納童便、分三次勻服、

用法

研末、酒飛去炒石用、行血宜生、止血宜炒、

禁忌

惡人參、

用量

一錢至二錢、

石榴

别名

丹若 金罌 若榴 安石榴

基本

此即屬於安石榴科、以其果皮與枝幹根皮、同入藥用、

石榴為落葉灌木、多自生暖地、或植於庭園、作賞玩之品、樹高七八尺、至九尺餘、矮小者多作盆景、葉作長橢圓形、全緣平滑、有光澤、皆對生、梅雨之時、梢端著花、色朱紅、其形如筒、末端五裂至七裂、萼亦鮮紅、其數多於花瓣、每枝開花一朵至三朵、果實為蒴果、惟上端有萼緣、其大如橙、熟則果皮若革質、為不規則之綻裂、種子充滿果實內、但有膜隔分、又略帶三角形、種子透明、色如石竹、有肉質多汁之外皮、味甘酸、供食用、此物變種頗多、花瓣有單瓣、重瓣之別、花色有紅、白、黃諸種、

石榴皮、中日藥俱用果皮、西洋藥則用枝幹根皮、然枝幹皮之效、不及根皮、今故專用根皮、

形態 果皮爲不正而扁平之碎片、上端留有脆弱之萼冠少許、其中每存已死之雄蕊及花柱、外面色黃褐、或紅褐、有小疣突起、內面色暗黃、或黃褐、具嵌入種子之凹痕、味爲收斂性、

成分 果皮中含鞣酸二十八%、護謨二十四%、越幾斯二%、

石榴根皮、及其枝幹皮中、含有配來推林、Pelletierin $C_8H_{15}NO$ 一名普尼欽、Punicin、爲一種植物鹽基、無色、或微黃、狀如油、有麻醉性臭氣、果皮中是否含有此質、未詳、

效能 用爲收斂及清涼藥、又日本藥局方、採用石榴之幹枝及根皮、用爲驅除條蟲藥、

和漢三才圖會曰 石榴皮、止下痢、下血、脫肛、崩漏、帶下、治脚肚生瘡、（初起如粟、搔之漸開、黃水浸淫、癢痛潰爛、遂致達脛、而成痼疾者、）用酸榴皮煎湯、冷定、日日搽之、○根、（酸石榴、東引者佳、）治寸白、虻蟲、（水煎、五更溫服、至明、下蟲大團、絕根本、食粥補之佳、）○甘石榴、甘酸澁、多食損人肺、損齒令黑、○酸石榴、酸溫澁、治赤白痢、腹痛、（連子搗汁、頓服神效、）久瀉、久痢、（取石榴皮一個、煨盡、出火毒一夜、研末、仍以酸榴一塊煎湯、神效無比、名黑神散、）

【能】 酸澁而溫、能瀉腸、止泄痢、下血、崩帶、脫肛、（瀉痢脫肛者、以石榴皮、陳壁土、加明礬少許、濃煎熏洗、再用五倍子炒研敷、而托止之、）浸水、汁黑如墨、烏鬚方、綠雲油中用之、○勿犯鐵器、

■止下痢、印度以石榴果皮、爲赤痢之特效藥、澳洲則用石榴花、■煎服、下虻蟲、■治崩漏、帶下、以其味酸而收斂也、■久痢、久瀉、二三月或兩三年、百藥無效者、陳酸石榴皮焙爲末、米飲下二錢、神妙、■煎湯洗脛瘡、每日一次、即瘡、■囊前下血名近血、酸榴皮炙爲末、茄子蒂煎湯、下二錢、■小兒風痲、石榴一枚、削頂使空、入全蠍五個、各去足尾、赤土封口、炭火燒存性、爲末、防風湯下半錢、或乳汁下亦得、■虻蟲、寸白、泄瀉、帶下、石榴根一把、水煎、五更服半合、明旦下蟲、食粥補之、

【單方】 暈船、石榴皮煎服、或焙枯、白湯下、

【處方】 配合石榴皮之處方如左、

○黃連湯 治赤白痢、

黃連 黃蘗 乾薑 石榴皮 阿膠(各三兩) 當歸(二兩) 甘草(一兩)

右水煎服、

○文仲犀角散 治熱毒痢、痢血、

生犀(三兩) 石榴皮(三兩燒) 黃連(三兩) 乾薑(二兩) 地榆(二兩)

右爲細末、米飲服方寸匕、

○治下痢不止方

石榴皮 人參 甘草（各等分）

右三味爲末、加硫黃、用米粉湯飲之、

用法 藥用、須選酸石榴之果皮、陳久者佳、米泔浸、銅刀剉碎、晒乾、焙用、

用量 一錢至三錢、

槐花

異名 槐米 槐花米 槐塵米

基本 係屬苜蓿科槐樹 *Sophora japonica*, L. 之花蕾、

槐爲落葉喬木、庭園屢種植之、高二三丈、葉作羽狀複葉、小葉作長尖卵圓形、夏季於葉腋開黃白色蝶形花、作圓錐花序排列、後結類角豆之莢果、長二三寸、作連珠狀、莢內有扁平種子、

藥用除槐花外、其葉呼槐葉、其子呼槐角子、（槐豆、長生子）其樹皮呼槐木皮、（鬼木、良木）亦皆入藥、

效能 中醫用槐花治五痔、及一切血痔、用槐葉治痔疾及陰囊濕癢等、

能 槐花苦涼、色黃、入大腸血分而涼血、治風熱、目赤、泄痢、腸風、五痔、吐衄、崩漏、諸血痛、陳久者良、○槐角子、肝經氣分藥也、治證與桃仁同、十月上旬巳日採槐子去皮、納新瓶中、封口二七日、初服一枚、再服二枚、日加一枚、至十

日又從一枚起而復始、明日、使髮不落、延年益氣力、○枝葉苦平、洗痔及陰囊濕癢、八月斷大枝、候生嫩葉、煮汁釀酒、療大風、痿痺甚效、

【單方】 齒齕或舌出血時、炒槐花為粉末敷之、

【處方】 配合槐花之處方如左、

○槐花散 治腸風、藏毒、下血、

槐花(炒) 側柏葉(杵) 枳殼(炒各等分)

右為末、米飲下、

○治婦人崩漏

槐花(三兩) 黃芩(二兩)

右為末、空心溫酒送下、

【用法】 槐花剉、稍炒用、槐角子打碎、浸糯米湯蒸用、或浸醋一宿、蒸焙用、

【禁忌】 忌鐵、

【用量】 七分至二錢、

楊梅

異名 火實 火齊 机子 金丸 楊果 龍睛 楊氏子 楊家果 鶴頭紅 鶴頂紅 日精曹公

基本 此即屬楊梅科、入藥但用樹皮、

楊梅為常綠樹、產暖地、寒冷處鮮有之、樹高二丈餘、葉作倒卵圓形、或長橢圓形、彼此互生、初夏開褐色小花、雄雌異株而生、入秋則結核果、

形態 果實為球圓形之核果、色帶白、或紅紫、大三四分許、外有無數之乳頭突起、厥狀頗似蛇莓、味酸甘、樹皮頗厚、外現黃灰黑色、有縱裂之淺溝、內作暗褐色、味具收斂之性、入水煎之、則得紅褐色之液汁、其中含有鞣酸及黃色素等、

效能 為收斂藥、用於下利、殺蟲、解毒、跌打損傷等、

【能】實 酸甘、鹽藏食之、去痰、止嘔、消酒食、釀酒稱梅香酒、頗珍重之、(生果久食、令人發熱、損齒及筋、忌生葱同食、) 核中仁 能治腳氣、取仁法、以柿澁拌核曝之、則仁自裂出、 楊梅皮 煎湯洗惡疥、疥癬、含漱、治牙痛、燒灰、塗湯火傷、

■一切損傷、以未摻之、■合麵粉調和、能接損傷之骨、■治冷腹痛、■牙痛、樹皮煎水含之、■能墮胎、

本草食鑑曰 實氣味酸甘溫無毒、主治消食、止嘔及渴、滌腸胃、除惡氣、○樹皮氣味苦溫無毒、主治下氣、殺蟲、消食、除惡毒、治疥癬、湯火傷、跌打損傷、(本草食鑑(十二卷)日本平野必大著、元祿十年刊行、)

大和本草曰 楊梅、五月實熟、實大、色紫黑、味甘美、本草云、鹽藏食之、能去疾、止嘔噦、消食、下酒、常含鹹楊梅一枚、利咽汁、五臟下氣、人家多貯之、○五方雜俎曰、別有白色者、名水晶楊梅、○楊梅皮、日俗每用和藥、功用極多、按本草云、煎湯洗惡瘡、疥癬、煎水含漱、能止牙痛、但其性烈、煎汁入口、能令口中痛、此外又有截瘧吐痰之功、故多以楊梅皮為君藥、治瘧疾、腹痛、傷食、蟲積等病、稱為近世奇效丸也、○物類相感志云、桑上接楊梅、則結實不酸、(大和本草(十六卷)日本貝原篤信著、寶永五年刊行、)

【單方】 中砒霜毒、煎楊梅皮服、●跌打損傷、楊梅皮碾末、和紺屋糊敷痛處、

處方 配合楊梅皮之處方如左、

○金龍丸 治腹痛、脅痛、疝痛、及一切積聚、

楊梅皮(十兩) 莪朮(一兩) 胡椒(一錢)

右為末、糊丸、

○征蟲丸 治腹痛、氣倦、胸塞等症、

楊梅皮(二兩) 胡黃連 苦參(各一兩) 黃蘗 木香 黃連(各二兩) 百草霜

右七味、爲末糊丸、白湯調下、

○楊梅散 治跌打損傷、接骨神方也、

楊梅皮 無名異 麵粉(等分)

右爲細末粘和、貼患處、以絹纏繞之、

○寸金丹 治傷食霍亂、

楊梅皮(二兩) 黃柏(五錢) 胡椒(三錢) 山椒(一錢) 沈香(八分)

右爲細末、糊丸、

用法 取樹皮、剝去外面之粗皮、微炒備用、

用量 五分至一錢、

白頭翁 Pulsatilla (拉) Pasque (英) Küchenschelle (德)

異名 野丈人 注之花 老翁鬚 奈何草 胡王使者 (獨活亦一名胡王使者)

基本 係屬毛茛科白頭翁 Anemone cernua, Th. 之根、於五月採掘、曝乾、供藥用、

白頭翁爲山野自生之多年生草、春季自宿根叢生數葉、莖高五寸至尺許、葉爲羽狀複葉、與莖俱密生白毛、梢頂

簇生小葉、且分生數枝、每枝倒垂暗赤色或紫赤色之六瓣花、後結瘿果、中有白毛、狀如老人之白髮、故名白頭翁、根粗、縱橫分散、

效能

用於月經閉止及熱性下痢等、

【能】 苦堅腎、寒涼血、入陽明血分、(胃大腸) 治熱毒血痢、溫瘧、寒熱、齒痛、骨痛、鼻衄、禿瘡、癩疔、血痔、

治溫瘧、止寒熱、療癥瘕積聚、逐瘀血、止腹痛、治金瘡、鼻衄、毒痢、痢疾下純血腹痛、用之有效、白頭翁二兩、黃連、黃蘗、秦皮各三兩、水七升煎二升、每服一升、不愈再服、婦人產後下痢虛極者、加甘草、阿膠各二兩、用於一切風氣、治寒腹痛、陰疝、偏墜、煖腰膝、明目、消贅、痔疾腫痛、搗塗妙、小兒白禿瘡、搗敷之、有奇效、

用量

一錢至四錢

陳廩米 (Old rice. (英))

異名

老米

基本

粳米貯藏十年以上、則成陳米、謂之陳廩米、又糯米可搗為末、作餅餌用之、

貝原益軒翁有用新米變陳米法、法將粳米浸水一日取出、晒一日、如是七八次、則成陳米云、

成分

明治二十五年東京衛生試驗所、以村井純之助氏為主任、試驗陳米、公表其成績、今摘錄如左、

陳久之米、除香味、色澤發生變化外、並稍減少脂肪、但其他成分則與新米似無大差、陳米米質之變化、甚為顯著、脂肪之減少亦甚、煮成之飯、少粘力、味淡白、易消化、恐非由糊精增加所致、其詳細試驗成績、請閱東京化學會誌第十四帙雜錄七十七頁、

效能 用止泄痢、補腸胃、

【能】 調腸胃、利小便、去濕熱、除煩渴、

【單方】 翻胃、膈噎、食不下、用陳倉米煮飯食之、則止吐、●夏月吐瀉、用陳倉米二升、麥芽四兩、黃連四兩、同蒸熟、焙、研末、用水製丸如梧子大、每服百丸、白湯送下、

用法 炒用、或不炒即用、

雜考 水餅 將寒製餅貯藏水中、(時時換水)謂之水餅、患痢疾時、食之、有奇效云、**笹團子** 東京市淺草區須賀町之須賀神社、每年大祭、製有小團子、置竹笹、供神前、後分配於市民、夏日有吐瀉者、煮晒乾之笹團子、食之、則愈云、此等物之功效、或與陳廩米相同云、

柳葉菜

基本 卽屬柳葉菜科、

柳葉菜爲水邊自生之多年生草，高一二尺，葉作卵圓形，類柳葉而對生，邊緣有鋸齒，缺葉柄，初呈綠色，至夏秋則變紫紅色，故或呼紅花。夏月，於莖梢葉腋，開大二分許之淡紅色四瓣花，下生長子房，萼亦四片，花後結蒴果，長寸餘，四裂綻出種子，種子頂部有長毛，故能隨風飛散。

效能 荷蘭藥鏡第十七卷，柳葉菜條下，載有各種效能，錄之如左。

莖葉花根皆可用。○爲緩性收瀉藥，治經久下利，赤痢，下血，婦人月經過多等，虛弱之症尤有效。○淹滯下利，先投以瀉劑，掃淨胃腸汚液，乃用此藥爲末，一錢或錢餘，日服兩次。○虛症下利，赤痢，試用此末，十九皆效。大抵初服下劑，後用此末一錢或四錢，朝夕服，其病未久，或胃腸虛罷之症，大抵三四日即治。經久頑滯，諸藥皆不能見效之症，三週中即治，或驅除病毒，或因胃腸虛弱，下利荏苒不愈症，此藥皆適用。○或云，久延之下利赤痢，用此草根煎湯服，或用莖葉花爲末服之，皆有效。○或云，此藥用於痢疾有效，勝於他種緩和劑爲末，每一小時或一時半服一錢，或煎服。○或云，此藥雖能治險重虛瀉下利，但多惡液質及膿狀敗液者，則忌用，惟乾葉收瀉之性微，用之無妨，痢疾用之，亦無閉瀉之害。○用於癆瘵，血液溶崩下利，能使其脫泄靜止，寬解其呼吸，蹇難苦悶等。○外敷愈創止血，消散癰腫。

罌粟殼

異名 米殼 粟殼 名米囊 芥子殼 御米殼 罌宿殼 鶯粟殼

基本 屬罌粟科罌粟之果殼，入藥須採其未熟者，已熟間或用之。

形態 爲壺狀蒴果之皮殼，生者其色綠，乾則變灰綠或茶褐，外面有突出之縱紋十條至十五條，內亦相同，入藥多用果皮已傷，阿片已盡之餘殼，間取成熟之蒴果，除去種子用之，新鮮者有麻醉性之臭氣，其味苦。

成分 與阿片含相同之成分，但不多耳。

效能 用爲祛痰鎮痙藥。

【能】 酸澇、微寒、斂肺、澇腸而固腎，治久嗽、瀉痢、遺精、脫肛、心腹筋骨諸痛。（東垣曰：收澇固氣，能入腎，故治骨病尤宜。）嗽痢初起者忌用。（丹溪曰：此是收後藥，要先除病根。）

止泄瀉、痢疾，罌粟殼味酸，雖收斂而不澇，故初起不可用，瀉痢既久，則氣散而不集，腸滑脫肛，腹痛已止，此時用之，乃有神效，蓋邪已去，滯已行也，早用則腸胃閉而邪氣益熾，勢必發生變症，能止久咳，久則氣散而肺中痛，先去病根，後乃用之，塗蜜焙爲兼顧脾胃也，醋煮爲其愈收斂也，能收虛脫之氣而鞏固之，久痢不止，罌粟殼醋塗炙爲末，蜜丸彈子大，每服一九，水一盞，生薑三片，煎八分，溫服，又方，罌粟殼十兩，去筋，分三分，一分塗醋，一分塗蜜，一分生，同爲末，蜜丸芡實大，每服三十九，米湯下，熱痢、澀痛、肺氣鬱結而咳嗽，均忌用。

【單方】 赤白痢，罌粟殼二兩，阿膠一兩，甘草一束，炒水二盞，煎至一盞服。

處方 配合罌粟殼之處方如左、

○斷下湯 治下赤白痢、無論久新、長幼皆可服、

罌粟殼(炙十四個) 草菓(一個) 白朮(一錢) 甘草(半兩) 茯苓(一錢)

右薑棗水煎服、

○固腸散 治冷瀉腸滑、及下痢頻作、

罌粟殼(一兩蜜炙) 陳皮(炒一兩) 炮薑 炙甘草(各二錢半) 肉豆蔻(一錢) 木香(一錢)

右薑棗水煎服、

○罌粟膏 治湯潑火燒、皮肉損爛、痛苦熯熱、起泡流水者、

麻油(四兩) 罌粟殼(三個)

右浸油內、煎枯濾淨、將酒入鍋、下白占三錢、熬化、傾入碗內、待四邊將凝時、下真輕粉細末二錢、攪勻、水內冷之成膏、

用法 去柱頭及花梗、水浸、剔去殼內皮之筋紋、塗蜜焙、或醋煮取出、晒乾、焙用、

用量 二錢至四錢、

罌粟子 *Seamen Papaveris.* (拉)

異名 白米 御米 羊古米 陽古米 米囊子

基本 屬罌粟科罌粟之種子也、

形態 此為黃白色、或藍黑色之小種子、其形似腎臟、外皮有薄網之皺紋、其一面廣凹、胎芽彎曲作馬蹄形、味甘似油、

成分 含脂肪油四十八至五十%、嗎啡○·○六%、

罌粟油 *Oleum Papaveris.* 乃壓搾罌粟子而得之脂肪油也、色黃、性燥、酒精能溶解之、比重○·九二四、可為油畫家所用油料、及製造肥皂原料等、

效能 用以治下痢及痙攣等症、

【能】 行風氣、逐邪熱、治瀉痢、潤燥、○甘寒潤燥、煮粥食、治反胃、

處方 配合罌粟子之處方如左、

○萬靈湯 治赤白瀉痢、腹藏疼痛、裏急後重、並治疝氣、

罌粟子(炒赤半斤) 甘草(炙剉一兩)

右水煎服、

○痢聖散子 治丈夫婦人遠年近日、赤白下痢、

黃柏皮 枳殼 罌粟殼 甘草(各四兩) 當歸 乾薑(各二兩) 罌粟子(四兩)

右水煎服、

用法 生用、或炙用、

用量 二錢至六錢、

拳參 *Rhizoma Bistortae.* (拉)

基本 屬於蓼科之合線重縷、其地下莖謂之拳參、

此多年生草本也、生於各處山野陰濕之地、莖高二尺、葉作廣披針形、下部之葉、概有長柄、夏月梢上開小花、六瓣、色淡紅或白、簇生為穗狀花序、葉與莖之嫩者、堪作食品、根莖則入藥用、此草有植之以供賞玩者、

形態 拳參為地下莖、色黑褐、長七分至二寸、肥大而扁平、粗如小指、下面稍稍凸隆、副根如髻髭、或留癢痕、上面凹陷、有溝一條、隨葉痕而生橫溝、一端彎曲、狀如海蝦、味有收斂性、

成分 含有一種鞣酸、餘則澱粉等質也、

效能

專用為收斂藥、

日本產物志曰 此藥生於江州之伊吹山、加州之白山、日光、木曾諸山、根作暗褐色、粗如小指、屈曲如海蝦、性極收斂、內服務須注意、又為含漱劑、能令齒堅固不搖、用於失荷兒陪苦及口腔諸病、均極驗、他如慢性痔疾、粘液漏洩、或緩性咽喉炎、白帶下等局部病症、亦皆用之、

荷蘭藥鏡曰 拳參多採於山野間、藥肆呼為金線重纒、但陳久者不堪入藥、○根之性質功效、與篤爾縣室拉同、為最有效之收斂藥、凡諸管纖維因虛弱而弛緩之病、如久瀉、失血、稀液脫泄各症、俱治之、○尿道滑液膜剝脫而小便淋痛、及經久無毒之淋病、白帶下、亦治之、○患間歇熱、腐敗熱、以此藥加對症之劑、夙稱奇效、○散劑、用一錢至三錢、或加煎劑、或加苦味之越幾斯劑、製為丸藥、或徑用越幾斯劑、均各從其便、煎劑、取根一兩、水煎、取用、○以此根外敷、善治咽喉潰瘍、作含漱藥、功效卓著、

用量

七分至二錢、

玫瑰花

異名

赤薔薇

基本

屬薔薇科玫瑰花、

玫瑰爲各地自生之小灌木、高二三尺、枝間多刺、葉爲奇數羽狀複葉、其小葉爲橢圓形、夏開單瓣紅色花、香氣甚佳、花托似壺、表面有刺、花後結紅色之實、宛似茄子、

效能 用爲收斂藥、

荷蘭藥鏡曰 須用新鮮有芳香之花瓣、香氣散、即無效、○性稍收斂、功能刷淨污液、令體內清潔強壯、○胸病吐血、勞效、肺瘍、白帶下、月經過多、下瀉等症、以之作輕性收斂藥、自來稱爲有效、法用花與砂糖研和沖服、或泡湯代茶飲之、○諸失血、吐血、嘔血、婦人崩漏等、以下方治之、有異常之速效、方用玫瑰花（去萼者）四錢、沸水二斤、綠礬油（再簡者）半錢、砂糖一握、先將玫瑰花入磁罐、沸水浸二時、加綠礬油、去滓、溶化砂糖、每一時服三匙、是名收斂玫瑰浸、

用法 採新鮮者去萼用、

用量 五分至錢半、

備考 醫學博士久留春三氏、研究玫瑰花、確有止痢之效、嘗將其心得、載入實驗醫報第四年第四十號之坐談內、摘錄如左、

玫瑰花之止痢 亡友濱中廣也氏、家傳秘方、治急性及慢性赤痢、與類似之下痢、往年予患大腸炎、久而不愈、心竊苦之、友人某、爲予歷述濱氏遺方之功效、予以久困于藥、聞而姑試之、不意二三日後、向之一日須下粘液至十

數次者、竟能銳減、從此連連服用、宿疴遂愈、自後予以此方迭治病者、功效百不爽一、處方如左、
規那皮(五・〇) 玫瑰花(五・〇至一〇・〇) 大黃根(〇・三) 水(二〇〇・〇)
右製煎劑、一日分三次服、

地榆 *Pimpernel*. (英)

異名 玉札 玉鼓 王鼓 苳菜 酸赭 酢棗 無名印 豚榆係

基本 係屬薔薇科地榆 *Sanguisorba officinalis*, L. 之根、

地榆爲宿根草、生於山野向陽之地、春季生苗、莖分歧、高三四尺、葉爲羽狀複葉、作長橢圓形、邊緣有粗鋸齒、初秋於梢上簇生帶紅色小花、狀類土筆之穗、花後結紫黑色實、

形態 概係柔軟之直根、惟日本產者、多橫生而堅硬、間亦有直根、外面帶褐色、內部黃色、稍有苦味、

效能 爲止血收斂藥、用於吐血、下血、赤痢、月經過多等、

【能】 苦酸、微寒、性沉、入下焦、除血熱、治吐衄崩中、

用法 去蘆頭、剉用、

禁忌 惡麥門冬、伏丹砂、雄黃、硫黃毒、

用量 五分至一錢五分

土骨皮

異名 櫚皮 櫟皮 柗皮 擬皮 國木皮 檫木皮 赤龍皮 皂斗皮 幽樟皮

基本 係屬殼斗科櫚樹 *Quercus serrata*, Thunb. 之幹皮

櫚為山野自生之落葉喬木，高達二三丈，酷似栗樹，葉作披鍼形，邊緣有鋸齒，但新葉則作倒卵圓形，有茸毛，花為單性，雌雄同株，果實為堅果，包於碗狀殼斗內。

形態 為扁平之粗皮，厚約三四分，外面蒼白色，縱橫有深裂痕，內面呈暗褐色，味甘，有收斂性。

效能 用於疝氣及痢疾等。

【能】 苦溫，煎服除蟲及漏，止赤白痢，腸風下血，煎湯洗惡瘡。

用量 五分至二錢

牻牛兒

異名 鬪牛兒 風露草 神輿草

基本 卽屬牻牛兒科、七八月間採取葉莖、陰乾用之、

牻牛兒、自生山野路傍、莖帶茸毛、蔓生地上、經冬不枯、初年莖細軟、至二年則粗硬、葉對生、大寸許、作掌狀分裂、邊緣有鋸齒、葉面生有紫黑斑點、夏日於葉間開略似梅花之花、色有白、紅、淡紅等、花後結莢實、熟則縱裂爲五、散布種子、其狀如神輿之廠、故一名神輿草、

成分 藥學雜誌第二百〇五號載有紙谷友三郎氏之「牻牛兒實驗報告」一文、謂此草中或含有「普治篤加埤休」酸及「普連資加埤賓」云、下山藥學博士亦有「日本牻牛兒之成分研究」一文、載東京醫學會雜誌第一百十三號、

效能 爲民間藥、濃煎用於痢疾、

杠板歸

異名 五葢 五毒草 山蕎麥 赤薜荔 赤地利 石見皮

基本 係屬蓼科杠板歸 *Polygonum Perfoliatum, L.* 之根、

杠板歸爲生於原野或庭園之一年生蔓草、莖葉俱有硬刺、葉作三角形楯狀、具葉柄、托葉作圓形、莖穿其中心、夏日於梢頭、綴白色短穗花、果實爲球圓形、色不純一、其堅如石、根類莖、外面紫赤色、內部黃赤色、

效能 用於痢疾、又治折傷及金瘡、

【能】 苦平、治赤白痢、赤白帶下、癰疽、惡瘡、生肌肉、為折傷金瘡要藥、

用量 一錢至二錢、

鼠尾草

異名 蕩 水青 烏草 鼠菊 陵翹 山陵翹

基本 係屬唇形科鼠尾草 *Salvia japonica*, Thunb. 之花及葉莖、

鼠尾草為山野自生之多年生草、初夏抽方莖、高七八寸、葉作倒卵圓形、對生五葉至七葉、葉緣有細鋸齒、地上生有腳葉、一經霜雪、則葉之背面、變成紫色、向暖則漸變綠色、花為唇形花冠、類山薄荷、為淡紫色或白色、

鼠尾草種類頗多、春季開花者、謂之春鼠尾草、夏季開花者、謂之夏鼠尾草、和方書以千屈菜 *Lythrum salicaria*, L. 作鼠尾草、現時製用者仍不少、

效能 專治痢疾、

【能】 花葉苦、微寒無毒、治鼠瘻、寒熱、下痢、膿血不止、

用法 剉炙用、或濃煎用、

用量 五分至一錢五分、

代赭石 Hematite. (拉) (英) Ocher. (德)

異名 土朱 朱石 赤石 血石 血師 須丸 紫朱 零陵 鐵朱 鏡鐵 大赭石 黛赭石

產地 日本產此者、有美濃、尾張、佐渡、遠江等處、

形態 爲塊狀或纖維狀鐵石、質硬、碎之、則成赤褐色粉末、有一種表面作疣瘤狀者、謂之丁頭代赭、概供藥用、

代赭石之作結晶者、謂之輝鐵礦、半結晶者、謂之赤鐵礦、

成分 由養化鐵及粘土而成、

效能 概用作收斂藥、

【能】 苦寒、養血氣、除血熱、入肝與心、止吐、治小兒慢驚、

用法 用火煨、入醋淬、或研末三次至七次、水飛用、

用量 一錢至三錢、

椿根皮

異名 香椿皮

基本 係屬棟科香椿 *C. draca chinensis, juss.* 之根皮、

香椿為落葉喬木、高達三四丈、葉為羽狀複葉、小葉作平滑長橢圓形、前端尖、嫩時呈紅色、與枝俱有氣味、五六月間、開五瓣小白花、後結黃褐色鐘狀實、根皮厚、作淡褐色、內面有布紋、藥舖往往有以山茶花根皮混充者、

效能 概用作收斂藥、

【能】 色赤而香、入血分而性瀉、凡血分受病不足者、宜用之、女子血崩、產後血不止、月信來多、或赤帶、及小兒疳痢、宜用之、

用量 一錢至三錢、

茺蔚子

異名 藜 大札 牛頰 貞蔚 益明 鑿菜 土質汗 益母子 野天麻 苦紙草 鬱夏草 夏枯草子

基本 屬唇形科、子實名茺蔚子、陰曆九月、採收曬乾、其葉莖謂之益母草、亦入藥用、

效能 與益母草同、用作通經收斂藥、

【能】 辛甘微溫、入厥陰血分、活血、順氣、逐風、益精、明目、調經、行中有補、治心煩、頭痛、

■ 芫蔚有赤白花二種、其狀全同、白花者入氣分、紅花者入血分、活血、行氣、補陰、胎前、產後、補血氣必不可少、味甘微辛、性溫、故爲陰中之陽、乃手足厥陰之藥也、婦人經脈不調、及產後一切血氣之病、皆以此爲最上之藥、產後血脹亦用之、能養肝、益心、除水濕氣、芫蔚子雖能明目、然瞳神散開者忌用、以其辛溫助火故也、當歸雖辛溫之物、然兼苦甘、故善和血、或云芫蔚子行血甚速、瞳神散開而大者、血不足也、故忌之、非助火也、

用法

炒用、或煮熟曬乾、春去殼、用仁、

用量

七分至二錢、

鐵漿

本草綱目曰 鐵漿、以生鐵置器中、浸入清水、服餌者旋入新水、日久鐵上自生黃、味鹹寒、鎮心明目、

製法

以酸敗酒或甘酒之稀薄液、或米屑和水、入壺中、投以鐵器之破片、或被燒養化之鐵屑、暫置暖處、不久、鐵鏽

自生鐵漿、而溶解於醋酸中、

和淡三才圖會曰 鐵漿造法、取舊鐵入器中、和米屑少許漬水、夏三日、冬七日、置暖處則生鏽、汗作紅黃色、味微甘者佳、

形態

爲紅黃色稍潤濁之液、略有酸敗之臭氣、味甘而有收斂性、遇單寧質、則生黑色之沈澱、

成分 爲第一醋鐵酸 $Fe(C_2H_3O_2)_2$ 之酸性溶液

效能 用作收斂藥、

【能】 鹹寒、鎮心明目、主治癩狂及蛇犬咬傷、

【單方】 湯火傷、塗搽鐵漿、或以杉葉焙研、和鐵漿傳之、

用法 靜置壺中、用其上層澄清之液、

雞冠花

基本 屬於苋科之雞冠花、其花及種子、俱入藥用、種子名雞冠實、

此爲一年生草本、多種於園圃、以供賞玩、莖高達二、三、尺、葉互生、作長卵圓形、或廣披針形、花朵頗小、秋日開於梢頭、色有紅、白、黃三種、聚生爲雞冠花序、種子色黑、粒甚微細、

效能 葉、花、子俱用於疾及下痢、效驗顯著、

【能】 苗子花甘涼、主治痔及一切血病、止赤白痢、赤用紅花、白用白花、酒煎服、

■苗治痔瘡、血病、子治腸風、下血、赤白痢、崩中帶下、入藥須炒用、■花治痔漏、下血、赤白帶下、赤帶用紅、白帶用白、■吐血不止、白雞冠花醋浸煮七次、然後研末、每服二錢、熱酒下、■下血、脫肛、白雞冠、防風等分爲末、糊丸、梧子

大空心米飲下、每服七十九、經水不止、紅雞冠晒乾爲末、每服三錢、空心酒調下、

用法 花須對炙、子微炒用、

禁忌 忌魚腥、豬肉、

用量 花與子、均一錢至二錢、

卷柏

異名 豹足 求股 交時 萬歲 含生草 地石草 長生不死草

基本 屬卷柏科、入藥用葉與莖、

卷柏自生於深山絕壁、爲多年生之羊齒植物、莖高三五寸、分枝頗多、末端略呈四角形、子囊即生於此、中藏大小二種之孢子、葉小如鱗、四時青翠、遇日則乾、枝向內卷、受濕則向外開展、故名卷柏、人家多種於陰濕之地、以供賞玩、

效能 用以治下血、脫肛等症、

【能】 生用辛平、破血通經、炙用辛溫、止血、治腸風、收脫肛、○生石上、卷巒如雞足、俗呼萬年松、藥用、鹽水煮半日、井水煮半日、焙乾、收存、

用法 夏季採收、陰乾剉碎、炒用、

用量 一錢至三錢、

血石

產地 產於西班牙及德國之鐵坑中、

形態 爲堅重有稜之塊、色深褐、無光澤、而有微黑色之條紋、其破碎面、則現朱色鮮明之束針狀、研末則呈血紅色、此石之種類極多、

成分 乃代赭石之一種也、中含養化鐵及土質、

效能 爲止血收斂藥、

遠西名物考曰、性收澀乾燥、凡失血吐血、用此立止、○治白帶下、下瀉、萎黃病、經閉、功效與鐵屑同、○宜研爲極細之末、用量、自一分半至一錢、以適宜之飲液點服爲佳、○燒酒浸服、功能止一切血症、如吐血、血尿、咯血、衄血等、俱有效、○外敷藥、以血石細末、和肉豆蔻油少許、研極勻、塗敷潰瘍或創面、候乾、自愈、

落葉松茸 *Fungus laricis* (拉) *Agaric of larch* (英) *Larchenschwamm* (德)

異名 圓藥 白木茸 落葉松菌 落葉松寄生

基本 係寄生於一種落葉松 *Abies sachalinensis* mast. 之菌、

落葉松茸產日本寒地、尤以北海道為最多、土人珍之為靈藥、形類木耳、作半圈狀、大小不一、上面平滑、有白色或黃褐色之輪紋、下面則有橙黃色或褐色之無數絲孔、上品者裏面白色、質堅而輕、味苦辛、次者使人作嘔、或為粉末吸之、使人發噁、

成分 為苦味性樹脂、有機酸、膠質、蛋白質等、

效能 用作制汗藥、北海道人、用治腹痛、積痛等、

荷蘭藥鏡曰 性收瀉、能下粘液、膽液、利小便、通經閉、○治痛風、傷冷毒痛、及冒寒傷冷毒粘液壅塞、頭胸諸症、疏淋神思鬱憂病、脾病、黃疸汚液、○散劑用半錢至一錢、泡劑、浸劑、或作越幾斯、用至二錢、但不能迅速下瀉、而使人惡心腹痛、故宜加桂、丁香、乾薑、益智等香竄藥用之、○或云、此藥止漏汗有殊效、亦能止勞瘵狀消耗汗、

用法 去外膜、晒乾為粉末用、(欲為粉末、可加糊漿、搗為泥、乾後研末、)

備考 東京醫事新誌第六百六十號、載有猪子、本田兩氏之「北海道靈藥託波西」一文、對於落葉松茸、有詳細報告、轉錄於左、

託波西一名「愛布利古」為一種菌蕈、寄生於落葉松、形稍圓、表面帶黃白或黃褐色、凹凸不平、切斷之、內部充

實、毫無空虛、其色潔白、質如陶土、試取一小片膏之、初無特異之味、後則漸苦、北海道人頗珍重之、用之於諸種疾病云、

分析托波西、可得二種物質、一爲有機酸、一爲華爾斯狀化合物、有機酸爲無色結晶物、冷水難溶、逢熱湯則漸漸發生泡沫而溶化、但冷則復行析出、逢酒精最易溶化、但其鹼鹽溶而重金屬鹽（即銀鹽、銀鹽等）不溶、此性質與阿格里克斯酸、大抵相同、華爾斯狀物質、可從上述酒精溶液精製之、

服下大量「托波西」則發吐瀉、試以三・〇與犬服下、經半小時即行嘔吐、著者猪子博士、嘗試服〇・二半日後即瀉下軟便、氏又嘗試托波西之刺戟消化器、究係何種成分、即用分析而得之有機酸〇・五、製成乳劑、使一犬服之、又將華爾斯狀物質一・〇、亦製成乳劑、使另一犬服之、甲犬經二十分鐘即發嘔吐、乙犬無異狀、因知有刺戟性者、實爲有機酸也、又用此酸就赤蛙試驗、確定其有壓抑汗腺分泌之作用、即於赤蛙注入此酸〇・〇三、經二十分鐘後、見其皮膚初漸減少粘滑性、次漸乾燥、在觸診上、尤易感知、此性質與阿格里克斯酸、完全相同、由以上試驗、知「托波西」確有制汗作用、因試用於盜汗、頗有效果、（一）有三十五歲之梅毒患者、每夜盜汗、使服托波西〇・〇六、盜汗如故、次日再服同量、盜汗稍減、第三日服〇・〇八、盜汗全止、（二）有三十四歲之脚氣患者、衰弱盜汗、服托波西〇・〇六、稍減、次日服同量、盜汗全止、〔下略〕

患者服此、概未現出不快副作用、用量一回〇・〇六至〇・一、處方如下、托波西末〇・〇六至〇・一、白糖〇

三、臨臥頓服、一次不效、可連服數日、但服多量、往往有下痢之虞、宜加阿片用之、

醋

本草綱目曰 醋有數種、惟米醋二三年者入藥、製米醋法、三伏時、用倉米一斗淘淨、蒸飯攤冷、竈黃、簸淋淨、別以倉米二斗蒸飯和勻、入甕、以水淹過、密封暖處三七日成矣、

異名 酢 酢 醑 苦酒 花地左味

製法 以澱粉類或酒類、加醋母、使發酵變酸製之、

醋係酒變酸而成、其原料用米、麥、馬鈴薯、酒精、敗酒等物、木醋亦可為原料、日本用以調味及入藥者、以用玄米作原料者為佳品、其製法各有不同、略述如左、

用玄米製醋法 蒸玄米、加白麴三倍、攪和、入新製桶中、以手壓緊、厚紙覆令平、徐徐注水、如麴之半、注水時、勿令飯麴漂浮、如是靜置七八日、俟晴天、以竹竿攪拌之、依此每七日一次、至二十八日、桶加木蓋、且縛以繩、選暖處置之、忌近不潔之物、經七十五日、釀造告成、然亦可隨氣候之寒暖而遲速之、既熟之後、去滓密封、埋貯涼處地下、經年、香味俱烈、

用酒精製醋法 酒精水浸十五日、搾器搾其液汁、投釜中一沸、試浸以手、至不能堪為度、隨移入桶中、加清醋、以

搾取量三分之一爲率、然後密封其桶、靜置二十五日、換桶一次、連換四桶、釀造告成、

形態 爲澄明之液體、色淡黃、或深黃、氣香味酸、比重一・〇〇五・至一・〇一二、水及酒精、不論多少、可溶解之、

品類 醋之種類、有梅醋、萬年醋等、略舉數種如左、

梅醋 卽梅汁也、六月製梅乾時取之、用生梅黃熟者一斗、漬水一日、苦汁出、便取出、以鹽三升摻梅、壓石一晝夜、梅汁出、取梅晒乾、至再三則梅乾成矣、取其梅汁、盛甕收用、便成梅醋、經年不敗、病人食之亦良、惟不入藥用、
萬年醋 夏月取變味之酒、與米醋水三品等分、和合盛甕、投堅炭燼於內、取出炭、急封口、經月成醋、以後有變味酒、則加入其甕、民間簡便之法也、

成分 醋之主成分爲醋酸、 $C_2H_3O_2$ 、餘則略含醋酸伊打糖分、護謨、色素、灰分等、

泰西之醋、以葡萄酒製者爲佳品、其用麥酒製造者、百分中含醋酸三分至五分、用葡萄酒製造者、含醋酸六分至八分、

日本農商務省地質調查所分析課、曾將東京市內販賣之上等醋分析之、所得成績如左、

品類	成分		比重	醋酸	固形物全量	不揮發酸	糖	糊	精	灰
	性	狀								
山吹牌	褐色	透明	1.0101	3.68	3.56	0.22	無	無	無	0.26
富貴牌	深黃色	透明	1.015	3.35	2.64	0.19	無	無	無	0.26

○ 勘牌一深黃色透明 10163 1117 1111 10104 10155 10144 10138

表中之成分量、為百立方仙米中之格蘭姆量、固形物係在一〇五度、蒸發三小時乾燥之量、其不揮發酸、為琥珀酸、糖分為糊精、

效能 為消積塊之藥、又用以解魚肉、蔬菜、並諸蟲之毒、

古方藥品考曰 苦酒下行、殺毒、消瘡、○別錄曰、醋味酸溫無毒、主消癰腫、散水氣、殺邪毒、○按醋味酸苦收斂、能下降、故其力能勝毒氣、消爛瘡、○解飲食中毒、治煩滿、○醋有數種、入藥者唯用米醋、凡醋以味極美者為上品、以酒糟及敗酒造者、帶鬱臭、或氣味不甚者、並不堪入藥、

【能】 酸溫、散瘀、解毒、下氣、消食、治心腹血氣不通、產後血暈、開胃氣、散水氣、消癥結、痰痺、疽黃、癰腫、殺魚肉、菜蕈、諸蟲毒、多食傷筋、米造陳久者良、

■產後血暈、炭火上注醋、聞其香即止、■炭火灼傷、醋調泥傅傷處、痛即止、愈後無痕、■治癰腫、殺邪毒、治瘡瘍、積塊、心腹疼痛、水痰、血病、■消魚肉、菜蔬之毒、蓋取其能收斂也、■食雞子中毒、急溫醋服一盞良、■白虎、歷節、風、煎三年陳醋、入葱白、又一沸、布浸熱、裹痛處、立愈、■癰疽無口、醋和白丁香、取小豆大敷瘡頭、自破口、不用針、■舌腫、醋和釜底墨、厚敷舌上下、數次即瘥、■木舌、含醋良、■胞衣不下、腹滿欲死、水入醋少許、噴其面、立效、■多用則損入肌肉、傷筋骨及胃、■男子食之、能損顏色、

遠西醫方名物考曰 凡患熱病者、虛罷煩渴、津液燥竭、以醋一匙至二兩服之、頗佳。○痘瘡、麻疹之帶腐敗者、以及爲狂犬蝮蛇等咬傷、用醋俱有速效。○腐敗熱、痘瘡等、血液腐壞、溶崩、穿蝕血脈、因而患下血、吐血、衄血、尿血等症者、用此則能阻遏腐敗、收斂血液。○因血液運行怠慢而起之壞血病、(如航海之人、身體不運動、每發此病、)醋能治之。○醋之氣味竄透、性清涼收斂、有鎮瘻之效、以蒸餾醋與糖漿、並密涅刺爾鎮痛液少許混和、用於諸瘻擊症、及上衝、頭痛、失眠、憂鬱病、狂癲、殊驗。又有涼爽降鎮之效、凡用阿片難治之症、用此尤妙。○醋、橙汁及醋之製劑、並解酒醉、醋內加水服之、或塗鼻孔、皆良。服阿片瞑眩者、飲醋亦奏速效。他如因服亞兒加里性辛熱酷厲能令人麻痺、昏睡、發狂諸藥、或服雙鸞菊、矢鳩答、顛茄、莨菪諸藥、或誤食甲介等物、因而中毒者、醋能解之、惟中毒甚者、須先服吐劑、令得大吐、後再用醋、又爲烟氣所熏、致呼吸窒塞者、飲醋少許、立效。○醋雖溶解凝血、然遇乳汁、或脂肪質、則立即凝結、故服乳汁者及乳養之兒、不可服醋、飲則乳汁必凝結胃中而不消化、停滯而爲酸敗之液、致起病患。○頭旋、眩暈、或昏冒、卒倒、速令嗅醋、或以醋塗擦鼻孔、或以醋噴其面、便能醒解。此因醋性竄透故也。醋中入銅青末少許、燃之、以不至沸騰爲度、入磁製之格兒弗蒸餾之、則甚爲猛烈、以玻璃瓶收貯、密閉備用、凡腐蝕諸金用之。○劇烈頭痛、以醋溫熱、使頻嗅之、或醋內加水、研和硝石、礪砂各少許、布片蘸貼、或周匝頭部、有奇效。○衄血、棉花蘸醋深納鼻孔中、立止、或以布片蘸醋、縛頭上、亦佳。○口中出血、醋水含漱、亦止、外傷輕出血、以此貼之良。○婦人崩漏、孕婦及產後血崩、醋內加水沖淡、以水唧注入子宮、自愈、或產後子宮不收縮、血崩不止、布片蘸冷醋貼

腹部效。○醋有溶解凝血之效，故跌打損傷、血絡破裂、其血汎溢皮中、發而爲青紫斑、及諸焮腫者、用此自能消腫止痛。法於水中滴醋少許、微溫、布片濕透貼、頻頻替換、或加燒酒、並研和硝石、礪砂各少許用之、亦妙。○金瘡洗滌、醋中須多沖溫水、否則刺戟太甚、必發焮熱。○醋能使骨變軟、硬骨變如軟骨、故骨傷者、外敷過久、骨遂失其堅剛之質、不能復元、患尙僂病之小兒、如給以酸味之飲食、物、諸骨倍形軟弱、而增加其疾病、惟類似胼胝之硬腫、以此外敷、善能變軟而消散、(骨爲土質所成、酸物能溶化土質、故魚骨等浸以醃醋、即可變軟、燒酒則反之、能使纖維變硬、故軟肉可成胼胝。)○醋中加苦味收瀉之藥品、用以敷、善能防止腐敗、加規那末、其效尤甚、各種潰瘍有腐壞之慮者、宜以此防之、(或云、夏月醃肉、加醋貯之、便不腐敗、其有防腐之效可知。)○真珠、蠟、石、珊瑚、蠟殼、卵殼等、浸以醃醋、亦即變軟。○疫癘流行之時、燒石澆醋、以其蒸氣熏蒸居室、善能驅逐傳染之疫氣。

【單方】 腋臭、三年陳醋、調石灰敷之。●湯火傷、醋泥塗敷。●乳腫痛、浮石燒存性、醋浸、乘熱罨上、冷則換熱者罨、如是數次、漸即消散。●喉痺、飲醋可愈。●溺後出血、醋一杯、入鹽五分、煎服。●胸後有積塊作痛、每日食醋少許。●入浴量、倒服醋一杯、即甦。●驚怖卒死、醋少許、吹入病人鼻孔、便活。●食糕餅團子之類、塞咽不下、脹悶垂死者、醋注鼻孔效。●嚙舌出血、烏羽蘸醋塗之。

禁忌 用茯苓、丹參之人、忌之。

用量 三錢至八錢。

第六章 衝動藥

烏頭 *Monkshood, aconite* (英) *Sturmhut* (德)

異名 雙蘭菊

基本 係屬毛茛科烏頭 *Aconitum Fieberi, Richt.* (*A. sinense, S. et. Z.*) 之球根。

烏頭爲山野自生或栽植園圃之宿根草，莖高二三尺，葉有光澤，作掌狀分裂，十月間於梢上開青紫色或白色花，有兜狀不整齊萼，形如俗人之烏冠，故日本呼此爲烏兜，此草由產地而異其花形，葉莖亦有硬軟之別。

日本福島縣白河地方，於霜降時下種，經月發芽，即行耘耨，並施以人尿馬糞等，前後二三次，至翌年同期，掘取其根，將根之土洗淨，每十貫（按每貫爲六斤四兩）加食鹽三升，漬之於桶，經二十日取出，攤席上曬乾，次用壓搾器將根捲縮，更再曬乾，乃注海羅汁，和以木灰，仍復曬乾，用竹篩去灰，貯置紙袋或箱中，名白川附子。

品類 藥用烏頭，品種甚多，藥學博士下山順一郎氏大別之爲草烏頭、白川附子、勝山附子（以上三種爲日本產）川烏頭、大附子（以上二種華產）五種，註明草烏頭爲烏頭根，白川附子爲其老根，而川烏頭及大附子，則未有註釋（見氏所著生藥學上卷及植物學雜誌第七十二號）。

據古書所載、烏頭由稚根、老根、及形態等、而有附子、側子、漏籃子、天雄、烏喙等名稱、附子爲烏頭稚根、側子爲生於附子旁者、漏籃子爲其傍生根之細小者、天雄爲附子之不生稚根者、烏喙爲烏頭、附子、天雄之根端尖而作鳥首狀、且分歧爲二者云、

據下山藥學博士言、附子爲烏頭老根、但古書則載附子爲烏頭稚根、又對於草烏頭及川烏頭之區別、亦不一其說、今摘錄諸書所載者如左、

有毒草木圖說曰、烏頭有大毒、有二種、山中自生者、曰草烏頭、毒性甚烈、春從宿根生苗、高三四尺、莖弱不能直立、葉分歧而互生、至秋、每葉間開花、作深碧色、大抵二三朵相綴、狀似伶人鳥冠、又有濃紫色與白色者、後者日本呼爲 *Hanzuru*。人家園圃所栽者、曰川烏頭、毒性較草烏頭稍遜、莖強而直立、葉厚、有深綠色光澤、花淡紫色、狀與草烏頭之花無異、凡烏頭卽爲其母、附子卽爲其子、側子生於附子之側、栽附子不生子而長大者、則謂之天雄、此皆根之名、本草綱目烏頭釋名曰、時珍曰、「草烏頭取汁和酒、爲毒藥、射禽獸、」蝦夷地方、取附子加蜘蛛蕃椒同搗、將煎凝之毒汁、塗於竹箭、以射禽獸、謂之 *Busu*。或 *Totokinoya*。足知其毒之深、綱目謂之射罔、卽此。本草綱目曰、烏頭乃附子之母、綿州彰明縣多種之、（今四川之地、故稱川烏頭、）最爲上、江南者不堪用、每年以上田熟耕作壟、十二月播種、春月生苗、其莖類野艾而澤、其葉類地麻而厚、其花紫瓣黃蕊、長苞而圓、其品凡七、本同而未異、其初種之小者、爲烏頭、附烏頭而旁生者、爲附子、又左右附而偶生者、爲兩子、附生出、或變出、形長而

不生子者爲天雄、附而尖者爲天鍾、附而上出小者爲側子、附而散生者爲漏籃子、皆脈絡連貫、如子附母、凡種一而于六七以上者則管小、種一而子二三則稍大、種一而子特生則特大、

日用藥品考曰 附子 係附生於烏頭之旁者、凡附子小者毒強、大者毒少、故以大者爲良、方書名此爲大附子或八角附子、又謂之黑附子者、所以別於白附子也、多用鹽漬、須浸水盡去鹽味、取切開而內呈白色者用之、內作黑色者已腐、不可用、日本藥鋪多本國產、其中出自木曾者最真、曰白川（奧州）者、略經人工造作、烏附相混難辨、熟附子 用附子製之、製法詳綱目集解 草烏頭 草烏頭爲山中自生者、植於園圃而採取附子者爲川烏頭、凡方書單書烏頭者、皆爲草烏頭、日本以產於北國及河州（呼金剛山）者爲良、其他較劣、（草烏頭又名金鴉、波串、帝秋、異負、奚毒、耿子、毒公、小昌、明土附子） 烏喙 烏頭之根端、尖如鳥喙者、謂之烏喙、又附子天雄、其尖端分歧爲二者、亦稱烏喙、川烏頭 烏頭爲母名、附子爲子名、將附子栽植園圃、四周生子、子漸大而母反小、成爲烏頭形者、爲川烏頭、

形態 烏頭中之主要者、爲草烏頭、下山藥學博士著「日本烏頭之檢查」一文、詳述其形態、載藥學雜誌第二號、今轉錄如左、

日本所售烏頭有五種、其一由中國輸入、多係鹽漬、即大附子是、而世人所俱知者、則爲草烏頭、其球根作蘿蔔狀、下部漸漸細小、末端或尖或鈍、上部壓平、往往彎曲、頗多縱橫皺襞、色帶褐黃、留有幹軸及副根斷痕、爲蠹蟲所食、

長一・五至三・五仙米、直徑最大處、爲〇・八五至一・五仙米、每塊重〇・七至一・五瓦、其橫斷面、色白或帶黃、紋理作粉末狀、截面則時有作角質狀者、此種必呈不潔灰色、中皮厚度占直徑四分之一至三分之一、概以星芒狀黑色「干休姆」輪與髓質分界、其輪亦有作圈狀者、若碎其根、則有細粉飛散、吸入鼻中、則引起噴嚏、初鼻腔感覺銜灼、終而精神恍惚、

成分

主成分爲「耶普阿哥尼丁」(Japaconitine $C_{66}H_{86}N_2O_{21}$)

歐洲產之烏頭根、(Aconitum Napellus. L.) 含有「阿哥尼丁」(Aconitine) 中國及日本產者、則含有更峻烈之「耶普阿哥尼丁」關於此物之實驗、可參閱下山藥學博士之「烏頭之濫用」(載東京醫學會雜誌第四卷第十三號、及藥劑誌第十四號第十五號)、「草烏頭及白川附子實驗記」(藥學雜誌第一百〇六號) 及「二三植物之化學的實驗」(植物學雜誌第七卷第七十二號第七十三號) 三文、

效能

用於風痛、癱瘓、癰腫、黑內障眼等、

【能】 草烏頭辛苦、大熱有毒、搜風勝濕、開頑痰、治頑瘡、以毒攻毒、頗勝川烏、然至毒無所釀制、不可輕投、○附子辛甘有毒、大熱純陽、其性浮而不沉、其用走而不守、通行十二經絡、無所不至、引補氣藥以滋不足之真陰、引發散藥開腠理、以逐在表之風寒、(同乾薑、桂枝、溫經散寒發汗) 引溫煖藥達下焦、以祛在裏之冷濕、治三陰傷寒、○川烏頭大熱、搜風入骨、治濕痺寒疼、○天雄辛溫、有大毒、治大風寒濕痺、骨節痛、凡虛寒須用附子、風寒多用天雄、

○側子辛、大熱有大毒、畏惡與附子同、治癰腫風痺、又治遍身風疹、神妙、○漏籃子苦辛有毒、此不堪服食、止宜入瘡科也、服之令人喪目、

【單方】 除頭虱、用烏頭漬置水中半日、用其水塗髮、

處方 配合烏頭及附子之處方如左、

○神丹圓 治傷寒赤瀉惡寒、發熱體疼者、

附子 烏頭(各四分) 人參 茯苓 半夏(各五分) 朱砂(一分)

右蜜丸、

○三仙丸 補腎與膀胱、順氣搜風、兼治耳聾目暗、

川烏頭(一兩) 茴香(三兩) 蒼朮(二兩)

右酒糊丸、

○龍虎丹 治痛風走注、或麻木不遂、或半身痛、

草烏頭 蒼朮 白芷(各一兩)

右用童便薑葱汁拌合、熱入乳香、沒藥各三錢、當歸、牛膝各一錢、爲末、酒糊丸、

○烏頭丸 療心痛徹背、背痛徹心、

烏頭(二分) 附子(一分) 赤石脂(三分) 乾薑(二分) 川椒(一分)
右爲末、蜜和丸、

○附子丸 療九種心痛、一蠱心痛、二注心痛、三氣心痛、四悸心痛、五食心痛、六飲心痛、七冷心痛、八熱心痛、九去來心痛、悉主之、並療冷衝上氣、落馬墜車、

附子 巴豆 人參 狼毒 吳茱萸 乾薑(各一兩)
右六味、搗末、蜜和、空心服、

○四生圓 治中風左癱右瘓、口眼喎斜、

川烏頭 五靈脂 當歸 骨碎補(各等分)

右爲末、用無灰酒打糊、圓如梧子大、

○順元散 治體虛之人患瘧寒、不用截藥、

川烏頭 附子(各二兩) 木香(五錢) 天南星(二兩)

右大棗七枚、生薑十片、水一盞、煎七分、當發日早晨、連進二三服、

○附子丁香散 治翻胃吐逆、臟腑泄瀉等疾、

附子(二兩熟) 乾薑 甘草(各三錢) 丁香 肉荳蔻 白朮(各半兩)

右爲粗末、每服三錢、

○生附散 治冷淋小便秘澀、或成淋痛、數起不通、竅中腫痛、

附子 滑石(各五錢) 瞿麥 木通 半夏(各七錢)

右爲末、每服二錢、

○烏附圓 去風疎氣、

川烏頭(二十個) 香附子(半斤薑汁浸)

右焙爲末、酒糊丸、

○烏荆圓 治諸風言語蹇澀、遍身頑麻、皮膚發癢、又治婦人血風、頭疼眩暈、腸風臟毒、下血不止、

荆芥穗(二斤) 川烏頭(炮去皮一斤)

右爲末、醋煮麵糊丸、如梧桐子大、每服二十九、溫酒熟水下、

用法 草烏頭生用、或炮用、或用黑豆煮熟用、均可、○附子入熱灰煨去皮臍剉用、或生用、或浸水二時許、去鹽氣、

煨、或捏麵粉、包附子、埋熱灰、上置炭火、煨至麵焦、去皮臍、切四片、浸重便炒用、

禁忌 惡藜蘆、瓜、薑、半夏、貝母、白斂、白朮、忌鼓汁、畏飴、

用量 據下山博士所著之「草烏頭及白川附子實驗說」云、主成分「耶普阿哥尼丁」之含量、草烏頭爲○、

三二%、白附子爲○・〇六八%、其有效成分含量、既由品類而異、故用量須隨時酌定、

白附子

異名 白波串 新羅白肉

基本 日本產未詳、一說屬毛茛科、入藥用其根、確否不知、

和漢三才圖會曰 白附子本出高麗新羅、生砂磧下濕地、獨莖似鼠尾草、細葉周匝、生於穗間、根正如草烏頭之小者、長寸許、乾者皺紋有節、因與附子相似、故名白附子、別有稱黑附子者、則實非附子類也、

效能 中醫用以治中風失音、以及一切冷風諸症、

【能】 辛甘有毒、大熱純陽、爲陽明經藥、能引藥勢上行、治面上百病、（陽明之脈營於面、白附能去頭面遊風、可作面脂、消癭疔、）補肝虛、祛風痰、治心痛、血痺、諸風冷氣、中風失音、陰下濕癢、○根如草烏之小者、皺紋有節、炮用、（陶弘景曰、此藥久絕無真者、今惟涼州生、）

■此爲純陽之藥、能引藥勢上行、■治心痛、血痺、面上諸病、俱能引藥而行、■治中風失音、一切冷風氣、脚弱無力、瘡癬、風瘡、陰下濕癢、面癩、癭疔、面痕、諸症、治頭面諸病、可作面脂、■肝風、補虛、去風痰、■中風口喎、半身不遂、用白附子、白殭蠶、全蠍各等分、生研末、每服二錢、熱酒調下、名牽生散、■小兒吐逆不定、虛風喘急、白附子、藿香等分

爲末、每服半錢、米飲下、**■**面容變白法、白附子、密陀僧、茯苓、唐土、白芷、桃仁各一兩、研細末、乳汁溶化、夜臥塗面、明晨洗去、如是十日、面如冠玉、秘方也、

用法 炮、剉用、

用量 二分至五分、

斑猫 Blister-fly. (英)

異名 斑蚝 斑螫 晏青 赤頭 龍蛇 螻螫蟲

基本 斑猫爲屬甲翼類之昆蟲、其種類頗多、今舉其主要者如左、

豆斑猫 (葛上亭長) 日本各地產此、上總地方尤多、爲甲翼蟲、*Epicanta gorhami*, mars. 七八月間最多、

荳科植物及馬鈴薯葉等、均受巨害、人若觸葉、立即伴死墜地、外觀類螫、長五分許、作圓筒狀、頭部作赤褐色心臟形、觸角頗長、甲翼作黑色、其兩側中央、有類黃色之線、腹部作黑色、有黃色輪四五條、俱爲黃色毛所成、有一種特異臭氣、味如灼、

青斑猫 (芫青) *Lytta vesicatoria* Fab. 產歐洲南部、尤以西班牙、意大利、法國南部等爲最多、有西班牙蠅、發泡蠅等別名、食白楊、接骨木、槐木等葉而生、捕此之法、可於早晨、敷布樹下、蒙面罩、御手套、用棒擊樹即紛

紛墮下，集之置入薄醋中，或用煮醋蒸氣燻殺之，使充分乾燥，其形態類豆斑貓而稍大，長六七分，全體有金綠色光澤，具六脚，有觸角，頭部作心臟形，呈赤色，甲翼作四角形，翅爲淡褐色，氣味俱與豆斑貓同。

日本斑貓（路教）*Myiabris cichorii*, F. & Br. 棲息於日本各處沙地，長七八分，全身黑色，有黃紅斑點，頗爲美觀，脚頗長，晴天盛暑之日，止於道傍，路人行近，則急起飛行，數十步而復止，其狀恰如教人路徑，故日本有「路教」之稱，其意猶言引路也。

漢產斑貓 *Myabris cichorii*, n. *Pusulata*, n. *rubipennis*. 產中國山西、山東、湖南、湖北、安徽諸省，全身黑色，長寸許，甲翅有黑褐色線一條至三條，秋季捕集晒乾，供藥用。

土斑貓（地胆）*Meloe corvina*. 棲息於山野土石之間，長寸許，闊三四分，全身碧黑色，前翅短，無後翅，故祇能匍匐地上，採集之，亦供藥用。

成分

斑貓之主要成分爲羯答利陳，此外含有芳香性揮發油及脂肪質，惟其含量由種類產地等而異。

羯答利陳 *Cantharidin* $C_{10}H_{12}O_4$ 爲光耀無色無氣味稜柱狀或葉狀之結晶體，於二百十八度融解，不溶於冷水及溫湯，對於各種溶解劑，則善能溶解，有酸類之性，與鹽基化合，構成鹽類。

製劑

羯答利陳之製劑有酒、軟膏、硬膏、油劑、鈣劑等。

效能

外用作發泡藥及生毛藥等，內服間有用作利尿藥者。

【能】 辛寒有毒、外用蝕死肌、傅疥癬、內用破石淋、拔癰癢疔腫、

處方

配合斑貓之處方如左、

○通經丸 治經閉並乾血氣、

斑貓(二十個糯米炒) 大黃(五錢) 桃仁(四十九個)

右爲末、酒糊丸、空心酒下、如血枯經閉者、用四物湯送下、

○斑雞丸 治癰癢多年不瘡、

斑貓(一兩) 薄荷(四兩)

右爲末、以鷄子清和丸、空心清茶下、

○內消散 治癰癢結核、

朱砂 血竭(各一錢) 斑貓(去翅足三分生用)

右爲細末、每服一分、空心燒酒調服、每日一次、未破者三五日立消、已破者、內服此藥、外用金頭蜈蚣一條、焙研極

細末、用麻油一小鍾、浸三日夕、搭患處、其瘡卽腫潰、過一二日腫消、

○治癩狗咬傷方

斑貓(七個去翅足)

右一味爲末、酒調服、須於小便桶內、見衣沫有似狗形者爲效、如無再服、須六七次、卽無狗形亦不再發、

用法 浸糯米泔水、去麴足、或與米共炒、去米用、

用量 羯答利斯之一回服量、爲〇・〇一至〇・〇五瓦、

備考 從羯答利斯製成羯答利陳之方法頗多、倉地精三氏曾發表其新製法、載藥學雜誌第二百〇三號、又藥學博士永井一雄氏、曾研究羯答利陳之構造、亦載於同號、均可參閱、

沉香 Aloes wood. (英)

異名 蜜香 沈水香 惡揭嚕 阿迦嚕華

產地 產交趾、暹羅、老樁諸山、

基本 屬瑞香科之沉香樹 *Aquilaria Agalocha*, Roxb. 木質中、偶然有黑色芳香性之脂膏凝結、木質因之變化、而增加重量者、卽名沉香、可供藥用、

沉香樹係產於東印度地方之大常綠喬木、高達四五丈、葉互生、作卵圓或倒披針形、花爲白色筒狀化、作繖形花序排列、實似檳榔子、熟則自裂、落下種子、

形態 木質呈褐色、中含脂膏、由無數平行纖維質而成、嚼之、稍有苦味、香氣並不甚佳、削屑投火中、則燃燒而發爽

快香氣、

伽羅（奇楠、奇藍、棋楠、伽南、奇南香）與沉香爲同一物、惟脂膏尤多、木質黑色、有光澤、此乃上品、遠非沈香所能及、從前日本德川幕府時代、設置「伽羅目利」以鑑定之、工業新報第一百四十八號、載有伽羅目利所藏之伽羅標本、上貼金箋、書有「上上伽楠貢香」六字、（伽羅爲梵語、意卽云黑）

本草綱目啓蒙曰：沉香以味辛者爲上品、甘者次之、酸者爲下、又以脂多不含白木者爲佳、如有白處、務須刮去、如是則入水必沈、故名沉香、若雜白木、入水不沉、

品類 沉香因產地或形態等之不同、故其名稱頗多、沉香與伽羅之分別、不在其脂膏凝結之多寡、一說由生樹與枯樹、而異其脂膏之凝結、故大不相同云、今將文政六年刊行大阪屋四郎兵衛著「手板發蒙」所載沉香與伽羅之差別及其品類等、轉錄如左、

沉香 爲死樹結香者、欲分別伽羅沉香、可炷銀盤上別之、

交趾 係產交趾之沉香木、色帶赤者、日俗呼赤油樣、帶黑者、呼真盤樣、香氣尙佳、

太泥 香氣薄、炷之有作鐵臭者、又有黑油狀者、謂之真盤、

暹羅 此種黑白相交、多附泥土、香氣尙佳、又暹羅之最上品、木理如絲、稍有油而似伽羅者、日藥肆呼爲「似」

占城 下品、

生沉香 係生木所結者、

細樣 今甚少、此種亦係生木所結、

削 亦係生木所結、

刻 福印、盤印二種、爲極下品、不堪入藥、

伽羅與沉香、爲南方奇木、有生結死結之別、木之形狀、詳載廣東新語、本草啓蒙等、按伽羅係木之枯死數年而結香者、沉香則係伐取其木埋置土中、經數年而結香者、故時見有釘孔、伽羅無釘孔、其本根埋土中結香、故多油、此卽生結之證、沉香係截下入土、故雖結香而油少、此卽死結之證、凡堅實沈香木、在土中數年結香、或成伽羅、或成沉香、祇生結與死結有異耳、有一種名生沉香者、非埋木、卽生木之沉香也、

一說沉香以入水下沈者爲真、浮沉不定者、謂之棧香、浮上者謂之黃熟香、其形態如犀角者、謂之犀角沉、如燕口者、謂之燕口沉、如附子者、謂之附子沉、如梭者、謂之梭沉、

成分 東京化學會誌第十帙第十册、載有試驗沉香成分之成績、今轉錄於左、

將本品之粉碎者試驗、得左列之成績、

水

三・三三五

灰質（淡褐色呈鹼性反應）

一・一四一

石腦油伊打溶解質

少許

伊打溶解質

二四・七四九

強酒精溶解質（樹脂狀物） 二四・一二九 沸湯溶解質（同前）

少許

不溶解質（植物纖維素） 四六・六四六

據右列成績、本品之主要成分、為溶於伊打及強酒精之樹脂狀物質、溶於伊打者、帶黃褐色、與原品同一芳香性、逢酒精性過綠化鐵、呈美麗之藍色、溶於強酒精者、為黑褐色、逢酒精性過綠化鐵、呈帶綠藍色、

此二種物質、熱之俱熔化、發香氣而燃燒、瑞香科植物、本皆稍有芳香、本品亦屬本科、香氣甚佳、製為丁幾（一與一〇）用之、當有健胃、強壯、奮興之效、見 Smith 氏中國藥物書、

效能 用作香竄衝動藥、

【能】 辛苦、性溫、諸木皆浮、沉香獨沉、故能下氣而墮痰涎、（怒則氣上、能平肝下氣、）能降亦能升、氣香入脾、故能理諸氣而調中、○色黑沉水者良、香甜者性平、辛辣者性熱、

處方 配合沉香之處方如左、

○沉香化氣丸 治食積、痰痞、不食、

右水煎、
大黃（酒） 黃芩（各二兩） 人參 白朮（各三兩） 沉香（五錢） 薑汁 竹瀝

用法 去朽剝用、

皂莢 忌火、

皂莢 五勞至一錢、

皂莢

異名 皂角 烏犀 懸刀 皂角莢 雞棲子

【刺】 天丁 角針 皂角針 皂角利 皂莢刺

【子】 皂角子 皂莢子

【基本】 此為屬於荳科皂角子之莢、其刺及種子亦供藥用、

皂莢為落葉喬木、各地山野多有自生者、樹高三丈、周圍三尺、老樹高至六丈、周圍八尺、樹皮色赭黑、初平滑、後乃粗糙、終至割裂、幹枝多刺、長三四寸許、刺上更歧生小刺、堅銳鋒利、葉似槐葉、為一重至兩重之羽狀複葉、其小葉為卵圓形或長橢圓形、大五六分、約有二十片、夏間、葉腋發淡綠黃色之扁平小花、連綴而為短穗狀、果實為莢、果長一尺、闊寸許、扁平巨大、厥狀似刀、故有懸刀之名、秋時成熟、變黑褐色、遂彎捩而不正直、莢中藏種子十餘枚、子堅實、稍扁平、似大豆、褐色、有光澤、

本草綱目曰 皂莢樹、葉如槐葉、瘦長而尖、枝間多刺、夏開細黃花、結實有三種、一種如豬牙、一種長而肥厚、多脂

而粘、一種長而瘦薄、枯燥不粘、以多脂者爲佳、其樹多刺難上、采時以籠撞其樹、一夜自落、亦一異也、有不粘實者、樹鑿一孔、入生鐵三五斤、泥封之、卽結莢、人以鐵砧槌皂莢、卽自損、鐵碾碾之、久則成孔、鐵鍋爨之、多爆片落、豈皂莢與鐵、有感召之情耶、其實見有蟲孔、而未有蟲形、但狀若草葉上青蟲、微黑難見爾、○肥皂莢生高山中、其樹高大、葉似槐葉、五六月開白花、結莢長三四寸、狀如雲實之莢、肥厚多肉、內有黑子數顆、大如指頭、不正圓、色如漆而甚堅、中有白仁如栗、煨熟可食、十月採莢、

品類

從前藥舖、除日本產外、尙有中國產之豬牙皂莢與肥皂莢二種、今已絕跡矣、

古方藥品考曰 皂莢來自中國者有二種、一爲豬牙皂莢、質堅硬、栗殼色、闊二三分、長二三寸、反張者爲上品、一爲肥皂莢、形似扁豆莢而豐肥、中貯三四子、圓黑若無患子、日本產者、類似豬牙皂莢、闊寸許、長六七寸、味淡薄、不堪入藥、其實爲皂角子、刺針爲皂角刺、（刺與子易混、藥舖讀刺爲利、）

大和本草曰 皂莢、樹高大、刺多、葉如槐、夏開細黃花、結實、莢如豆莢、卽皂莢也、又名皂角、功用最多、爲喉痺及卒中風之妙藥、莢直而厚、多肉而粘者爲上、豬牙皂莢、其莢曲如豬牙、故名、皂角子爲莢中之子、形如豆、俱入藥用、

效能

莢爲衝動殺蟲之藥、又爲噴嚏藥、以治中風、偏頭痛、麻痺諸症、此外尙有祛痰及驅除粘液之效、刺與莢功效

相同、兼治諸瘡、子專用於瘡毒、

古方藥品考曰 皂莢主治欬逆、肺痿、○本經曰、皂莢味辛鹹温、主治風痺、死肌、邪氣、頭風、淚出、利九竅、○別錄曰、

療腹脹滿、消穀、除咳嗽。○按其味辛辣溫散、能治欬逆上氣、肺痿涎沫、然其氣猛烈、刺人喉舌、不可輕服、救卒死、方可用。

【能】皂莢。辛溫性燥、氣浮而散、入肺大腸、金勝木、燥勝風、故兼入肝、搜風洩熱、吹之導之、則通上下關節而涌吐痰涎、搐鼻、立作噴嚏、治中風、口噤、胸痺、喉痺、（凡卒中不省人事、口噤不能進藥、急提頭髮、手摺人中、用皂角末或半夏末、吹入鼻中、有嚏者生、無嚏者為肺氣已絕、死、或用稀涎散吐之、皂角末一兩、明礬五錢、每用一錢、溫水調灌、或加黎盧少許、鵝翎探喉、令微吐稀涎、再用藥治、年老氣虛人忌用、）服之則除濕去垢、（最去油膩、刮人腸胃、）消痰、破堅、殺蟲、下胎、治風濕、風癩、痰喘、腫滿、堅癥、囊結、（厥陰脈循陰器絡于肝、寒客本經、則為囊結、）塗之則散腫消毒、煎膏貼一切痺痛、合蒼朮焚之、辟瘟疫、濕氣、○一種小如豬牙、一種長而枯燥、一種肥厚多脂、多脂者良、去粗皮子弦、或蜜炙、酥炙、絞汁、燒灰、各隨本方、柏實為使、惡麥冬、畏人參、苦參、（鐵見之則消、故此木不能燒爨、）

○自縊將死、皂莢末吹鼻中、○水溺（紙裹皂莢末納下部、須臾出水、即活、）

皂角刺。辛溫、搜風、殺蟲、功同皂莢、但其鋒銳、直達病所、能引至患處、潰散癰腫、治癰腫、妬乳、風癩、惡瘡、（癩風乃榮氣熱、風寒客於脈而不去、經曰、脈風成爲癩、）胎衣不下、孕婦忌之、

皂角子。辛溫、通風熱、太陽虛秘、治擦癢及疥癬、（圓硬不蛀者可用、以飯煮熟、剝去硬皮一重、取向裏白肉兩片、以銅刀切晒、用其黃、則消人腎氣也、）

皂莢 以柏實爲使、惡麥門冬、畏人參、苦參、爲手太陰（肺）陽明（胃）厥陰（肝）三經之藥、治風濕、痰喘、腫滿、殺蟲、消腫、驅毒、逐風、治瘡、止風頭痛、通關節、消痰、開胃、開中風口噤、溽暑霖雨之時、合蒼朮、熏煙、辟瘴、疫邪濕、通肺大腸之氣、瀉肝氣、患癰喉風、重舌、及九種喉痺、急者一二日死、大皂莢四十去皮子、水三斗、浸一夜、煎取一斗五升、加入參半兩、甘草一兩、爲末、煎取五升、去滓、入酒一升、百草霜二錢、再煎、候如飴、入瓶、埋地中一夜用、每溫酒服一匙、自有惡涎吐出、吐後含甘草良、救急稀涎散、治卒中昏倒、不知人事、口角流涎、速服此方、俟吐痰後、再用藥調治、方用皂莢末一兩、生白礬半兩、膩粉半兩、水調服一二錢、卽吐、不可多用、自縊將死、皂莢末吹鼻中、溺水將死、皂莢末、紙包納下部、水出卽活、

皂角刺 引諸藥上行、治上焦之病、治風、殺蟲、功同皂莢、產後乳不出、皂角刺、蔓荊子等分、燒存性、溫酒服二錢、大風、癩瘡、黃柏末、皂角刺、燒枯、等分爲末、空心溫酒服、下蟲、先食白粥三日、服補藥數劑、再服神效散、蟲之色不一、可下一二升、忌魚肉並動風物、周身上下、結核不散、是痰核也、或痰塊流注、治痰藥中、加皂角刺、自能引諸藥至毒所、妙、

皂角子 活血、潤腸、燒過者能滑燥結之大便、

【單方】 胞衣不下、皂莢燒存性、爲末、溫酒服一錢、中風、或癱瘓卒倒、皂莢細末、吹入鼻中、驚怖卒死、皂莢細末、吹入鼻中、

處方

配合皂莢之處方如左。

○倉公散 療心腹痛、下血便、及卒死者、

生礬石(燒) 皂莢(炙) 雄黃 藜蘆(熬)

右四味等分、搗爲末、如大豆許、以管吹入鼻中、嚏則氣通、便活、若未嚏、復吹之、得嚏爲度、

○稀涎散 治中風卒仆、痰涎壅盛、氣閉不通、

皂角(四莢去皮角炙) 白礬(各一兩)

右爲末、溫水調下、或加藜蘆、

○桂枝去芍藥加皂莢湯 治肺痿、吐涎沫、

桂枝 生薑 大棗(各七分半) 甘草 皂莢(各五分)

右五味、水一盞四分、煎取六分服、

○皂莢丸 治欬嗽上氣、痰唾稠粘、坐臥不安、

皂莢(三莢酥炙令焦黃) 旋覆花(一兩) 杏仁(一兩去皮尖雙仁、麩炒微研如膏)

右爲末、蜜丸、

○皂翹丸 治楊梅瘡未發者、

皂莢(四分) 連翹(六分)

右爲末、黃芪、桔梗煎汁服、

○皂莢散 療鼻塞、不得喘息、

皂莢(去皮子炙) 菖蒲(各等分)

右爲末、棉裹塞鼻中、暮臥之時乃著、甚良、

○皂角散 治大風、

皂角刺(燒存性) 大黃(各一錢) 輕粉(五分)

右三味爲末、空心酒調下、取出惡物、服藥數日、齒血甚臭、方出、古今醫統、

○黑龍膏 治一切纏喉急證、

皂莢(二莢去皮弦子、搥碎、滾水三升、泡一時許、按汁去滓、砂鍋內熬成膏、入好酒一合、攪令稠、入下項藥、)

百藥霜 礪砂 焰硝 人參(別爲極細末各一錢)

右四味、拌勻、入白霜梅肉一錢、細研、入皂莢膏內、以少許、雞翎掃喉中、涌盡頑痰、即嚼甘草二寸、嚥汁吞津、若木舌、先用青布蘸水揩之、然後用藥、○醫綱名烏犀膏、以礪砂代礪砂、

○烏龍丸 治遍身風瘡、搔癢、疥癬等疾、服之消風、散熱、利膈、化痰、治肺氣、此藥推陳致新、去腸垢、

皂角（肥者、不拘多少、炙、刮去皮弦、搥碎、甜水揉取濃汁、去渣、銀石器內熬成膏、別放）黑牽牛（不拘多少、微炒、令香熟、碾取頭末）

右將藥末、與皂角膏和、丸如梧子大、每服三五十丸、氣虛、一二十九、食後、溫水送下、利三五行、不傷正氣、

○治痰迷心絡、人事昏愒、語言模糊、視聽俱廢、飲食不進、大小便不知、自遺不覺、病名暗風、

威靈仙（五錢） 白朮（三錢） 當歸 半夏（各二錢） 豬牙皂角 石菖蒲（各一錢）

右共爲末、每服三錢、五更生薑湯調下、

用法 莢去外皮、但取白皮炙末用、或以莢一兩、塗蜜或酥油五錢、炙用、外皮與弦須削去、刺去末端之尖、剉炒用、子入銅鍋煮軟、剝去外皮及內部之子、煮晒乾用、

禁忌 忌鐵、

用量 莢、刺子、俱係五分至錢半、

天南星

異名 南星 虎膏 半夏精 鬼蒟蒻 蛇頭草根

基本 屬天南星科天南星之地下莖、藥用者、於陰曆二八月採掘、洗浸收藏、

天南星爲多年生草本、自生於山野之陰地、莖高三四尺、葉爲複葉、具長葉柄、小葉爲廣披針形、數葉相湊、狀若鳥足、花爲單性、排列作肉穗花序、花軸之上部、鈍而不銳、被以紫黑色之佛焰苞、果實成熟、則呈鮮美之紅色、兒童每誤食之、則唇舌立即腫、其地下莖、多澱粉質、可製澱粉、北海道土人、或竟煮食云、

和漢三才圖會曰 按天南星本名虎掌、倭名抄亦祇有虎掌、無天南星、天南星之名、蓋昉於唐時、今人無識虎掌者、疑天南星卽虎掌子所出、一物而二名也、天南星又有二種、一種花房作淺青色、末如鼠尾、高不過尺許、一種無鼠尾、高約二尺、日本產以日向、薩摩所出爲良、豐前中津、藝州、廣島所出次之、

大和本草曰 天南星有二種、其一、葉似辛葉、有光而分歧爲三、其實紅、多集於一處、如玉蜀黍實、十月而成熟、其一、似薹蕪、莖多黑點、花反張如鐙、根入藥用、然惟大根可用、小根則性薄矣、製法、將根剉碎、沸水浸泡七度、再剉、晒乾爲末、和生薑自然汁、打成小餅、入小籃內、上覆樹葉、放置室中、七日、候黃繼出、晒炒收用、○本草通玄曰、生用者、溫湯洗過、浸礬石湯三日、夜、日日換水、後晒乾、熟用者、酒浸、宿入甑蒸一日、以不麻舌爲度、○時珍云、小者爲山跋、乃別一種也、今按山中、有似天南星而小者、殆卽由跋歟、

形態 爲圓塊狀之地下莖、類似蒟蒻、大可寸許、外灰褐而內白、味辛烈如灼、

效能 用爲鎮痙、祛痰、健胃、發汗、驅蟲藥等、

【能】 味辛而苦、能治風散血、氣溫而燥、能勝濕除痰、性緊而毒、能拔積攻腫、補肝風虛、(凡味辛而散者、皆能補

肝、不喜條達故也、爲肝、脾、肺三經之藥、專治濕痰、驚癩、風眩、（丹溪曰、無痰不作眩、）身強、口噤、喉痺、舌瘡、結核、結氣、癰毒、疥癬、蛇蟲咬毒、（調末搗之、）利水、墮胎、性更烈於半夏、（與半夏皆燥而毒、故墮胎、半夏辛而能守、南星辛而不守、）陰虛燥痰禁用、○根似半夏而大、狀如虎掌、故一名虎掌、以礬湯或皂角汁、浸三晝夜、曝用、或酒浸一宿、蒸熟、竹刀切開、以不麻爲度、或蠶渣、黃泥和包、煨熟用、造麩法、以薑汁、礬湯和南星末作餅、楮葉包、待生黃衣、曬乾、造膽星法、臘月取黃牛膽汁、和南星末、入膽中風乾、年久者彌佳、畏附子、乾薑、防風、（得防風則不麻、炮則毒性緩、得牛膽不燥、且膽有益肝膽之功、）

■陰中之陽、爲肺經之藥、以黃柏爲佐、畏附子、乾薑、以蜀漆爲使、伏雄黃、丹砂、煅硝之毒、■天南星味辛而散、故能治血氣心痛、其性燥、故能治痰涎心痛、其性緊而有毒、故能攻積聚、消腫氣、■用於各種風症、治中風口眼喎斜、天南星、生研末、生薑自然汁調貼、病在左貼右、病在右貼左、妙方也、■風緊迫亦用之、■痰迷心竅、怔忡不寧、與茯神、遠志並用、效、■小兒口舌生瘡作痛、南星末、醋調勻、塗足心、男左女右、妙不可言、■天南星治上焦之痰、堪稱第一、然亦祇宜於風痰、若係濕痰、則用半夏、■腸風、下血、諸藥無效、以天南星、石灰等分、炒成黃色、爲末、酒打糊、丸梧子大、每服二十九、酒送下、佳、■又方統治風痰、方名青壺丸、以半夏一斤、天南星五錢、湯泡、曬乾爲末、再和生薑汁焙乾、入神麩五錢、白朮、枳實各二兩、以生薑汁和麵糊、丸梧子大、每以生薑湯下五十九、

【單方】 肩痛、天南星、半夏細末等分、醋調敷、●初生兒口噤不開、天南星末一錢、入龍腦少許、研勻、生薑絞汁調

和、指尖蘸擦牙齦、●痔瘡、天南星霜、白湯服、

處方

配合天南星之處方如左、

○白圓子 治男子婦人手足癱瘓、風痰嘔吐、

天南星(生用) 半夏(白好者) 白附子(生用各二兩) 川烏頭(去皮生用半兩)

右爲末、糊丸、

○三仙丸 治中脫氣滯、痰涎不利、

南星麩 半夏麩(各四兩) 香附子(二兩)

右糊丸、薑湯下、

○天仙膏 治卒暴中風、口眼喎斜、

天南星(一個) 白芨(二錢) 大草烏頭(一個) 殭蠶(七個)

右爲末、用生鱧魚血調成膏、傅患處、覺正、洗去、

○玉直散 治破傷風及金刀傷、跌打損傷、

天南星 防風(各等分)

右爲末、破傷、以藥敷貼瘡口、然後以溫酒調下、

○壽星丸 治心膽被驚、神不守舍、或痰迷心竅、恍惚健忘、妄語如有所見、

天南星(一斤) 朱砂(二兩) 琥珀(二兩)

右爲末、生薑汁麪糊爲丸、石菖蒲人參湯送下、

○三生飲 治卒中不省人事、口眼喎斜、半身不遂、咽喉作聲、痰壅氣盛、脈或沈伏、或浮盛、兼治痰厥、氣厥及氣虛眩暈、

天南星(生一兩) 川烏頭(生) 附子(生各五錢) 木香(一分)

右薑十五片、水煎服、一方、口噤、用細辛、皂角各少許、或生半夏爲末、以蘆管吹入鼻中、候噴嚏、其人少蘇、然後進藥、痰涎壅盛者、加全蠍五枚、仍服養正丹、

○無憂散 治傷寒調理失序、毒氣內結、胸腹脹滿、臥不安、日久不瘥、狂躁妄語、大小便不通、或復吐逆、

牛膽 南星

右爲末、以人參半兩、煎湯七分、盡調末二錢、乘熱服、遲頃、更以熱人參湯投之、或睡便溺下黃黑物、是效、

○玉壺丸 治風濕頭痛、又治痰患、

天南星 半夏 天麻 白朮(各二錢) 雄黃(一錢)

右爲末、薑汁煎餅丸、

○天龍膏 治跌打損傷、

黑砂糖(八錢) 天南星(煨細末) 麵粉(各四錢) 井華水(一合)

右井水入瓦鍋、下黑砂糖煎、至水減半爲度、離火去滓、俟冷、下二味和勻、

○治小兒心有客熱、滿口生瘡、

天南星末

右醋調貼足心、

○理鵝口瘡方

天南星

右一味末、水勻、泥薄紙、貼涌泉穴、妙、

○治小兒痰癆方

天南星 巴豆 朱砂(各半兩)

右三味、細末糊丸服、必便膿血、丸藥以不化而下爲度、

用法 紙包生根、埋熱灰中炮、銅刀剉碎、生薑汁或明礬水浸一時、取出、晒乾、焙用、或以生薑與土搗合、包生根煨、取

出、焙用、(脾胃虛而多痰者、宜用後法炮製之藥、)

南星麩 生薑汁、入明礬研和、將天南星搗碎、合捏成餅、楮葉包之、置小籃中、任其醱酵、候變青、晒乾、臨用打碎、炙用、

牛膽南星 臘月割取黃牯牛膽、入天南星末、風乾、陳久為良、

禁忌 忌鐵、

用量 三分至七分、

穿山甲 Manis-scales. Pangolin-scales. (英)

異名 川山甲 石鱗甲 透石鳥 陵鯉甲 龍鯉甲 鱧鯉甲

產地 產於東印度羣島及非洲、臺灣亦產一種、

基本 穿山甲屬哺乳類之貧齒類、其鱗甲入藥、

穿山甲軀體肥大、長三尺餘、頭小有四足而短、其形稍似蜥蜴、體與尾不分明、僅次第變為細長而已、全身被有鱗片、質堅如石、末端尖銳、並列若屋瓦狀、一似甲冑之在身、口吻稍長、無齒、舌如絲而長、以之捕食蟻等、爪長且銳、便於掘土之用、晝間穴居不出、夜則徘徊草叢以覓食、性不活潑、步行亦遲、設遇外敵、則拳縮如蝟、聳起鱗片、以免危害、

形

為堅硬如石之鱗片、色淡褐或黑褐、有光澤、大小不等、略成三角形、中央厚、邊緣薄如刀鋒、甲之表面、自底部向末端、有無數之條線隆起、裏面則扁平滑澤、

效能

用於麻疹、痘瘡、疥癬之內攻、兼用為通乳藥、

【能】 鹹微寒、性善竄、能行散、通經絡、達病所、入厥陰（肝）、陽明（胃）、治風濕冷痺、通經、下乳、消腫、潰癰、止痛、排膿、

和傷、發痘（元氣虛者恆用）、風癩瘡科、視為要藥、以其食蟻、又治蟻瘻、

【為厥陰（肝）、陽明（胃）經之藥、性走散、故病中透通、治小兒驚邪、風濕冷痺之證、或為水濕所侵、遍身強急、

拘攣、大痛者、五積散加穿山甲煎服、取汗、非中風必愈、熱瘧無寒者、穿山甲一兩、乾棗十個、同燒存性、為末、每服

二錢、發日五更井水下、婦人乳汁不出、穿山甲炒、研細末、每服方寸匕、日再服、酒下、仍以梳搔肥乳房數十遍、乳

汁即通、名涌泉散、兼治乳岩、乳癰、亦用酒服、妙甚、痘瘡變黑、穿山甲、蛤粉等分炒末、每服五分、入麝香少許、溫酒

下、色即轉紅、神效、

【單方】 乳汁不通、穿山甲（土炒焦、篩去土）、天花粉、王不留行三味、等分為末、每服三錢、溫酒下、●乳汁不出、

或甚少、穿山甲二錢、為末、米泔攪和、飲服、

處方

配合穿山甲之處方如左、

○復元通氣散 治諸氣滯、耳聾、腸癰、便癰、瘡疽無頭、止痛、消腫、

金銀花 連翹(各一兩) 穿山甲 瓜蒌根(各二兩) 甘草(三寸) 陳皮 青皮(各一兩)
右爲細末、熱酒調下、

○排膿散 治腸癰、小腹痛、脈滑數、裏急後重、時時下膿、

黃芪 當歸 金銀花 白芷 穿山甲 防風 川芎 瓜蒌仁(各一錢)
右水煎服、

○透膿散 治癰疽諸毒、內膿已成、不穿破者、服之立破、

黃芪(四錢) 穿山甲 炒末一錢) 川芎(三錢) 當歸(二錢) 皂角針(錢半)
右水煮、隨病前後服、臨用、入酒一杯、亦妙、

○涌泉散 治乳汁不行、亦治乳癰、結腫、

穿山甲(一兩炒令燥)

右爲細末、酒調、服方寸匕、

○治婦人乳汁不行、乳房痛者、

穿山甲(六錢) 王不留行(九錢) 乳香 沒藥 麻黃 天花粉(各四錢半) 蒲公英(一兩二錢)
右分三劑服、

用法 藥用以尾甲爲佳品、生用、或煨、或焙枯、或醋塗炙、或童便浸炙、或與油同煎、或與土同炒、或攪蛤粉炒、爲末用、
用量 五分至錢半、

蟾酥 Toad-cake. (英)

異名 月魂 蟾寶

產地 中國之江蘇、四川、皆其主產地、

基本 蟾蜍之表皮腺、分泌乳白色之毒液、與麵粉混和煉成一種如餅之塊、

蟾酥之製法未詳、其使蟾蜍分泌毒液之方法、則略知一二、(一)刺戟蟾蜍之眉間、使分泌白汁、(二)以蟾蜍入水缸中、覆以有孔之蓋、孔中插細竹枝、以刺戟蟾蜍、使其痛苦、蟾蜍遂憤怒不勝、自皮腺分泌多量之毒液、乃從而收集之、(三)以蟾蜍置中央、四面架鏡、使起受困之感、因分泌多數毒液、以保護己之身體、吾人卽利其所有、與麵粉混合煉製、前人不知爲外皮分泌之液汁、每誤以爲油、故有蝦蟆油之稱、

形態 以分泌毒汁與麵粉混和之煉合物、其形狀不一、惟外面稍覺滑澤、現黑褐色、其破碎片之尖端、透映而作褐色、味辛烈、其粉末如入眼內及鼻中、卽發腫痛、水能次第溶解、市上出售者、多作扁圓形、大九分許、中心凹陷、有一小孔、此蓋串以麻線、令得風乾也、亦有爲半圓形、徑一寸、高六七分、中亦穿孔、又或扁平、展延若板片者、製造處及品質

俱各不同、故其形狀亦異、就中以番木鱧子形者為最佳、

效能 用以治疔疾及疔瘡、惡腫等、

【能】 辛溫有毒、助陽氣、治發背、疔毒、小兒疔疾、腦疔、（即蟾蜍眉間白汁、能爛人肌肉、惟疔毒或服二三釐、取其以毒攻毒、外科多用之、蟾蜍肪塗玉、刻之如蠟、）

【單方】 齒齧出血、蟾酥為末、紙捻蘸少許、傅出血處、立止、但慎勿下咽、

處方 配合蟾酥之處方如左、

○神效丹 治諸般惡毒、疔瘡、發背、一切腫毒、遍身癢痛、及小兒痘瘡、黑陷不起、喉閉腫痛、

雄黃 朱砂 片腦（各五分） 乳香 沒藥 輕粉（各三分） 血竭（二錢） 真蟾酥（一錢） 麝香（二分）

右共為末、用酥油或乳汁丸、

○化癬如神散 治痞塊積聚、

蟾酥 黃蠟（各二錢） 羚羊角 牛黃（各五分） 麝香（三分） 巴豆肉（二錢） 礞砂 冰片（各一分）
右為末、丸如菜子大、每用一丸、用扁頭針、將患處刺破皮、用膏藥貼上一伏時、揭起、其痞化膿血、出盡、服調理脾胃藥、

○蟾酥丹 疔瘡外施之藥、

用大癩蝦蟇、以針破眉稜上、手捻出酥、於油紙上、或桑葉上、用竹篋刮下、然後掛在背陰處、自乾、取用、
蟾酥以白麵、黃丹等分搜和、丸如麥粒狀、針破患處、以一粒內之、

用量 二釐至五釐、

備考 藥學博士石津利作、及上遠野與作兩氏、同將蟾蜍皮腺之分泌物、以化學研究之、遂名其毒分曰加瑪茵、並舉其生理作用如左、

加瑪茵者、爲日本內地產蟾蜍皮腺分泌物中之一種成分、其藥物作用、極似實麥答利斯、有使心臟作用強盛之效、用此藥後、脈搏減少、脈之容積加大、血液上昇、尿量增加、若其作用再稍加劇、即誘起心臟收縮性之休止、然無使血球溶崩之作用、又動物對此毒質、不能享受免疫性、其毒力遠不若實麥託扣希與地瑪林、此毒質三分之一、約當實麥託扣希與地瑪林四分之一、而其有效量與中毒量之相差、又較他種強心藥爲甚、即如實麥答利斯之製劑、雖奏強心之效、然常有蓄積作用、而此則無之、試投加瑪茵、其心臟作用、尤爲迅速、以其易於吸收故也、若夫局部之腫痛作用、必多用始、設僅用治療之量、則決無誘起腫痛之弊害、說見衛生試驗彙報第十五號、

吳茱萸

異名 蘋 吳莢 吳楸 川薑 搜筵 辟邪翁 藥菜莢 九日三官

其木 此屬於芸香科所結之果實、

此植物爲落葉亞喬木、多自生暖地、藥圃亦栽植之、高自六七尺至丈餘、樹幹直立堅實、枝展開作十字形、樹皮滑澤、色暗褐、而有白圈圍之、葉對生、爲奇數之羽狀複葉、小葉作橢形圓、前端尖、末端圓、全緣及葉脈、葉柄嫩枝、俱密生軟毛、五六月間、葉腋開黃綠色之小花、綴爲短圓錐狀花序、苞葉五裂若鱗片、果實爲小蒴果、帶紅紫色、乾則變黑色、

形態 爲黑色卵圓形之蒴果、大自二分至四五分不等、外皮厚似革、作五稜、油腺爲無數之小孔、暴露於外、內分五房、每房藏種子兩粒、滑澤而作倒卵圓形、味頗辛烈、香氣亦甚、

古方藥品考曰 吳茱萸、來自中國者、粒小色黑、味苦辛、爲上品、間有攙入蠶沙、當剔去用之、又古人建六陳之目、故後人單貴陳舊者、但若辛味消失、則不堪藥用矣、日本產粒大倍中國產、其隔年者可用、藥舖稱爲真吳茱萸、又有一種小粒者、品甚佳、功用亦無別、凡味極辛苦者有奇效、宜爲丸藥用、日本之城州、和州、紀州及西南諸州、俱有之、

吳茱萸爲六陳之一、以陳久者爲貴、有中國產與日本產兩種、中國產實小、香氣薄、日本產實大、香氣厚、藥用以中國產爲良、

成分 主要之成分爲一種揮發油、

效能 爲衝動驅風收斂殺蟲之藥、

古方藥品考曰 吳茱萸性溫、除溫散寒、○本經曰、吳茱萸味辛溫、主溫中下氣、止痛及欬逆、寒熱、除濕血痺、逐風邪、開腠理、○藥徵曰、吳茱萸主治嘔而胸滿、○別錄曰、去痰冷、腹內絞痛、諸冷實不消、中惡、心腹痛、○按吳茱萸味辛苦溫熱而順降、故能溫腸胃、除水濕、散寒淫、用療心腹冷痛、寒疝等、

【能】 辛苦大熱、有小毒、入足太陰血分、(脾)少陰、厥陰氣分、(腎肝)潤肝燥脾、溫中下氣、除濕解鬱、去痰殺蟲、開腠理、逐風寒、治厥陰頭痛、(用作引經)陰毒腹痛、(痛在少腹)嘔逆吞酸、(俗名醋心、亦有吐酸者、宜降火清痰、加吳茱萸作引導)痞痛、噎膈、(胃冷)食積、瀉痢、血痺、陰疝、痔疾、脚氣、水腫、口舌生瘡、(爲末、醋調貼足心、移夜便愈、能引熱下行)衝脈爲病、氣逆裏急、性雖熱而能引熱下行、(或言茱萸性上、似不盡然、東垣曰、濁陰不降、厥氣上越、甚而脹滿、非茱萸不可治也)利大腸壅氣、(故治腸風痔痢)下產後餘血、(故產後必飲之)然走氣動火、昏目發瘡、血虛有火者忌用、○陳久者良、泡去苦烈汁用、止嘔、黃連水炒、治疝、鹽水炒、治血醋炒、惡丹參、硝石、

■溫中、下氣、下濕、逐風邪、治欬逆、去痰、■治冷心腹痛、吐瀉、婦人產後心痛、腰脚軟弱、大腸閉塞、脚氣、水腫、■通關節、健脾、治瀉利、潤肝開鬱、治吞酸、痰涎、頭痛、瘰癧氣、治喉舌瘡、■吳茱萸入脾、胃、肝、大腸、腎五經、溫中焦、三焦、善下

氣治心痛、然不可爲君藥、當以山梔子、黃連爲君、吳茱萸爲佐使、熱因寒用、卽此義也、又雖能開鬱、然不可用若香附子、川芎等、寒冷與食滯、乃隨痰飲而散其鬱也、**■**疝氣得溫煖最良、吳茱萸之辛熱、其效頗著、但多以之爲使、吐酸吞酸、加黃連、神效妙、**■**吳茱萸丹、天氣劇變或交節氣、痰涎上湧、嘔吐酸汁時用之、能飲酒者、以酒送服、酒氣通小便而去、尿有吳茱萸香、又飲食過度致腹滿者、此爲奇妙之劑、方以吳茱萸、熱湯浸洗七次、白茯苓等分、煉蜜合九、梧子大、白湯下五十九丸、**■**口舌生瘡、吳茱萸末、醋調貼兩足心、一夜卽愈、蓋藥性熱、又引熱下行、從治之法也、**■**腳氣初發、症似傷寒、衝心上逆、吳茱萸末、生薑汁和服、腎氣上逆、自腹迫咽、連出數十聲、上下不通而喘息者、此胃寒作嘔、腎虛、氣逆侵胃、與氣相衝而塞也、以吳茱萸、陳皮、附子各等分、醋浸炒爲末、麵糊丸、梧子大、每服七十丸、生薑湯下、若仍不愈、宜灸期門、關元、腎俞之穴、**■**以吳茱萸、黃連各炒透、各爲末、并各用米飯丸、赤痢、甘草湯下、黃連丸三十九、白痢、乾薑湯下、吳茱萸丸三十九、赤白痢、米湯下、黃連丸及吳茱萸丸各十五丸、共下三十九、神效、**■**疝氣自小腸引臍下作痛、外腎腫脹、精神悶亂、吳茱萸一斤、作四分、一醋浸、一酒浸、一童便浸、一白湯浸、各焙爲末、入澤瀉二兩、酒糊丸、梧子大、每服五十九丸、空心鹽湯或酒下、**■**多用則昏目、動火、破神、落髮、

【單方】 霍亂、吳茱萸、乾薑二味等分、煎服、**■**腳氣衝心、吳茱萸一錢、木瓜一錢、水煎服、又用犀角粉五六分、攪入藥碗內同服、**■**疝氣衝逆、吳茱萸末、溫酒調服、**■**心腹卒痛、（寒痛）吳茱萸煎服、**■**魚骨入腹刺痛、吳茱萸煎服、

【處方】 配合吳茱萸之處方如左、

○吳茱萸湯 治胸滿、心下痞、作嘔、

吳茱萸(錢半) 人蔘 大棗(各四分半) 生薑(九分)

右四味、以水一盞、煎取六分服、

○吳茱萸丸 治氣自腹中起、上築咽喉、逆氣連屬而不能出、或至數十聲、上下不通、至於喘息、此由寒傷胃脘、腎氣先虛、逆氣上乘於胃、與氣相衝不止、俗謂之噦、難治之症也、宜此丸、

橘皮(二兩) 吳茱萸(醋炒) 附子(炮各一兩)

右爲末、白麵糊丸、如梧桐子大、每服七十九至八十九丸、食前生薑湯下、灸中脘、關元、百壯、未止、再灸腎俞、

○吳茱萸丸 療久寒癖、胸滿氣短、心腹堅、嘔吐、手足逆冷、時來時去、痛不欲食、食卽爲患、腰背強急、

吳茱萸(八分) 附子(三分) 厚朴 半夏 桂枝 人參 礬石 枳實 乾薑(各五分)

右爲末、蜜和丸、

○茱萸丸 療心痛、

吳茱萸(一升) 桂枝 當歸(各二兩)

右蜜和丸、

○乾薑茱萸湯 治霍亂乾嘔、

乾薑 吳茱萸(各二兩)

右水煎、手足逆冷、加椒百粒、附子一枚、

○萸瓜湯 治霍亂上吐下利、心下懊憹、其症因受寒飲冷、飢飽失宜、乘舟車露走、動傷胃氣、手足轉筋、須臾不救、

吳茱萸(半兩) 木瓜(半兩) 食鹽(半兩)

右三味、同炒焦、水煎、每服隨意冷熱、藥入喉、即止、

○翻胃湯 治翻胃嘔吐、胸膈不利、食即經宿吐出、酸臭特甚、

茯苓 厚朴(各二兩) 陳皮(一兩半) 白朮 人參 吳茱萸(各一兩)

右薑棗水煎服、

○中經丸 治蠱脹、虛腫、滿脹、不思飲食、

神麴(炒) 乾薑(炮各一兩) 麥蘖(炒二兩) 吳茱萸(洗半兩)

右爲末、麵糊爲丸、溫酒送下、食前、日進三服、

用法 熱湯洗數次、剉炒用、

用量 四分至一錢二分、

來歷 日本之有此、約在千年以前、惟移植中國種、則始於享保年間、

備考 研究吳茱萸之成分者、丹波藥學博士實開其始、慶松藥學博士繼之、至朝比奈藥學博士、尤精確檢查其有效成分、詳述如左、

丹波藥學博士、初以伊打抽出吳茱萸之脂肪油、復以酒精化之、其溶液中遂見有白色之鍼狀結晶體、此結晶體或其溶液、觸於皮膚、覺刺戟頗甚而發痛癢、其效極似塔夫夏、嘗製成五%軟膏、及一·五%之酒精溶液、以供臨床試驗之用、(錄明治三十年中外藥報第三號)○藥學士慶松勝左衛門、又用偏蘇兒浸出法、自吳茱萸之浸液中、析出一種無窒素性之結晶體、定名為伊薄廷、Evodin 其化學之集成為 $C_{18}H_{26}O_6$ 、熔點為二百八十五度、成類似拉庫吞之化合物(錄明治三十五年十月藥學雜誌第二百四十八號)○藥學博士朝比奈泰彥、及藥學士石尾正文、同自吳茱萸之酒精冷浸液中、得結晶混合物、更以美企兒酒精分離試驗之、始知慶松所謂之伊薄廷者、並非吳茱萸之主成分、以其中尚有極多含窒素性之結晶體也、兼知此生藥所以有苛烈之臭味、實係於所含之揮發油與其累重體、後朝比奈復與藥學士柏木幸一續加研究、以吳茱萸末浸於亞攝登液中、俟冷蒸發而餘渣滓、繼以亞兒加里搖盪其渣滓、使吳茱萸之成分、為有系統之分離、於是揮發油之主成分、純粹析出、為一種物質、定名為伊薄登、Evodan $C_{19}H_{27}N_3O$ 其酷似沃企孟 Ocimen 之結晶體、則為伊薄廷、此外尚有伊薄遮明 Evodiannin $C_{19}H_{27}N_3O$ 及其特加爾品 Rutascarpin $C_{18}H_{23}N_3O$ 此兩種皆植物鹼基、朝比奈研究心切、又與藥學士前田仙太郎、同試驗該兩鹽基之化學構造、續行報告焉、(錄大正四年藥學雜誌第四百

零四、四百零五并四百十六各號、

食茱萸

異名

辣子

基本

此為屬於芸香科之烏山椒、其子實謂之食茱萸、

烏山椒為落葉喬木、產於暖地之山林中、高一二丈、老樹幹高四丈、周圍有三尺餘、枝柯密茂、樹皮作褐黑色、有粗刺、葉為奇數羽狀複葉、具長葉柄、小葉為披針形、末端尖銳、長一寸至四寸、闊二分至寸許、邊緣微有鋸齒、有四雙至十五雙、花開於初夏、小而作淡黃色、排列為圓錐花序、果實似山椒、熟則變為紅色、氣味亦極相似、烏鴉最喜食之、故有烏山椒之名、

效能

與吳茱萸同、以之治霍亂、中暑、食傷諸症、（參閱吳茱萸條、）

用法

去果梗、浸熱湯取出、剉炒、聽用、

用量

五分至錢半、

川芎

一、本堂藥選曰 川芎、本名芎藭、因出蜀中、故名川芎、他如川當歸、川中膝、川烏頭皆同、凡川產良者、以自川中來、皆得冠以川字、若本非川產、則不必以川名之、如出天台者則曰台芎、出江南者則曰撫芎、此皆因地而名也、

異名

杜芎 胡芎 芎藭 香果 藥片 九元蟲 山鞠藭 蛇休草 蛇避草 闍莫伽

基本

川芎屬繖形科、入藥用塊根、秋冬採掘、刮去鬚根、灌以沸水、晒乾聽用、(十二月杪掘其根、鐮刀削去鬚尾、以水洗去土氣、入竹籃、架釜中、蓋桶蒸之、候釜桶間蒸氣洩出、試以薑稈刺其根、以能串過爲度、乃移藥席上、日日晒之、必三十餘日、而後乾固、)

川芎爲多年生草本、或自生、或栽種、春日抽苗、高一二尺、葉似鱈、彷彿水芹葉、而分裂尤細、秋間、梢端開五瓣細小白花、攢簇而爲複繖花序、全草皆有香氣、日本供藥用者、不止一種、往往以多數之異種、混而用之、

形態

爲結節塊狀之根、徑約一二寸、外面頗不均匀、粗糙而現暗褐色、內部多孔、帶黃色、臭氣峻烈、味辛而甘、

出類

隨產地及形態而異、茲略舉其種類、名稱如左、

古方藥品考曰 中國來之芎藭、外皮茶褐色、肉黃白、所謂雀腦芎是也、不拘大小俱可用、日本產有數種、一種名大和川芎、形似中國產而瘦小、肉淡黃、帶綠色、以隔年色黃白者爲佳、一種名仙臺川芎、形肥大、皮黃褐、肉黃白、味苦辛、氣芳烈、品稍次、一種名大葉川芎、苗葉如芹葉、鉤吻、根如當歸而小、味辛辣、刺人口舌、不可用、又藤蕪爲小葉川芎之葉、江藤卽大葉川芎之葉、

一本堂藥選回 凡選芎藭以坊間呼豐後芎藭瘦堅重實裏色白味辛氣烈者爲佳用時水洗剉細山城芎塊肥大而香味頗弱以其肥養多糞故也丹後芎似豐後芎但少耳徑用豐後芎可也家園種者亦不多得陶弘景所謂馬銜芎蘇頌所謂雀腦芎皆以形似名之左傳有山鞠芎卽此也

日用藥品考曰 川芎形如雀頭者名雀腦芎蘇頌云雀腦芎最有力如馬銜者名馬銜芎藭本草原始所謂如算子者力微是也藥舖出售者皆以雀腦芎爲上品此種外來者少自產爲多大抵出自大和者色黃白氣味烈故佳勢州出者次之豐後仙臺信濃數處所出者多帶黑色氣味薄弱品物亦劣又有角川芎者乃採川芎之鬚根不堪用馬銜芎藭藥舖不售

手板發蒙曰 川芎本名芎藭出自川中因名川芎中法用熱湯故香氣淡日本產者生乾故香氣極甚○角川芎係小葉川芎附生之粗鬚取而製之者也

成分 含有揮發油及蔗糖等

效能 中醫用爲順血及清血藥

古方藥品考曰 芎藭上達破瘀順血○本經曰芎藭味辛溫主中風入腦頭痛寒痺筋攣緩急金瘡婦人血閉無子○大明曰破癥結宿血消瘀血○按其氣味辛溫芳烈故有上達頭腦下破瘀血順氣血之能以療頭痛腹中疝痛經閉諸瘡毒

一。本。堂。藥。選。曰。療。微。瘡。下。疳。便。毒。久。瘀。血。結。毒。諸。瘡。疥。癬。癰。疽。排。膿。眼。疾。結。毒。頭。痛。腰。脚。軟。弱。手。足。筋。攣。膿。淋。血。淋。婦。人。血。閉。胞。衣。不。下。難。產。腹。痛。催。生。一。切。微。毒。結。滯。周。身。筋。骨。疼。痛。諸。患。皆。治。破。宿。血。活。新。血。

【能】 辛溫升浮、爲少陽（膽）引經藥、而入手足厥陰（心包肝）乃血中氣藥、助清陽而開諸鬱、（氣升則鬱降、爲通陰陽血氣之使）、潤肝燥、補肝虛（五藏中惟肝以瀉爲補、所謂辛以散之、辛以補之）、上行頭目、下行血海、（衝脈）、搜風、散瘀、調經、止痛、治濕氣在頭、血虛頭痛（頭痛必用之、加各引經藥、太陽羌活、陽明白芷、少陽柴胡、太陰蒼朮、少陰細辛、厥陰吳茱萸、丹溪曰、諸經氣鬱、亦能頭痛）、腹痛、發風、氣鬱、血鬱、濕瀉、血痢、寒痺、筋攣、目淚、多涕（肝熱）、風木爲病、諸風眩掉、皆屬肝木、及癰疽、瘡瘍（癰從六府生、疽從五藏生、皆陰陽相滯而成、氣爲陽、血爲陰、血行脈中、氣行脈外、相並周流、寒濕搏之、則凝滯而行遲、爲不及、火熱搏之、則沸騰而行速、爲太過、氣鬱、邪入血中、爲陰滯於陽、血鬱、邪入氣中、爲陽滯於陰、致生惡毒、然百病皆由此起也、芎歸能和血行氣而通陰陽）、男婦一切血症、然香竄辛散、能走泄真氣、單服久服、令人暴亡、（四物湯用之者、特取其辛溫而行血藥之滯耳、豈真用此辛散之劑、以養下元之血哉、昂按血屬陰、陰無陽不生、芎地酸寒爲陰、芎歸辛溫爲陽、故藉其相濟以生血也、）○蜀產爲川芎、秦產爲西芎、江南爲撫芎、以川產大塊、裹白不油、辛甘者勝、白芷爲使、畏黃連、硝石、滑石、惡黃芪、山茱萸、

■氣厚味薄而浮升、陽藥也、■入手足厥陰（肝心包絡）經、而爲少陽本經之引經藥、以白芷爲使、畏黃連、得細

辛、止金瘡之痛、得牡蠣、止頭風、吐逆、**中**諸種寒冷之氣者、用此能止腦痛、心腹痛、**補**肝潤燥、**順**氣開鬱、爲此藥第一功能、但其順氣、不似香附子之順散、乃如風之吹散塵埃、故單味不可久服、若多服則暴死、方中多不用之者、卽以其難用故也、**治**風邪之痰、及迎風流淚、**頭**痛必用之、如仍不止、則加各引經之藥、太陽頭痛加羌活、陽明頭痛加白芷、少陽頭痛加柴胡、太陰頭痛加蒼朮、厥陰頭痛加吳茱萸、少陰頭痛加細辛、東垣亦云、頭痛甚者加蔓荊子、頂腦痛、川芎加藁本、又止諸種頭痛、亦加蔓荊子、風頭痛、藁本白芷、頭左痛、血虛也、當歸、川芎、右痛、氣虛也、人參、黃芪、痰厥頭痛、加細辛、**川**芎之解諸鬱、有貫徹三焦、通陰陽氣血之功、乃血中之氣藥也、患痢疾者、後重已除、通滑而痛猶不止、是陰血虧而氣鬱也、必加川芎爲佐、則氣行血調而卽愈矣、**婦**人停經兩三月、懷胎歟、經閉歟、可以藥試之、川芎末、煎艾湯、空心服一匙、腹中微動者、子也、不動者、血塊、瘀血也、是名驗胎散、又懷胎後或持重、或仆跌傷胎、覺動、甚者死腹中、腹痛不安、川芎末二三分、酒服一二次、或與當歸等分同服、是名芎歸散、兒生者、痛止胎安、胎死者下、妙甚、**骨**蒸、勞熱、汗多、氣弱之人、用之則真氣走散、而氣益虛、**熱**甚、頭痛者忌、

【單方】 婦人月經病、當歸、川芎、益母草等分焙枯、白湯時時服、**胎**前以川芎、當歸煎劑、日日服之、可免難產、

【處方】 配合川芎之處方如左、

○川芎散 治風盛、鼻塞清涕、熱氣攻眼、流淚多眵、齒間緊急、作偏頭痛、

川芎 柴胡(各二兩) 半夏 甘草 菊花 細辛 人參 前胡 防風(各五錢)

右生薑三片、薄荷少許、水煎服。

○川芎圓 治膈上有痰、

川芎 大黃 皂莢(各等分)

右爲膏、生薑湯下、

○川芎茶調散 治諸風上攻、頭目昏重、偏正頭痛、鼻塞、

川芎 荆芥(各四錢) 白芷(二錢) 防風(錢半) 細辛 甘草(各一錢) 薄荷(八錢)

右爲細末、每服一錢、食後、茶清調下、

○大川芎丸 治頭風旋暈、弦急、外合陽氣、風寒相搏、胃膈痰飲、偏正頭痛、身體拘攣、

川芎(一斤) 天麻(四兩)

右爲末、煉蜜丸、每兩作十丸、每服一丸、細嚼、茶酒下、食後服、

○芎藭散 治產後血塊、攻築心腹痛、

芎藭 當歸 柏葉(各一兩) 桂(五錢) 大黃(一分)

右爲散、每服二錢、七、當歸酒調下、

○芎黃散 治轉變不可治者、

芎藭(六兩) 大黃(十兩) 蕎麥粉(三兩)

右末之、

○芎黃湯 治上部熱毒、毒氣上攻、頭瘡、頭痛、耳聾、目赤生翳、

芎藭(九分) 大黃(一錢二分) 荆芥 防風(各六分)

右水煎、溫服、

○芎羌散 治婦人頭風、發必暈眩、如在車上、蓋因血虛、肝有風邪襲之爾、

川芎(二兩) 當歸(三分) 羌活 旋覆花 細辛 蔓荊子 石膏 藜蘆 荆芥 半夏 防風 地黃

甘草(各五錢)

右薑五片、水煎服、

○芎葛湯 治脅下痛不可忍者、

川芎 乾葛 桂枝 枳殼 細辛 芍藥 麻黃 人參 防風(各五錢) 甘草(二錢) 生薑(三片)

右水煎服、

○芎蘇散 治孕婦傷寒、寒熱、頭疼、身痛、項背強、

川芎 陳皮 芍藥 白朮(各八分) 蘇葉(六分) 乾葛(五分) 黃芩 前胡 麥門冬(各一錢) 甘

草(三分)

右生薑、水煎服、

○加味芎歸湯 治交骨不開、不能生產、

川芎 當歸(各一兩) 自死龜板(一個炙) 婦人頭髮(一握燒存性)

有每服五錢、水煎服、約人行五里、即生、如胎死亦下、

○都梁丸 治壯實、上逆頭痛、

芎藭 石膏(等分)

右爲末、糊丸、

○治平素有頭痛方

芎藭(一兩) 土茯苓(五兩)

右水煎服、或爲末、白湯點服、

○治血塊奪劑

芎藭(一錢) 巴豆(三分)

右爲末、白湯送下、

用法 去蘆頭、剉、曬乾用、或蒸熟、剉、乾用、

性味 忌火、

用量 七分至二錢、

辛夷

種名 木筆 玉甌 辛矧 辛雉 新雉 房木 候木 候抄 候桃 流夷 新蘇 迎春 望春 猴桃

猪心花 朝天蓮 報春花 朝天木蓮花

產地 產中國浙江金華縣、與昔之陝西漢中府屬等處、日本之信濃、越後、九州及北海道亦產之、

基本 此屬於木蘭科、入藥用其花蕾、

辛夷為落葉喬木、自生於山野間、高二三丈、枝柯繁茂、老樹高可五丈、周圍達一丈、幹皮帶紫灰色、枝皮青白色、嫩皮深青色、葉形卵圓、長四寸許、末端尖銳、底部為楔狀、邊緣略作波狀、葉面色深綠、殊滑澤、背色淡褐、葉脈有茸毛、有葉柄、皆互生、花先葉而開、六瓣、色白、花瓣片片似匙、長二寸許、其蕾有苞裹之、苞綠褐色、亦有茸毛、大五分許、形似筆頭、香氣極烈、果實作長橢圓形、長三寸許、各房俱藏有種子二粒、其色紅、

大和本草曰 辛夷、大木也、其葉似柿、花未開時、厥狀似筆、故名木筆、二月開白花、外紫內白、極似玉蘭、故亦名玉

蘭、葉生於花謝之後、在南方多先春而花、故又有迎春花之名、結實如桃、有苞、種子甚多、半出於苞外、半藏於苞中、色紅如相思子、

本草綱目啓蒙曰 辛夷、自生於山中、其木高大、枝條繁密、夏間枝端生蕾、形如筆頭、故名木筆、更經秋冬、其葉凋落、而花漸大、色白微褐、有毛、如小桃、至二三月、葉尚未生、花已先開、似木蘭花而小、六瓣、白色而有紅條、一種淺紅色者、名紅石薔、亦稱紫蘭、白色者呼玉蘭、日本呼爲白木蓮、樹高二三丈、仲春開花、大如木蘭花、形亦相似、香氣極烈、色白、微帶綠、花謝後、始生新葉、一種名垂辛夷、樹高二三尺、或至丈餘、枝條亦殊繁盛、同時開花、每朵大二三寸、瓣細而長、可二寸許、一朵有十二三瓣、色白、每瓣有一淡紫條、

效能 中醫用以治頭風、腦痛、鼻病、兼用爲香料、

【能】 辛溫、輕浮、入肺胃氣分、能助胃中清陽上行、通於頭腦、溫中、解肌、利九竅、通關節、主治鼻淵、鼻塞、（肺主鼻、膽移熱於腦、則鼻多濁涕而淵、風寒客於腦、則鼻塞、經曰、腦滲爲涕、）及頭痛、面黧、（音旱、黑斑、可作面脂、）目眩、齒痛、九竅風熱之病、然性走竄、氣虛火盛者忌服、（時珍曰、肺開竅於鼻、陽明胃脈環鼻上行、腦爲元神之府、鼻爲命門之竅、人之中氣不足、清陽不升、則頭爲之傾、九竅爲之不利、）

■入手太陰（肺）足陽明（胃）二經、■治風頭痛、面腫、齒痛、憎寒諸症用之、能溫中、利九竅、■爲入肺之藥、故患鼻病者、辛夷花爲末、加麝香少許、密白根汁調塗、■中氣不足、清陽不升、則頭腦不快、鼻塞不通、或生瘡、辛夷辛溫散

氣、助胃中之清陽、治頭面鼻目之病、**■**小石川植物園圖說云、北海道土人、以辛夷花煎湯服、治瘡毒、其皮亦有治愈頭痛、骨痛之效、

處方 配合辛夷之處方如左、

○辛夷散 治諸毒氣上攻、

辛夷 大黃 川芎(各二兩) 荆芥 防風(各三錢) 甘草(二錢)

右六味、爲細末、溫酒送下、

○辛夷散 治鼻生瘰肉、氣息不通、不聞香臭、

辛夷 白芷 升麻 藜蘆 防風 川芎 細辛 木通 甘草(各等分)

右爲末、每服二錢、茶清下、

○辛夷丸 治頭風、鼻涕下如白帶、

辛夷 天南星 半夏 蒼朮 酒芩 川芎 黃蘗 滑石 牡蠣(各等分)

○辛夷湯 治肺氣不利、頭目昏眩、鼻塞聲重、咯唾、

辛夷 菊花 白芷 前胡 川芎 薄荷 石膏 白朮 茯苓 生地黃 陳皮 甘草(各一兩)

右水煎服、

○辛夷清肺散 治肺熱、鼻內瘰肉、初如榴子、日後漸大、閉塞孔竅、氣不宜通、

辛夷(六分) 黃芩 山梔子 麥門冬 百合 石膏 知母(各一錢) 甘草(五分) 枇杷葉(三片)
升麻(三分)

右水煎服、

○治鼻內作膜、或生瘡、此係酒毒、

辛夷(一兩) 黃連(五錢) 連翹(三兩)

右同微炒、研為末、每飯後服三錢、白湯下、

用法 去外皮、茸毛及蕊、水煮兩三沸、曬乾、微炒用、

禁忌 惡赤石脂、畏菖蒲、黃芪、石膏、

用量 五分至錢半、

紅花

異名 丹華 紅蘭 摘花 黃藍 木摘花 紅花菜 紅蘭花

產地 產於中國、埃及、印度及德、法等國、日本產於關東、九州及羽前、羽後等處、均係種植、非自生也、羽前、羽後所產、

最爲有名、

其本 紅花屬於菊科、藥用祇取花瓣、其莖與實礎等、並去之、

紅花爲二年生草本、藥圃多栽植之、莖高四五尺、葉爲廣披鍼形、邊緣有銳鋸齒、似薊而互生、莖與葉俱有利刺、花開於梢頭、色紅黃、狀如筒、爲頭狀花序、總苞之邊緣、亦有利刺、

採摘紅花、須在夏至後、每日朝露未晞之前、又須在刺未硬時、免指頭之刺傷、

大和本草曰 紅花須候其開放時、於每日清晨採摘、久則花瓣脫落、不堪用、惟初開色黃、不可取、宜經日色變鮮紅、然後採之、其苗可食、此物忌沈香、麝香、凡用紅花染製之衣、如納沈麝之香、或置香囊、立即變色、

形 去毒與實礎、但取管狀之花苞、尖端五裂、長六七分、新鮮者帶紅黃色、陳久則現淡紅色、有一種不快之氣、味稍苦、

古方藥品考曰 紅花唯一種、修治有二法、其一、採花搗成小餅、曝乾、謂之錢花、可作臘脂、其徑曝乾者、謂之散花、入藥用、凡色紅新鮮者爲良、日本之種於南部者曰南部種、莖高二尺許、花瓣短小、紅色美艷、佳品也、紀州產者曰紀州種、高三四尺、瓣微長、不如南部種、間有外國來者、形色如本國產、色深紅、有番紅花氣、亦可用、番紅花、卽別種也、

成分 爲紅色素（紅色素、卽俗所稱臘脂、可參看臘脂條、）之加卞蜜克酸 Carthamic acid $C_{14}H_{15}O_7$ 及黃

色素等、

紅花含有之成分、隨產地、種類及栽植法等之不同而稍有多少、但其平均之數、大抵百分中含水分七・三〇、加
乍蜜克酸〇・四一、黃色素及硫酸鹽三〇・六三、蛋白質三・七六、越幾斯質四・八九、木纖維四八・一二、酸
化鐵及礬土〇・八七、酸化錳〇・二〇、

效能 中醫用爲血症之藥、

古方藥品考曰 紅藍潤渴、止痛、行血、○開寶曰、紅藍花、味辛溫無毒、主婦人月經不調、腹中結塊、崩中、淋露、產後
諸血病、按其性經冬而至夏開紅花、氣味甘溫、故有潤燥渴、止腹痛、行氣血之能、

【能】 辛苦甘溫、入肝經而破瘀血、活血、（瘀行則血活、有熱結于中、暴吐紫黑血者、吐血爲佳、吐未盡、加桃仁、紅
花行之、大抵鮮血宜止、瘀血宜行、）潤燥、消腫、止痛、（凡血熱、血瘀、則作腫作痛、）治經閉、便難、血暈、口噤、胎死腹
中、（非活血行血不能下、）痘瘡、血熱有毒、又能入心經、生新血、（須兼補血藥爲佐使、）○俗用染紅、並作胭脂、
少用養血、多則行血、過用能使血行不止而斃、（血生于心、心包藏于肝、屬於衝任、紅花汁與相類、故治血病、產婦
血悶而死者、以紅花數斤煎湯、寢婦于上而薰之、可蘇、）

■此陰中之陽、爲肝經血分之藥、血生於心包絡、藏於肝、屬於衝任、紅花之汁類之、善通男子之血脈、女子之經水、
多用則破血、少用則養血、■破惡血、生新血、通十二經、止死血之痛、■產後血冒用之、胎死、胞衣不下、多用則下、■

紅花流散血滯，是其第一功效，故瘀血必用之。難產亦為必需之藥，橫產、逆產、腹痛過早、破水不出、產門乾澀，致難產者，用紅花一味，加酒少許煎服，即破水產下，妙不可言，或以白芷、百草霜等分為末，加酒少許煎湯飲之，效亦相同。要之紅花，乃橫產、逆產之催生藥也。孕婦因患熱病，而子死腹中者，紅花酒煎汁，飲二三盞，死胎立下，胞衣不下，與此同。多用則有破血之害，孕婦忌，無瘀血者亦忌。

【單方】小兒患生汗疹，紅花二錢，葛粉三錢，同為粉末，調汁傅之，產後惡露不下，血逆昏暈，紅花為末，酒釐便各半和送服。

處方 配合紅花之處方如左、

○紅花散 治婦女經脈不通，如血膈者，進二十服，效。

紅花 蘇木（槌碎） 當歸（各等分）

右每用一兩，以水一升半，先煎花木，然後入酒一盞，下當歸再煎，服半升，分兩次，空心食前溫服。

○紅花散 治小兒一切胎毒、

大黃（三分） 紅花 沈香（各二分半） 黃芩 丁香 連錢草（各二分） 桔梗 檳榔 麝香（各一分半） 甘草（少許）

右沸湯中攤出，一方無黃芩，有青木香，升麻，連翹，鬱金，一方無連錢草，沈香，黃芩，桔梗，藿香，有桃仁，枳實。

○紅花膏 治癰疽、瘡癤、跌打損傷、

香油(四兩) 蜜蠟 松脂(各一兩二錢) 杉脂油 紅花 乳香(各八錢兩味細末) 沒藥(六錢細末)

石榴皮 蘆薈(各醋浸三宿) 鬱金(四錢各細末)

右油蠟脂共入瓦鍋熬溶、下杉脂油并他藥和勻、

○紅藍花酒 治腹中血氣刺痛、

紅藍花(一兩)

右以酒一大升煎減半、頓服一半、未止再服、

○治婦人淋疾

紅花(二錢) 甘草(錢半) 阿膠 滑石(各一錢)

右水煎服、

○熨瘀血在腹作痛者方

紅花 樟腦 茴香(各等分)

右三味爲粗末、以新布捲之、漬燒酒中、須臾溫熨患處、日數次、瘀血積年不瘥者、用此方能回宿疾、再服藥調理、自應手愈也、

用法 年年採新鮮者到用、或酒浸用亦可、

用量 一錢至二錢、

白殭蠶 *Silk-worm dried.* (英)

異名 死冰 白甘遂 直殭蠶 蟻殭子

基本 蠶屬於昆蟲類中之鱗翅類、當未成蛾之時、因有一種細菌寄生其體、遂患疾病而死、體亦從而殭硬、

蠶之胃中侵入細菌、因濕潤過度、細菌之芽胞、發生絲狀體、蔓延蠶之營養器官、至於穿破、是時蠶之動作、遂不活潑、食慾亦即缺損、既而菌之繁殖愈盛、即絲膜、脂肪、筋肉等、俱被侵襲、貫通蠶體之皮膚、抽出絲狀體、至是蠶體內、外均為白色之粉末（此即芽胞）、所包圍、堅硬而殭斃、本草綱目云、蠶病風死、其色白、故自死者、名白殭蠶、（死而不朽曰殭）

使蠶患白粉病之細菌、以顯微鏡照之、則見為彈丸形之細胞、此菌於蠶頭眠後侵入、至二眠三眠而殭、若大眠始感染者、則於結繭化蛹後而死、此種殭蠶、如不立即收拾淨盡、任其放置、則其芽胞飛散空中、粘附於蠶室、蠶具、及桑葉上、不知者以之飼育蠶兒、細菌繁殖無已、終必延及所養之蠶、悉數患病殭斃而後已、故白粉病、為養蠶家之大患、

效能

用於中風失音喉痺痲症諸瘡等、

【能】 辛鹹微溫、僵而不化、得清化之氣、故能治風、化痰、散結、行經、（蠶病風則殭、故因以治風、能散相火逆結之痰、）其氣味俱薄、輕浮而升、入肺、肝、胃三經、治中風失音、頭風、齒痛、喉痺、咽腫、丹毒、搔癢、（皆風熱為病、）瘰癧、結核、癩疾、血病、崩中、帶下、（風熱乘肝、）小兒驚癇、膚如鱗甲、（由氣血不足、亦名胎垢、煎湯浴之、）下乳汁、滅癩痕、若諸症由於血虛、而無風寒客邪者、勿服、

■為厥陰（肝）陽明（胃）二經之藥、又治諸血病、瘧疾、疔痛、■殭蠶、乃蠶之患風而死者也、故治風痰、散結滯、通經絡、以其性相感故也、■咽喉腫痛、喉痺已危者、白殭蠶焙末、生薑汁調灌、立愈、神妙之方也、■治小兒驚痛、產後腹痛、帶下、屢痰、痰瘧、下乳汁、■為末、封疔腫、根即拔出、奇妙、■風痰、喘咳、或酒後咳、殭蠶好茶、等分為末、服一錢、佳、■齒牙疼痛、選白殭蠶直而不曲者、與生薑拌和、同炒至紅黃色、去生薑、將蠶研為末、皂角水調塗、神效、■皮膚粗如鱗甲、白殭蠶去嘴為末、煎湯浴之、妙、■乳汁不通、白殭蠶為末、酒服二錢、少頃、飲好茶、梳髮數十度、乳汁自然如泉涌出、■重舌、木舌、■蠶一錢、黃連蜜炒二錢、為末、摻之、涎出愈、小兒口瘡神方也、■能消滅諸瘡之癩痕、又善去皮膚間之風、故入烏藥順氣散、

【單方】 出血不止、白殭蠶炒至黃色、研極細末、傅之、●中風、半身不遂、白殭蠶、白附子、全蠍各等分、為末、二錢、熱湯攪拌服、●風痰、咳嗽甚、咽痛、夜不能臥者、白殭蠶炒、與好茶等分為末、臥前、熱湯服二錢、●木舌、白殭蠶為末、敷

舌上、痰吐出、即愈、●小兒撮口、白蟻蠶直者二三條、去嘴、微炒、水調、塗口中、

虛方 配合白蟻蠶之處方如左、

○緩急湯 治虛而生風、發搐喘滿、此慢驚證也、

桑白皮(三兩) 茯苓 白朮 陳皮 白蟻蠶 杏仁 桔梗(各一兩) 人參 甘草(各五錢)

右生薑三片、水煎服、

○宣毒丸 治一切瘡腫、未成膿者、兩三服消散惡毒、並治時疫溫毒、赤眼腫痛、

大黃(一兩) 白蟻蠶(一兩炒黃色) 牡蠣(一兩燒)

右三味、同爲細末、煉蜜丸如彈子大、

○牽正散 治中風、口眼喎斜、半身不遂、

白附子 白蟻蠶 全蠍(去毒生用)

右等分爲末、服二錢、熱湯調下、

○治中濕背痛者

白蟻蠶(四兩) 甘草 羌活(各一兩) 白朮(二兩)

右咬咀、水二盞、煎至一盞服、

用法 藥用、選白色自直者、曬乾收貯、以水或米泔浸一日、去腹內之絲並首尾、炒用、（白蠶蠶乾後、又帶濕氣者、有毒、不堪入藥、）

藥忌 忌桑螵蛸、桔梗、茯苓、茯神、葶藶、

用量 三分至一錢、

烏藥

别名 研藥 房花 旁其 臺麻 臺烏 矮樟 稔樟 鱗魮 矮脚樟 比目沈香

基本 係屬樟科之天台烏藥 *Lindera strychnifolia*, Vahl. *Daphnidium strychnifolium* S. et. Z. 及屬

防己科之衡州烏藥 *Cocculus laurifolius*, DC. 之根、

天台烏藥為常綠灌木、高八九尺、葉厚、作圓形或橢圓形、前端尖、邊緣無鋸齒、縱有三條脈絡、春月於枝梢葉腋、開淡黃綠色小花、

烏藥原係漢產灌木、本草綱目所載如左、

烏藥不似茶櫚、高五七尺、葉微圓而尖、其狀似鱗魮魚、而面青白有紋、四五月開細花、黃白色、六月結實、其子如冬青、生青熟紫、核殼極厚、其仁香而苦、根如芍藥、嫩者肉白、老者肉褐色如車殼、紋形如連珠者佳、其根葉亦有香

氣然根有二種、嶺南者黑褐色而堅硬、天台者白而虛軟、稱天台之產爲勝、

形態

爲外部紫褐色、內部黃白色之根、有二種、其一形如天門冬而大、兩端尖、中部肥大、成連珠狀、傍有鬚根、粗三四分、長四五寸許、以新者爲良品、（天台烏藥）其一形如木根、不作連珠狀、爲下品、（衡州烏藥）俱有一種芳香、日藥舖所稱和產烏藥者、係以烏樟根充之云、

效能

中醫用於中風、中氣、霍亂等、

【能】

辛溫香竄、入脾肺二經、能疏胸邪逆之氣、一切腫痛屬氣者、皆可治、氣順則風散、故用以治中風、中氣、及膀胱冷氣、反胃、吐食、霍亂、瀉利、

一說烏藥功效、與薩撒弗刺斯木相同云、又俗傳用以治貓之百病云、

處方

配合烏藥之處方如左、

○縮泉丸 治脬氣不足、小便頻數、

烏藥 益智仁（等分）

右爲末、酒煮山藥糊丸、

○天台烏藥散 治小腸疝氣、牽引臍腹疼痛、

烏藥 木香 茴香（鹽炒） 良薑（炒） 青皮 檳榔 川棟子 巴豆（七十粒）

右先以巴豆微打破、同川棟、麩炒黑、去麩及巴豆、同餘藥為末、酒下、

○烏藥湯 治婦人經行不調、

烏藥（一錢半） 香附子（二錢） 當歸（一錢） 木香 甘草（各五分）

右水煎溫服、

○烏沈湯 治一切冷氣、及婦人血氣攻心腹痛、

烏藥 沈香 人參（各一兩） 甘草（五分）

右水煎溫服、

用法 去粗皮、稍焙用、或生用、

來歷 日本於享保年間始由漢土傳入天台烏藥及衡州烏藥、甲為佳品、乙則堅硬且少香氣、為劣品、

用量 七分至二錢、

桃仁 Peach-seed. (英)

異名 脫核仁 脫核嬰兒

基本 係屬薔薇科、*Prunus Persica*, S. et Z. Var. *vulgaris*, maxim. 之核仁、

桃爲各地所栽植之落葉樹，高達丈餘，葉互生，作披針形，邊緣有細鋸齒，花先葉而開，普通爲淡紅色五瓣花，時或開白、緋、紫等色，有單瓣重瓣之別，果實爲肉果，作彈丸形，肉多汁柔軟，呈赤色或橙色，核殼有許多短線溝，中有仁，（參閱白桃花條）

桃之種類甚多，由花色、花瓣、或果實之色澤、形狀、及成熟期等而異其名稱，其數多至百餘種，今記其主要者如左：
（油桃）果實色赤無毛者，（光桃）果實色不赤者，（毛桃）果實大，有毛茸者，（烏桃）果實作黑色者，（白桃）果實作白色者，（胭脂桃）果實赤色者，（早桃）早熟者，（冬桃）晚熟者，（小蜜桃）多甘味者，

形態 爲白色扁平尖卵圓形之仁，被有褐衣，且有縱皺。

成分 下山藥學博士著生藥學下卷桃仁條下云，「桃仁雖含有苦扁桃油等，但其量極微，恐不能作藥用品」云。

效能 中醫用於咳嗽、血病、風痛等。

【能】 苦重而甘，厥陰血分藥，（心包肝）苦以泄血滯，甘以緩肝氣，而生新血，通大腸血祕，治熱入血室，血燥，血痞，損傷，積血，血痢，經閉，欬逆，上氣，皮膚血熱燥癢，畜血發熱如狂，雙仁者有毒，不可食，香附子爲使。

【單方】 心腹卒痛，（瘀血痛）用桃仁二錢煎服。●聾耳，用桃仁細末，包於小紅布片，插入耳中。

處方 桃仁之處方如左。

○桃仁散 治男子脾疼不可忍，神效。

桃仁（不拘多少、螺粉炒、却不用粉、）

右爲末、酒調服、

用法 陰曆七月採仁陰乾、臨用浸湯去皮、剉、炒黃用、

用量 一錢至三錢、

附錄 桃奴（桃鼻、桃景、神桃、） 桃實不熟、著樹梢上、經冬不落、作黑色塊者、於正月採取、酒蒸、用銅刀切焙、供藥用、

【能】 苦微溫、有小毒、治吐血諸藥不效者、

桃葉 Peach-leaf 含有「阿密格答林」Amygdalin. $C_{20}H_{27}NO_{11}$ 藥用擇鮮葉、相傳以桃葉煎湯浴身、有治霍亂腹痛等功效、須於初夏浴之、

木鼈子

異名 木蟹 木別子 土木鼈 正木鼈 漏盡子

產地 產於中國之浙江、廣東、湖南諸省、日本不產此、

基本 屬於葫蘆科、入藥用其子、

和漢三才圖會曰 本草綱目云、木鼈子、今湖廣諸州皆有之、莖歲一枯、但根不死、春生苗作藤、生葉有五、極狀如

山藥、又似葡萄、青色面光、四月開黃花、六月結實、似栝樓而大、生青、熟則紅黃、肉上有軟刺、每一實、有核三四十枚、形扁、大如棋子、作髓及蟹狀、仁作青綠色、

形態 核扁平、形圓而不正、或作龜鼈狀、大六分至八分、厚一二分、殼之邊緣高起、表面粗糙、而有似網之脈理、中藏子葉、嚙之有聲、子葉含黃色油極多、

成分 主要之成分、爲脂肪油、

藥學士中尾萬三、檢查木鼈子之成分、知其主要之成分、爲乾性脂肪油、百分中約含十四分、此外尙發見沙波寧體兩種、並複糖體一種、又藥劑師津川福一、亦於木鼈子中、檢得植物鹼基之沙波寧質、分刊藥學雜誌第四百十七及四百五十三兩號、

效能 用爲治瘡藥、

和漢三才圖會曰 氣味苦、微甘、有小毒、治折傷、消惡瘡、生肌、治乳癰、肛門腫痛、痔瘻、癩癧痛、及小兒疳疾、倒睫拳毛等症、俱佳、○倒睫拳毛、因風入脾經、致使風癢、不住手擦、日久赤爛、拳毛入內、將木鼈子仁搗爛、以絲帛包作條、左患塞右鼻、右患塞左鼻、其毛自分上下、次服蟬脫藥爲妙、

【能】 味苦微甘、有小毒、利大腸、治瀉痢、疝積、癩癧、痔瘡、乳癰、腫毒、消腫、追毒、生肌、除野、（音早、黑斑也、）

■消結腫、惡瘡、治折傷、生肌、止腰痛、■除粉刺、野齧、■婦人乳癰、肛門腫痛、醋磨敷之、能消腫毒、■治疔積痞塊、■

陰疝、偏墜痛甚者、木鼈子一個、醋磨、以黃蘗、芙蓉末調傅、卽愈、久瘡有塊、(瘡母)木鼈子、穿山甲炮等分爲末、每服、空心鹽酒下、小兒疳疾、木鼈子仁、使君子仁等分、搗如泥、米飲九芥子大、每服五分、米飲下、服一二日、

處方 配合木鼈子之處方如左、

○白芥子散 治臂痛、外連肌肉、牽引背脾、時發時止、此由榮衝之循行失度、留滯經絡、與正氣相搏、有似癱瘓、

真白芥子 木鼈子(去稜各二兩) 沒藥 桂心 木香(各五錢)

右爲末、入研藥令勻、每服一錢、溫酒調下、

○貼臍散 治元藏氣虛、浮陽上攻、口舌生瘡、

吳茱萸(醋炒香熟五錢) 乾薑(炮五錢) 木鼈子(去殼五枚)

右爲末、每用半錢、冷水調、以紙壓貼臍上、

○山甲內消散 治魚口便毒、騎馬癰、橫痃、未成膿者、

當歸 甘草 大黃(各三分) 穿山甲(三大片) 殭蠶 黑牽牛(各一錢) 土木鼈(三個)

右水酒各半煎服、大便行三四次、方喫稀粥、淡味飲食爲妙、

用法 去殼皮、剉焙用、

用量 五分至錢半、

蜈蚣 Centipede. (英)

異名 天龍 蜈蚣 蜈蚣 百足蟲 百脚

基本 屬於節足動物多足類中之蜈蚣族，多棲息老屋，石間，陰濕地之落葉下，藥用，須以活者充之。

蜈蚣爲外觀厭惡之蟲類，春日徘徊各處，覓食動物性之食物，冬則蟄伏，軀體扁平細長，全長五六寸，頭及下面爲黃褐色，背作暗綠色，全身有多數環節，每一環節，生脚一對，末端如鉤，脚凡十五至二十對，呼吸口開於環節之兩旁，與氣管相通，此蟲卵生，幼時與母蟲異，初孵化時，纔六環節，後每蛻化一次，其環節與脚，皆增多一次，頭部具單眼數個，并鞭狀觸角一對，口有上顎，下顎，顎脚，顎脚乃第一環節脚之變形物，其尖端具毒腺，便於嚙刺，人若被其螫傷，卽起劇甚之疼痛。

本草綱目曰 蜈蚣春出冬蟄，身扁長，背色光黑，節節有足，色赤或黃，雙鬚歧尾，腹色黃，性畏蜘蛛，以溺射之，卽斷爛，又畏蛞蝓，不敢過所行之路，觸其身則死，又畏蝦蟇，雞亦喜食之，故人被蜈蚣毒者，蛞蝓搗塗之，雞屎，桑汁，白鹽皆治之。

大和本草曰 蜈蚣，雞好食之，多生於屋中，朽舊陰濕之處，大者五六寸，尤害人。

效能 用以治小兒撮口，驚風諸症。

【能】 辛溫有毒、入厥陰肝經、善走、能散、治臍風、撮口、驚癩、癩癧、蛇瘕、（能制蛇、）瘡甲、（距甲內惡肉突出、蜈蚣
焙研敷之、以南星末、醋調傅四圍、）墮胎、

調製

以活蜈蚣浸胡麻油中、通稱蜈蚣油、相傳有治愈創傷之效、單方多用之、

外科調寶記曰 以蜈蚣浸胡麻油中、二十日後、收用、凡被一切毒蟲、毒獸咬傷、作痛者、取塗之、立能止痛消腫、火
傷亦用之、

用法

取赤足黑頭者、火炙、或去頭足尾甲、薄荷葉火煨用、或酒炙、

禁忌

畏蜘蛛、蜒蚰、雞屎、桑皮、鹽、（中其毒者、以桑汁、鹽、蒜塗之、）

丁香 *Caryophylli.* (拉) *Cloves.* (英) *Gewürznelken.* (德)

異名

丁子 丁子香 公丁香 如字香 索瞿香 百里馨 瘦香嬌 瘦香煌

產地

產東西印度諸島、日本不產、

基本

係屬桃金娘科丁香樹 *Jambosa caryophyllus*, Ndz. 之花蕾、或採摘、或擊落、煙薰日晒、使成褐色、用以

入藥、

丁香樹係生熱帶地方之圓錐形常綠樹、幹直立、高二丈餘、葉對生、作長橢圓形、前端尖、邊緣無鋸齒、作不正波濤

狀、花略作傘形、有淡紅色花瓣、實爲長圓形肉果、作革質、

母丁香一呼雞舌香、爲丁香全熟之果實、氣味俱較丁香微弱、

形態

爲乾燥之花蕾、莖長三寸餘、粗一分許、作長圓柱形、下方稍作方形、萼瓣缺裂爲四、質柔軟、似革質、有濃褐色脂肪狀光澤、實礎之前端、分爲二房、中藏多數卵子、氣味俱有一種芳香性、

第四版改正日本藥局方曰、丁香係採集丁香樹 (*Eugenia aromatica*, bali) 未開花蕾晒乾者、長十二至十七密米、作褐色、其實礎頗長、作鈍四稜性圓柱形、上部具有二小房、頂端有四裂之萼、內側附有近圓形淡褐色之花瓣、包擁多數雄蕊、作球狀、(中略) 壓搾之、則滲出油質、本品氣味、爲特異峻烈芳香性、須密封貯藏、

成分

含有揮發油、1加里奧費魯林、1 *Caryophyllin*。膠質、樹脂、單甯、羧酸、水楊酸等、

效能

用作香竄、衝動及健胃藥、與他藥配合、

【能】 辛溫純陽、泄肺溫胃、大能療腎、壯陽事、煖陰戶、治胃冷、癢脹、嘔噦、呃忒、奔豚、疰癩、腹痛、口臭、痘瘡、胃虛、熱症忌用、

【單方】 中蟹毒、用丁子煎服、● 齩齒痛、用綿濕丁子油、置入齩孔、

製法

丁香與水同蒸餾時、可得約三十%之揮發油、謂之丁香油、Oil of Cloves。

丁香油 新鮮者、爲無色或淡黃色之稀薄液體、經日較久、則由黃色變爲褐色、成爲濃稠液體、比重一・〇四至

一・〇六酒精及伊打善能溶解、氣味俱同丁香、

第四版改正日本藥局方曰、丁香油係丁香和水蒸餾所得之揮發油、稍濃稠、或澄明無色、或稍帶黃色、經空氣則漸次變爲褐色、有特異香氣、稍溶於水、若酒精、伊打及冰醋酸等、則最易混和、比重一・〇四四至一・〇七四云、

用法 去粗皮、剉用、

禁忌 忌火、畏鬱金、

用量 〇・三至〇・五瓦、

白檀

貿易備考（日本大藏省記錄局藏版、明治十八年十月刊行）云、白檀爲檀香之一種、檀香本有白檀、黃檀二種、進口貨中、黃色者呼白檀、油色者呼黃檀、皆上品也、惟內黃外白者爲下品、多供佛前燃燒用、又其輕而脆者曰沙檀、其下者曰星香、又曰破漏香、日本所稱之白檀木有二種、一種樹葉似椴、俗呼奇楠香、一種類似扁柏、幹必左撓、木理似白檀、微有香氣、然實非白檀、所謂左紐柏是也、

白檀雖亦名檀香、其實與黃檀顯然不同、白檀專用木心、黃檀專用外層、其基本植物亦全異、以白檀木製出之油、不惟色澤香味有別、即其含有之成分亦各殊也、

異名 臭檀 欖檀 白銀香 黃英香 旃檀娜

產地 無日本產、多係產生東印度及馬來半島、

基本 白檀屬於檀香科、入藥用其木質、

白檀樹爲常綠喬木之寄生性植物、樹幹高二丈至三丈、葉作長卵圓形、末端尖銳、基部亦作銳形、具知葉柄、皆對生、花爲裸花、有四裂或五裂之萼、果實爲核果、

形態 爲四五寸粗之幹木、色黃褐或淡黃、質緻密、有一種芳香、販賣品中、有橫斷薄片、如煎餅狀者、最良品木質堅硬、色帶黃、燒之發一種異香、甚爽適、

第四版改正日本藥局方所載白檀如左、

白檀爲白檀樹緻密堅硬之木材、以顯微鏡檢視橫斷面、見有細胞一二列構成之髓線、其細胞延長爲半徑性、木纖維有堅厚之壁、脈管或單獨、或二三連合、內含黃色之油滴、木細胞中、含有菱形之碳酸鹽單晶、受熱則發固有之芳香、

成分 爲揮發油及樹脂等、

白檀油、以白檀木削片、與水一同蒸餾、遂得淡黃之濃稠液體、有特異之芳香、味苛烈稍苦、比重○·九七五至○·九八五、於分極光線爲左旋性、水難溶解、酒精則易溶、現中性或弱酸性之反應、

第四版改正日本藥局方云、白檀油、以白檀和水蒸餾而得之揮發油也、爲帶黃或黃色之濃稠液、有白檀之氣味、現中性或微酸性之反應、比重〇・九七五至〇・九八五、旋光度左旋十五至二十度、百分中含散他羅爾(C₁₅H₂₄O=22027)至九十分以上、入瓶後、須緊塞瓶口、且遮光而貯於冷處、

效能 用爲香竄衝動藥、

【能】 檀香辛溫、調脾肺、利胸膈、去邪惡、能引胃氣上升、進飲食、爲理氣要藥、(內典云、旃檀塗身、能除熱腦、昂按內典忿念亦作熱腦、蓋諸香皆助淫火、惟檀香不然、故釋氏焚之道書又調檀爲浴香、不可以供上真、)

■通行手太陰(肺)足少陰(腎)兩經、■治心腹痛、霍亂、腎氣痛、■散冷氣、引胃氣上升、用於噎膈、■此爲理氣之要藥、其芳香能引氣至於極高之頂、與葛根、縮砂、益智、白豆蔻同、行胃氣於膈上、而治噎病、■法國醫家、始以白檀爲香膏、應用於治療、其後德奧醫者、以治急性淋病、並淋病性膀胱炎、效皆顯著云、

處方 配合白檀之處方如左、

○聚香飲子 治七情所傷、遂成七疝、心腹脹滿、引腰脅連背、不可俛仰、

檀香 木香 乳香 丁香 藿香(各一兩) 玄胡 薑黃 川烏頭 桔梗 桂心 甘草(各五錢)
右薑棗水煎服、

○痘瘡使眼不閉方

白檀(上品)

右一味爲末、塗眼胞數次、

用法 木質剉碎用、

禁忌 忌火、

用量 五分至錢半、

附錄 荷蘭藥鏡載有檀香之產地、形態、效能等、錄之如左、

【產地】 檀香有二種、一種產印度之地木兒島、最多、而印度南海之馬羅克諸島及爪哇島亦產之、一種產美洲、

【形態】 產印度者、樹高如胡桃樹、數枝歧分、葉對生如十字、色綠如梨葉、長四指橫徑許、廣三指橫徑許、老樹則葉色帶黃、花單瓣、鐘狀四出、色深紫黑、雄蕊八、雌蕊一、實如櫻子、又似杏子、初綠色、熟則青黑、味淡、產美洲者、樹高一丈五尺許、亦分枝、葉橢圓、末微尖、色暗綠、有光澤、長三指橫徑、花生葉底、攢簇如車輪、芳香可愛、花瓣六、雄蕊五、(一說雄蕊六)雌蕊一、萼六出、子圓、微有稜、色紫、有二室、仁圓如卵、○樹幹之中心爲黃檀、外層爲白檀、○黃檀質重實、有光澤、色淡黃、或帶微赤脈理、味微苦、有佳香、摩擦或截斷之、氣尤馥郁、若合薔薇、麝香、枸櫞諸香於一處者、或云、根亦香者、方爲上品、或云、黃色如雞子黃、帶微赤之脈理、香氣烈者、乃稱上品、○白檀、白色、質亦重實、微有香氣、或無香氣、生樹及新伐者、皆無香氣、乾則生香、○地木兒島所產之嫩木、色白、無香氣、經年、中心變黃、或云、

島北多產黃檀、連銷中國及印度、或云、爪哇島所產皆白檀、下品爲多、

【效能】 白檀、黃檀俱用、黃檀尤效、○欲稀釋血液、或令其發汗、宜製爲泡劑用、以之解散胃寒及傷冷毒、微毒、宜製爲煎劑用、兼治諸症、發汗、利小便、(或云功用如杜松木) ○治頭旋、眩冒、心動悸、使頭腦健運、精神活潑、○白檀有稀釋稠血之效、善治脾病及心氣病、○煎劑、用錢半至二錢、散劑、爲末、用一錢已足、○此藥因有佳香、故多用爲香料、○以水與黃檀蒸餾、而取其油、冷則稠厚、香氣似龍涎香、以燒酒蒸餾、則得有佳香之華爾斯、均以製香料用、

蘇合香 Storax. (拉)(英)(德)

異名 合香(藿香亦一名合香) 帝香 蘇香 楓脂香

產地 概產小亞細亞地方、日本無此、

基本 係從金縷梅科蘇合香樹 *Liquidambar orientalis, mill.* 樹幹內皮所煎出之香膏、(Balsam)

蘇合香樹爲落葉喬木、高達四丈餘、枝柯繁茂、葉作掌狀、邊緣有鋸齒、花爲長圓形頭狀花、開於葉腋、果實爲球形、中藏有扁平種子、

形態 爲柔軟膠質之濃稠液體、透明而褐色、但含有水氣時、則溷濁而作灰色、較水爲重、溶於伊打、哥羅仿姆、硫化

炭等、清香如香膏、味苛辣、

第四版改正日本藥局方曰、流動蘇合香、係煎蘇合香樹 (Liquidambar orientalis, mill.) 內皮壓榨而得、爲灰色粘稠液、有佳香、入水下沉、水面僅有無色油滴浮動、(中略) 精製之法、用流動蘇合香於重湯煎上溫熱、除去水氣大半、乃溶於等量酒精、濾過蒸發、使成稠厚越幾斯、本品爲褐色粘稠物質、薄層澄明、溶於等量酒精、澄明溶化、多量則變濁、逢伊打、硫化炭、偏蘇爾等、祇略留絮狀物質而溶化、

品類 蘇合香有數種、一爲外面黃赤色作顆粒狀者、有脂氣、二爲雜有前者之小塊、呈淡褐色、易磨碎、投入火中、其香彌佳、三爲輕質巨塊、混有污物、品最下、四爲蘇合香、即今之流動蘇合香、

成分

爲司吉諾兒 (Styrol) 司吉拉辛 (Styracin) 桂皮酸、樹脂等、

司吉諾兒、Styrol C_8H_8 爲無色揮發性液體、比重 0.912 、約於攝氏一百三十五度沸騰、蘇合香之香氣、即從此物發出、司吉拉辛、Styracin $C_9H_7O_2C_9H_{11}$ 通常爲羽狀結晶體、時或爲油狀、伊打善能溶解、酒精則稍能溶解、

效能

用作衝動性祛痰藥、又用作塗擦藥、治疥癬、

【能】 甘溫走竄、通竅開鬱、辟一切不正之氣、

處方

配合蘇合香之處方如左、

○蘇合圓 治氣逆心痛、專能順氣化痰、

沉香 雞舌香 白檀 藁撥 安息香(顆熬膏) 辰砂 犀角 白朮 訶子 香附子(各十錢) 麝香

(八錢) 龍腦 薰陸香 蘇合油(各五錢)

右十五味、煉蜜調之、

用量 一分至三分、

藿香

異名 合香(蘇合香亦一名合香) 恒羅香 迦算香 藿去病 兜婁婆香 玲瓏蒙去病

基本 係屬唇形科排草香 *Lophanthus rugosus*, Fisch. 之葉、

排草香為山野自生之多年生草、莖方、高三四尺、香氣強烈、葉對生、作長心臟形、前端尖、邊緣有鋸齒、夏月於莖頂

叢生青紫色唇形花冠花、作穗狀、

本草綱目曰 藿香、嶺南多有之、人家亦多種、二月生苗、莖梗甚密作叢、葉似桑而小薄、六七月須黃色乃可收、蓋

豆葉曰藿、此葉似之、故名、

和漢三才圖會曰 藿香多自廣東來、他處少有之、○青葉藿香 邇來有葉微青者、稱青葉藿香、其芬香甚烈、用

合香料、殆係採葉未黃者陰乾製之。○倭藿香 今有得真藿香種栽之者、春生苗、高二三尺、節節生葉、似木芙蓉葉而小長、開紫花、似夏枯草花、其香有佳氣而烈、摘葉用糝泥、一宿乾、武州多種之、與唐藿香無異。
●日用藥品考曰 日藥舖所售者、皆自外國來、有二種、呼青葉藿香者爲真、呼埋藿香者、係以排草香葉、漬泥陰乾而成、日本不產此、其以排草香葉製埋藿香者、謂之和藿香。

效能

中醫用作脾胃吐逆要藥、

【能】 辛甘微溫、入手足太陰、（肺脾）快氣和中、開胃止嘔、去惡氣、治霍亂吐瀉、心腹絞痛、肺虛有寒、上焦壅熱、

【單方】 食傷、用藿香、陳皮等分煎服、

處方

配合藿香之處方如左、

○藿香散 治體虛傷風、停聚痰飲、上厥頭疾、或偏或正、

草烏頭（半兩） 藿香 乳香（各一兩）

右爲末、每服二錢、薄荷湯食後調服、

○藿香半夏散 治胃虛中寒、停痰留飲、噦逆嘔吐、

半夏（二兩） 丁香皮（五錢） 藿香葉（三兩）

右薑三片、水煎服、

○藿香正氣散 治頭痛、寒熱、上喘、咳嗽、夾食及霍亂、

藿香(三錢) 陳皮 白朮 厚朴 半夏 桔梗(各二錢) 大腹皮 紫蘇 白芷 茯苓(各一錢) 甘

草(五分)

右十一味、入薑棗煎服、

用法 玄土炒、剉用、

禁忌 忌火、

用量 七分至二錢、

惡實 Burdock-seed.(英)

異名 惡疾 大刀子 牛菜子 牛蒡子 牛蒡子 便牽牛 夜刀頭 茅翁菜 道人頭 黍粘子 鼠粘子 蝙蝠刺

辟虱胡麻

基本 屬於菊科之牛蒡、其種子入藥用、即惡實也、陰曆七月、收採晒乾、

形態 子實細長扁平、狀似船底、頂有毛、外面色暗灰、

效能 治一切腫瘍、

【能】辛平、上升、潤肺、解熱、散結、除風、利咽膈、理痰嗽、消斑疹、通小便、行十二經、散諸腫瘡瘍之毒、利凝滯腰膝之氣、（性寒而滑、利痘症、虛寒泄瀉者忌之。）○實似葡萄而色褐、酒拌蒸、候起白霜、拭去用、○苦平明目、除諸風、利小便、吞一枚、出癰疽頭、

■爲陽中之陰、善升降、■炒末煎服、善通小便、■懸壺、喉痛、咽不利、有風熱者、牛蒡子炒、生甘草等分、水煎含飲、名啓關散、■咽喉出痘疹、牛蒡子二錢、桔梗一錢半、粉甘草節七分、水煎服、■水腫腹大、惡實微炒一兩、爲末、麵糊丸梧子大、米飲下十九丸、■歷節風、手指赤腫麻木、甚者肩背兩膝腫痛、遇暑熱、則大便閉結、牛蒡子三兩、新瓦鼓炒、羌活各一兩、爲末、白湯送服二錢、

【單方】腫毒不潰、吞牛蒡子一粒、●腰膝痛、牛蒡子酒浸、飲其酒、●小便不通、牛蒡子炒末一錢、日三度、白湯服、

處方

配合牛蒡子之處方如左、

○牛蒡子湯 治風熱上壅、咽喉窒塞、或不利、或生瘡瘍、或狀如肉、疼痛生悶、

牛蒡子 玄參 升麻 桔梗 犀角 木通 黃芩 甘草（各等分）

右生薑水煎服、

○鼠粘湯 治喉癰內熱、

生地黃 貝母（各三錢） 玄參 甘草（各二錢半） 鼠粘子 花粉 射干 連翹（各二錢） 白蜜（

一錢) 竹葉(二十片)

合水煎服、

○利膈湯 治虛煩上壅、脾肺有熱、咽喉生瘡、

雞蘇 荊芥 防風 桔梗 玄參 牛蒡子 甘草(各等分)

右水煎服、口瘡、加殭蠶、

○內托酒煎湯 治寒濕、腿外側患癰、或附骨癰、堅硬漫腫作痛、

黃芪 當歸(各二錢) 柴胡(錢半) 連翹 肉桂 大力子(各一錢) 升麻 黃柏 甘草(各五分)

白芷(一錢)

右水酒各半煎、

○鼠粘子湯 治鬚疽初起、熱多寒少、二便秘澁、煩悶疼痛、

鼠粘子 桔梗 當歸 甘草 芍藥 連翹 玄參 地骨皮 防風 花粉 木通(各一錢) 大黃(二

錢)

右水煎服、

○牛蒡甘桔湯 治頤毒表邪已盡、耳項結腫、微熱、不紅、疼痛、

牛蒡子 桔梗 陳皮 花粉 黃連 川芎 芍藥 甘草 蘇木(各一錢)
右水煎服、

○牛蒡子丸 治風毒、結核、癰癤、腦痛、

牛蒡子 何首烏(各二兩) 薄荷 雄黃(各一兩) 麝香 牛蒡(各二錢半) 皂角(七枚)
右爲末、皂角膏丸、黃芪煎汁下、

○消毒飲 治熱毒壅遏、壯熱心煩、瘡疹難出、出亦不透、

牛蒡子(六兩) 荆芥(一兩) 甘草(二兩) 防風 升麻(各一兩)
右咬咀、水煎服、

○治喉痺并時行疹痛

桔梗 甘草 升麻 連翹 防風 牛蒡子 黃芩(各一錢)
右水煎服、

用法 酒拌蒸、候起白霜、取出、布拭去霜、焙乾研碎用、或炒香研碎用、

用量 七分至二錢、

韭 Leek (英)

異名 個人菜 草鐘乳 起陽草 長生韭

基本 韭菜屬於百合科，其葉莖、子根，俱充藥用。

韭為多年生宿根草，園圃種之，為蔬菜之一，道旁亦有野生者，有似葱之輩，莖為鱗狀，生於地下，葉細長扁平，性質柔軟，一根發生，長可尺許，色綠可愛，夏月抽莖，頂端開六瓣小白花，連綴而為繖形花序，後結三稜之果，中藏黃色扁平之小種子。

大和本草曰：韭者，久也，栽種之，可經久也，故名長生韭，菜中惟此最溫而有益，人宜常食。○韭之功用甚多，且四時可取，壅以雞糞，葉大味美，一年可採摘十次，易種易生，但忌稻稈、煮食，溫中下氣，補虛調和臟腑，不可與蜜同食。
效能 葉莖用以治噎膈、反胃、吐血、衄血等症，韭子用以治陰萎、遺精、遺尿等症。

【能】 辛溫微酸，肝之菜也，入血分而行氣，歸心益胃，助腎補陽，除胃熱，散瘀血，逐停痰，治吐衄損傷一切血病。（搗汁童便和服。）噎膈、反胃。（能消瘀血，停痰在胃口，致反胃及胃脘痛，丹溪曰：有食熱物及鬱怒，致死血留胃口，作痛者，宜加韭汁，桔梗入藥，開達氣血，有腎氣上攻，致心痛者，宜韭汁和五苓散為丸，空心茴香湯下，治反胃，宜用韭汁、薑汁、牛乳各一杯，細細溫服，蓋韭汁散瘀，薑汁下氣消痰，和胃、牛乳解熱潤燥，補虛也。）解藥毒，食毒，狂犬蛇

蟲諸毒、多食神昏。○忌蜜、牛肉、(昂按今人多以生韭炒牛肉、其味甚佳、亦未見作害。○經曰、五穀爲養、五畜爲益、五菜爲充、五菓爲助、五菜、韭、薤、葱、葵、藿也、五菓、桃李、棗、杏、栗也、大蒜自漢張騫使西域、始得種入中國、故一名葫、) 韭子。辛甘而溫、補肝腎、助命門、煖腰膝、治筋痿、遺尿、洩精、溺血、白帶、白淫、(經曰、足厥陰病、則遺尿、思想無窮、入房太甚、發爲筋痿、及爲白淫、) 韭子同龍骨、桑螵蛸、能治諸病、以其入厥陰、補肝腎命門不足、命門者、藏精之府也、) 蒸曝炒用。

■除胃熱、補中、下氣、起陽、解藥毒、治腹中冷痛、皆生搗、絞汁用。■瘋犬咬傷、或被惡蟲螫、敷汁良。■煤熱、鹽醋拌和、空心食之、治噎膈。■胸部作痛、如刺如錐、搗汁服、吐去胸中之惡血、有奇效。■消散胃脘瘀血、亦有奇效。食熱物或鬱怒、致死血停留、胃口作痛者、用韭汁、桔梗合藥用之、則其消胃口之滯、功當第一。■傷寒、陰易、男子陰腫、小腹急痛、家雄鼠糞十四枚、韭根一大把、水二盞、煎至七分、溫服、汗出即愈、汗不出、再服、傷寒勞復、用如前、功同上。■喘息、息絕、韭汁連服、妙。一方加生薑汁、亦佳。■產後鬱怒傷肝、吐青黃水、亦令服韭汁。■韭子補腎、肝、命門。■治夢遺、白濁、每日空心、鹽湯下生韭子三十粒。■韭、薤、葱、蒜、薑、是謂五辛、多食令人神昏、動虛陽、又令人氣滯。■韭葉春食之、則香、夏食之則臭、五月食之則氣力乏、冬食之則吐水、不可與蜜同食、辛而散血、熱食、甘而補中。

【單方】 膈病忽發、食物不通、生韭絞汁、每日飲一小杯。○喉腫、飲食難進、韭葉搗碎、敷項間。○小兒頭瘡、韭葉搗爛、敷瘡上。○男女夢會洩精、韭子二錢、微炒研末、食前酒服。○腎虛夢遺、生韭子三十粒、空心鹽酒服。

用法 韭子蒸熟晒乾、去黑皮、炒黃用、

用量 五分至錢半、

山蒜 Wild rocambole. (英)

異名 蒿 薹 野蒜 澤蒜

基本 此為屬於百合科野蒜之鱗莖、

山蒜為多年生草本、自生於山野道旁之磧間、鱗莖生地下、僅如棗大、形圓而色白、葉細長如管、而有微稜、色綠、有並行脈、夏日、葉間伸出長一二尺之莖、頂上生球塊、色紫黑、如小肉芽、塊間抽長花梗、於此簇生多數之六瓣小花、色淡紫、頗可愛、後結實而下垂、

效能 用治積塊、血痕等、

【能】 辛溫、治積塊、血痕、用苦醋磨傅、極效、○性熱、小毒、溫脾胃助腎、治小兒舌瘡、

和漢三才圖會曰 山蒜、山野溪澗之邊多生之、其葷氣淺、用根葉裹食、治噎膈有效、又炒黑、可敷癰疔、消腫止痛、

【單方】 咽喉腫痛、山蒜炒黑、研細末、以管吹入、●噎膈、土用中掘取山蒜、杵爛、酒飲服、●打撲傷、山蒜和小麥粉、搗煉成膏、塗痛處、

縮砂

縮砂、益智、爲同屬囊荷科之草本植物、惟果實不同、縮砂之果實、有囊帶突起、且爲擴大之櫛狀、或裂瓣、或不裂、益智則爲角狀、無囊帶突起、初版日本藥局方曾收入縮砂、旋改譯爲小豆蔻、從西洋藥局方例也。

異名 砂仁 賽桂香 縮砂密 風味團頭

產地 無日本產、主產於亞洲之暹羅、及非洲之熱帶地方、

基本 屬於囊荷科、其子實供藥用、

本草綱目曰 縮砂實在根下、仁藏殼內、取密藏之意、故曰縮砂密、生西戎波斯諸國、今惟嶺南山澤間有之、苗莖似高良薑、高三四尺、葉長八九寸、闊半寸、三四月根下開花、五六月成實、五七十枚作一穗、狀似益智而圓、皮緊厚而皺、有粟紋、外有細刺、黃赤色、皮間細子、一團八隔、可四十餘粒、如黍米大、外黑內白、而香似白荳蔻仁、七八月採之、

形態 爲長圓球形之覆果、多數攢集於果梗、長四五分、闊三分許、果被褐色、質似皮革、密生柔軟之刺、中含多數暗褐色多角形之堅硬種子、謂之縮砂仁、或單稱砂仁、有香氣甚烈、

縮砂爲多角形之堅硬種子、有暗褐色之子衣、多圍集而生、形如長圓球、果被似皮革、被外帶偃伏之軟刺、香氣峻

烈而不苦，須密閉器中貯之。

成分 爲揮發油，然尙未精細檢查。

效能 爲香竄衝動及驅風藥，用於消化不良，並膨脹等症。

【能】 辛溫，香竄，補肺，益腎，和胃，醒脾，快氣，調中，通行結滯，治腹痛，痞脹，噎膈，嘔吐，上氣，咳嗽，赤白泄痢，霍亂，轉筋，奔豚，筋帶，祛痰，逐冷，消食，醒酒，止痛，安胎，散咽喉口齒浮熱，化銅鐵骨硬。

【入手足太陰（肺脾）陽明（大腸胃）太陽（小腸膀胱）及足少陰（腎）七經，以白檀、豆蔻爲使，入肺，以人參、益智爲使，入脾，以黃柏、茯苓爲使，入腎，以赤石脂爲使，入大小腸。】治間歇痢，此因痢疾初發，遽用訶子、罌粟止之，遂成損症，以致時發時止，久而不愈，或腹脹而喘，後必致死，治此法當先瀉，日久者，腹中虛，則用縮砂，卽不虛，然腹痛甚者，當於本方加縮砂，又飲食冷物，致來冷瀉，或輕痢過用苦寒之藥，致脾胃大腸同虛者，亦用之。】縮砂爲吐逆之要藥，先用生薑、半夏、陳皮，如仍不止，改用蜜香、縮砂。】能和中，開鬱氣，止諸痛，安胎，縮砂氣味辛熱，辛能散，熱勝寒，故可溫暖脾胃之虛冷，治冷腹痛也。】胎動不安，熱者用黃芩、柴胡，中氣冷者，用白朮，胃冷氣滯者，縮砂炒爲末，每服二錢，溫酒下，須臾，腹中胎大動，自覺熱，胎兒安，奇效。】口吻生瘡，縮砂殼煨末搽之，妙。】魚骨鯁咽，縮砂、甘草等分爲末，棉裹噙口中，須臾，將汁吞咽，骨自從痰中出。】脾胃熱瀉者，患熱血痢者，身熱脈數者，均忌用。【單方】 妊婦胎痛仆地，縮砂炙爲末，酒送服。●積氣暈倒，縮砂、甘草，同研末服。●魚骨入腹刺痛，縮砂、沙糖等分。

煎服、

處方 配合縮砂之處方如左、

○快膈消食圓 消食積、

縮砂 橘皮 三稜 莪朮 神麩 麥芽(各五分) 香附子(一錢)

右爲末、麵糊圓如麻子大、白湯下、

○縮砂丸 治冷氣水瀉、日夜二三十行、腹中疝痛、四肢不和、

縮砂 黃連(炒) 附子(炮) 吳茱萸(各一兩) 木香 乾薑(炮各五錢)

右爲末、用醋軟飯和、丸梧桐子大、每服三十九、粥飲下、

○羅漢丸 治一切酒食所傷、化痰涎、行滯氣、消痞痛、

縮砂仁 烏梅(去核切焙) 丁香 胡椒(各一百粒) 巴豆(五十個)

右爲末、醋糊爲丸、每服五七丸、茶酒任下、

用法 去子皮、微焙用、

用量 五分至錢半、

附錄 縮砂無日本產、藥舖所稱伊豆縮砂、乃屬於蕁荷科山薑之子實也、

山薑爲多年生草本、自生於山麓之陰地、莖高尺許、葉爲長橢圓形而尖、四五葉互生、類芭蕉葉、葉脈並行、背面生纖毛、然滑澤、花白色、帶紅黃、排列爲穗狀花序、子實灰白、爲多角形、藥舖出售者、有白黑二種、其性狀功用、是否與縮砂相同、未經詳悉、

和漢三才圖會曰 倭縮砂出伊豆、是針木之實也、形似桑椹、皮薄色白、實黑似牽牛子、以充縮砂、非是、故禁用、藥學士相川銀次郎氏記藥用植物云、伊豆縮砂、產伊豆對馬村陰濕之地、方言謂之血草、因此草於十二月下旬、果實成熟、色便血赤、小鳥喜食之、採之者須及早、收得後、埋入土中、俟果殼漸爛、乃採集其中之子、子爲胡麻大之褐色顆粒、酷似西洋產之小豆蔻、兩相比較、無甚懸殊、竟堪代用、故收採者、輒售與藥舖云、

漏蘆

異名 野蘭 莢蒿 北漏 老翁花 伐曲大 鹿驪根 鬼油麻

時珍曰、屋之西北黑處謂之漏、凡物黑色謂之蘆、此草秋後卽黑、異於衆草、故名、

其本 係屬玄參科漏蘆 *Siphonostegia chinensis*, Benth. 之根、

漏蘆生於向陽之地、爲草本植物、高二三尺、葉似艾葉、惟小且薄、夏秋間、梢葉間開黃色似赤小豆之唇形花、花後結實、子較罌粟子爲小、此草秋後則枯而變黑、異乎他草、

效能 治諸惡瘡、痔漏、有去濕痺之功效、

【能】 鹹軟堅、苦下泄、寒勝熱、入胃大腸、通肺小腸、散熱解毒、通經下乳、止血生肌、殺蟲、治遺精、尿血、癰疽、

處方 配合漏蘆之處方如左、

○漏蘆湯 治一切癰疽發背、初發熱證、

漏蘆 連翹 沉香 生黃芪(各一兩) 甘草(半兩) 大黃(微炒一兩)

右爲末、每服二錢、以薑棗湯調下、

○治乳汁不下者

漏蘆(二兩半) 蛇退(炙焦十條) 瓜萋(燒存性十個)

右爲末、每服二錢、用酒調下、良久乃啜熟味汁(豆漿)

用法 陰曆八月採掘其根、洗去土質、陰乾細剉、與甘草共拌炒、去甘草用之、

用量 一錢至三錢、

蒺藜子

異名 茨 止行 休羽 旱草 屈人 卽藜 秦尖

基本 屬蒺藜科，其果實入藥用，秋日採收之。

蒺藜爲一年生草本，自生於海濱砂地，如蔓偃伏地上，葉爲羽狀複葉，小葉作長橢圓形，每五葉至七葉，排列爲偶數，夏間，葉腋抽出花梗，開黃色之小萼花，果實似菱，長三四分，表面突起如角，角頂具有鋒利之刺，此實初現白綠色，熟則變黃白色。

物類品隋曰 蒺藜有二種，一爲刺蒺藜，生於海濱沙地，葉如翹搖而蔓延，開黃花，結實多刺，一爲白蒺藜，又名沙苑蒺藜，葉似合歡木葉，至秋結莢，形如綠豆莢，有微刺，熟則莢之有節處易折。

效能 中醫用治諸癆，兼爲強壯藥。

【能】 苦溫補腎，辛溫瀉肺氣而散肝風，益精明目，（凡補肝者，皆能明目，肝以散爲補，）治虛勞、腰痛、遺精、帶下、肺痿、咳逆、喉痺、目赤、乳閉、癥瘕、痔漏、癰腫、肺肝腎三經之病，催生墮胎，（刺蒺藜主惡血，故能破癥、下胎，）○沙苑蒺藜，綠色似腎，（故補腎，）炒用，（亦可代茶，）刺蒺藜三角有刺，去刺酒拌蒸，功用略同，（風家宜刺蒺藜，補腎則沙苑者爲優，）

和漢三才圖會曰 神仙方云，蒺藜子爲末，每服二錢，新汲水調下，日三服，勿令間斷，服至一年，冬不寒，夏不熱，二
年老者復少，髮白復黑，齒落重生，輕身延年，辟穀長生，又治三十年失明眼。

■此藥性宣通，久服之，不畏冷，亦不畏熱，以烏頭爲使，■破血風，■瘡癩兼痛者，亦治之，■入肺、肝、腎三經，破惡血，

墮胎、故用於難產、或胎死不下、胎衣不下、莢藜子、貝母等分爲末、每服三錢、米湯下、須臾再服、能通血脈、故用於乳汁不出、小便有餘瀝、精漏、以此補腎、煖膀胱、有奇效、眼昏不明、以不得血故也、自得血則能視、眼病大都起於肝經血氣之凝滯、調其氣而行其血、則眼自明、七月七日、採收莢藜子、陰乾爲末、食後服方寸匕、水下、一日二度、名補肝散、治三十年之盲目、齒牙跌損、疼痛搖動者、莢藜子或根爲末、每日擦之、妊婦忌用、

處方

配合莢藜子之處方如左、

○紫草飲 治楊梅如神、

紫草 金銀花 白鮮皮 薏苡仁(各三兩) 山慈姑(一兩八錢) 白莢藜(二兩半) 土茯苓(四兩)

右水煎服、痛加乳香、沒藥、

○療卒中、五種腹痛、脹急不得氣息、上衝心胸、旁攻兩脅、牽引腰脊者、

莢藜子一味爲末、蜜和丸服、

用法

有刺者、炒焦、去刺用、

用量

五分至錢半、

白丁香

異名 青丹 雀蘇 雄雀屎

基本 係屬鳴禽類雀 *Passer montanus, L.* 之糞。

成分 白丁香之主成分、恐係含淡有機物之尿酸、安母尼亞、及磷酸鹽類等、其他尙未詳悉。

效能 治疝氣、癥瘕、積聚、脹滿、目翳、弩肉、一切腫瘍云。

■腹中諸積塊、與乾薑、桂心、艾葉各同量、爲丸服、■與天雄、乾薑各同量爲丸服、強陰、■喉痺乳蛾、白丁香二十枚、用砂糖爲丸、綿裹一丸、含嚥即效。

用法 以雄雀糞爲良、於五月收取、（或以臘月收取者爲良）研如米粉、用甘草湯煎之、晒乾用。

牛蒡根 *Burdock-root* (英)

異名 茄根

基本 此即屬於菊科牛蒡之根、須經過兩年以上、始入藥用、每於陰曆十月採掘、水洗、切斷、晒乾收藏。

牛蒡爲二年生草本、多自生山中、菜園亦栽種之、莖高自二三尺至四五尺、葉巨大、作心臟形、前端尖、背生白毛、密布如棉、且甚粗糙、有長葉柄、初夏之交、梢頭開帶紫色似筒之花、排列爲頭狀花序、其總苞簇生細小之鱗片、果實爲瘦果、短而有鉤、易附他物、根多直而肥、長可一二尺、周圍六七寸、根皮外帶黑而內似白、堪作蔬菜食。

形態 爲紡錘狀之直根、橫斷用之、皮部色灰褐、有皺襞、內面色黃白、味稍苦、性粘滑、

成分 有植物粘液質、糖分、單寧酸、苦味質、及伊努林等、

牛蒡根多纖維質、供食用、難消化、以生根分析之、得水分七三・九二、蛋白質三・二〇、脂肪〇・一三、炭水化物二〇・六一、纖維一・九四、炭分〇・八二、

效能 用以治脚氣、中風、疥癬諸症、

【能】 甘平、無毒、去五臟惡氣、治手足不健、並治中風、脚氣、咳嗽、疝氣、通經脈、根主牙齒痛、勞瘡、諸風、脚弱、風毒、癰疽、咳嗽、傷肺、肺壅、冷氣積血、

【單方】 脚氣衝心、牛蒡根浸酒服、齒齲腫痛、牛蒡根搗碎、絞汁、入鹽少許、塗齒齲、大和本草曰、養老書云、老人中風、牛蒡根、乾爲末一升、白米四合、磨粉、豆豉汁合煮、加葱椒、空心食、有效、

用量 七分至二錢、

雜纂 城西隱士顯祕錄、載其先人梧陰禩記云、昔高原侯侍臣名佐久間、文次者、家有僕某、一旦手指腫、聽之、漸及腕、且痛甚、佐久間見之大驚、立命藩醫治、藩醫斷之爲脫疽、治之無寸效、僕偶奉主命赴某家、某家有老嫗、見僕手指腫、甚憫之、語之曰、生牛蒡葉搗爛、加食鹽、米糊和貼患處、數日即愈也、僕喜甚、歸邸後、隨購牛蒡葉、如嫗言試之、無何、痛漸減、腫亦消、三日而全愈、此係伊澤磐安所說、前輩柏軒聞其驗如此、爰筆之於書、即遇四肢關節焮痛、用之亦能

消散、冬日無葉、則如方書所云、以根代之、惟根之效力弱於葉、乃依肘後方、以牛蒡葉製膏、收貯備用、會又有老婦患頭痛、諸醫皆束手、訴諸隱士、隱士給此膏少許、令搽之、俄而頭痛愈、厥後施諸風頭痛、梅毒頭痛、歷節風等、靡不驗、隱士自愧學淺、未嘗知牛蒡葉之來歷、獨是方既驗、不敢祕、公諸同好、是其願也、

白花蛇

異名 黔蛇 勒蛇 囊鼻蛇

基本 日本產者未詳、本草綱目所載如左、

白花蛇狀、龍頭虎口、黑質白花、脇有二十四個方勝文、腹有念珠斑、口有四長牙、尾上有一佛指甲、長一二分、腸形如連珠、多在石南藤上、食其花葉、人以此尋獲、先撒沙土一把、則蟻不動、以叉取之、用繩懸起、劊刀破腹、去腸物、則反尾、洗滌其腹、以竹支定、屈曲盤起、繫縛炕乾、凡蛇死目皆閉、惟出於衢州白花蛇、雖乾枯而目開不陷、故以勒蛇擅名、諸蛇鼻向下、獨此鼻向上、背有花文、以此得名、喜螫人足、入入室作爛瓜氣、不可嚮之、須速辟除、

效能 肉甘鹹温、有毒、爲風藥、速于諸蛇、(頭尾各一尺、有大毒、祇用中段、乾者以酒浸去皮肉、其骨刺須遠棄之、傷人、其毒與生者同、)

■治中風濕痺、用於筋脈拘急、口喎、半身不遂、■治脚弱不能立、■止骨節痛、■治小兒急驚風、■小兒痘瘡黑陷、

用白花蛇連骨共炙三錢、丁香七枚、爲末、用酒水服下、

處方

配合白花蛇之處方如左、

○白蛇散 治九漏、癰癤、增寒發熱、或痛或不痛、

白花蛇(二兩) 青皮 黑牽牛(各一錢) 生犀角(五分)

右爲末、每一錢、入膩粉(輕粉)五分研、

用量

二錢至五錢、

豨薟

異名

火猷 希仙 希賢 狗膏 虎膏 虎姦 類鼻 白花菜 羊屎菜 粘糊菜 豬爲菘 豬膏母 蟾

豨衿

基本

豨薟亦屬於菊科、入藥用其嫩葉、

豨薟爲一年生草本、山野多有之、春日生苗、至夏莖高二三尺、大者達五六尺、莖方有茸毛、葉爲卵形、前端尖、邊緣有粗鋸齒、自其底部出三大葉脈、色淺綠、質柔軟而薄、有茸毛如莖、皆對生、入秋、枝梢開小黃花、排列爲頭狀花序、在花序之周圍者、爲舌狀花冠、在中央者、爲筒狀花冠、花下有苞五瓣、皆狹長如匙、亦生有茸毛、花後結瘦果、果

有粘液腺、具一種臭氣、善附著他物以傳播其種子、

效能 中醫以治風濕、中風、瘡瘍諸症、

【能】 苦辛、生寒熟溫、治肝腎風氣、四肢麻痺、筋骨冷痛、腰膝無力、風濕瘡瘍、若痺痛由脾腎兩虛、血分不足、非由風濕而得者、忌服。○江東呼豬爲猪、其草似豬而蕒臭（氣味辛苦爲蕒）故名、素莖直稜、兼有斑點、節葉相對、背有細毛、花色黃、以五月五日、六月六日、九月九日採者爲最佳、去粗莖、留枝葉花實、酒拌、蒸晒九次、蜜丸、甚益元氣、（豬蕒辛苦氣寒、故必蒸晒九次、和以酒蜜、則苦寒之陰濁盡去、而清香之美味見矣、數不至九、陰濁未盡、則不能透骨搜風而卻病也、）搗汁熬膏、以甘草、生地煎膏、煉蜜、三味收之、酒調服、尤妙、（唐成訥、宋張詠、並表進於朝、極言其效、）

■入足厥陰（肝）少陰（腎）兩經、腰者、腎之腑也、此藥入腎、故用於腰膝無力、■去肝腎二藏之風濕、故用於四肢麻痺、■肝主筋、腎主骨、此藥入肝與腎、故能補筋骨之弱、■犬鼠或蜘蛛咬傷、搗豬蕒葉傅、■豬蕒丸、能益元氣、去肝腎風氣、治手足麻痺、濕煖骨節間冷、補腰膝無力、又善行大腸之氣、生毛髮、安五藏、製丸法、以五月五日、六月六日、九月九日採葉、洗淨、晒乾、入甌、與酒蜜同蒸、取出晒乾、如此九蒸九晒、氣味極爲香美、然後研末、搗歸蜜丸服、一說蜜丸、梧子大、空心溫酒或米飲服、二、三十九服、至五千九、中風斷根、愈、■癰疽、發背、疔瘡、腫毒、五月五日、採豬蕒葉晒乾、爲末、每服半兩、熱酒下、汗出愈、奇方也、一方、豬蕒一兩、乳香一兩、枯礬半兩、爲末、每服二錢、熱酒下、重者連

進三服、汗出、消散、反胃、吐逆、豨薺葉、焙研末、蜜丸、梧子大、每服五十九、沸湯下、生者、性寒有毒、熟則性溫無毒、

處方 配合豨薺之處方如左、

○豨薺丸 治中風、口眼喎邪、時吐涎沫、語言蹇澀、手足軟弱、

豨薺草（一名水故草）

右五月五日、六月六日收採、洗去土、摘其葉、不拘多少、九蒸九晒、每蒸用酒蜜水灑之、蒸一飯久、晒乾、與末煉蜜、圓如梧子大、唐成訥進豨薺丸方、表略云、臣有弟誼、年二十一、中風、伏枕五年、百醫不瘳、有道人鍾針授此方、依法修合、令訖服之、至二千九、所患愈、至四千九、即得平復、

○療癱風方

豨薺葉 酸醬葉（各等分） 硫黃（一錢） 輕粉（五分）

右四味、先搗豨薺、酸醬、次末輕粉、硫黃合搗、盛絹袋、擦癱處、日三度、

用法 採摘嫩葉、酒蒸九次、晒乾用、

用量 五分至錢半、

烏歙莓

異名 赤葛（何首烏亦一名赤葛） 龍葛 龍草 五爪龍 五葉蔦 五潑藤

基本 係屬葡萄科烏蘇母 *Cissus Japonica*, Wild 之根、

烏蘇母為山野自生之多年生蔓草、其莖每節有卷鬚、纏繞他種草木、輒妨礙其生長、故日本呼為「藪枯」、一葉互生、為五個掌狀複葉、夏月於枝梢開黃綠色四瓣小花、作聚繖花序排列、後結圓實、略與南天燭實同大、初綠色、成熟則變黑色、根為黃白色、長一二尺、其粗如指、搗之有汁、

效能 根搗汁、用貼癰腫、

【能】 酸苦寒、治癰腫、癩瘡、蟲咬、搗根傅之、又一切腫毒、並用五葉蔦一握、生薑一塊、搗爛、入好酒一盃、絞汁、熱服取汗、以渣傅之即散、或用大蘇代薑亦可、